



a. lat. a
~~586 m~~

1202

Ovidius

Phot. Macken

<36609315470016

<36609315470016

Bayer. Staatsbibliothek

P U B L I I
Ovidii Nasonis
Metamorphoseon,
S I V E
Transformationum
L I B R I XV.



EDINBURGI:
Ex Officina Jacobi Watson Typographi,
prostant venales ad Signum rubri Leonis
ex adverso Luckenbooths. MDCCXIII.



P. OVIDII NASONIS METAMORPHOSEON

LIBER I.

IN nova fert animus mutatas dicere formas
Corpora. Di coeptis (nam vos mutastis & illas)
Aspirate meis. Primaque ab origine mundi
Ad mea perpetuum deducite tempora carmen.
1. Ante mare & terras, & quod tegit omnia, coelum,
Unus erat toto naturæ vultus in orbe,
Quem dixêre Chaos, rudis, indigestaque moles ;
Nec quicquam, nisi pondus iners, congestaque eodem
Non bene junctarum discordia semina rerum.
Nullus adhuc mundo præbebat lumina Titan,
Nec nova crescendo reparabat cornua Phœbe,
Nec circumfuso pendebat in aëre tellus,
Ponderibus librata suis: nec brachia longo
Margine terrarum porrexerat Amphitrite.
Quaque erat & tellus, illic & pontus, & æther.
Sic erat instabilis tellus, innabilis unda,
Lucis egens aër: nulli sua forma manebat:
Obstabatque aliis aliud: quia corpore in uno
Frigida pugnabant calidis, humentia ficcis,
Mollia cum duris, sine pondere habentia pondus.
Hanc Deus, & melior litem natura diremit.
Nam coelo terras, & terris abscidit undas:
Et liquidum spisso secrevit ab aëre coelum.

Quæ postquam evoluit, cœcoque exemit acervo,
 Dissociata locis concordî pace ligavit.
 Ignea convexi vis & sine pondere cœli
 Emicuit, summaque locum sibi legit in arce.
 Proximus est aër illi levitate, locoque ;
 Densior his tellus, elementaque grandia traxit ;
 Et pressa est gravitate sui : circumfluit humor
 Ultima possedit, solidumque coercuit orbem.

2. Sic ubi dispositam, quisquis fuit ille Deorum,
 Congeriem secuit, sectamque in membra redegit ;
 Principio terram, ne non æqualis ab omni
 Parte foret, magni speciem glomeravit in orbis.
 Tum freta diffudit, rapidisque tumescere ventis
 Jussit, & ambicæ circundare littora terræ.
 Addidit, & fontes, immensaque stagna lacusque,
 Fluminaque obliquis cinxit declivia ripis ;
 Quæ diversa locis, partim sorbentur ab ipsa ;
 In mare perveniunt partim, campoque recepta,
 Liberioris aquæ, pro ripis littora pulsant.
 Jussit & extendi campos, subsidere valles,
 Fronde regi sylvas, lapidosos surgere montes.
 Utque dux dextra cœlum, totidemque sinistra
 Parte secant Zonæ, quinta est ardentior illis ;
 Sic onus inclusum numero distinxit eodem
 Cura Dei, totidemque plagæ tellure premuntur ;
 Quarum quæ medio, non est habitabilis æstu.
 Nix tegit alta duas. Toridem inter utramq; locavit ;
 Temperiemque dedit, mixta cum frigore flamma.
 Imminet his aër. Qui quanto pondere terræ,
 Pondere aquæ levior ; tanto est onerosior igne.
 Illic & nebulas, illic consistere nubes
 Jussit, & humanas motura tonitrua mentes,
 Et cum fulminibus facientes frigora ventos.
 His quoque non passim mundi fabricator habendum
 Aëra permisit. Vix nunc obstititur illis,

Cum sua quisque regant diverso flamina tractu,
 Quin lanient mundum tanta est discordia fratrum.
 Eurus ad Auroram, Nabathæaque regna recessit,
 Perfidaque; & radiis juga subdita matutinis.
 Vesper, & occiduo quæ littora sole tepescunt,
 Proxima sunt Zephyro. Scythiam septemq; triones
 Horrifer invasit Boreas. Contraria tellus
 Nubibus assiduus, pluvioque madescit ab Austro.
 Hæc super imposuit liquidum & gravitate carentem
 Æthera, nec quicquam terrenæ facis habentem.
 Vix ita limitibus dissepserat omnia certis;
 Cum, quæ pressa diu massa latuere sub ipsa,
 Sidera cœperunt toto fervescere cœlo.
 Neu regio foret ulla suis animantibus orba;
 Astra tenent cœleste solum, formæque deorum;
 Cesserunt nitidis habitandæ piscibus undæ;
 Terra feras cepit, volucres agitabilis aër.
 Sanctius his animal, mentisque capacius altæ
 Deerat adhuc, & quod dominari in cætera posset;
 Natus homo est, five hunc divino semine fecit
 Ille opifex rerum, mundi melioris origo;
 Sive recens tellus, seductaque nuper ab alto
 Æthere, cognati retinebat semina cœli.
 Quam iatus Iapeto, mistam fluvialibus undis,
 Finxit in effigiem moderantum cuncta Deorum.
 Pronaque cum spectent animalia cætera terram;
 Os homini sublime dedit. Cœlumque videre
 Iussit, & erectos ad sidera tollere vultus.
 Sic modo, quæ fuerat rudis, & sine imagine, tellus,
 Induit ignotas hominum conversa figuras.

3. Aurea prima fata est ætas, quæ, vindice nullo,
 Sponte sua, sine lege fidem rectumque colebat.
 Poena metusque aberant. Nec verba minacia fixo
 Ære ligabamur, nec supplex turba timebant
 Iudicis ora sui. Sed erant sine iudice tuti.

Nondum cæsa suis, peregrinum ut viseret orbem,
 Montibus, in liquidas pinus descenderat undas :
 Nullaque mortales, præter sua littora, norant.
 Nondum præcipites cingebant oppida fossæ :
 Non tuba directi, non æris cornua flexi,
 Non galeæ, non ensis erant, sine militis usu
 Mollia securæ peragebant otia mentes,
 Ipsa quoque immunis, rastroke intacta, nec ullis
 Saucia vomeribus, per se dabat omnia tellus :
 Contentique cibus nullo cogente creatis,
 Arbuteos scetus, montanaque fraga legebant,
 Cornaque, & in duris hærentia mora rubetis,
 Et quæ deciderant patula Jovis arbore glandes.
 Ver erat æternum, placidique repentibus a uri
 Mulcebant Zephyri natos sine semine flores.
 Mox etiam fruges tellus inarata ferebat :
 Nec renovatus ager gravidis canebat aristis.
 Flumina jam lactis, jam flumina nectaris ibant :
 Flavaque de viridi stillabant ilice mella.

4. Postquam Saturno tenebrosa in Tartara misso,
 Sub Jove mundus erat ; subiit argentea proles,
 Auro deterior, fulvo preciosior ære.
 Jupiter antiqui contraxit tempora veris,
 Perque hyemes, æstusque, & inæquales autumnos,
 Et breve ver, spatiis exegit quatuor annum.
 Tum primum siccis aër fervoribus ustus
 Canduit : & ventis glacies adstricta pependit.
 Tum primum subiêre domus. Domus antra fuere,
 Et densi frutices, & vinctæ cortice virgæ.
 Semina tum primum longis Cerealia sulcis
 Obruta sunt, pressique jugo gemuêre juvenci.
 Tertia post illas successit aenea proles,
 Sævior ingeniis, & ad horrida promptior arma ;
 Nec scelerata tamen. De duro est ultima ferro.
 Protinus irrupit venæ pejoris in ævum

Omne nefas. Fugère pudor, verumque, fidesque:
 In quorum subiêre locum fraudesque, dolique,
 Infidiæque, & vis, & amor sceleratus habendi.
 Vela dabat ventis, nec adhuc bene noverat illos,
 Navita : quæque diu steterant in montibus altis;
 Fluctibus ignotis exsultavêre carinæ.
 Communemque prius, ceu lumina Solis & auras,
 Cautus humum longo signavit limite mensor.
 Nec tantum segetes alimenta que mitia dives
 Poscebatur humus ; sed itum est in viscera terræ :
 Quasque recondiderat, Stygiisque admoverat umbris,
 Effodiuntur opes, irritamenta malorum.
 Jamque nocens ferrum, ferroque nocentius aurum
 Prodierat. Prodit bellum, quod pugnat utroque,
 Sanguineaque manu crepitantia concutit arma.
 Vivitur ex rapto. Non hospes ab hospite tutus,
 Non focer à genero : fratrum quoque gratia rara est.
 Imminet exitio vir conjugis, illa mariti :
 Lurida terribiles miscent aconita novercæ :
 Filius ante diem patrios inquirat in annos.
 Victa jacet pietas. Et virgo cæde madentes
 Ultima cœlestium terras Astræa reliquit.

5. Neve foret terris securior arduus æther ;
 Affectasse ferunt regnum cœleste Gigantas :
 Altaque congestos struxisse ad fidera montes.
 Tum pater omnipotens misso perfregit Olympum
 Fulmine, & excussit subjecto Pelion Offæ.
 Obruta mole sua cum corpora dira jacerent ;
 Perfusam merito natorum sanguine terram
 Immaduisse ferunt, calidumque animasse cruorem :
 Et, ne nulla teræ stirpis monumenta manerent,
 In faciem vertisse hominum. Sed & illa propago
 Contemptrix superum, sævæque avidissima cædis,
 Et violenta fuit. Scires e sanguine natos.

6. Quæ pater ut summa vidit Saturnius arce ;

Ingemit, & facto nondum vulgata recenti
Fœda Lycaoniæ referens convivia mensæ,
Ingentes animo & dignas Jove concipit iras,
Conciliumq; vocat. Tenuit mora nulla vocatos.
Est via sublimis cœlo manifesta sereno,
Lactea nomen habet; candore notabilis ipso.
Hac iter est superis ad magni tecta Tonantis.
Regalemque domum. Dextra lævaque deorum
Atria nobilium valvis celebrantur apertis:
Plebs habitat diversa locis. A fronte potentes
Cœlicolæ, clarique suos posuere Penates.
Hic locus est; quem, si verbis audacia detur,
Haud timeam magni dixisse Palatia cœli.
Ergo ubi marmoreo Superi sedere recessu;
Celsior ipse loco, sceptroque innixus eburno,
Terrificam capitis concussit terque quaterque
Cæsariem; cum qua terram, mare, sidera, movit.
Talibus inde modis ora indignantia solvit;
Non ego pro mundi regno magis anxius illa
Tempestate fui, qua centum quisque parabat
Injicere anguipedum captivo brachia cœlo.
Nam, quamquam ferus hostis erat, tamen illud ab uno
Corpore, & ex unâ pendebat origine bellum.
Nunc mihi, qua totum Nereus circumtonat orbem,
Perdendum mortale genus. Per flumina juro
Infera, sub terras Stygio labentia luco.
Cuncta prius tentanda: sed immedicabile vulnus
Ense recidendum; ne pars sincera trahatur.
Sunt mihi Semidei, sunt rustica numina Nymphæ,
Faunique Satyrique, & monticolæ Silvani:
Quos quoniam cœli nondum dignamur honore,
Quas dedimus, certe terras habitare sinamus.
An satis, ô superi, tutos fore creditis illos,
Cum mihi, qui sulmen, qui vos habeoque, regoque,
Struxerit insidias notus feritate Lycaon?

Confremuere omnes : studiisque ardentibus ausum
Talia deponcunt. Sic, cum manus impia sævit
Sanguine Cæsareo Romanum extinguere nomen ;
Attonitum tanto subitæ terrore ruinæ
Humanum genus est, totusque perhorruit orbis.
Nec tibi grata minus pietas, Auguste, tuorum,
Quam fuit illa Jovi. Qui postquam voce, manuque,
Murmura compressit ; tenuere silentia cuncti.
Substitit ut clamor pressus gravitate regentis ;
Jupiter hoc iterum sermone silentia rupit :
Ille quidem pœnas (curam dimitte) solvit ;
Quod tamen admissum, quæ sit vindicta, docebo,
Contigerat nostras infamia temporis aures :
Quam cupiens fallam, summo delabor Olympo,
Et Deus humana lustris sub imagine terras.
Longa mora est, quantum noxæ sit ubique repertum,
Enumerare. Minor fuit ipsa infamia vero.
Mœnala transieram latebris horrenda ferarum,
Et cum Cylleno gelidi pineta Lycei.
Arcados hinc sedes, & inhospita tecta tyranni
Ingredior, traherent cum fera crepuscula noctem.
Signa dedi venisse Deum, vulgusque precari
Cœperat. Irridet primo pia vota Lycaon.
Mox ait, Experiar, Deus hic, discrimine aperto,
An sit mortalis : nec erit dubitabile verum.
Nocte gravem somno nec opina perdere morte
Me parat. Hæc illi placet experientia veri.
Nec contentus eo, missi de gente Molossa
Obsidis unius jugulum mucrone resolvit :
Atque ita semineces partim ferventibus artus
Mollit aquis, partim subjecto torruit igni.
Quos simul imposuit mensis ; ego vindice flamma
In domino dignos everti tecta Penates.
Territus ipse iugit ; nactusque silentia ruris
Exululat, frustra loqui conatur. Ab ipso

Colligit os rabiem, solitæque cupidine cædis
Vertitur in pecudes : & nunc quoque sanguine gaudet.
In villos abeunt vestes, in crura lacerti.
Fit lupus, & veteris servat vestigia formæ.
Canities eadem est, eadem violentia vultus :
Iidem oculi lucent : eadem feritatis imago.

7. Occidit una domus : sed non domus una perire
Digna fuit. Qua terra patet, fera regnat Erinnyes.
In facinus jurasse putes. Dent ocyus omnes
Quas meruere pati (sic stat sententia) poenas.
Dicta Jovis pars voce probant, stimulosque frementi
Adjiciunt : alii partes assensibus implent.
Est tamen humani generis jactura dolori
Omnibus : & quæ sit terræ mortalibus orbæ
Forma futura rogant : quis sit laturus in aras
Thura ; ferisne paret populandas tradere gentes ?
Talia quærentes (sibi enim fore cætera curæ)
Rex superum trepidare vetat ; sobolemque priori
Dissimilem populo promittit origine mira.
Jamque erat in totas sparsurus fulmina terras ;
Sed timuit, ne forte sacer tot ab ignibus æther
Conciperet flammæ, longusque ardesceret axis.
Esse quoque in fati reminiscitur, affore tempus,
Quo mare, quo tellus, correptaque regia cœli
Ardeat ; & mundi moles operosa laboret.
Tela reponuntur manibus fabricata Cyclopum.
Pœna placet diversa : genus mortale sub undis
Perdere, & ex omni nimbos dimittere cœlo.
Protinus Æoliis Aquilonem claudit in antris,
Et quæcunque fugant inductas flamina nubes :
Emittitque Notum. Madidis Notus evolat alis ;
Terribilem picea rectus caligine vultum.
Barba gravis nimbis ; canis fluit unda capillis :
Fronte sedent nebulae : rorant pennæque, sinusque ;
Utque manu lata pendentia nubila pressit,

Fit fragor : hinc densi funduntur ab æthere nimbi.
Nuncia Junonis varios induta colores
Concipit Iris aquas, alimentaque nubibus affert.
Sternuntur segetes, & deplorata colonis
Vota jacent ; longique labor perit irritus anni.
Nec cœlo contenta suo Jovis ira : sed illum
Cæruleus frater juvat auxiliaribus undis.
Convocat hic amnes. Qui postquam tecta tyranni
Intravère sui, Non est hortamine longo
Nunc, ait, utendum : vires effundite vestras.
Sic opus est : aperite domos ; ac mole remota
Fluminibus vestris totas immittite habenas.
Jusserat : hi redeunt, ac fontibus ora relaxant,
Et defrænato volvuntur in æquora cursu.
Ipse tridente suo terram percussit. At illa
Intremuit, motuque sinus patefecit aquarum.
Exspatiata ruunt per apertos flumina campos ;
Cumque satis arbusta simul pecudesque, virosque,
Tecta que, cumque suis rapiunt penetralia sacris.
Si qua domus mansit, potuitque resistere tanto
Indisjecta malo ; culmen tamen altior hujus
Unda tegit, pressæque labant sub gurgite turres.
Jamque mare & tellus, nullum discrimen habebant.
Omnia pontus erat. Deerant quoque littora ponto.
Occupat hic collem : cymba sedet alter adunca,
Et ducit remos illic, ubi nuper ararat.
Ille super segetes, aut mersæ culmina villæ,
Navigat : hic summa piscem deprehendit in ulmo.
Figitur in viridi (sic Fors tulit,) anchora prato :
Aut subjecta terunt curvæ vineta carinæ.
Et modo quo graciles gramen carpsere capellæ,
Nunc ibi deformes ponunt sua corpora phocæ.
Mirantur sub aqua lucos, urbesque, domosque
Nereides : silvasque tenent delphines, & altis
Incurfant ramis agitataque robora pulsant.

Nat lupus inter oves, fulvos vehit unda leones :
 Unda vehit tigres. Nec vires fulminis apro,
 Crura nec ablato profunt velocia cervo.
 Quæsitisque diu terris, ubi sistere detur,
 In mare lassatis volucris vaga decidit alis.
 Obruerat tumulos immensa licentia ponti,
 Pulsarentque novi montana cacumina fluctus.
 Maxima pars unda rapitur, quibus unda pepercit,
 Illos longa domant inopi jejunia victu.
 Separat Aonios Aetæis Phocis ab arvis,
 Terra ferax, dum terra fuit ; sed tempore in illo
 Pars maris, & latus subitarum campus aquarum :
 Mons ibi verticibus petit arduus astra duobus ;
 Nomine Parnassus, superatque cacumine nubes.
 Hic ubi Deucalion (nam cætera texerat æquor)
 Cum consorte tori parva rate vectus adhæsit ;
 Corycidas Nymphas, & numina montis adorant,
 Fatidicamque Themis, quæ tunc oracula tenebat.
 Non illo melior quisquam, nec amantior æqui
 Vir fuit, aut illa metuentior ulla Deorum.
 Jupiter ut liquidis stagnare paludibus orbem,
 Et superesse videt de tot modo millibus unum,
 Et superesse videt de tot modo millibus unam ;
 Innocuos ambos, cultores numinis ambos ;
 Nubila disjecit : nimbisque Aquilone remotis,
 Et cælo terras ostendit, & æthera terris.
 Nec maris ira manet. Positoque tricuspide telo
 Mulcet aquas rector pelagi, supraque profundum
 Existantem, atque humeros innato murice rectum
 Cæruleum Tritona vocat ; conchaque sonaci
 Inspirare jubet, fluctusque, & flumina signo
 Jam revocare dato. Cava buccina sumitur illi
 Tortilis, in latum quæ turbine crescit ab imo,
 Buccina, quæ medio concepit ut aëra ponto,
 Tota voce replet sub utroque jacentia Phœbo.

Tum quoque ut ora Dei madida rorantia barba
Contigit, & cecinit jussos inflata receptus;
Omnibus audita est telluris, & æquoris undis,
Et quibus est undis audita coërcuit omnes.
Jam mare litus habet, plenos capit alveus amnes:
Flumina subfidunt, colles exire videntur.
Surgit humus, crescunt loca decrescentibus undis:
Postque diem longam nudata cacumina silvæ
Ostendunt, limumque tenent in fronde relictum.
Redditus orbis erat: quem postquam vidit inanem,
Et desolatas agere alta silentia terras;
Deucalion lacrymis ita Pyrrham affatur obortis:
O soror, ô conjux, ô sœmina sola superstes,
Quam commune mihi genus, & patruelis origo,
Deinde torus junxit; nunc ipsa pericula jungunt:
Terrarum, quascunque vident occasus & ortus,
Nos duo turba sumus. Possedit cætera pontus,
Nunc quoque adhuc vitæ non est fiducia nostræ
Certa satis, terrent etiam nunc nubila mentem.
Quid tibi, si sine me satis erepta fuisses,
Nunc animi miseranda foret? quo sola timorem
Ferre modo posses? quo consolante dolores?
Namque ego (crede mihi) si te modo pontus haberet;
Te sequerer conjux, & me quoque pontus haberet.
O utinam possem populos reparare paternis
Artibus, atque animas formatæ infundere terræ!
Nunc genus in nobis restat mortale duobus:
(Sic visum superis) hominumque exempla manemus.
Dixerat, & flebant. Placuit cœleste precari
Numen; & auxilium per sacras quærere sortes.
Nulla mora est; adeunt pariter Cephisidas undas,
Et nondum liquidas, sed jam vada nota secantes,
Inde ubi libatos irroravêre liquores
Vestibus & capiti; flectunt vestigia sanctæ
Ad delubra Dæ: quorum fastigia turpi

Squallebant musco ; stabantque sine ignibus aræ.
Ut templi tetigêre gradus ; procumbit uterque
Pronus humi, gelidoque pavens dedit oscula saxo :
Atque ita, Si precibus, dixerunt, numina justis
Victa remollescunt, si flectitur ira deorum ;
Dic Themî, qua generis damnum reparabile nostri
Arte sit ; & merfis fer opem, mitissima, rebus.
Mota Dea est ; fortemque dedit : Discedite templo ;
Et velate caput, cinctasque resolvite vestes :
Ossaque post tergum magnæ jactata parentis.
Obstupuêre diu : rumpitque silentia voce
Pyrrha prior ; jussisque Deæ parêre recusat.
Deique sibi veniam, pavido rogat ore : paverque
Lædere jactatis maternas ossibus umbras.
Interea repetunt cœcis obscura latebris
Verba datæ fortis secum, inter seque volutant.
Inde Promethides placidis Epimethida dictis
Mulcet, &, Aut fallax, ait, est sollertia nobis,
Aut pia sunt, nullumque nefas oracula suadent.
Magna parens terra est, lapides in corpore terræ
Ossa reor dici : jacere hos post terga jubemur.
Conjugis augurio quamquam Titania mota est ;
Spes tamen in dubio est : adeo cœlestibus ambo
Diffidunt monitis. Sed quid tentare nocebit ?
Discedunt ; velantque caput : tunicasque recingunt ;
Et jussos lapides sua post vestigia mittunt.
Saxa (quis hoc credat, nisi sit pro teste vetustas ?)
Ponere duritiem cœpere, suumque rigorem :
Molliri que mora, mollitaque ducere formam.
Mox, ubi creverunt, natura que mitior illis
Contigit ; ut quædam si non manifesta videri
Forma potest hominis ; sed uti de marmore cœpto
Non exacta satis, rudibusque simillima signis.
Quæ tamen ex illis aliquo pars humida succo,
Et terrena fuit, versa est in corporis usum.

Quod solidum, flectique nequit, mutatur in ossa :
Quæ modo vena fuit, sub eodem nomine manfit :
Jamque brevi spatio, superiorum munere, saxa
Missa viri manibus faciem traxêre virilem.
Et de scemineo reparata est scemina jactu.
Inde genus durum sumus, experiensque laborum :
Et documenta damus, qua simus origine nati.

8. Cætera diversis tellus animalia formis
Sponte sua peperit ; postquam vexus humor ab igne
Percaluit solis, cœnumque, udæque paludes
Intumuêre æstu : scœcundaque semina rerum
Vivaci nutrita solo, ceu matris in alvo
Creverunt, faciemque aliquam cœpêre morando.
Sic ubi deseruit madidos septemfluus agros
Nilus, & antiquo sua flumina reddidit alveo,
Æthereoque recens exarsit fidere limus ;
Plurima cultores versis animalia glebis
Invenium ; & in his, quædam modo cœpta per ipsum
Nascendi spatium : quædam imperfecta, suisque
Trunca vident numeris : & eodem corpore sæpe
Altera pars vivit ; rudis est pars altera tellus.
Quippe ubi temperiem sumpserè humorque calorque ;
Concipiunt : & ab his oriuntur cuncta duobus.
Cumque sit ignis aquæ pugnax ; vapor humidus omnes
Res creat, & discors concordia scœtibus apta est.
Ergo ubi diluvio tellus lutulenta recenti
Solibus æthereis altoque recanduit æstu ;
Edidit innumeras species : partimque figuras
Rettulit antiquas ; partim nova monstra creavit.
Illa quidem nollet, sed te quoque maxime Python
Tum genuit : populisque novis, incognite serpens
Terror eras. Tantum spatii de monte tenebas.
Hunc Deus arcitenens, & nunquam talibus armis
Ante, nisi in damis, capreisque fugacibus usus,
Mille gravem telis, exhausta pæne pharetra

Perdidit

Perdidit effuso per vulnera nigra veneno.
 Neve operis famam possit delere vetustas ;
 Instituit sacros celebri certamine ludos,
 Pythia perdomitæ serpentis nomine dictos.
 His juvenum quicunque manu, pedibusve, rotave
 Vicerat ; esculeæ capiebat frondis honorem.
 Nondum laurus erat ; longoque decentia crine
 Tempora cingebat de qualibet arbore Phœbus.

9. Primus amor Phœbi Daphne Peneïa ; quem non
 Fors ignara dedit ; sed sæva Cupidinis ira.
 Delius hunc nuper victa serpente superbus,
 Viderat adducto flectentem cornua nervo :
 Quidque tibi lascive puer cum fortibus armis ?
 Dixerat. Ista decent humeros gestamina nostros ;
 Qui dare certa feræ, dare vulnera possumus hosti,
 Qui modo pestifero tot jugera ventre prementem
 Stravimus innumeris tumidum Pythona sagittis.
 Tu face nescio quos esto contentus amores
 Irritare tua, nec laudes asserere nostras.
 Filius huic Veneris ; Figat tuus omnia, Phœbe,
 Te meus arcus, ait : quantoque animalia cedunt
 Cuncta Deo, tanto minor est tua gloria nostra.
 Dixit : & eliso percussis aëre pennis
 Impiger umbrosa Parnassi constitit arce,
 Eque sagittifera promsit duo tela pharetra
 Diversorum operum. Fugat hoc, facit illud amorem.
 Quod facit, auratum est, & cuspide fulget acuta :
 Quod fugat obtutum est, & habet sub arundine plum-
 Hoc Deus in Nympha Peneïde fixit ; at illo (bum.
 Læsit Apollineas trajecta per ossa medullas.
 Protinus alter amat ; fugit altera nomen amantis,
 Sylvarum latebris captivarumque ferarum
 Exuviis gaudens, innuptæque æmula Phœbes.
 Vittæ coërcebat positos sine lege capillos.
 Multi illam petiëre : illa averfata petentes,
 Impatiens

Impatiens experſque viri, nemorum avia luſtrat :
Nec quid Hymen, quid amor, quid ſint connubia curat.
Sæpe pater dixit : Generum mihi filia debes :
Sæpe pater dixit ; Debes mihi, nata, nepotes.
Illa velut crimen tædas exoſa jugales,
Pulchra verecundo ſuffunditur ora rubore,
Inque patris blandis hærens cervice lacertis,
Da mihi perpetua, genitor cariffime, dixit,
Virginitate frui : dedit hoc pater ante Dianæ.
Ille quidem obſequitur : ſed te decor iſte, quod optas,
Eſſe vetat ; votoque tuo tua forma repugnat.
Phœbus amat ; viſæque cupit connubia Daphnes :
Quodque cupit, ſperat : ſuaque illum oracula fallunt :
Utque leves ſtipulæ demptis adolentur ariftis,
Ut ſacibus ſepes ardent, quas forte viator
Vel nimis admovit, vel jam ſub luce reliquit ;
Sic Deus in flammæ abiit : ſic pectore toto
Uritur, & ſterilem ſperando nutrit amorem.
Spectat inornatos collo pendere capillos.
Et, Quid ſi comantur ? ait. Videt igne micantes
Sideribus ſimiles oculos : videt oſcula ; quæ non
Eſt vidiffe ſatis, laudat digitosque, manuſque,
Brachiaque, & nudos media plus parte lacertos :
Si qua latent, meliora putat. Fugit ocior aura
Illa levi : neque ad hæc revocantis verba reſiſtit ;
Nympſa præcor Penei mane : non inſequor hoſtis.
Nympſa mane. Sic agna lupum, ſic cerva leonem,
Sic aquilam penna fugiunt trepidante columbæ ;
Hoſtes, quæque ſuos. Amor eſt mihi cauſa ſequendi.
Me miſerum, ne prona cadas, indignave lædi
Crura ſecent ſentes ; & ſim tibi cauſa doloris.
Alpera qua properas loca ſunt. Moderatius oro
Curre, ſugamque inſibe : moderatius inſequar ipſe
Cui placeas, inquire tamen. Non incola montis,
Non ego ſum paſtor : non hic armenta, gregesve

Horridus observo. Nescis, temeraria, nescis
Quem fugias: ideoque fugis. Mibi Delphica tellus,
Et Claros, & Tenedos, Pataraëaque regia servit.
Jupiter est genitor. Per me quod eritque, fuitque,
Estque, patet: per me concordant carmina nervis.
Certa quidem nostra est: nostra tamen una sagitta
Certior, in vacuo quæ vulnera pectore fecit.
Inventum medicina meum est; opiferque per orbem
Dicor; & herbarum subjecta potentia nobis.
Hei mihi, quod nullis amor est medicabilis herbis;
Nec profunt domino, quæ profunt omnibus, artes!
Plura locuturum timido Peneïa cursu
Fugit, cumque ipso verba imperfecta reliquit.
Tunc quoque visa decens. Nudabant corpora venti,
Obviaque adversas vibrabant flamina vestes,
Et levis impexos retro dabat aura capillos.
Auctaque forma fuga est: sed enim non sustinet ultra
Perdere blanditias juvenis Deus: utque movebat
Ipse amor, admissio sequitur vestigia passim.
Ut canis in vacuo leporem cum Gallicus arvo
Vidit; & hic prædam pedibus petit, ille salutem:
Alter inhæfuro similis, jam jamque tenere
Sperat & extento stringit vestigia rostro;
Alter in ambiguo est, an sit comprehensus, & ipsis
Morsibus eripitur, tangentiæque ora relinquit:
Sic Deus, & virgo est. Hic spe celer, illa timore.
Qui tamen insequitur, pennis adjutus Amoris,
Ocior est, requiemque negat: tergoque fugacis
Imminet; & crinem sparsum cervicibus afflat.
Viribus absumptis expalluit illa; citæque
Victa labore fugæ, spectans Peneïdas undas,
Fer pater, inquit, opem; si flumina numen habetis.
Qua nimium placui, tellus, aut hisce; vel istam,
Quæ facit ut lædar, mutando perde figuram.
Vix prece finita, torpor gravis occupat artus:

Mollia cinguntur tenui præcordia libro :

In frondem crines, in ramos brachia crescunt :

Pes modo tam velox pigris radicibus hæret :

Ora cacumen obit. Remanet nitor unus in illa.

Hanc quoque Phœbus amat. Positaq; in stipite dextra

Sentit adhuc trepidare novo sub cortice pectus.

Complexusque suis ramos, ut membra, lacertis,

Oscula dat ligno : refugit tamen oscula lignum.

Cui Deus, At conjux quoniam mea non potes esse ;

Arbor eris certe, dixit, mea. Semper habebunt

Te coma, te citharæ, te nostræ, laure, pharetræ.

Tu ducibus Latiis aderis, cum læta triumphum

Vox canet ; & longas ducent Capitolia pompas.

Postibus Augustis eadem fidissima custos,

Ante fores stabis : mediamque tuebere quercum.

Utque meum intonsis caput est juvenile capillis ;

Tu quoque perpetuos semper gere frondis honores.

Finierat Pæan. Factis modo laurea ramis

Annuic : utque caput, visa est agitasse cacumen.

10. Est nemus Æmonia, prærupta quod undique
(claudit

Silva, vocant Tempe : per quæ Penæus ab imo

Effusus Pindo spumosis volvitur undis :

Dejectuque gravi tenues agitantia fumos

Nubila conducit, summisque aspergine silvis

Impluit ; & sonitu plus quam vicina fatigat,

Hæc domus, hæc sedes, hæc sunt penetralia magni

Amnis. In his residens facto de cautibus antro,

Undis jura dabat, Nymphisque colentibus undas.

Conveniunt illuc popularia flumina primum ;

Nescia gratentur, consolenturne parentem,

Populifer Sperchios, & irrequietus Enipeus,

Apidanusque senex, lenisque Amphryfos, & Æas.

Moxque amnes alii, qui, qua tulit impetus illos,

In mare deducunt tessas erroribus undas.

Inachus

Inachus unus abest, imoque reconditus antro
 Fletibus auger aquas: natamque miserrimus Io
 Luget, ut amissam; nescit vitæ fruat,ur,
 An sit apud manes. Sed quam non invenit usquam
 Esse putat nusquam, atque animo pejora veretur.
 Viderat à patrio redeuntem Jupiter Io
 Flumine: & ô virgo Jove digna, tuoque beatum
 Nescio quem factura toro, Pete dixerat umbras,
 Altorum nemorum, & nemorum monstraverat umbras.
 Dum calet, & medio sol est altissimus orbe.
 Quod si sola times latebras intrare ferarum;
 Præside tuta Deo nemorum secreta subibis:
 Nec de plebe deo; sed qui cœlestia magna
 Sceptra manu teneo; sed qui vaga fulmina mitto.
 Ne fuge me (fugiebat enim) jam pascua Lernæ,
 Consitaque arboribus Lyrœa reliquerat arva;
 Cum Deus inducta latas caligine terras
 Occuluit, tenuitque fugam, rapuitq; pudorem.
 Interea medios Juno despexit in agros:
 Et noctis faciem nebulas fecisse volucres
 Sub nitido mirata die; non fluminis illas
 Esse, nec humenti sensit tellure remitti:
 Atque suus conjux ubi sit circumspicit; ut quæ
 Deprensi toties bene nosset furta mariti.
 Quem postquam cœlo non repperit; Aut ego fallor,
 Aut ego lædor, ait. Delapsaque ab æthere summo
 Constitit in terris, nebulasque recedere jussit.
 Conjugis adventum præsenſerat, inq; nitentem
 Inachidos vultus mutaverat ante juveneam,
 Bos quoque formosa est. Speciem Saturnia vaccæ,
 Quamquam invita probat: nec non, & cujus, & unde,
 Quove sit armento, veri quasi nescia, quærit.
 Jupiter è terra genitam mentitur, ut autor
 Desinat inquiri. Petit hanc Saturnia munus.
 Quid faciat? crudele suos addicere amores:

Non dare, suspectum. Pudor est, qui suadeat, illinc;
Hinc dissuadet amor. Victus pudor esset amore;
Sed leve si munus sociæ generisque torique
Vacca negaretur poterat non vacca videri.
Pellice donata, non protinus exuit omnem
Diva metum; timuitque Jovem, & fuit anxia furti,
Donec Aristoridæ servandam tradidit Argo.
Centum luminibus cinctum caput Argus habebat.
Inde suis vicibus capiebant bina quietem:
Cætera servabant, atque in statione manebant.
Constiterat quocumque modo; spectabat ad Io:
Ante oculos Io, quamvis aversus, habebat,
Luce finit pasci: cum sol tellure sub alta est;
Claudit, & indigno circundat vincula collo:
Frondebis arboreis, & amara pascitur herba:
Proque toro, terræ non semper gramen habenti,
Incubat infelix; limosaque flumina potat.
Illa etiam supplex Argo cum brachia vellet
Tendere; non habuit, quæ brachia tenderet Argo:
Conatoque queri, mugitus edidit ore:
Pertimuitque sonos propriaque exterrita voce est.
Venit & ad ripas, ubi ludere sæpe solebat,
Inachidas ripas novaque ut conspexit in unda
Cornua, pertimuit, seque externata refugit.
Naiades ignorant, ignorat & Inachus ipse,
Quæ sit. At illa patrem sequitur, sequiturque sorores:
Ec patitur tangi, seque admirantibus offert.
Decerptas senior porrexerat Inachus herbas;
Illa manus lambit, patriisque dat oscula palmis;
Nec retinet lacrymas. Et, si modo verba sequantur,
Oret opem, nomenque suum, casusque loquatur.
Littera pro verbis, quam pes in pulvere duxit,
Corporis indicium mutati triste peregit.
Me miserum! exclamat pater Inachus, inque gementis
Cornibus, & niveæ pendens cervicæ juvencæ;

Me miserum ! ingeminat : tune es quæsitæ per omnes
 Nata mihi terras ? Tu non inventa reperta
 Luctus eras levior. Retices : nec mutua nostris
 Dicta refers. Alto tantum suspiria ducis
 Pectore : quodque unum potes, ad mea verba remugis
 At tibi ego ignarus thalamos, tædasque parabam :
 Spesque fuit generi mihi prima, secunda nepotum :
 De grege nunc tibi vir, nunc de grege natus habendus
 Nec finire licet tantos mihi morte dolores :
 Sed nocet esse Deum. Præclusaque janua leti,
 Æternum nostros luctus extendit in ævum.
 Talia mœrenti stellatus summovet Argus :
 Ereptamque patri diversa in pascua natam
 Abstrahit. Ipse procul montis sublimis cacumen
 Occupat. Unde sedens partes speculatur in omnes.

II. Nec superûm rector mala tanta Phoronidos ultra
 Ferre potest. Natumque vocat, quem lucida partu
 Pleïas enixa est, letoque det, imperat, Argum.
 Parva mora est, alas pedibus, virgamque potenti
 Somniferam sumpsisse manu, tegimenque capillis.
 Hæc ubi disposuit, patria Jove natus ab arce
 Defilic in terras. Illic tegimenque removit,
 Et posuit pennas : tantummodo virga retenta est.
 Hac agit, ut pastor, per devia rura capellas,
 Dum venit, adductas & structis cantat avenis.
 Voce novæ captus custos Junonius artis,
 Quisquis es, hoc poteris mecum confidere saxo,
 Argus ait : neque enim pecori fecundior ullo
 Herba loco est, aptamque vides pastoribus umbram.
 Vixit Atlantides, & euntem multa loquendo
 Retinuit fermone diem : junctisque canendo
 Incere arundinibus servantia lumina tentat.
 Ille tamen pugnat molles evincere somnos :
 Et quamvis sopor est oculorum parte receptus ;
 Parte tamen vigilat. Quærit quoq, (namq; reperta

Fistula nuper erat) qua sit ratione reperta.

12. Tum Deus, Arcadiæ gelidis in montibus, inquit,
Inter Hamadryadas celeberrima Nonacrinas
Naias una fuit. (Nymphæ Syringa vocabant.)
Non semel & Satyros eluserat illa sequentes,
Et quoscunque Deos umbrosæ silvæ, feraxve
Rus habet. Ortygiam studiis, ipsaque colebat
Virginitate Deam. Ritu quoque cincta Dianæ
Falleret, & credi posset Latonia, si non
Corneus huic arcus, si non foret aureus illi.
Sic quoque fallebat, redeuntem colle Lyceo
Pan videt hanc, pinuque caput præcinctus acuta,
Taliam verba refert : restabat verba referre ;
Et precibus spretis fugisse per avia Nympham ;
Donec arenosi placidum Ladonis ad amnem
Venerit. Hic illam cursum impredientibus undis,
Ut se mutarent, liquidas orasse sorores :
Panaque, cum pressam sibi jam Syringa putaret,
Corpore pro Nymphæ calamos tenuisse palustres.
Dumque ibi suspirat, motos in arundine ventos
Effecisse sonum tenuem, similemque querenti :
Arte nova vocisque Deum dulcedine captum,
Hoc mihi concilium tecum, dixisse, manebit :
Atque ita disparibus calamis compagine ceræ
Inter se junctis nomen tenuisse puellæ.
Taliam dicturus, vidit Cylleneus omnes
Succubuisse oculos, adopertaque lumina somno.
Supprimit extemplo vocem : firmatque soporem
Languida permulcens medicata lumina virga.
Nec mora, falcato nutantem vulnerat ense,
Qua collo confine caput ; saxoque cruentum
Dejicit : & maculat præruptam sanguine molem.
13. Arge jaces : quodq; in tot lumina lumen habebas
Exstinctum est : centumque oculos nox occupat una.
Excipit hos, volucrisque suæ Saturnia pennis
Collocat :

Collocat ; & gemmis caudam stellantibus implet.

14. Protinus exarsit, nec tempora distulit iræ ;
 Horriferaque oculis animoque objectat Erinny
 Pellicis Argolicæ, stimulosque in pectore cæcos
 Condidit, & profugam per totum terruit orbem.
 Ultimus immenso restabas, Nile, labori.
 Quem simul ac tetigit, positisque in margine ripæ
 Procubuit genibus, resupinoque ardua collo ;
 Quos potuit solos, tollens ad sidera vultus,
 Et gemitu, & lacrymis, & luctifono mugitu
 Cum Jove visa queri, finemque orare malorum.
 Conjugis ille suæ complexus colla lacertis,
 Finiat ut pœnas tandem, rogat : Inque futurum
 Pone metus, inquit, nunquam tibi caussa doloris
 Hæc erit : & Stygias jubet hoc audire paludes.
 Ut lenita Dea est, vultus capit illa priores :
 Fitque quod ante fuit, fugiunt è corpore feræ :
 Cornua decrescunt : fit luminis arctior orbis.
 Contrahitur rictus : redeunt humerique manusque :
 Ungulaque in quinos dilapsa absumitur unguis.
 De bove nil superest, formæ nisi candor, in illa :
 Officioque pedum Nymphe contenta duorum
 Erigitur : metuitque loqui ; ne more juvencæ
 Mugiat. — Et timide verba intermissa retentat.
 Nunc Dea Linigera colitur celeberrima turba.
 Hinc Epaphus magni genitus de semine tandem
 creditur esse Jovis : perque urbes juncta parenti
 empla tenet, fuit huic animis æqualis, & annis
 sole satus Phaëthon : quem quondam magna loquen-
 (tem
 Nec sibi cedentem, Phœboque parente superbum,
 Non tulit Inachides : Matricque, ait, omnia demens
 Credis, & es tumidus genitoris imagine falsi.
 Erubuit Phaëthon, iramque pudore represit :
 Et tulit ad Clymenen Epaphi convicia matrem.

Quoque

Quoque magis doleas genitrix, ait, ille ego liber
 Ille ferox, tacui. Pudet hæc opprobria nobis
 Et dici potuisse, & non potuisse refelli.
 At tu si modo sum cœlesti stirpe creatus;
 Ede notam tanti generis: meque affere cœlo.
 Dixit, & implicuit materno brachia collo:
 Perque suum, Meropisque caput, tædasque sororum
 Traderet, oravit, veri sibi signa parentis.
 Ambiguum, Clymene precibus Phaëthontis, an ira
 Mota magis dicti sibi criminis; utraque cœlo
 Brachia porrexit: spectansque ad lumina Solis,
 Per jubar hoc, inquit, radiis insigne coruscis,
 Nate, tibi juro, quod nos auditque, videtque,
 Hoc te, quem spectas, hoc te, qui temperat orbem,
 Sole satum. Si ficta loquor, neget ipse videndum
 Se mihi: sitque oculis lux ista novissima nostris.
 Nec longus patrios labor est tibi nosse Penates.
 Unde oritur, terræ domus est contermina nostræ:
 Si modo fert animus; gradere: & scitabere ab ipso.
 Emicat extemplo lætus post talia matris
 Dicta suæ Phaëthon, & concipit æthera mente.
 Æthiopasque suos, positosque sub ignibus Indos
 Sidereis transit; patriosque adit impiger ortus,

METAMORPHOSEON LIB. II:

Regia Solis erat sublimibus alta columnis,
 Clara micante auro flammisque imitante
 Pyropo:
 ejus ebur nitidum fastigia summa tenebat:
 argenti bifores radiabant lumine valvæ.
 lateriem superabat opus. Nam Mulciber illic
 quora cælarat medias cingentia terras,

Terrarumque orbem, cœlumq; quod imminet orbi.
 Cœruleos habet unda Deos : Tritona canorum,
 Proteaque ambiguum, balænarumque prementem
 Ægæona suis immania terga lacertis,
 Doridæque, & natas quarum pars nare videntur ;
 Pars in mole sedens virides ficcare capillos ;
 Pisce vehi quædam; faciès non omnibus una,
 Nec diversa tamen, qualem decet esse sororum.
 Terra viros, urbesque gerit, silvasque, ferasque,
 Fluminaque, & nymphas, & cætera numina ruris.
 Hæc super imposita est cœli fulgentis imago,
 Signaque sex foribus dextris, totidemque finistris.
 Quo simul acclivo Clymeneia limite proles
 Venit, & intravit dubitati tecta parentis ;
 Protinus ad patrios sua fert vestigia vultus :
 Consistitque procul; neque enim propiora ferebat
 Lumina. Purpurea velatis veste sedebat
 In folio Phœbus clara lucente smaragdo.
 A dextra, lævaque Dies, & Mensis, & Annus,
 Sæculaque, & positæ spatiis æqualibus Horæ :
 Verque novum stabat cinctum florente corona :
 Stabat nuda Æstas, & spicea ferta gerebat.
 Stabat & Autumnus calcatis sordidus uvis,
 Et glacialis Hyems canos hirsura capillos.
 Inde loco medius, rerum novitate paventem
 Sol oculis juvenem, quibus aspicit omnia, vidit.
 Quæque viæ tibi causa? quid hac, ait, arce petisti,
 Progenies Phaëthon haud inficianda parenti?
 Ille refert, O lux immensi publica mundi,
 Phœbe pater, si das usum mihi nominis hujus,
 Nec falsa Clymene culpam sub imagine celat ;
 Pignora da genitor, per quæ tua vera propago
 Credar ; & hunc animis errorem detrahe nostris.
 Dixerat. At genitor circum caput omne micantes
 Deposuit radios ; propiusque accedere jussit : -

Amplexuque dato, Nec tu meus esse negari,
Dignus es; & Clymene veros, ait, edidit ortus.
Quoque minus dubites; quodvis pete munus, ut illud
Me tribuente feras. Promissis testis adesto
Dis juranda palus, oculis incognita nostris.
Vix bene defierat: currus rogat ille paternos,
Inque diem alipedum jus & moderamen equorum.
Pœnituit jurasse patrem. Qui terque quaterque
Concutiens illustre caput, Temeraria, dixit,
Vox mea facta tua est: utinam promissa liceret
Non dare; confiteor, solum hoc tibi, nate, negarem.
Dissuadere licet: non est tua tuta voluntas.
Magna petis, Phaëthon, & quæ nec viribus istis
Munera conveniant, nec tam puerilibus annis.
Sors tua mortalis: non est mortale quod optas
Plus etiam quam quod superis contingere fas sit,
Nescius affectas: placeat sibi quisque licebit;
Non tamen ignifero quisquam consistere in axe
Me valet excepto. Vasti quoque rector olympi,
Qui fera terribili jaculatur fulmina dextra;
Non agat hos currus: & quid Jove majus habemus?
Ardua prima via est; & qua vix mane recentes
Enitantur equi: medio est altissima cœlo;
Unde mare & terras ipsi mihi sæpe videre
Fit timor, & pavida trepidat formidine pectus.
Ultima prona via est; & eget moderamine certo.
Tunc etiam quæ me subjectis excipit undis,
Ne ferar in præceps, Tethys solet ipsa vereri.
Adde quod assidua rapitur vertigine cœlum;
Sideraque alta trahit, celerique volumine torquet.
Nitor in adversum: nec me, qui cætera, vincit
Impetus; & rapido contrarius evehor orbi.
Finge datos currus quid agas? poterisne rotatis
Obvius ire polis, ne te citus auferat axis?
Forfitan & lucus illic urbesque Deorum

Concipias animo, delubraque ditia donis
 Esse. Per insidias iter est formasque ferarum.
 Utque viam teneas, nulloque errore traharis,
 Per tamen adversi gradieris cornua Tauri,
 Æmoniosque arcus, violentique ora Leonis,
 Sævaque circuitu curvantem brachia longo
 Scorpion, atque aliter curvantem brachia Cancrum.
 Nec tibi quadrupedes animosos ignibus illis
 Quos in pectore habent, quos ore, & naribus efflant,
 In promptu regere est. Vix me patiuntur, ut acres
 Incaluere animi; cervixque repugnat habenis.
 At tu, funesti ne sim tibi muneris auctor,
 Nate cave: dum resque finit, tua corrige vota.
 Scilicet ut nostro genitum te sanguine credas;
 Pignora certa petis. Do pignora certa timendo:
 Et patrio pater esse metu probor. Aspice vultus
 Ecce meos: utinamque oculos in pectora posses
 Inferere, & patrias intus deprehendere curas.
 Denique quidquid habet dives circumspice mundus:
 Eque tot ac tantis cœli terræque marisque
 Posce bonis aliquid: nullam patiêre repulsam.
 Deprecor hoc unum; quod vero nomine pœna,
 Non honor est: pœnam Phæthon pro munere poscis.
 Quid mea colla tenes blandis, ignare, lacertis?
 Ne dubita; dabitur (Stygias juravimus undas)
 Quodcunque optaris. Sed tu sapientius opta.

Finierat monitus. Dictis tamen ille repugnat:

Propositumque premit: flagratque cupidine currus.

Ergo, qua licuit genitor cunctatus, ad altos

Deducit juvenem, Vulcania munera, currus.

Aureus axis erat, temo aureus; aurea summæ

Curvatura rotæ, radiorum argenteus ordo.

Per juga chrysolithi, positaque ex ordine gemmæ,

Clara percussio reddebant lumina Phœbo.

Dumque ea magnanimus Phæthon miratur, opusque

Per-

Perspicit: ecce vigil rutilo patefecit ab ortu
 Purpureas Aurora fores, & plena rosarum
 Atria. Diffugiunt stellæ: quarum agmina cogit
 Lucifer, & cœli statione novissimus exit.
 Tum pater ut terras, mundumque rubescere vidit,
 Cornuaque extremæ velut evanescere Lunæ:
 Jungere equos Titan velocibus imperat Horis.
 Jussa Deæ celeres peragunt: ignemque vomentes
 Ambrosiæ succo saturos præsepibus altis
 Quadrupides ducunt; adduntque sonantia fræna.
 Tum pater ora sui sacro medicamine nati
 Contigit; & rapidæ fecit patientia flammæ.
 Imponitque comæ radios: præsagaque luctus
 Pectore sollicito repetens suspiria, dixit:
 Si potes hic saltem monitis parere paternis;
 Parce puer stimulis; & fortius utere loris.
 Sponte sua properant. Labor est inhibere volentes.
 Nec tibi directos placeat via quinque per arcus.
 Sectus in obliquum lato curvamine limes,
 Zonarumque trium contentus fine, polumque
 Effugito australem, junctamque aquilonibus Arcton.
 Hac sit iter, manifesta rotæ vestigia cernes.
 Utque ferant æquos & cœlum, & terra, calores;
 Nec preme, nec summum molire per æthera currum.
 Altius egressus cœlestia tecta cremabis;
 Inferius terras. Medio tutissimus ibis.
 Neu te dexterior tortum declinet ad anguem;
 Neve sinisterior pressam rota ducat ad aram:
 Inter utrumque tene. Fortunæ cætera mando;
 Quæ juvet, & melius quam tu tibi consulat, opto.
 Dum loquor; Hesperio positas in littore metas
 Humida nox tetigit: non est mora libera nobis:
 Poscimus. Effulget tenebris Aurora fugatis.
 Corripe lora manu: vel si mutabile pectus
 Est tibi; consiliis non curribus utere nostris.

Dum potes; & solidis etiam nunc sedibus adstas;
Dumq; male optatos nondum premis inscius axes;
Quæ tutus spectes, sine me dare lumina terris.
Occupat ille levem juvenili corpore currum:
Statque super, manibusq; datas contingere habenas
Gaudet: & invito grates agit inde parenti.

Interea volucres Pyroeis, Eous, & Æthon,
Solis equi, quartusque Phlegon, hinnitibus auras
Flammiferis implent, pedibusque repagula pulsant.
Quæ postquam Tethys, tatorum ignara nepotis,
Reppulit; & facta est immensi copia mundi;
Corripuere viam, pedibusque per aëra motis
Obstantes findunt nebulas, pennisque levati
Prætereunt ortos iisdem de partibus Euros.
Sed leve pondus erat, nec quod cognoscere possent
Solis equi: solitaque jugum gravitate carebat.
Utque labant curvæ justo sine pondere naves
Perque mare instabiles nimia levitate feruntur;
Sic onere insueto vacuos dat in aëre saltus,
Succutiturque alte, similisque est currus inani.
Quod simulac sensere; ruunt, tritumque relinquunt
Quadrijugi spatium: nec, quo prius, ordine currunt,
Ipse pavet; nec quo commissas flectat habenas,
Nec scit, qua sit iter; nec, si sciat, imperet illis.
Tum primum radiis gelidi caluere triones,
Ut venito frustra tentarunt æquore tingi.

Quæque polo posita est glaciali proxima serpens,
Igore pigra prius, nec formidabilis ulli,
Caluit: sumpsitque novas fervoribus iras.

Te quoque turbatum memorant fugisse, Boote;
Quamvis tardus eras, & te tua plaustra tenebant.
Ut vero terras despexit ab æthere summo
Infelix Phaëthon, penitus penitusque patentes;
Palluit, & subito genua intremuere timore:
Suntque oculis tenebræ per tantum lumen obortæ:

Et jam mallet equos, nunquam tetigisse paternos :
Jamque agnosce genus piget, & valuisse rogando :
Jam Meropis dici cupiens ; ita fertur, ut acta
Præcipiti pinus Borea, cui victa remisit
Fræna suus rector, quam Dîs, votisque reliquit.
Quid faciat ? multum cœli post terga relictum,
Ante oculos plus est. Animo metitur utrumque :
Et modo, quos illi fatum contingere non est,
Prospicit occasus : interdum respicit ortus.
Quidque agat ignarus, stupet : & nec fræna remittit,
Nec retinere valet : nec nomina novit equorum.
Sparsa quoque in vario passim miracula cœlo,
Vastarumque videt trepidus simulacra ferarum.
Est locus, in geminos ubi brachia concavat arcus
Scorpios, & cauda, flexisque utrinque lacertis
Porrigit in spatium signorum membra duorum :
Hunc puer ut nigri madidum sudore veneni
Vulnera curvata minitantem cuspide vidit ;
Mentis inops, gelida formidine lora remisit.
Quæ postquam summum tetigere jacentia tergum,
Exspatiantur equi : nulloque inhibente per auras
Ignoræ regionis eunt ; quaque impetus egit.
Hac sine lege ruunt : altoque sub æthere fixis
Incurfant stellis, rapiuntque per avia currum.
Et modo summa petunt, modo per decliva, viasque
Præcipites spatio terræ propiore feruntur :
Inferiusque suis fraternos currere Luna
Admiratur equos : ambustaque nubila fumant.
Corripitur flammis ut quæque altissima tellus ;
Fissaque agit rimas, & succis aret ademptis.
Pabula canescunt : cum frondibus uritur arbor :
Materiamque suo præbet seges arida damno.
Parva queror : magnæ pereunt cum mœnibus urbes :
Cumque suis totas populis incendia gentes
In cinerem vertunt. Sylvæ cum montibus ardent.

Ardet Athos, Taurusque Cilix, & Tmolus, & Oete;
 Et nunc sicca, prius celeberrima fontibus, Ide;
 Virgineusque Helicon, & nondum Oeagrius Hæmos.
 Ardet in immensum geminalis ignibus Ætne,
 Parnassusque biceps, & Eryx, & Cynthus, & Othrys,
 Et tandem nivibus Rhodope caritura, Mimasque,
 Dindymaque, & Mycale, natusque ad sacra Cithæron.
 Nec profunt Scythiæ sua frigora: Caucasus ardet,
 Ossaque cum Pindo, Majorque ambobus Olympus:
 Aëriæque Alpes, & nubifer Apenninus.
 Tunc vero Phaëthon cunctis è partibus orbem
 Aspicit accensum: nec tantos sustinet æstus:
 Ferventesque auras, velut è fornace profunda,
 Ore trahit, currusque suos candescere sentit.
 Et neque jam cineres ejectatamque favillam
 Ferre potest: calidoque involvitur undique fumo.
 Quoque eat, aut ubi sit, picea caligine reclus
 Nescit; & arbitrio volucrum raptatur equorum.
 Sanguine tum credunt in corpora summa vocato,
 Æthiopum populos nigrum traxisse colorem.
 Tum facta est Libye raptis humoribus æstu
 Arida; tum Nymphæ passis, fontesque, lacusque
 Deflevire comis. Quærit Bœotia Darcen,
 Argos Amymonen, Ephyre Pirenidas undas.
 Nec sortita loco distantes flumina ripas
 Tuta manent: mediis Tanaïs fumavit in undis,
 Peneosque senex, Teuthrantæusque Caycus.
 Et celer Ismenos, cum Phocaïco Erymantho,
 Arsurusque iterum Xanthus, flavusque Lycormas,
 Quique recurvatis ludit Mæandros in undis;
 Mygdoniusque Melas, & Tænareus Eurotas.
 Arsit & Euphrates Babylonius, arsit Orontes,
 Thermodonque citus; Gangesque & Phasis, & Ister.
 Æstuat Alpheos: ripæ Spercheïdes ardent.
 Quodque suo Tagus amne vehit, fluit ignibus aurum.

Et, quæ Mæonias celebrarant carmine ripas,
Flumineæ volucres, medio caluere Caystro.
Nilus in extremum fugit perterritus orbem,
Occuluitque caput, quod adhuc latet. Ostia septem
Pulverulenta vacant, septem sine flumine valles.
Fors eadem Ismarios Hebrum cum Strymone siccat,
Hesperiosque amnes, Rhenum, Rhodanumque, Pa-
(dumque,
Cuique fuit rerum promissa potentia, Tyhrin.
Diffilit omne solum, penetratque in Tartara rimis
Lumen, & infernum terret cum conjuge regem.
Et mare contrahitur: siccæque est campus arenæ,
Quod modo pontus erat; quosque altus texerat æquor,
Emergunt montes, & sparsas Cycladas augent.
Ima petunt pisces: nec se super æquora curvi
Tollere consuetas audent delphines in auras.
Corpora phocarum summo resupina profundo
Exanimata natant. Ipsum quoque Nerea fama est
Doridaque, & natas, tepidis latuisse sub antris.
Ter Neptunus aquis cum corvo brachia vultu
Exferere ausus erat: ter non tulit aëris æstus.
Alma tamen Tellus, ut erat circumdata ponto
Inter aquas pelagi, contractosque undique fontes,
Qui se condiderant in opacæ viscera matris;
Sustulit omniferos collo tenus arida vultus:
Opposuitque manum fronti, magnoque tremore
Omnia concutiens paullum subsedit; & infra
Quam solet esse, fuit: sacraque ita voce locuta est:
Si placet hoc, meruique, quid ô tua fulmina cessant
Summe Deum? Liceat perituræ viribus ignis,
Igne perire tuo: clademque auctore levare.
Vix equidem fauces hæc ipsa in verba resolvo.
(Presserat ora vapor) Tostos en aspice crines,
Inque oculis fumum; volitant super ora favillæ,
Hosne mihi fructus? hunc fertilitatis honorem,

Officiique refers? quod adunci vulnera aratri,
Rastrorumque fero, totoque exerceor anno?
Quod pecori frondes, alimenta que mitia, fruges
Humano generi, vobis quoque thura ministro?
Sed tamen exitium fac me meruisse: quid undæ,
Quid meruit frater? cur illi credita sorte
Æquora decrescunt, & ab æthere longius absunt?
Quod si nec fratris, nec te mea gratia tangit;
At cœli miserere tui. Circumspice, utrumque
Fumat uterque polus: quos si violaverit ignis,
Æria vestra ruent. Atlas en ipse laborat:
Vixque suis humeris candentem sustinet axem.
Si freta, si terræ pereunt, si regia cœli;
In chaos antiquum confundimur. Eripe flammis,
Si quid adhuc superest: & rerum consule summæ.
Dixerat hæc Tellus: neque enim tolerare vaporem
Ulterius potuit, nec dicere plura: suumque
Rettulit os in se, propioraque manibus antra.

At pater omnipotens superos testatus, & ipsum,
Quî dederat currus; nisi opem ferat, omnia fato
Interitura gravi; summam petit arduus arcem;
Unde solet latis nebulas inducere terris:
Unde movet tonitrus, vibrataque fulmina jactat.
Sed neque, quas posset terris inducere nubes,
Tunc habuit: nec, quos cœlo dimitteret, imbres.
Intonat: & dextra libratum fulmen ab aure
Misit in aurigam: pariterque, animaque, rotisque
Expulit, & sævis compescuit ignibus ignes.
Consternantur equi: & saltu in contraria facto
Colla jugo excutiunt, abruptaque lora relinquunt.
Illic fræna jacent, illic temone revulsus
Axis, in hac radii fractarum parte rotarum:
Sparsaque sunt latè laceri vestigia currus.
At Phaethon rutilos flamma populante capillos,
Volvitur in præceps, longoque per aëra tractu.

Fertur;

Fertur ; ut interdum de cœlo stella sereno,
Etsi non cecidit, potuit cecidisse videri.

Quem procul à patria diverso maximus orbe X
Excipit Eridanus ; fumantiaque abluit ora.

2. Naïdes Hesperiaë trifida fumantia flamma
Corpora dant tumulo. Signantque hoc carmine saxum :
Hic situs est Phaëthon, currus auriga paterni :
Quem si non tenuit ; magnis tamen excidit ausis.
Nam pater obductos luctu miserabilis ægro
Condiderat vultus : & , si modo credimus, unum
Iffe diem sine Sole ferunt. Incendia lumen
Præbebant ; aliquisque malo fuit usus in illo :
At Clymene postquam dixit, quæcunque fuerunt
In tantis dicenda malis ; lugubris & amens,
Et laniata sinus totum percensuit orbem,
Exanimesque artus primo, mox ossa requirens ;
Repperit ossa tamen peregrina condita ripa.
Incubuitque loco : nomenque in marmore lectum
Perfudit lacrymis : & aperto pectore fovit.
Nec minus Heliades lugent : & inania morti
Munera dant lacrymas. Et cæsæ pectora palmis
Non auditurum miseras Phaëthonta querelas
Nocte, dieque vocant : alternanturque sepulchro.
Luna quater junctis implerat cornibus orbem :
Illæ more suo (nam morem fecerat usus)
Plangorem dederant. E quîs Phaëtusa sororum
Maxima cum veller terræ procumbere ; quæta est
Diriguisse pedes : ad quam conata venire
Candida Lampetie, subita radice retenta est.
Tertia cum crinem manibus laniare pararet,
Avellit frondes. Hæc stipite crura teneri,
Illa dolet fieri longos sua brachia ramos.
Dumque ea mirantur, complectitur inguina cortex :
Perque gradus uterum, pectusque, humerosque, ma-
(nusque
Ambit :

Ambit: & exstabant tantum ora vocantia matrem.
 Quid faciat mater? nisi quod trahat impetus illam,
 Huc eat, atque illuc; & dum licet oscula jungat;
 Non satis est: truncis avellere corpora tentat,
 Et teneros manibus ramos abrumpere, at inde
 Sanguineæ manant, tanquam de vulnere, guttæ.
 Parce precor, mater, quæcunque est saucia, clamat:
 Parce precor, nostrum laniatur in arbore corpus.
 Jamque vale, cortex in verba novissima venit.

3. Inde fluunt lacrymæ: stillataque sole rigescunt
 De ramis electra novis; quæ lucidus amnis
 Excipit, & nuribus mittit gestanda Latinis.

4. Affuit huic monstro proles Stheneleia Cycnus,
 Qui tibi materno quamvis à sanguine junctus,
 Mente tamen Phaëthon propior fuit. Ille relicto
 (Nam Ligurum populos, & magnas rexerat urbes)
 Imperio ripas virides, amnemque querelis
 Eridanum implerat, sylvamque sororibus auctam:
 Cum vox est tenuata viro, canæque capillos
 Dissimulant plumæ: collumque à pectore longe
 Porrigitur, digitosque ligat junctura rubentes:
 Penna latus vestit, tenet os sine acumine rostrum:
 Fit nova Cycnus avis. Nec se cœloque, Jovique
 Credit, ut injustè missi memor ignis ab illo,
 Sagna colit, patulosque lacus: ignemque perosus,
 Quæ colat, elegit contraria flumina flammis.

5. Squallidus interea genitor Phaëthontis, & expers
 Ipse sui decoris, qualis, cum deficit orbem,
 Esse solet: lucemque odit, seque ipse, diemque,
 Datque animum in luctus; & luctibus adjicit iram,
 Officiumque negat mundo. Satis, inquit, ab ævi
 Sors mea principiis fuit irrequieta: pigetque
 Actorum sine fine mihi, sine honore laborum.
 Quilibet alter agat portantes lumina currus.
 Si nemo est, omnesque Dei non posse farentur;

Ipse

Ipse agat, ut saltem, dum nostras tentat habenas,
 Orbatura patres aliquando fulmina ponat.
 Tum sciet, alipedum vires expertus equorum,
 Non meruisse necem, qui non bene rexerit illos.
 Talia dicentem circumstant omnia Solem
 Numina : neve velit tenebras inducere rebus,
 Supplice voce rogant. Missos quoque Jupiter ignes
 Excusat, precibusque minas regaliur addit.
 Colligit amentes, & adhuc terrore paventes,
 Phœbus equos : stimuloque domans & verbere sævit :
 Sævitur enim, natumque objectat, & imputat illis.

At pater omnipotens ingentia mœnia cœli
 Circuit : &, ne quid labefactum viribus ignis
 Corruat, explorat. Quæ postquam firma, suique
 Roboris esse videt : terras, hominumque labores
 Perspicit. Arcadiæ tamen est impensior illi
 Cura suæ, fontesque, & nondum audentia labi
 Flumina restituit. Dat terræ gramina, frondes
 Arboribus : læsasque jubet revirescere sylvas.
 Dum redit, itque frequens : in virgine Nonacrina
 Hæsit : & accepti caluere sub ossibus ignes.
 Non erat hujus opus lanam mollire trahendo ;
 Nec positu variare comas. Huic fibula vestem,
 Vittæ coërcuerat neglectos alba capillos,
 Et modo leve manu jaculum, modo sumpserit arcum ;
 Miles erat Phœbes : nec Mænalon attigit ulla
 Gravior hæc Triviæ. Sed nulla potentia longa est.
 Uterius medio spatium sol altus habebat ;
 Cum subit illa nemus, quod nulla ceciderat ætas :
 Exiit hic humero pharetram, lentosque retendit
 Arcus : inque solo, quod texerat herba, jacebat.
 Et pictam posita pharetram cervice premebat.
 Jupiter ut vidit fessam, & custode vacantem ;
 Hoc certe conjux furtum mea nesciet, inquit :
 Aut si rescierit, sunt & sunt jurgia tanti.

Protinus induitur faciem cultumque Dianæ:
Atque ait, O comitum virgo pars una mearum,
In quibus es venata jugis? De cespite virgo
Se levat: &, Salve numen, me iudice, dixit,
Audiat, ipse licet, majus Jove. Ridet, & audit,
Et sibi præferri se gaudet; & oscula jungit;
Nec moderata satis, nec sic à virgine danda.
Qua venata foret sylva narrare parantem
Impedit amplexu: nec se sine crimine prodit.
Illa quidem contra, quantum modo foemina possit,
(Aspiceres utinam, Saturnia, mitior esses)
Illa quidem pugnat: sed quæ superare puella,
Quisve Jovem poterat? Superum petit æthera victor
Jupiter. Huic odio nemus est, & conscia sylva.
Unde pedem referens, pæne est oblita pharetram
Tollere, cum telis, & quem suspenderat arcum.
Ecce suo comitata choro Dictynna per altum
Mænalon ingrediens, & cæde superba ferarum,
Aspicit hanc, visamque vocat: clamata refugit;
Et timuit primo, ne Jupiter esset in illa.
Sed postquam pariter Nymphas incedere vidit;
Sensit abesse dolos: numerumque accessit ad harum.
Heu quam difficile est crimen non prodere vultu!
Vix oculos attollit humo: nec, ut ante solebat,
Juncta Deæ lateri, nec toto est agimine prima:
Sed filet; & læsi dat signa rubore pudoris.
Et, nisi quod virgo, poterat sentire Diana
Mille notis culpam: Nymphæ sensisse feruntur.
Orbe resurgebant lunaria cornua nono;
Cum Dea venatrix fraternis languida flammis,
Nacta nemus gelidum, de quo cum murmure labens
Ibat, & attritas versabat rivus arenas.
Ut loca laudavit; summas pede contigit undas.
His quoque laudatis, Procul est, ait, arbiter omnis,
Nuda superfusus tingamus corpora lymphis.

Parrhasis erubuit. Cunctæ velamina ponunt :
Una moras quærit, dubitanti vestis adempta est :
Qua posita, nudo patuit cum corpore crimen.
Attonitæ, manibſque uterum celare volenti
procul hinc, dixit, nec sacros pollue fontes,
Lynthia, deque suo jussit secedere cœtu.
Inferat hoc olim magni matrona Tonantis :
Distuleratque graves in idonea tempora pœnas.
Causa moræ nulla est ; & jam puer Arcas (idipsum
Idoluit Juno) fuerat de pellice natus.
Ipso simul obvertit sævam cum lumine mentem :
Sicilicet hoc nobis restabat adultera, dixit,
Et fecunda fores : fieretque injuria partu
Pota : Jovisque mei restatum dedecus esset.
Aud impune teres : adimam tibi nempe figuram ;
Iam tibi, quaque places nostro importuna marito.
Dixit, & adversa prensis à fronte capillis
Cecidit humi pronam. Tendebat brachia supplex :
Brachia cœperunt nigris horrescere villis,
Urvarique manus & aduncos crescere in ungues,
Ficioque pedum fungi, laudataque quondam
Forma Jovi, lato fieri deformia rictu.
Sed ve preces animos, & verba superflua flectant ;
Nec loqui eripitur : vox iracunda, minaxque,
Naque terroris rauco de gutture fertur :
Sens antiqua tamen facta quoque mansit in urſa,
Sed quoque suos gemitu testata dolores,
Alasque manus ad cœlum, & sidera tendit :
Gratumque Jovem nequeat cum dicere, sentit.
Quoties sola non aula quiescere sylva ;
Prope domum, quondamque suis erravit in agris !
Quoties per taxa canum latratibus acta est !
Materque metu venantum territa fugit !
Ipse feris latuit visis ; oblita quid esset :
Atque conspectos in montibus horruit urſos :

Pertimuitque lupos; quamvis pater esset in illis.

6. Ecce Lycaoniæ proles ignara parenti
Arcas adest, ter quinquæ ferens natalibus annos.
Dumque feras sequitur: dum saltus eligit aptos,
Nexilibusque plagis sylvas Erymanthidas ambit;
Incidit in matrem. Quæ restitit Arcade viso;
Et cognoscenti similis fuit. Ille refugit;
Immotosque oculos in se sine fine tenentem
Nescius extimuit: propiusque accedere aventi.

Vulnifico fuerat fixurus pectora telo:
Arcuit omnipotens. Pariterque ipsosque, nesciusque
Sustulit; & celeri raptos per inania vento
Imposuit cœlo, vicinaque sidera fecit.
Intumuit Juno, postquam inter sidera pellex
Fulsit; & ad canam descendit in æquora Tethyn,
Oceanumque senem. Quorum reverentia movit
Sæpe Deos; causamque vitæ scitantes, infit;
Quæritis æthereis quare regina Deorum
Sedibus huc adsim. Pro me tenet altera cœlum.
Mentior, obscurum nisi nox cum fecerit orbem;
Nuper honoratas summo, mea vulnera, cœlo
Videritis stellas illic; ubi circulus axem
Ultimus extremum spatioque brevissimus ambit.
Est vero cur quis Junonem lædere nolit,
Offensamque tremat? Quæ prosum sola nocendo.
O ego quantum egi! Quam vasta potentia nostra
Esse hominem vetui; facta est Dea. Sic ego poenæ
Sontibus impono; sic est mea magna potestas.
Vindictæ antiquam faciem, vultusque ferinos
Detrahat; Argolica quod in ante Phoronide fecit;
Cur non & pulsa ducit Junone, meoque
Collocat in thalamo, focerumque Lycaona sumit?
At vos, si læsæ contemptus tangit alummæ;
Gurgite cæruleo septem prohibere Triones;
Sideraque in cœlum stupri mercede recepta
Pellite; ne puro tingatur in æquore pellex.

7. Di maris annuerant. Habili Saturnia curru
 Ingreditur liquidum pavonibus æthera pictis ;
 Tam nuper pictis cæso, pavonibus Argo ;
 Quam tu nuper eras, cum candidus ante fuisses,
 Corve loquax subito nigrantes versus in alas.
 Nam fuit hæc quondam niveis argentea pennis
 Ales, ut æquaret totas sine labe columbas ;
 Nec servaturis vigili Capitolia voce
 Cederet anseribus, nec amanti flumina cycno.
 Lingua fuit damno ; lingua faciente loquaci,
 Qui color albus erat, nunc est contrarius albo.
 Pulchrior in tota quam Larissæa Coronis
 Non fuit Æmonia. Placuit tibi Delphice certe ;
 Dum vel casta fuit, vel inobservata. Sed ales
 Sensit adulterium Phœbeius. Utque latentem
 Detegeret culpam non exorabilis index,
 Ad dominum tendebat iter ; quem garrula motis
 Consequitur pennis, scitetur ut omnia, cornix ;
 Auditaque viæ caussa, Non utile carpis,
 Inquit, iter ; ne sperne meæ presagia linguæ.

8. Quid fuerim, quid simque, vide : meritumque
 (require ;

Invenies nocuisse fidem. Nam tempore quodam
 Pallas Erichthonium prolem sine matre creatam
 Clauserat, Actæo texta de vimine cista ;
 Virginibusque tribus gemino de Cecrope natis
 Servandum dederat, sic inconfessa quid esset ;
 Et legem dederat, sua ne secreta viderent.
 Abdita fronde levi densa speculabar ab ulmo,
 Quid facerent. Commissa duæ sine fraude tuentur,
 Pandrosos, atque Herse, timidas vocat una sorores
 Aglauros ; nodosque manu diducit ; at intus
 Infantemque vident, apporrectumque draconem.
 Actæ Deæ refero. Pro quo mihi gratia talis
 Redditur, ut dicar tutela pulsa Minervæ :

Et ponar post noctis avem. Mea poena volucres
 Admonuisse potest; ne voce pericula quærant.
 At puto non ultro nec quicquam tale rogantem
 Me petiit. Ipsa licet hoc à Pallade quæras;
 Quamvis irata est; non hoc irata negabit.
 Nam me Phocaïca clarus tellure Coroneus.
 (Nota loquor) genuit. Fueramque ego regia virgo
 Divitibusque procis (ne me contemne) petebar.
 Forma mihi nocuit. Nam cum per littora lentis
 Passibus, ut soleo, summa spatiarer arena;
 Vidit, & incaluit pelagi Deus: utque precando
 Tempora cum blandis absumpsit inania verbis;
 Vim parat, & sequitur. Fugio, densumque relinquo
 Littus, & in molli nequicquam lassor arena.
 Inde Deos, hominesque voco: nec contigit ullum
 Vox mea mortalem, mota est pro virgine Virgo,
 Auxiliumque tulit. Tendebram brachia cœlo:
 Brachia cœperunt levibus nigrescere pennis.
 Rejicere ex humeris vestem molibar; at illa
 Pluma erat; inque cutem radices egerat imas.
 Plangere nuda meis conabar pectora palmis;
 Sed neque jam palmas, nec pectora nuda gerebam.
 Currebam; nec, ut ante, pedes retinebat arena:
 Sed summa tollebar humo. Mox acta per auras
 Evehor, & data sum comes inculpata Minervæ.
 Quid tamen hoc prodest, si diro facta volucris
 Crimine Nyctimene nostro successit honori?

9. An, quæ per totam res est notissima Lesbon,
 Non audita tibi est? Patrium temerasse cubile
 Nyctimenen? Avis illa quidem: sed conscia culpæ
 Conspectum lucemque fugit, tenebrisque pudorem
 Celat: & à cunctis expellitur æthere toto.

Talia dicenti, Tibi, ait, revocamina corvus
 Sint precor ista malo. Nos vanum spernimus omen.
 Nec cœptum dimittit iter: dominoque jacentem

Cum

Cum juvene Æmonio vidisse Coronida narrat.

Laurea delapsa est audito crimine amanti :

Et pariter vultusque Deo plectrumque, colorque

Excidit. Utque animus tumida fervebat ab ira ;

Arma assueta capit ; flexumque à cornibus arcum

Tendit : & illa suo toties cum pectore juncta

Indevitato trajecit pectora telo.

Ista dedit gemitum, tractoque à vulnere ferro,

Candida Puniceo perfudit membra cruore :

Et dixit, Potui poenas tibi, Phœbe, dedisse ;

Sed peperisse prius. Duo nunc moriemur in una.

Hactenus ; & pariter vitam cum sanguine fudit.

Corpus inane animæ frigus letale secutum est.

Pœnitent heu fero poenæ crudelis amantem :

Seque quod audierit, quod sic exarserit, odit :

Odit avem, per quam crimen causamque dolendi

Scire coactus erat : nervumque arcumque manumque

Odit : cumque manu, temeraria tela, sagittas.

Collapsamque fovet. Seraque ope vincere fata

Nititur ; & medicas exercet inaniter artes.

Quæ postquam frustra tentata, rogumque parari

Sensit, & arsueros supremis ignibus artus ;

Tum vero gemitus (neque enim cœlestia tingi

Ora licet lacrymis) alto de corde petitos

Edidit. Haud aliter quam cum spectante juvenca

Lactentis vituli dextra libratus ab aure

Tempora discussit claro cava malleus ictu.

Ut tamen ingratos in pectora fudit odores,

Ut dedit amplexus, injustaque justa peregit ;

Non tulit in cineres labi sua Phœbus eisdem

Semina. Sed natum flammis uteroque parentis

Eripuit ; geminique tulit Chironis in antrum :

Sperantemque sibi non falsæ præmia linguae

Inter aves albas vetuit confidere corvum.

10. Semifer interea divinæ stirpis alumno

Lætus erat ; mistoque oneri gaudebat honore.
Ecce venit rutilus humeros protecta capillis
Filia Centauri : quam quondam Nympha Chariclo,
Fluminis in rapidi ripis enixa, vccavit
Ocyroën. Non hæc artes contenta paternas
Edidicisse fuit : fatorum arcana canebar.
Ergo ubi faticinos concepit mente furores,
Incaluitque Deo, quem clausum pectore habebat ;
Aspicit infan-tem, Totique salutifer orbi
Cresce puer, dixit : tibi se mortalia sæpe
Corpora debebunt ; animas tibi reddere ademptas
Fas erit. Idque semel Dis indignantibus ausus,
Posse dare hoc iterum flamma prohibebere avita ;
Eque Deo corpus fies exsanguis ; Deusque,
Qui modo corpus eras ; & bis tua fata novabis.
Tu quoque, care pater, nunc immortalis, & avis
Omnibus ut maneat, nascendi lege creatus ;
Posse more cupies tum, cum cruciabere diræ
Sanguine serpentis per faucia membra recepto.
Teque ex æterno patientem numina mortis
Efficient ; triplicesque Deæ tua fila revolvent.
Restabat fatis aliquid ; suspirat ab imis
Pectoribus, lacrymæque genis labuntur obortæ ;
Atque ita, Prævertunt, inquit, me fata : vetorque
Plura loqui ; vocisque meæ præcluditur usus,
Non fuerant artes tanti, quæ numinis iram
Contraxêre mihi : mallem nescisse futura.
Jam mihi subduci facies humana videtur :
Jam cibus herba placet : jam latis currere campis
Impetus est : in equam, cognataque pectora vertor.
Tota tamen quare ? Pater est mihi nempe biformis.
Taliam dicenti pars est extrema querelæ
Intellecta parum : confusaque verba fuêre.
Mox nec verba quidem, nec equæ sonus ille videtur ;
d simulantis equam : parvoque in tempore certos

Edidit hinnitus : & brachia movit in herbas.
Tum digiti coeunt ; & quinos alligat ungues
Perpetuo cornu levis ungula : crescit & oris,
Et colli spatium : longæ pars maxima pallæ
Cauda fit. Urque vagi crines per colla jacebant,
In dextras abiēre jubas : pariterque novata est
Et vox, & facies. Nomen quoque monstra dedere:

11. Flebat, opemque tuam frustra Philyreius heros,
Delphice, polcebat. Nam nec rescindere magni
Jussa Jovis poteras. Nec, si rescindere posses,
Tunc aderas : Elin Messeniaque arva colebas.
Illud erat tempus ; quo te pastoria pellis
Texit : onusque fuit baculum silvestre sinistrae.
Alterius, dispar ē septem fistula cannis.
Dumque amor est curæ, dum te tua fistula mulcet ;
Incustoditæ Pylios memorantur in agros
Processisse boves. Videt has Atlantide Maja
Natus : & arte sua sylvis occultat abactas.
Senserat hoc furtum nemo, nisi notus in illo
Rure senex (Battum vicinia tota vocabat.)
Divitis hic saltus, herbolæque pascua Nelei,
Nobiliumque greges custos servabat equarum.
Hunc timuit : blandaque manu seduxit : & illi
Quisquis es hospes, ait, si forte armenta requirat
Hæc aliquis ; vidisse nega : neu gratia facto
Nulla rependatur ; nitidam cape præmia vaccam.
Et dedit : accepta voces has reddidit hospes :
Tutus eas : lapis iste prius tua furta loquatur :
Et lapidem ostendit. Simulat Jove natus abire.
Mox redit : & versa pariter cum voce figura,
Rustice, vidisti siquas hoc limite, dixit,
Ire boves ; ser opem : furtoque silentia deme :
Juncta suo pretium dabitur tibi læmina tauro.
At senior postquam merces geminata, Sub illis
Montibus, inquit, erunt, & erant sub montibus illis.

Risit Atlantiades. Et, me mihi, perfide, prodis?
 Me mihi prodis? Ait, perjuraque pectora vertit
 In durum filicem: qui nunc quoque dicitur Index.
 Inque nihil merito vetus est infamia saxo.

12. Hinc se sustulerat paribus caducifer alis:
 Munychiosque volans agros, gratamque Minervæ
 Despectabat humum, cultique arbusta Lycei,
 Illo forte die castæ de more puellæ
 Vertice supposito festas in Palladis arces
 Pura coronatis portabant sacra canistris.
 Inde revertentes Deus aspicit ales; iterque
 Non agit in rectum; sed in orbem curvat eundem.
 Ut volucris visis rapidissima miluus extis,
 Dum timet, & densi circumstant sacra ministri;
 Flectitur in gyrum. Nec longius audet abire;
 Spemque suam motis avidus circumvolat alis:
 Sic super Actæas agilis Cyllenius arces
 Inclinat cursus: & easdem circinat auras.
 Quanto splendidior, quam cætera sydera fulget
 Lueifer; & quanto, quam Lucifer, aurea Phœbe;
 Tanto virginibus præstantior omnibus Herse
 Ibat: eratque decus pompæ, comicumque suarum.
 Obstupuit forma Jove natus: & æthere pendens,
 Non secus exarsit, quam cum balearica plumbum
 Funda jacit. Volat illud, & incandescit eundo:
 Et quos non habuit, sub nubibus invenit ignes.
 Vertit iter; cœloque petit diversa relicto:
 Nec se dissimulat. Tanta est fiducia formæ,
 Quæ quamquam justa est; cura tamen adjuvat illam:
 Permulcetque comam, chlamydemque ut pendeat apte
 Collocat: ut limbus, totumque appareat aurum:
 Ut teres in dextra, qua somnos ducit, & arcet:
 Virga sit, ut terfis niteant talaria plantis;
 Pars secreta domus ebore, & testudine cultos
 Tres habuit thalamos. Quorum tu Pandrosa dextrum,

Aglauros lævum, medium possederat Herse,
Quæ tenuit lævum, venientem prima notavit
Mercurium : nomenque Dei scitarier ausa est,
Et causam adventus : cui sic respondit Atlantis
Pleïonesque nepos : Ego sum, qui jussa per auras
Verba patris porto. Pater est mihi Jupiter ipse.
Nec fingam causas. Tu tantum fida sorori
Esse velis, prolisque meæ matertera dici.
Herse causa viæ, faveas oramus amanti.
Aspicit hunc oculis iisdem quibus abdita nuper
Viderat Aglauros flavæ secreta Minervæ :
Proque ministerio magni sibi ponderis aurum
Postulat. Interea tectis secedere cogit,
Vertit ad hanc torvi Dea bellica luminis orbem,
Et tanto penitus traxit suspiria motu,
Ut pariter pectus, positamque in pectore forti
Ægida concuteret : subit, hanc arcana profana
Detexisse manu tum, cum sine matre creatam
Lemnicolæ stirpem contra data fœdera vidit :
Ingratamquæ Deo fore jam, ingratamque sorori,
Et ditem sumpto, quod avara poposcerat, auro.
Protinus Invidiæ nigro squallentia tabo
Tecta petit. Domus est imis in vallibus antri
Abdita, sole carens, non ulli pervia vento ;
Tristis, & ignavi plenissima frigoris ; & quæ
Igne vacet semper, caligine semper abundet.
Huc ubi pervenit bello metuenda virago ;
Constitit ante domum (neque enim succedere tectis
Fas habet) & postes extrema cuspide pulsat.
Concussæ patuere fores. Videt intus edentem
Vipereas carnes, vitiorum alimenta suorum,
Invidiam : visaque oculos avertit. - At illa
Surgit humo pigra : semesarumque relinquit
Corpora serpentum : passuque incedit inertî.
Utque Deam vidit formaque armisque decoram ;

Ingemuit : vultumque ima ad suspiria dūxit.
 Pallor in ore sedet : macies in corpore toto :
 Nusquam recta acies : vivent rubigine dentes :
 Pectora felle virent : lingua est suffusa veneno.
 Risus abest ; nisi quem visi movēre dolores.
 Nec fruitur somno, vigilacibus excita curis :
 Sed videt ingratos, intabescitque videndo
 Successus hominum : carpitque, & carpitur una.
 Suppliciumque suum est. Quamvis tamen oderit illam,
 Talibus affata est breviter Tritonia dictis :
 Infice tabe tua natarum Cecropis unam.
 Sic opus est. Aglauros ea est. Haud plura locuta
 Fugit ; & impressa tellurem reppulit hasta.
 Illa Deam obliquo fugientem lumine cernens,
 Murmura parva dedit : successurumque Minervæ
 Indoluit. Baculumque capit ; quod spinea tortum
 Vincula cingebant : adopertaque nubibus atris,
 Quacunque ingreditur, florentia proterit arva,
 Exuritque herbas, & summa cacumina carpit :
 Afflatuque suo populosque, urbesque, domosque
 Polluit. Et tandem Tritonida conspicit arcem,
 Ingeniis, opibusque, & festa pace virentem.
 Vixque tenet lacrymas, quia nil lacrymabile cernit.
 Sed postquam thalamos intravit Cecrope natæ ;
 Jussa facit : pectusque manu ferrugine tincta
 Tangit : & hamatis præcordia sentibus implet.
 Inspiratque nocens virus, piceumque per ossa
 Dissipat & medio spargit pulmone venenum :
 Neve mali spatium causæ per latius errent,
 Germanam ante oculos, fortunatumque sororis
 Conjugium, pulchraque Deum sub imagine ponit :
 Cunctaque magna facit. Quibus irritata, dolore
 Cecropis occulto mordetur : & anxia nocte,
 Anxia luce gemit, lentaque miserrima tabe
 Liquitur, ut glacies incerto faucia sole.

Felicisque bonis non lenius uritur Herpes;
 Quam cum spinosis ignis supponitur herbis,
 Quæ neque dant flammæ, lenique tepore cremantur.
 Sæpe mori voluit, ne quicquam tale videret:
 Sæpe velut crimen rigido narrare parenti.
 Denique in adverso venientem limine sedit
 Exclusura Deum. Cui blandimenta, precesque,
 Verbaque jactanti mitissima, Desine, dixit,
 Hinc ego me non sum nisi te motura repulso.
 Stemus, ait, pacto, velox Cyllenius, isto:
 Cœlestique fores virga patefecit. At illi
 Surgere conanti partes, quascunque sedendo
 Flectitur, ignava nequeunt gravitate moveri.
 Illa quidem pugnat recto se tollere trunco,
 Sed genuum junctura riget. Frigusque per artus
 Labitur, & pallent amisso sanguine venæ.
 Utque malum late solet immedicabile cancer
 Serpere, & illæsas vitiatis addere partes;
 Sic lethalis hyems paulatim in pectora venit,
 Vitalesque vias, & respiramina claudit.
 Nec conata loqui est; nec, si conata fuisset,
 Vocis habere iter. Saxum jam colla tenebat:
 Oraque duruerant, signumque exsangue sedebat.
 Nec lapis albus erat. Sua mens infecerat illam.

13. Has ubi verborum pœnas mentisque profanæ
 Cepit Atlantiades, dictas à Pallade terras
 Linqvit, & ingreditur jactatus æthera pennis.
 Sevocat hunc genitor, nec causam fassus amoris;
 Fide minister, ait, jussorum nate meorum,
 Pelle moram, solitoque celer delabere cursu:
 Quæque tuam matrem tellus à parte sinistra
 Suspicit (indigenæ Sidonida nomine dicunt)
 Hanc pete: quodque procul montano gramine pasci
 Armentum regale vides; ad littora verte.
 Dixit. Et expulsi jamdudum monte juvenci
 Littora jussa petunt, ubi magni filia regis.

Ludere virginibus Tyriis comitata solebat.
 Non bene conveniunt, nec in una sede morantur;
 Majestas, & amor. Sceptri gravitate relictâ,
 Ille pater rectorque Deum; cui dextra triulcis
 Ignibus armata est, qui nutu concutit orbem;
 Induitur tauri faciem: mistusque juvenis
 Mugit, & in teneris formosus obambulat herbis.
 Quippe color nivis est; quam nec vestigia durâ
 Calcavere pedis, nec solvit aquaticus Auster.
 Colla toris extant: armis palearia pendent:
 Cornua parva quidem; sed quæ contendere possis
 Facta manu, puraque magis pellucida gemma.
 Nullæ fronte minæ; nec formidabile lumen:
 Pacem vultus habet. Miratur Agenore nata,
 Quod tam formosus, quod prælia nulla minetur.
 Sed quamvis mitem, metuit contingere primo.
 Mox adit: & flores ad candida porrigit ora.
 Gaudet amans. Et dum veniat sperata voluptas;
 Oscula dat manibus: vix jam vix cætera differt:
 Et nunc alludit, viridique exultat in herba:
 Nunc latus in fulvis niveum deponit arenis.
 Paulatimque metu dempto; modo pectora præbet
 Virginea plaudenda manu, modo cornua fertis
 Impedienda novis. Ausa est quoque regia virgo,
 Nescia quem premeret, tergo confidere tauri.
 Cum Deus à terra, siccoque à litore, sensim
 Falsa pedum primis vestigia ponit in undis.
 Inde abit ulterius, mediisque per æquora ponti
 Fert prædam. Pavet hæc: litusque ablata relictum
 Respicit: & dextra cornu tenet; altera dorso
 Imposita est. Tremulæ innuantur flamine vestes:

 M E T A M O R P H O S E O N LIB. III.

I. J Amque Deus, posita fallacis imagine Tauri,
 Se confessus erat: Dictæque rura tenebat.

Cum

Cum pater ignarus Cadmo perquirere raptam
Imperat: & pœnam, si non invenerit, addit
Exsiliū; factō pius & sceleratus eodem.
Orbe pererrato (quis enim deprendere possit
Furta Jovis?) profugus patriamque iramq; parentis
Vitat Agenorides: Phœbique oracula supplex
Consult, & quæ sit tellus habitanda, requirit.
Bos, tibi, Phœbus ait, solis occurret in arvis;
Nullum passa jugum, curvique immunis aratri.
Hac duce carpe vias. Et qua requieverit herba,
Mœnia fac condas: Bœotiaque illa vocato.
Vix bene Castalio Cadmus descenderat antro:
Incustoditam lente videt ire juvencam;
Nullum servitii signum cervice gerentem.
Subsequitur; pressoque legit vestigia gressu;
Auctoremque viæ Phœbum taciturnus adorat.
Jam vada Cephisi, Panopesque evaserat arva.
Bos stetit: & tollens spatiosam cornibus albis
Ad cœlum frontem, mugitibus impulit auras.
Atque ita respiciens comites sua terga sequentes,
Procubuit, teneraque latus submisit in herba.
Cadmus agit grates: peregrinæque oscula terræ
Figit: & ignotos montes, agrosque salutat.
Sacra Jovi facturus erat: jubet ire ministros,
Et petere e vivis libandas fontibus undas.
Sylvæ vetus stabat, nulla violata securi:
Est specus in medio virgis, ac vimine densus;
Efficiens humilem lapidum compagibus arcum,
Uberibus foecundus aquis. Hoc conditus antro
Martius anguis erat, cristis præsignis & auro.
Igne micant oculi, corpus tumet omne veneno.
Tresque vibrant linguæ, triplici stant ordine dentes,
Quem postquam Tyria lucum de gente profecti
Inauso tetigere gradu; demissaque in undas
Urna dedit sonitum, longo caput extulit antro

Cæruleus serpens; horrendaque sibila misit.
Effluxere urnæ manibus, sanguisque relinquit
Corpus, & attonitos subitus tremor occupat artus.
Ille volubilibus squamosos nexibus orbes
Torquet, & immensos saltu sinuatur in arcus;
Ac media plus parte leves erectus in auras
Despicit omne nemus. Tantoque est corpore, quanto,
Si totum spectes, geminas qui separat Arctos.
Nec mora: Phœnicas, sive illi tela parabant,
Sive iugam; sive ipse timor prohibebat utrumque;
Occupat. Hos morfu, longis complexibus illos,
Hos necat afflatus funesti tæbe veneni.
Fecerat exiguas jam sol altissimus umbras:
Quæ mora sit sociis miratur Agenore natus;
Vestigarque viros. Tegimen direpta leoni
Pellis erat, telum splendenti lancea ferro,
Et jaculum, teloque animus præstantior omni.
Ut nemus intravit, lethataque corpora vidit,
Victoremque supra spatiosi corporis hostem
Tristia sanguinea lambentem vulnera lingua;
Aut ultor vestræ, fidissima corpora, mortis,
Aut comes, inquit, ero. Dixit, dextraque molarem
Sustulit: & magnum magno conamine misit.
Illius impulsu cum turribus ardua celsis
Mœnia mota forent. Serpens sine vulnere mansit.
Loricæque modo squamis defensus, & atræ
Duritia pellis, validos cute reppulit ictus.
At non duritia jaculum quoque vicit eadem,
Quod medio lentæ fixum curvamine spinæ
Constitit; & toto descendit in ilia ferro.
Ille dolore ferox caput in sua terga retorfit:
Vulneraque aspexit, fixumque hastile momordit.
Idque ubi vi multa partem labefecit in omnem,
Vix tergo eripuit. Ferrum tamen ossibus hæret.
Tum vero postquam solitas accessit ad iras

Plaga recens; plenis tumuerunt guttura venis:
Spumaque pestiferos circumfluit albida rictus:
Terraque rafa sonat squamis. Quique halitus exit
Ore niger Stygio, vitiatas inficit herbas.
Ipse modo immensum spiris facientibus orbem
Cingitur: interdum longa crabe rectior adstat.
Impete nunc vasto, ceu concitus imbris amnis,
Fertur, & obstantes proturbat pectore sylvas.
Cedit Agenorides paulum, spolioque leonis
Sustinet incurfus; instantiaque ora retardat
Cuspide prætenta. Furit ille, & inania duro
Vulnera dat ferro; figitque in acumine dentes.
Jamque venenifero sanguis manare palato
Cœperat, & virides aspergine tinxerat herbas;
Sed leve vulnus erat, quia se retrahabat ab ictu;
Læsaque colla dabat retro; plagamque federe
Cedendo arcebat, nec longius ire finebat.
Donec Agenorides conjectum in gutture. Ferrum
Usque sequens preffit, dum retro quercus eunti
Obstitit; & fixa est pariter cum robore cervix,
Pondere serpentis curvata est arbor, & imæ
Parte flagellari gemit sua robora caudæ.
Dum spatium victor victi considerat hostis;
Vox subito audita est: neque erat cognoscere promptum
Unde; sed audita est, Quid, Agenore nate, peremptum
Serpentem spectas? & tu spectabere serpens.
Ille diu pavidus, pariter cum mente colorem
Perdiderat; gelidoque comæ terrore rigeabant.
Ecce viri faulx superas delapsa per auras
Pallas adest; motæque jubet supponere terræ
Vipereos dentes; populi incrementa futuri.
Paret; & ut pressio fulcum patefecit aratro;
Spargit humi jussos mortalia semina, dentes.
Inde (fide majus) glebæ cœpère moveri;
Primaque de sulcis acies apparuit hastæ;

Tegmina mox capitem picto nutantia cono,
 Mox humeri pectusque onerataque brachia telis
 Existunt: crescitque seges clypeata virorum.
 Sic, ubi tolluntur festis aulae theatris;
 Surgere signa solent, primumque ostendere vultus,
 Cætera paulatim, placidoque educta tenore
 Tota patent, imoque pedes in margine ponunt.
 Territus hoste novo Cadmus, capere arma parabat,
 Ne cape, de populo, quem terra creaverat, unus
 Exclamat. Nec te civilibus inferre bellis.
 Atque ita terrigenis rigido de fratribus unum
 Cominus ense ferit. Jaculo cadit eminus ipse.
 Hic quoque, qui leto cederat, non longius illo
 Vivit, & exspirat, modo quas acceperat, auras.
 Exemploque pari furit omnis turba, suoque
 Marte cadunt subiti per mutua vulnera fratres.
 Jamque brevis spatium vitæ sortita juvenus
 Sanguineam tepido plangebant pectore matrem,
 Quinque superstitibus. Quorum fuit unus Echion,
 Is sua jecit humi montu Tritonidis arma;
 Fraternalque fidem pacis petiitque deditque.
 Hos operis comites habuit Sidonius hospes,
 Cum posuit jussam Pœbeis sortibus urbem.
 2. Jam stabant Thebæ: poteras jam, Cadme, videri
 Exilii felix, soceri tibi Marsque Venusque
 Contigerant: huc adde genus de conjugē tanta,
 Tot natos, natusque, & pignora cara nepotes.
 Hos quoque jam juvenes, sed scilicet ultima semper
 Expectanda dies homini: dicique beatus
 Ante obitum nemo, supremæque funera debet.
 Prima nepos inter tot res tibi, Cadme, secundas
 Causa fuit luctus, alienaque cornua fronti
 Addita, vosque canes satiati sanguine herili.
 At bene si quæras; fortunæ crimen in illo,
 Non scelus invenies. Quod enim scelus error habebat?

Mons erat, infectus variarum cæde ferarum :
Jamque dies rerum medias contraxerat umbras ;
Et sol ex æquo meta distabat utraque,
Cum juvenis placido per devia lustra vagantes
Participes operum compellat Hyantius ore,
Lina madent comites, ferrumque cruore ferarum,
Fortunæque dies habuit satis. Altera lucem
Cum croceis in vecta rotis Aurora reducet :
Propositum repetamus opus. Nunc Phœbus utraque
Distat idem meta, finditque vaporibus arva.
Sistite opus præsens, nodosaque tollite lina.
Jussa viri faciunt ; intermittuntque laborem.
Vallis erat piceis & acuta densa cupressu,
Nomine Gargaphie, succinctæ sacra Dianæ,
Cujus in extremo est antrum nemorale recessu,
Arte laboratum nulla, simulaverat artem
Ingenio natura suo. Nam pumice vivo
Et levibus tophis nativum duxerat arcum.
Fons sonat à dextra tenui pellucidus unda,
Margine gramineo patulos succinctus hiatus.
Hic Dea sylvarum venatu fessa solebat
Virgineos artus liquido pertundere rore.
Quo postquam subiit ; Nympharum tradidit uni
Armigeræ jaculum, pharetramque arcusque retentos.
Altera depositæ subjecit brachia pallæ :
Vincla duæ pedibus demunt. Nam doctior illis
Ismenis Crocale, sparsos per colla capillos
Colligit in nodum ; quamvis erat ipsa solutis.
Excipiunt laticem Nepheleque, Hyaleque, Rhanisque,
Et Psecas, & Phiale, funduntque capacibus urnis.
Dumque ibi perluitur solita Titania lympa ;
Ecce nepos Cadmi dilata parte laborum
Per nemus ignotum non certis passibus errans
Pervenit in lucum : sic illum fata ferebant.
Qui simul intravit rorantia fontibus antra ;

Sicut erant viso, nudæ sua pectora Nymphæ
Percussêre, viro: subitisque ululatibus omne
Implevêre nemus, circumfusæque Dianam
Corporibus texêre suis. Tamen altior illis
Ip̃sa Dea est, colloque tenus supereminet omnes.
Qui color infectis adversi Solis ab ictu
Nubibus esse solet, aut purpureæ Auroræ,
Is fuit in vultu visæ sine veste Dianæ.
Quæ quamquam comitum turba stipata suarum;
In latus obliquum tamen astitit, oraque retro
Flexit, & ut vellet promptas habuisse sagittas:
Quas habuit, sic hausit aquas, vultumque virilem
Perfudit. Spargensque comas ultricibus undis,
Addidit hæc cladis prænuncia verba futuræ.
Nunc tibi me posito visam velamine narres;
Si poteris narrare, licet. Nec plura minata,
Dat sparso capiti vivacis cornua cervi,
Dat spatium collo, summasque cacuminat aures:
Cum pedibusque manus, cum longis brachia mutat
Cruribus, & velat maculoso vellere corpus.
Additus & pavor est. Fugit Autonoeius heros,
Et se tam celerem cursu miratur in ipso.
Ut vero solitis sua cornua vidit in undis,
Me miserum, dicturus erat: vox nulla secuta est.
Ingemuit, vox illa fuit, lacrymæque per ora
Non sua fluxerunt. Mens tantum pristina mansit.
Quid faciat? repetatne domum & regalia recta?
An lateat sylvis? timor hoc, pudor impedit illud.
Dum dubitat, videre canes, primusque Melampus,
Ichnobatesque sagax latratu signa dedere;
Gnossius Ichnobates, Spartana gente Melampus.
Inde ruunt alii rapida velocius aura,
Panphagus, & Dorceus, & Oribasus; Arcades omnes
Nebrophonosque valens, & trux cum Lælape Theron,
Et pedibus Pterelas, & naribus utilis Agre,
Nec
Hylæusque

Hylæusque fero nuper percussus ab apro,
 Deque lupo concepta Nape, pecudesque secuta
 Pœmenis, & natis comitata Harpyia duobus,
 Et substrieta gerens Syconius ilia Ladon,
 Et Dromas, & Canache, Sticteque, & Tigris, & Alce,
 Et niveis Leucon, & villis Asbolus atris,
 Prævalidusque Lacon, & cursu fortis Aëllō,
 Et Thous, & Cyprio velox cum fratre Lycisce.
 Et nigram medio frontem distinctus ab albo
 Harpalos, & Melaneus, hirsutaque corpore Lachne,
 Et patre Dictæo, sed matre Laconide nati
 Labros, & Agriodos, & acutæ vocis Hylætor,
 Quosque referre mora est. Ea turba cupidine prædæ
 Per rupes scopulosque, adituque carentia saxa,
 Qua via difficilis, quaque est via nulla, sequuntur ;
 Ille fugit : per quæ fuerat loca sæpe securus.
 Heu famulos fugit ille suos. Clamare libebat,
 Actæon ego sum : dominum cognoscite vestrum.
 Verba animo desunt, resonat latratibus æther.
 Prima Melanchætes in tergo vulnera fecit,
 Proxima Theridamas ; Oresitrophus hæsit in armo.
 Tardius exierant, sed per compendia montis
 Anticipata via est. Dominum retinentibus illis
 Cætera turba coit ; confertque in corpore dentes.
 Jam loca vulneribus desunt. Gemit ille, sonumque,
 Et si non hominis, quem non tamen edere possit
 Cervus, habet : mœstisque replet juga nova querelis :
 Et genibus supplex pronis, similisque roganti,
 Circumfert tacitos, tanquam sua brachia, vultus.
 At comites rapidum solitis hortatibus agmen
 Ignari instigant, oculisque Actæona quærunt ;
 Et velut absentem certatim Actæona clamant.
 Ad nomen caput ille refert : & abesse queruntur,
 Nec capere oblata segnem spectacula prædæ.
 Vellet abesse quidem, sed adest : velletque videre :
 Non

Non etiam sentire canum fera facta suorum.
 Undique circumstant: merisque in corpore rostris
 Dilacerant falsi dominum sub imagine cervi.
 [Nec nisi finita per plurima vulnera vita
 Ira pharetrata fertur satiata Dianæ.]

3. Rumor in ambiguo est, aliis violentior æquo
 Visa Dea est, alii laudant, dignamque severa
 Virginitate vocant. Pars invenit utraque causas.
 Sola Jovis conjux, non tam culpetne, probetne
 Eloquitur; quam clade domus ab Agenore ductæ
 Gaudet, & à Tyria collectum pellice transfert
 In generis focios odium. Subit ecce priori
 Causa recens; gravidamque dolet de femine magni
 Esse Jovis Semelen. Tum linguam ad jurgia solvit.
 Profeci quid enim toties per jurgia, dixit?
 Ipsa petenda mihi est: ipsam, si maxima Juno
 Rite vocor, perdam; si me gemmantia dextra
 Sceptra tenere decet; si sum regina, Jovisque
 Et soror, & conjux. Certe soror. At puto furto
 Contenta, & thalami brevis est injuria nostri.
 Concipit. Id deerat, manifestaque crimina pleno
 Fert utero, & mater, quod vix mihi contigit uni,
 De Jove vult fieri. Tanta est fiducia formæ.
 Fallat eam faxo; nec sum Saturnia, si non
 Ab Jove merfa suo Stygias penetrabit ad umbras.

Surgit ab his folio: fuscaque recondita nube
 Limen adit Semeles: nec nubes ante removit,
 Quam simulavit anum, posuitque ad tempora canos.
 Sulcavitque cutem rugis, & curva trementi
 Membra tulit passu, vocem quoque fecit anilem:
 Ipsaque erat Beroë, Semeles Epidauria nutrix.
 Ergo ubi captato sermone, diuque loquendo
 Ad nomen venere Jovis: suspirat, & Opto
 Jupiter ut sit, ait; metuo tamen omnia. Multi
 Nomine divorum thalamos inière pudicos.

Nec

Nec tamen esse Jovem satis est : det pignus amoris ;
Si modo verus is est : quantumque, & qualis ab alta
Junone excipitur ; tantus, talisque regato
Det tibi complexus : suaque ante insignia sumet.

Talibus ignaram Juno Cadmeïda dictis
Formârat. Rogat illa Jovem sine nomine munus.
Cui Deus, Elige, ait, nullam patiêre repulsam.
Quoque magis credas ; Stygii quoque conscia sunt
Numina torrentis. Timor, & Deus ille Deorum.
Læta malo, nimiumque potens, perituraque amantis
Obsequio Semele, Qualem Saturnia, dixit,
Te solet amplecti, Veneris cum fœdus initis ;
Da mihi te talem. Voluit Deus ora loquentis
Opprimere. Exierat jam vox properata sub auras.
Ingemuit : neque enim non hæc optasse, neque ille
Non jurasse potest. Ergo mœstissimus altum
Æthera conscendit : vultumque sequentia traxit
Nubila, queis nimbos, immistaque fulgura ventis
Addidit, & tonitrus, & inevitabile fulmen.
Qua tamen usque potest, vires sibi demere tentat.
Nec, quo centimanum dejecerat igne Typhœa,
Nunc armatur eo : nimium feritatis in illo.
Est aliud levius fulmen ; cui dextra Cyclopum
Iæviæ, flammæque minus, minus addidit iræ :
Cela secunda vocant Superi. Capit illa : domumque
Intrat Agenoream. Corpus mortale, tumultus
Non tulit æthereos : donisque jugalibus arsit.
Imperfectus adhuc infans genitricis ab alvo
Eripitur, patrioque tener (si credere dignum)
Insuitur femori ; maternaque tempora complet.
Partim illum primis Ino matertera cunis
Educat. Inde datum Nymphæ Nyseïdes antris
Decubere suis : lactisque alimenta dedere.

4. Dumque ea per terras fatali lege geruntur ;
Utque bis geniti sunt incunabula Bacchi :

Forte

Forte Jovem memorant diffusum nectare curas
Seposuisse graves, vacuaque agitasse remissos
Cum Junone jocos: &, Major vestra profecto
Quam quæ contigerit maribus, dixisse, voluptas.
Illa negat. Placuit quæ sit sententia docti
Quærere Tiresiæ: Venus huic erat utraque nota.
Nam duo magnorum viridi coeuntia sylva
Corpora serpentum baculi violaverat ictu:
Deque viro factus (mirabile) fœmina, septem
Egerat autumnos. Octavo rursus eisdem
Vidit: &, est vestræ si tanta potentia plagæ,
Dixit, ut auctoris sortem in contraria mutet,
Nunc quoque vos feriam. Percussis anguibus isdem
Forma prior rediit: genitivaque venit imago.
Arbiter hic igitur sumptus de lite jocosa:
Dicta Jovis firmat. Gravius Saturnia iusto,
Nec pro materia fertur doluisse: sui que
Judicis æterna damnavit lumina nocte.
At pater omnipotens (neque enim licet irrita cuiquam
Facta Dei fecisse Deo) pro lumine adempto
Scire futura dedit: pœnamque levavit honore.

Ille per Aonias fama celeberrimus urbes
Irreprehensa dabat populo responsa petenti
Prima fide vocisque ratæ tentamina sumpsit
Cærula Liriope: quam quondam flumine curvo
Implicuit; clausæque suis Cephisos in undis
Vim tulit. Enixa est utero pulcherrima pleno
Infantem Nymphis, jam tunc qui posset amari,
Narcissumque vocat. De quo consultus, an esset
Tempora maturæ visurus longa senectæ:
Fatidicus vates, Si se non noverit, inquit
Vana diu visa est vox auguris. Exitus illam,
Resque probat, letique genus, novitasque furoris.
Namque ter ad quinos unum Cephisius annum
Addiderat: poteratque puer, juvenisque videri,

Multi illum juvenes, multæ cupiêre puellæ :

Sed fuit in tenera tam dira superbia forma,

Nulli illum juvenes, nullæ tetigêre puellæ.

Aspicit hunc, trepidos agitantem in retia cervos,

Vocalis Nymphæ ; quæ nec reticere loquenti,

Nec prior ipsa loqui didicit, resonabilis Echo.

Corpus adhuc Echo, non vox : & tamen usum

Garrula non alium, quam nunc habet, oris habebat ;

Reddere de multis ut verba novissima posset.

Fecerat hoc Juno. Quia cum deprendere posset

Sub Jove sæpe suo Nymphas in monte jacentes ;

Illa Deam longo prudens sermone tenebat,

Dum fugerent Nymphæ. Postquam Saturnia sensit ;

Hujus, ait, linguæ, qua sum delusa, potestas

Parva tibi dabitur, vocisque brevissimus usus.

Reque minas firmat. Tamen hæc in fine loquendi

Ingeminat voces : auditaque verba reportat.

Ergo ubi Narcissum per devia rura vagantem

Vidit, & incaluit ; sequitur vestigia furtim.

Quoque magis sequitur ; flamma propiore calescit.

Non aliter, quam cum summis circumlita tædis

Admotam rapiunt vivacia sulfura flammam.

O quoties voluit blandis accedere dictis,

Et mollis adhibere preces ! natura repugnat ;

Nec finit incipiat. Sed quos finit, illa parata est,

Exspectare sonos, ad quos sua verba remittat.

Fortè puer comitum seductus ab agmine fido

Dixerat, Ecquis adest ? & Adest, responderat Echo.

Hic stupet, utque aciem partes dimittit in omnes ;

Voce, Veni, magna clamat. Vocat illa vocantem.

Respicit, & rursus nullo veniente, Quid, inquit,

Me fugis ? & totidem, quot dixit, verba recepit.

Præstat ; & alternæ deceptus imagine vocis ;

Huc coëamus, ait : nullique libentius unquam

Responsura sono, Coëamus rettulit Echo :

Et verbis favet ipsa suis ; egressaque sylva
 Ibat, ut injiceret sperato brachia collo.
 Ille fugit : fugiensque manus complexibus aufert.
 Ante, ait, emoriar, quam sit tibi copia nostri.
 Rettulit illa nihil, nisi, Sit tibi copia nostri.
 Spreta latet sylvis : pudibundaque frondibus ora
 Protegit. Et solis ex illo vivit in antris.
 Sed tamen hæret amor ; crescitque dolore repulsæ,
 Attenuant vigiles corpus miserabile curæ :
 Adducitque cutem macies ; & in aëra succus
 Corporis omnis abit. Vox tantum, atque ossa supersunt.
 Vox manet. Ossa ferunt lapidis traxisse figuram.
 Inde latet sylvis : nulloque in monte videtur ;
 Omnibus auditur. Sonus est, qui vivit in illa.

6. Sic hanc, sic alias undis aut montibus ortas
 Luferat hic Nymphas ; sic cœtus ante viriles.
 Inde manus aliquis despectus ad æthera tollens,
 Sic, amet ipse licet, sic non potiatur amato,
 Dixerat. Assensit precibus Rhamnusia justis.

Fons erat illimis nitidis argenteus undis,
 Quem neque pastores, neque pastæ monte capellæ
 Contigerant, aliudve pecus : quem nulla volucris,
 Nec fera turbabat, nec lapsus ab arbore ramus.
 Gramen erat circa, quod proximus humor alebat :
 Sylvaque, sole locum passura tepescere nullo.
 Hic puer, & studio venandi lassus & æstu
 Procubuit ; faciemque loci, fontemque secutus.
 Dumque sitim sedare cupit ; sitis altera crevit.
 Dumque bibit, visæ correptus imagine formæ, (est
 Spem sine corpore amat : corpus putat esse, quod umbra
 Adstupet ipse sibi : vultuque immotus eodem
 Hæret, ut è Pario formatum marmore signum.
 Spectat humi positus geminum, sua lumina, fidus,
 Et dignos Baccho, dignos & Apolline crines,
 Impubesque genas, & eburnea colla, decusque

Oris, & in niveo mistum candore ruborem :
Cunctaqua miratur ; quibus est mirabilis ipse.
Se cupit imprudens ; & qui probat, ipse probatur.
Dumque, petit, petitur: pariterque accendit, & ardet.
Irrita fallaci quoties dedit oscula fonti !
In mediis quoties visum captantia collum
Brachia merfit aquis ; nec se deprehendit in illis !
Quid videat nescit. Sed quod videt, uritur illo :
Atque oculos idem, qui decipit, incitat error.
Credule, quid frustra simulacra fugacia captas ?
Quod petis est nusquam : quod amas, avertere, perdes.
Ista re percussæ, quam cernis, imaginis umbra est,
Nil habet ista sui. Tecum venitque, manetque :
Tecum discedat ; si tu discedere possis.
Non illum Cereris, non illum cura quietis
Abstrahere inde potest. Sed opaca fusus in herba !
Spectat in expleto mendacem lumine formam :
Perque oculos perit ipse suus, paulumque levatus,
Ad circumstantes tendens sua brachia sylvas ;
Ecquis lo sylvæ crudelius, inquit, amavit ?
(Scitis enim, & multis latebra opportuna fuistis,)
Ecquem, cum vestræ tot agantur sæcula vitæ.
Qui sic tabuerit, longo meministis in ævo ?
Et placet, & video : sed quod videoque, placetque,
Non tamen invenio. Tantus tenet error amantem.
Quoque magis doleam ; nec nos mare separat ingens
Nec via, nec montes, nec clausis mœnia portis.
Exigua prohibemur aqua. Cupit ipse teneri.
Nam quoties liquidis porreximus oscula lymphis ;
Hic toties ad me resupino nititur ore.
Posse putes tangi. Minimum est quod amantibus obstat,
Quisquis es, huc exi. Quid me, puer unice, fallis ?
Quove petitus abis ? Certe nec forma nec ætas
Est mihi, quam fugias: & amarunt me quoque Nymphæ.
Spem mihi nescio quam vultu promittis amico :

Cumque ego porrexisti tibi brachia, porrigis ultro.
 Cum risi, arrides. Lacrymas quoque sæpe notavi
 Me lacrymante tuas. Nutu quoque signa remittis :
 Et quantum motu formosi suspicor oris,
 Verba refers aures non pervenientia nostras.
 In te ego sum : sensi. Nec me mea fallit imago.
 Uror amore mei. Flammæ moveoque, feroque.
 Quid faciam? Rogem, anne rogem? Quid deinde rogabo?
 Quod cupio mecum est. Inopem me copia fecit.
 O utinam nostro secedere corpore possem! (ser.
 Votum in amante novum. Vellem, quod amamus, abes-
 Jamque dolor vires adimit : nec tempora vitæ
 Longa meæ superant. Primoque extinguior in ævo.
 Nec mihi mors gravis est, posituro morte dolores :
 Hic, qui diligitur, vellem diuturnior esset.
 Nunc duo concordēs anima moriemur in una.
 Dixit, & ad faciem rediit male sanus eandem ;
 Et lacrymis turbavit aquas. Obscuraque moto
 Reddita forma lacu est : quam cum vidisset abire ;
 Quo fugis? oro, mane ; nec me crudelis amantem
 Desere ; clamavit. Liceat, quod tangere non est,
 Aspicere, & misero præbere alimenta furorī.
 Dumque dolet : summa vestem deduxit ab ora,
 Nudaque marmoreis percussit pectora palmis ;
 Pectora traxerunt tenuem percussa ruborem.
 Non aliter, quam poma solent, quæ candida parte,
 Parte rubent. Aut ut variis solet uva racemis
 Ducere purpureum, nondum matura, colorem.
 Quæ simul aspexit liquefacta rursus in unda ;
 Non tulit ulterius : sed, ut intabescere flavæ
 Igne levi ceræ, matutinæve pruinae
 Sole tepente solent, sic attenuatus amore
 Liquitur, & cæco paulatim carpitur igni.
 Et neque jam color est misto candore rubori ;
 Nec vigor, & vires, & quæ modo visa placebant :

Nec

Nec corpus remanet, quondam quod amaverat Echo.
Quæ tamen ut vidit, quamvis irata, memorque,
Indoluit; quotiesque puer miserabilis, Eheu,
Dixerat; hæc retonis iterabat vocibus, Eheu.
Cumque suos manibus percusserat ille lacertos;
Hæc quoque reddebat sonitum plangoris eundem.
Ultima vox solitam fuit hæc spectantis in undam,
Heu frustra dilecte puer; totidemque remisit
Verba locus. Dictoque Vale, Vale inquit & Echo.
Ille caput viridi tessum submisit in herba.
Lumina nox clausit domini mirantia formam,
Tum quoque se, postquam est inferna sede receptus,
In Stygia spectabat aqua. Planxere sorores
Naiades; & sectos fratri imposuere capillos.
Planxerunt Dryades. Plangentibus assonat Echo.
Jamque rogam quassasque faces, feretrumque parabant.
Nusquam corpus erat; croceum pro corpore florem
Inveniunt; foliis medium cingentibus albis.

7. Cognita res meritam vati per Achaïdas urbes
Attulerat famam; nomenque erat auguris ingens.
Spernit Echionides tamen hunc, ex omnibus unus
Contemptor superum Pentheus; præsagaque ridet
Verba senis; tenebrasque & cladem lucis ademptæ
Objicit. Ille movens albentia tempora canis,
Quam felix esses. Si tu quoque luminis hujus
Orbus, ait, fieres; ne Bacchica sacra videres.
Namque dies aderit; quam non procul auguror esse;
Qua novus huc veniat proles Semeleia Liber.
Quem nisi templorum fueris dignatus honore;
Mille lacer spargere locis; & sanguine sylvas
Fœdabis, matremque tuam matrisque sorores.
Evenienc. (Neque enim dignabere numen honore)
Meque sub his tenebris nimium vidisse quereris.
Talia dicentem proturbat Echione natus.
Dicta fides sequitur; responsaque vatis aguntur.

Liber adest : festisque fremunt ululatibus agri.
 Turba ruunt ; mistæque viris, matresque nurusque,
 Vulgusque, proceresque, ignota ad sacra feruntur.
 Quis furor Anguigenæ, proles Mavortia, vestras
 Attonuit mentes ? Pentheus ait. Ærane tantum
 Ære repulsa valent ? Et adunco tibia cornu ?
 Et magicæ fraudes ? Ut quos non bellieus ensis,
 Non tuba terruerint, non strictis agmina telis ;
 Fœminæ voces, & mota infania vino,
 Obscœnique greges, & inania tympana vincant ?
 Vosne, senes, mirer ? Qui longa per æquora vecti
 Hac Tyron, hac profugos posuistis sede Penates ;
 Nunc finitis sine Marte capi ? Vosne, acrior ætas.
 O juvenes, propiorque meæ ; quos arma tenere
 Non thyrsos ; galeaque tegi, non fronde decebat ?
 Este, precor, memores, qua sitis stirpe creati ;
 Illiusque animos, qui multos perdidit unus,
 Sumite serpentis. Pro fontibus ille lacuque
 Interiit. At vos pro fama pellite vestra.
 Ille dedit leto fortes ; vos vincite molles,
 Et patrium revocate decus. Si fata vetârunt
 Stare diu Thebas ; utinam tormenta, virique
 Mœnia diruerent ; ferrumque ignisque sonarent ;
 Effemus miseri sine crimine. Sortque querenda
 Non celanda foret ; lacrymæque pudore carerent.
 At nunc à puero Thebæ capientur inermi ;
 Quem neque bella juvant, nec tela, nec usus equorum ;
 Sed madidus myrrha crinis, mollesque coronæ,
 Purpuraque & pictis intextum vestibus aurum.
 Quem quidem ego ætutum (modo vos abstititi) cogam
 Assumptumque patrem commentaque sacra fateri.
 An satis Acrisio est animi contemnere vanum
 Numen, & Argolicæ venienti claudere portas ;
 Penthea terrebit cum totis advena Thebis ?
 Ite citi (famulis hoc imperat) ite, ducemque

Attrahite huc vinctum. Jussis mora segnis abesto.
Hunc avus, hunc Athamas, hunc cætera turba suorum,
Corripiunt dictis: frustra que inhibere laborant.
Acrior admonitu est; irritaturque retentu,
Et crescit rabies: remoraminaque ipsa nocebant.
Sic ego torrentem, qua nil obstabat eunti,
Lenius, & modico strepitu decurrere vidi.
At, quacunque trabes, obstructaque saxa tenebant;
Spumeus, & fervens, & ab objice lævior ibat.
Ecce cruentati redeunt: &, Bacchus ubi esset,
Quærenti domino, Bacchum vidisse negarunt.
Hunc, dixere, tamen comitem, famulumque sacrorum,
Cepimus, & tradunt manibus post terga ligatis,
Sacra Dei quondam Tyrrhena gente secutum.

8. Aspicit hunc oculis Pentheus, quos ira tremendos
Fecerat: & quanquam pœnæ vix tempora differt;
O periture tuaque aliis documenta dature
Morte ait, ede tuum nomen, nomenque parentum,
Et patriam: morisque novi cur sacra frequentes.
Ille metu vacuus, Nomen mihi, dixit, Acoetes;
Patria Mœonia est: humili de plebe parentes.
Non mihi, quæ duri colerent pater arva juvenci,
Lanigerosve greges, non ulla armenta reliquit.
Pauper & ipse fuit, linoque solebat & hamis
Decipere, & calamo salientes ducere pisces;
Ars illi sua census erat. Cum traderet artem;
Accipe. Quas habeo studii successor, & hæres,
Dixit, opes: moriensque mihi nihil ille reliquit
Præter aquas. Unum hoc possum appellare paternum.
Mox ego, ne scopulis hærerem semper in iisdem,
Addidici regimen, dextra moderante, carinæ
Flectere: & Oleniæ fidus pluviale capellæ,
Taygetenque, Hyadaeque oculis Arctonque notavi,
Ventorumque domos, & portus puppibus aptos

Forte petens Delon, Chia telluris ad oras
 Applicor, & dextris adducor littora remis :
 Doque leves saltus ; udæque immittor arenæ.
 Nox ubi consumpta est ; Aurora rubescere primo
 Cœperat : exsurgo, laticesque inferre recentes
 Admoneo ; monstroque viam, quæ ducat ad undas.
 Ipse quid aura mihi tumulo promittat ab alto,
 Prospicio ; comitesque voco, repetoque carinam.
 Adsumus en, inquit sociorum primus Opheltes :
 Utque putat, prædam deserto nactus in agro
 Virginea puerum ducit per littora forma.
 Ille mero, somnoque gravis, titubare videtur ;
 Vixque sequi. Specto cultum, faciemque, gradumque :
 Nil ibi, quod possit credi mortale, videbam.
 Et sensi, & dixi sociis, Quod numen in isto.
 Corpore sit dubito : sed corpore numen in isto.
 Quisquis es, ô faveas, nostrisque laboribus adsis.
 His quoque des veniam. Pro nobis mitte precari,
 Dictys ait : quo non alius conscendere summas
 Ocyor antennas, prensoque rudente relabi.
 Hoc Libys, hoc flavus proræ tutela Melanthus,
 Hoc probat Alcimedon, & qui requiemque modumque
 Voce dabat remis, animorum hortator Epopeus.
 Hoc omnes alii. Prædæ tam cæca cupido est.
 Non tamen hanc sacro violari pondere pinum
 Perpetiar, dixi : pars hic mihi maxima juris.
 Inque aditu obisto furit audacissimus omni
 De numero Lycabas : qui Tusca pulsus ab urbe
 Exsilium, dira pœnam pro cæde, luebat.
 Is mihi, dum resto, juvenili guttura pugno
 Rupit. Et excussum misisset in æquora ; si non
 Hæsissem, quamvis amens, in fune retentus.

9. Impia turba probat factum. Tum denique Bacchus
 (Bacchus enim fuerat) veluti clamore solutus
 Sit sopor : aque mero redeant in pectora sensus ;

Quid facitis? quis clamor, ait? qua dicite nautæ
Huc ope perveni? quo me deferre paratis?

Pone metum, Proreus, & quos contingere portus
Ede velis, dixit. Terra sistere petita.

Naxon, ait Liber, cursus advertite vestros.

Illa mihi domus est: vobis erit hospita tellus.

Per mare fallaces, perque omnia numina jurant;

Sic fore: meque jubent, pictæ dare vela carinæ.

Dextera Naxos erat. Dextra mihi lintea danti,

Quid facis, ô demens? quis te furor. inquit Opheltes?

Pro se quisque timet. Lævam pete, maxima nutu

Pars mihi significat: pars, quam velit, aure susurrat.

Obstupui: Capiatque alius moderamina, dixi:

Meque ministerio scelerisque artisque removi.

Increpor à cunctis; totumque immurmurat agmen.

E quibus Echalion, Te scilicet omnis in uno.

Nostra salus posita est, ait. Et subit ipse: meumque

Explet opus: Naxoque petit diversa relictæ.

10. Tum Deus illudens, tanquam modo denique fraus
Senserit; è puppi pontum prospectat adunca. (dem

Et flenti similis, Non hæc mihi littora nautæ

Promissis, ait: non hæc mihi terra rogata est.

Quo merui pœnam facto? quæ gloria vestra est;

Si puerum juvenes, si multi fallitis unum?

Jamdudum flebam. Lacrymas manus impia nostras

Ridet: & impellit properantibus æquore remis.

Per tibi nunc ipsum (nec enim præsentior illo

Est Deus) adjuro, tam me tibi vera referre,

Quam veri majora fide. Stetit æquore puppis

Haud aliter, quam, si siccum navale teneret.

Illi admirantes remorum in verbere perstant;

Velaque deducunt; geminaque ope currere tentant.

Impediunt hederæ remos, nexuque recurvo

Serpunt; & gravidis distringunt vela corymbis.

Ipsæ racemiferis frontem circumdatus uvis

Pampineis agitac velatam frondibus hastam.
 Quem circa tigres, simulacraque inania lyncum,
 Piſtarumque jacent fera corpora pantherarum.
 Exſilière viri (ſive hoc inſania fecit,
 Sive timor) primuſque Medon nigreſcere cœpit,
 Corpore depreſſo, & ſpinæ curvamine ſecti
 Incipit. Huic Lycabas; In quæ miracula, dixit,
 Verteris? & lati riſtus, & panda loquenti
 Naris erat; ſquammamque cutis durata trahebat.
 At Libys, obſtantes dum vult obvertere remos;
 In ſpatium reſilire manus breve vidit; & illas
 Jam non eſſe manus; jam pinnas poſſe vocari.
 Alter ad intortos cupiens dare brachia funes,
 Brachia non habuit; truncoque repandus in undas
 Corpore deſiluit. Falcata noviffima cauda eſt:
 Qualia dimidiæ ſinuantur cornua lunæ.
 Undique dant ſaltus: multaſque aſpergine rorant:
 Emerguntque iterum: redeuntque ſub æquora rurfus.
 Inque chori ludunt ſpeciem: laſcivaque jaſtant
 Corpora; & acceptum patulis mare naribus efflant.
 De modo viginti (tot enim ratis illa ferebat)
 Reſtabam ſolus. Pavidum, gelidumque tremeſcenti
 Corpore: vixque meum firmat Deus, Excute, dicens,
 Corde metum, Chiamque tene. Delatus in illam
 Accenſis aris Baccheia ſacra frequento.
 Præbuimus longis Pentheus ambagibus aures,
 Inquit: ut ira mora vires abſumere poſſet.
 Præcipitem famuli rapite hunc: cruciataque diris
 Corpora tormentis Stygiæ dimittite nocti.
 Protinus abſtractus ſolidis Tyrrhenus Accetes
 Clauditur in tectis: & dum crudelia juſſæ
 Inſtrumenta necis, ferrumque, igneſque parentur;
 Sponte ſua patuiſſe fores, lapſaſque lacertis
 Sponte ſua fama eſt, nullo ſolvente, catenas.
 Perſtat Echionides, nec jam jubet ire, ſed ipſe

Vadit,

Vadit, ubi electus facienda ad sacra Cithæron
Cantibus, & clara Bacchantum voce sonabat.
Ut fremit acer equus, cum bellicus ære canoro
Signa dedit tubicen: pugnaeque assumit amorem:
Pentheæ sic ietus longis ululatibus æther
Movit: & audito clamore recanduit ira.
Monte fere medio est cingentibus ultima sylvis
Purus ab arboribus spectabilis undique campus.
Hic oculis illum cernentem sacra profanis
Prima vidit, prima est insano concita motu,
Prima suum misso violavit Pentheæ thyrsos
Mater: Io, geminæ, clamavit, adeste sorores.
Ille aper, in nostris errat qui maximus agris,
Ille mihi feriendus aper. Ruit omnis in unum
Turba furens: cunctæ coeunt, trepidumque sequuntur;
Jam trepidum, jam verba minus violenta loquentem
Jam se damnantem, jam se peccasse fatentem.
Saucius ille tamen, Fer opem matertera, dixit,
Antonoë: moveant animos Actæonis umbræ.
Illa quis Actæon nescit; dextramque precanti
Abstulit: Inoo lacerata est altera raptu.
Non habet infelix quæ matri brachia tendat:
Trunca sed ostendens disiectis corpora membris,
Aspice mater, ait. Visis ululavit Agave;
Collaque jactavit, crinemque per aëra movit.
Avulsamque caput digitis complexa cruentis
Clamat, Io comites, opus hæc victoria nostrum est.
Non citius frondes autumnæ frigore tactas,
Jamque male hærentes alta rapit arbore ventus;
Quam sunt membra viri manibus direpta nefandis.
Falibus exemplis monitæ nova sacra frequentant:
Thuraque dant, sanctasque colunt Ismenidis aras.

M E T A M O R P H O S E O N L I B. I V.

AT non Alcithoë Minyeïas orgia censet
 Accipienda Dei: sed adhuc temeraria Bacchum
 Progeniem negat esse Jovis: sociasque sorores
 Impietatis habet. Festum celebrare sacerdotes,
 Immunesque operum dominas famulasque suorum,
 Pectora pelle tegi, crinales solvere vittas,
 Serta coma, manibus frondentes sumere thyrsos,
 Jufferat: & sævam læsi fore numinis iram
 Vaticinatus erat. Parent matresque, nurusque;
 Telasque, Calathosque, infectaque pensa reponunt:
 Thuraque dant: Bacchumque vocant, Bromiumque,
 (Lyæumque,
 Ignigenamque satumque iterum, solumque bimatrem.
 Additur his, Nyseus, indetonusque Thyoneus,
 Et cum Lenæo genialis confitor uvæ,
 Nycteliusque, Eleleusque parens, & Iacchus, & Evan
 Et quæ præterea per Grajas plurima gentes
 Nomina, Liber, habes. Tibi enim inconsumpta Juventus.
 Tu puer æternus, tu formosissimus alto
 Conspiceris cœlo: tibi, cum sine cornibus adstas,
 Virgineum caput est: Oriens tibi victus, adusque
 Discolor extremo qua cingitur India Gange.
 Penthea tu, venerande, bipenniferumque Lycurgum
 Sacrilegos mactas: Tyrrhenaque mittis in æquor
 Corpora. Tu bijugum pictis insignia frænis
 Colla premis Lyncum: Bacche, Satyrique sequuntur,
 Quique senex ferula titubantes ebrius artus
 Sustinet: & pando non fortiter hæret a fello.
 Quacunque ingrederis; clamor juvenilis, & una
 Fœmineæ voces, impulsaque tympana palmis,
 Concavaque æra sonant, longoque foramine buxus.
 Pacatus, mitisque, rogant Ismenides, adsis:
 Jussaque sacra colunt. Solæ Minyeïdes intus
 Impeffiva

Intempestiva turbantes festa Minerva,
 Aut ducunt lanas, aut stamina pollice versant,
 Aut hærent telæ, famulasque laboribus urgent.
 E quibus una levi deducens pollice filum,
 Dum cessant aliæ, commentaque sacra frequentant,
 Nos quoque, quas Pallas melior Dea detinet, inquit,
 Utile opus manuum vario sermone levemus:
 Perque vices aliquid, quod tempora longa videri
 Non sinat, in medium vacuas referamus ad aures.
 Dicta probant, primamque jubent narrare sorores,
 Illa, quid è multis referat (nam plurima norat)
 Cogitat; & dubia est, de te Babylonia narret
 Derceti, quam versa squamis velantibus artus
 Stagna Palæstini credunt celebrasse figura:
 An magis ut sumptis illius filia pennis,
 Extremos albis in turribus egerit annos.
 Nais an ut cantu, nimiumque potentibus herbis,
 Verterit in tacitos juvenilia corpora pisces;
 Donec idem passa est. An quæ poma alba ferebat,
 Ut nunc nigra ferat contactu sanguinis arbor.
 Hoc placet: hanc, (quoniam vulgaris fabula non est.)

4. Talibus crâ modis, lana sua fila sequente:
 Pyramus & Thisbe, juvenum pulcherrimus alter,
 Altera, quas Oriens habuit, prælata puellis;
 Contiguas tenuère domos: ubi dicitur altam
 Coctilibus muris cinxisse Semiramis urbem.
 Notitiam primosque gradus vicinia fecit.
 Tempore crevit amor. Tædæ quoque jure coïssent;
 Sed vetuère patres; quod non potuère vetare.
 Ex æquo captis ardebant mentibus ambo.
 Conscius omnis abest. Nutu, signisque loquuntur.
 Quoque magis tegitur, tanto magis æstuat ignis.
 Fissus erat tenui rima, quam duxerat olim,
 Cum færet, paries domui communis utrique.
 Id vitium nulli per sæcula longa notatum;

(Quid non sentit amor?) primi sensistis amantes,
Et vocis fecistis iter: turæque per illud
Murmure blanditiæ minimo transire solebant.
Sæpe ubi constiterant, hinc Thisbe. Pyramus illinc;
Inque vices fuerat captatus anhelitus oris;
Invide, dicebant, paries, quid amantibus obstas?
Quantum erat, ut fineres nos toto corpore jungi!
Aut, hoc si nimium; vel ad oscula danda pateres!
Nec sumus ingrati. Tibi nos debere fatemur,
Quod datus est votis ad amicas transitus aures.
Talia diversa nequicquam sede locuti;
Sub noctem dixêre Vale: partique dedêre
Oscula quisque suæ, non pervenientia contra.
Postera nocturnos Aurora removerat ignes.
Solque pruinosas radiis siccaverat herbas:
Ad solitum coîêre locum: tum murmure parvo
Multa prius questi, statuunt, sub nocte silenti
Fallere custodes, foribusque excedere tentent:
Cumque domo exierint, urbis quoque recta relinquant:
Neve sit errandum lato spatiantibus arvo;
Convenient ad busta Nini, lateantque sub umbra
Arboris. Arbor ibi niveis uberrima pomis
Ardua morus erat, gelido contermina fonti.
Pacta placent, & lux tarde discedere visa,
Præcipitatur aquis, & aquis nox surgit ab isdem:
Callida per tenebras, versato cardine, Thisbe
Egreditur, fallitque suos: adopertaque vultum
Pervenit ad tumulum; dictaque sub arbore sedit,
Audacem faciebat amor. Venit ecce recenti
Cæde læna boum spumantes oblita rictus;
Depositura sitim vicini fontis in unda.
Quam procul ad lunæ radios Babylonia Thisbe
Vidit: & obscurum timido pede fugit in antrum.
Dumque fugit; tergo velamina lapsa relinquit.
Ut lea sæva sitim multa compescuit unda;

Dum

Dum redit in sylvas ; inventos forte sine ipsa
Ore cruentato tenues laniavit amictus.
Serius egressus vestigia vidit in alto
Pulvere certa feræ, totoque expalluit ore
Pyramus. Ut vero vestem quoque sanguine tinctam
Repperit : Una duos, nox, inquit, perdet amantes,
E quibus illa fuit longa dignissima vita.
Nostra nocens anima est, ego, te miseranda, peremi ;
In loca plena metus qui jussi nocte venires,
Nec prior huc veni. Nostrum divellite corpus,
Et scelerata fero consumite viscera morfu,
O quicumque sub hac habitatis rupe leones !
Sed timidi est optare necem. Velamina Thisbes
Tollit, & ad pactæ secum fert arboris umbram.
Utque dedit notæ lacrymas, dedit oscula vesti:
Accipe nunc, inquit, nostri quoque sanguinis haustus.
Quoque erat accinctus, dimisit in ilia ferrum.
Nec mora ; ferventi moriens è vulnere traxit,
Et jacuit resupinus humi. Cruor emicat alte,
Non aliter, quam cum vitiato fistula plumbo
Scinditur, & tenues stridente foramine longe
Ejaculatur aquas ; atque ictibus aëra rumpit.
Arborei foetus aspergine cædis in atram
Vertuntur faciem : madefactaque sanguine radix
Purpureo tingit pendentia mora colore.
Ecce metu nondum posito, ne fallat amantem,
Illa redit, juvenemque oculis, animoque requirit,
Quantaque vitarit narrare pericula gestit.
Utque locum, & versam cognovit in arbore formam ;
Sic facit incertam pomi color) hæret an hæc sit.
Dum dubitat ; tremebunda videt pulsare cruentum
Membra solum ; retroque pedem tulit : oraque buxo
Pallidiora gerens, exhorruit, æquoris instar,
Quod fremit, exigua cum summum stringitur aura.
Sed postquam remorata suos cognovit amores ;

Percutit indignos claro plangore lacertos:
 Et laniata comas amplexaque corpus amatum,
 Vulnera supplevit lacrymis: fletumque cruori
 Miscuit, & gelidis in vultibus oscula figens,
 Pyrame, clamavit, quis te mihi casus ademit?
 Pyrame, responde. Tua te, carissima Thisbe
 Nominat. Exaudi: vultusque attolle jacentes.
 Ad nomen Thisbes oculos jam morte gravatos
 Pyramus erexit, visaque recondidit illa.
 Quæ postquam vestemque suam cognovit, & ense
 Vidit ebur vacuum; Tua te manus, inquit, amorque
 Perdidit infelix. Est & mihi fortis in unum
 Hoc manus: est & amor, dabit hic in vulnera vires.
 Prosequar extinctum: letique miserrima dicar
 Causa comesque tui. Quique à me morte revelli
 Heu sola poteras; poteris nec morte revelli.
 Hoc tamen amborum verbis estote rogati,
 O multum miseri meus illiusque parentes,
 Ut quos certus amor, quos hora novissima junxit;
 Componi tumulo non invideatis eodem.
 At tu quæ ramis arbor miserabile corpus
 Nunc tegis unius; mox es tectura duorum;
 Signa tene cædis: pullosque, & luctibus aptos
 Semper habe foetus: gemini monumenta cruoris,
 Dixit: & aptato pectus mucrone sub imum
 Incubuit ferro; quod adhuc à cæde tepebat.
 Vota tamen tetigere Deos, tetigere parentes.
 Nam color in pomo est, ubi permaturuit, ater:
 Quodque rogis superest, una requiescit in urna.

5. Desierat: mediumque subit breve tempus: & orsa
 Dicere Leucothœe. Vocem tenuere sorores.
 Hunc quoque siderea qui temperat omnia luce,
 Cepit amor Solem. Solis referamus amores.
 Primus adulterium Veneris cum Marte putatur
 Hic vidisse Deus. Videt hic Deus omnia, primus.

Indoluit factō: Junonigenæque marito
 Farta tori, furtique locum monstravit. At illi
 Et mens, & quod opus fabrilis dextra tenebat,
 Excidit. Extemplo graciles ex ære catenas,
 Retiaque, & laqueos, quæ lumina fallere possint,
 Elimat. Non illud opus tenuissima vincant
 Stamina, non summo quæ pendet aranea tigno.
 Uique leves tactus, momentaque parva sequantur,
 Efficit: & lecto circumdata collocat apte
 Ut venere torum conjux & adulter in unum;
 Arte viri, vinculisque nova ratione paratis;
 In mediis ambo deprensi amplexibus hærent.
 Lemnius extemplo valvas patefecit eburnas:
 Admisitque Deos. Illi jacuere ligati
 Turpiter: atque aliquis de Dis non tristibus, optet
 Sic fieri turpis. Superi risere: diuque
 Hæc fuit in toto notissima fabula cælo.

Exigit indicii memorem Cythereia pœnam:
 Inque vices illum, tectos qui læsit amores,
 Lædit amore pari. Quid nunc, Hyperione nate,
 Forma, colorque tibi, radiataque lumina profunt:
 Nempe tuis omnes qui terras ignibus uris,
 Ureris igne novo: quique omnia cernere debes,
 Leucothoën spectas: & virgine figis in una,
 Quos mundo debes, oculos. Modo surgis Eoo
 Temporiis cælo: modo serius incidis undis;
 Spectandique mora brumales porrigis horas.
 Deficis interdum. Vitiumque in lumina mentis
 Transit, & obscurus mortalia pectora terres.
 Nec, tibi quod Lunæ terris propioris imago
 Obstiterit, palles. Facit hunc amor iste colorem.
 Diligis hanc unam: nec te Clymeneque, Rhodosque,
 Nec tenet Æææ genitrix pulcherrima Circes,
 Quæque tuos Clytie, quamvis despecta, petebat
 Concubitus; ipsoque illo grave vulnus habebas

Tempore. Leucothoë multarum oblivia fecit :
Gentis odoriferæ quam formosissima partu
Edidit Eurynome. Sed postquam filia crevit ;
Quam mater cunctas, tam matrem filia vicit.
Rexit Achæmenias urbes pater Orchamus : isque
Septimus à prisci numeratur origine Beli.
Axe sub Hesperio sunt pascua Solis equorum,
Ambrosiam pro gramine habent. Ea fessa diurnis
Membra ministeriis nutrit, reparatque labori.
Dumque ibi quadrupedes cœlestia pabula carpunt,
Noxque vicem peragit, thalamos Deus intrat amatos,
Versus in Eurynomas faciem genetricis : & inter
Bis sex Leucothoën famulas ad lumina cernit
Levia versato ducentem stamina fuso.
Ergo ubi, ceu mater, caræ dedit oscula natæ ;
Res, ait, arcana est : famulæ discedite : neve
Eripite arbitrium matri secreta loquendi.
Paruerunt : thalamoque Deus sine teste relicto,
Ille ego sum, dixit, qui longum metior annum,
Omnia qui video ; per quem videt omnia tellus :
Mundi oculus, mihi crede, places. Pavet illa, metuque,
Et colus, & fusus digitis cecidere remissis.
Ipse timor decuit. Nec longius ille moratus
In veram rediit faciem, solitumque nitorem.
At virgo, quamvis inopino territa visu,
Victa nitore Dei, posita vim passa querela est.
Invidit Clytie (neque enim moderatus in illa
Solis amor fuerat) stimolataque pellicis ira
Vulgat adulterium : diffamatumque parenti
Indicat. Ille ferox immanisusque precantem,
Tendentemque manus ad lumina Solis, &, ille
Vim tulit invitæ, dicentem, defodit alta
Crudus humo : cumulumque super gravis addit arenæ.
Dissipat hunc radiis Hyperione natus : iterque
Dat tibi, quo possis defossos promere vultus.

Nec tu jam poteras enectum pondere terræ.
 Tollere Nympha caput : corpusque exsangue jacebas.
 Nil illo fertur volucrum moderator equorum
 Post Phaëthonteos vidisse dolentius ignes.
 Ille quidem gelidos radiorum viribus artus,
 Si queat, in vivum tentat revocare calorem.
 Sed quoniam tantis fatum conatibus obstat ;
 Nectare odorato spargit corpusque, locumque :
 Multaque præquestus, Tanges tamen æthera, dixit.
 Protinus imbutum cœlesti nectare corpus
 Delicuit, terramque suo madefecit odore ;
 Virgaque per glebas sensim radicibus actis
 Thurea surrexit ; tumulumque cacumine rupit :

6. At Clytien, quamvis amor excusare dolorem,
 Indiciumque dolor poterat ; non amplius auctor
 Lucis adit : Venerisque modum sibi fecit in illa.
 Tabuit ex illo dementer amoribus usta
 Nympharum impatiens : & sub Jove nocte dieque
 Sedit humo nuda, nudis incompta capillis.
 Perque novem luces expers undæque cibique,
 Rore mero, lacrymisque suis jejunia pavit.
 Nec se movit humo. Tantum spectabat euntis
 Ora Dei : vultusque suos fletebat ad illum.
 Membra ferunt hæsisse solo : partemque coloris.
 Luridus exsanguis pallor convertit in herbas.
 Est in parte rubor, violæque simillimus ora
 Flos tegit. Illa suum, quamvis radice tenetur,
 Vertitur ad solem : mutataque servat amorem.

7. Dixerat : & factum mirabile ceperat aures.
 Pars fieri potuisse negant ; pars omnia veros
 Posse Deos memorant : sed non & Bacchus in illis,
 Poscitur Alcithoë, postquam siluère sorores :
 Quæ radio stantis percurrens flamina telæ,
 Vulgatos taceo, dixit, pastoris amores
 Daphnidis Idæi, quem Nymphæ pellicis ira

Contulit in saxum. Tantus dolor urit amantes.

8. Nec loquar, ut quondam naturæ jure novato
Ambiguus fuerit modo vir, modo fœmina, Scythion.

9. Te quoque nunc adamas, quondam fidissime
(parvo.

Celme Jovi, largoque fatos Curetas ab imbri.

10. Et Crocon in parvos versum cum Smilace flores,
Prætereo: dulcique animos novitate tenebo.

11. Unde sit infamis; quare male fortibus undis
Salmacis enervet, tactosque remolliat artus;
Discite. Causa latet; vis est notissima fontis.
Mercurio puerum diva Cythereide natum
Naiades Idæis enutrivêre sub antris.

Cujus erat facies, in qua materque paterque
Agnosci possent; nomen quoque traxit ab illis.
Is tria cum primum fecit quinquennia; montes
Deseruit patrios; Idaque altrice relictâ
Ignotis errare locis, ignota videre
Flumina gaudebat; studio minuite laborem.
Ille etiam Lycias urbes, Lyciæque propinquos
Caras adit. Videt hic stagnum lucentis ad imum
Usque solum lymphæ. Non illic canna palustris,
Nec steriles ulvæ, nec acuta cuspide junci.
Perspicuus liquor est. Stagni tamen ultima vivo
Cespite cinguntur, semperque virentibus herbis
Nympha colit. Sed nec venatibus apta, nec arcus
Flectere quæ soleat, nec quæ contendere cursu;
Solaque Naiadum celeri non nota Dianæ.
Sæpe suas illi fama est dixisse sorores;
Salmaci, vel jaculum, vel pictas sume pharetras,
Et tua cum duris venatibus otia misce.
Nec jaculum sumit, nec pictas illa pharetras.
Nec sua cum duris venatibus otia miscet.
Sed modo fonte suo formosos perluit artus;
Sæpe Cytoriaco deducit pectine crines:
Et quid se deceat, spectatas consulit undas.

Nunc

Nunc pellucenti circumdata corpus amictu
 Mollibus aut foliis, aut mollibus incubat herbis.
 Sæpe legit flores. Et tunc quoque forte legebat,
 Cum puerum vidit; visumque optavit habere.
 Nec tamen ante adiit, etsi properabat adire,
 Quam se composuit, quam circumspexit amictus
 Et finxit vultum; & meruit formosa videri.
 Tunc sic orsa loqui; Puer ô dignissime credi
 Esse Deus. Seu tu Deus es; potes esse Cupido;
 Sive es mortalis; qui te genuere beati;
 Et frater felix, & fortunata profecto
 Si qua tibi soror est, & quæ dedit ubera nutrix.
 Sed longe cunctis, longeque potentior illa,
 Si qua tibi sponsa est; si quam dignabere læda.
 Hæc tibi sibi aliqua est; mea sit turtiva voluptas;
 Seu nulla est; ego sim; thalamumque ineamus eundem.
 Nais ab his tacuit; pueri rubor ora notavit.
 Nescit enim quid amor; sed & erubuisse decebat.
 Hic color aprica pendentibus arbore pomis,
 Aut ebori tincto est, aut sub candore rubenti,
 Cum frustra resonant æra auxiliaria, Lunæ.
 Poscenti Nymphæ sine fine, sororia saltem
 Oscula, jamque manus ad eburnea colla ferenti.
 Desinis? Au fugio, tecumque, ait, ista relinquo?
 Salmacis extimuit. Locaque hæc tibi libera trado
 Hospes, ait; simulatque gradu discedere verso.
 Tum quoque respiciens, fruticumque recondita sylva
 Delituit; flexumque genu summisit. At ille
 Ut puer, ut vacuus, ut inobservatus, in herbis
 Huc it, & hinc illuc. Et in alludentibus undis
 Summa pedum, taloque tenus vestigia tingit.
 Nec mora, temperie blandarum captus aquarum,
 Mollia de tenero velamina corpore ponit.
 Tum vero obstupuit; nudæque cupidine formæ
 Salmacis exarsit. Flagrant quoque lumina Nymphes
 Non

Non aliter, quam cum puro nitidissimus orbe
Apposita speculi referitur imagine Phœbus.
Vixque moram patitur: vix jam sua gaudia differt.
Jam cupit amplecti: jame se male continet amens.
Ille cavis velox applauso corpore palmis,
Defilit in latices: alternaque brachia ducens
In liquidis translucet aquis. Ut eburnea si quis
Signa tegat claro, vel candida lilia, vitro.
Vicimus, en meus est, exclamat Naïs: & omni
Veste procul jacta, mediis immittitur undis:
Pugnantemque tenet: lustrantiaque oscula carpit:
Subjectatque manus, invitaque pectora tangit:
Et nunc hac juveni, nunc circumfunditur illac.
Denique nitentem contra, elabique volentem
Implicat, ut serpens, quam regia sustinet ales;
Sublimemque rapit. Pendens caput illa, pedesque
Alligat: & cauda spatiantes implicat alas.
Utve solent hederæ longos intexere truncos,
Utque sub æquoribus deprensam polypus hostem
Continet, ex omni dimissis parte flagellis;
Perstat Atlantiades: sperataque gaudia Nymphæ
Denegat: Illa premit: commissaque corpore toto
Sicut inhærebat, pugnes licet, improbe, dixit,
Non tamen effugies. Ita Dî jubeatis, & istum
Nulla dies à me, nec me seducat ab isto.
Vota suos habuere Deos. Nam mista duorum
Corpora junguntur: faciesque inducitur illis
Una. Velut si quis conducta cortice ramos;
Crescendo jungi, pariterque adolescere cernat.
Sic ubi complexu coierunt membra tenaci,
Nec duo sunt, sed forma duplex, nec fœmina dici,
Nec puer ut possit. Neutrumque, & utrumque videtur.
Ergo ubi se liquidas, quo vir descenderat, undas
Semimarem fecisse videt, mollitaque in illis
Membra; manus tendens, sed jam non voce virili

Hermaphroditus ait, Nato date munera vestro,
 Et pater & genitrix, amborum nomen habenti:
 Quisquis in hos fontes vir venerit, exeat inde
 Semivir; & tactis subito mollescat in undis.
 Morus uterque parens nati rata vota biformis
 Fecit, & incerto fontem medicamine tinxit.

12. Finis erat dictis, & adhuc Minyëia proles
 Urget opus, spernitque Deum, festumque profanat:
 Tympana cum subito non apparentia raucis
 Obstrepuère sonis: & adunco tibia cornu,
 Tinnulaque æra sonant:redolent myrrhæque,crocique:
 Resque fide major, cœpère virescere telæ,
 Inque hederæ faciem pendens frondescere vestis:
 Pars abit in vites: & quæ modo fila fuère
 Palmite mutantur. De stamine pampinus exit.
 Purpura fulgorem pictis accommodat uvis.
 Jamque dies exactus erat, tempusque subibat,
 Quod tu nec tenebras, nec possis dicere lucem;
 Sed cum luce tamen dubiæ confinia noctis.
 Tecta repente quati, pinguesque ardere videntur
 Lampades, & rutilis collucère ignibus ædes:
 Falsaque sævarum simulacra ululare ferarum.
 Fumida jamdudum latitant per tecta sorores:
 Diversæque locis, ignes ac lumina vitant.
 Dumque petunt tenebras; parvos membrana per artus
 Porrigitur, tenuesque inducunt brachia pennæ.
 Nec qua perdiderint veterem ratione figuram
 Scire sinunt tenebræ. Non illas pluma levavit:
 Sustinuère tamen se perlucetibus alis.
 Conatæque loqui: minimam pro corpore vocem
 Emittunt: peraguntque leves stridore querelas.
 Tecta que, non sylvas celebrant. Lucemque perosæ
 Nocte volant: feroque trahunt à vespere nomen.

13. Tum vero totis Bacchi memorabile Thebis
 Numen erat, magnasque novi matertera vires

Narrat ubique Dei: de totque sororibus expers
 Una doloris erat, nisi quem fecêre sorores,
 Aspicit hanc natâs, thalamoque Athamantis habentem
 Sublimes animos, & alumno numine Juno;
 Nec tulit. Et secum, Potuit de pellice natus
 Vertere Mæonios, pelagoque immergere, nautas,
 Et laceranda suæ nati dare viscera matri,
 Et triplices operire novis Minyëidas alis:
 Nil poterit Juno, nisi inultos flere dolores?
 Idque mihi tatis est? Hæc una potentia nostra est?
 Ipse docet quid agam. Fas est & ab hoste doceri.
 Quidque furor valeat, Penthea cæde satisque
 Ac super ostendit. Cur non stimuletur? Earque
 Per cognata suis exempla furoribus Ino?
 Est via declivis funesta nubila taxo:
 Ducit ad infernas per muta silentia sedes.
 Styx nebulas exhalat iners: umbræque recentes
 Descendunt illac, simulacraque functa sepulchris.
 Pallor Hyemsque tenent late loca senta: novique,
 Qua sit iter, manes, Stygiam qua ducat ad urbem,
 Ignorant: ubi sit nigri fera regia Ditis.
 Mille capax aditus, & apertas undique portas
 Urbes habet utque fretum de tota flumina terra:
 Sic omnes animas locus accipit ille, nec ulli
 Exiguus populo est, turbamve accedere sentit.
 Errant exsanguis sine corpore & ossibus umbræ:
 Parsque forum celebrant, pars imi recta tyranni:
 Pars alias artes antiquæ imitamina vitæ
 Sustinet ire illuc cœlesti sede relictâ,
 (Tantum odiis iræque dabat) Saturnia Juno.
 Quo simul intravit, sacroque à corpore pressum
 Ingemuit limen; tria Cerberus extulit ora:
 Et tres latratus simul edidit. Illa sorores
 Nocte vocat genitas, grave, & implacabile numen.
 Carceris ante fores clausas adamante sedebant:

Deque suos atros pectebant crinibus angues.
Quam simul agnorunt inter calignis umbras;
Surrexere Deæ. Sedes scelerata vocatur,
Viscera præbebat Tityos lanianda; novemque
Jugibus distentus erat. Tibi, Tantale, nullæ
Deprenduntur aquæ: quæque imminet, effugit arbos.
Aut petis, aut urges ruiturum, Sisyphæ, saxum,
Volvitur Ixion: & se sequiturque, fugitque.
Molirique suis letum patruelibus ausæ,
Assiduæ repetunt, quas perdant, Belides undas,
Quos omnes acie postquam Saturnia torva
Vidit, & ante omnes Ixiona; rursus ab illo
Sisyphon aspiciens, Cur hic è fratribus, inquit,
Perpetuas patitur pœnas, Athamanta superbum
Regia dives habet; qui me cum conjuge semper
Sprevit? Et exponit causas odiique, viæque,
Quidque velit. Quod vellet, erat, ne regia Cadmi
Staret: & in facinus traherent Athamanta Sorores.
Imperium, promissa, preces confundit in unum:
Sollicitatque Deas. Sic hæc Junone locuta,
Tisiphone canas, ut erat turbata, capillos
Movit: & obstantes rejecit ab ore colubras,
Atque ita, Non longis opus est ambagibus, inquit.
Facta puta, quæcumque jubes. Inamabile regnum
Desere: teque refer cœli melioris ad auras.

Læta redit Juno: quam cœlum intrare parentem
Roratis lustravit aquis Thaumantias Iris.
Nec mora; Tisiphone inadfectam sanguine sumit
Importuna facem; fluidoque cruore rubentem
Induitur pallam, tortoque incingitur angui.
Egrediturque domo. Luctus comitantur euntem,
Et Pavor, & Terror, trepidoque Insania vultu,
Limine constiterat. Postes tremuisse feruntur
Æolii, pallorque fores infecit eburnas.
Solque locum fugit. Monstris exterrita conjux,

Territus est Athamas : tectoque exire parabant.
 Obstitit infelix aditumque obsedit Erinny's :
 Nexaque vipereis distendens brachia nodis,
 Cæsariem excussit. Motæ sonuere colubræ.
 Parique jacent humeris ; pars circum tempora lapsæ,
 Sibila dant. Saniemque vomunt, linguasque coruscant.
 Inde duos mediis abrumpit crinibus angues ;
 Pestiferaque manu raptos immisit : at illi
 In oosque sinus Athamanteosque pererrant,
 Inspirantque graves animas, nec vulnera membris
 Ulla ferunt. Mens est, quæ diros sentiat ictus.
 Attulerat secum liquidi quoque monstra veneni,
 Oris Cerberei spumas, & virus Echidnæ ;
 Erroresque vagos, cœcæque obliviam mentis,
 Et scelus, & lacrymas, rabiemque, & cædis amorem ;
 Omnia trita simul : quæ sanguine mista recenti
 Coxerat ære cavo viridi versata cicuta,
 Dumque pavent illi, vertit furiale venenum
 Pectus in amborum præcordiaque intima movit.
 Tum face jactata per eundem sæpius orbem,
 Consequitur motos velociter ignibus ignes.
 Sic victrix, jussique potens, ad inania magni
 Regna redit Ditis : sumptumque recingitur anguem.

Protinus Æolides media furibundus in aula
 Clamat, Iô comites, his retia pandite sylvis :
 Hic modo cum gemina visa est mihi prole læna.
 Utque feræ, sequitur vestigia conjugis amens ;
 Deque sinu matris ridentem & parva Learchum
 Brachia tendentem, rapit, & bis terque per auras
 More rotat fundæ : rigidoque infantia saxo
 Discutit ossa ferox. Tum denique concita mater,
 Seu dolor hoc fecit, seu sparsi causa veneni,
 Exululat : passisque fugit male sana capillis.
 Teque ferens parvum nudis, Melicerta, lacertis,
 Evohe, Bacche, sonat. Bacchi sub nomine Juno

Risit :

Risit ; &, Hos usus præstet tibi, dixit, alumnus.
 Imminet æquoribus scopulus. Pars ima cavatur
 Fluctibus, &, tectas defendit ab imbribus undas ;
 Summa riget, frontemque in apertum porrigit æquor.
 Occupat hunc (vires insania fecerat) Ino ;
 Seque super pontum, nullo tardata timore,
 Mittit, onusque suum. Percussa recanduit unda.
 At Venus immeritæ neptis miserata labores,
 Sic patruo blandita suo est ; O numen aquarum,
 Proxima cui cœlo cessit, Neptune, potestas ;
 Magna quidem posco ; sed tu miserere meorum,
 Jactari quos cernis in lonio immenso ;
 Et Dis adde tuis. Aliqua & mihi gratia ponto ;
 Si tamen in dio quondam concreta profundo
 Spuma fui, Grajumque manet mihi nomen ab illa.
 Annuit oranti Neptunus, & abstulit illis
 Quod mortale fuit, majestatemque verendam
 Imposuit. Nomenque simul, faciemque novavit ;
 Leucothoëque Deum cum matre Palæmona dixit.

14. Sidoniæ comites, quantum valuere, secutæ
 Signa pedum, primo vidēre novissima saxo ;
 Nec dubium de morte ratæ, Cadmeida palmis
 Deplanxere domum ; scissæ cum veste capillos.
 Urque parum justæ nimiumque in pellice sævæ
 Invidiam fecere Deæ. Convicia Juno
 Non tulit ; &, Faciam vos ipsas maxima dixit,
 Sævitæ monumenta meæ. Res dicta secuta est.
 Nam quæ præcipue fuerat pia, Prosequar, inquit,
 In freta reginam. Saltumque datura, moveri
 Haud usquam potuit ; scopuloque affixa cohæsit.
 Altera dum solito tentat plangore ferire
 Pectora ; tentatos sentit riguisse lacertos.
 Illa, manus ut forte terenderat in maris undas ;
 Saxea facta manus in easdem porrigit undas ;
 Hujus, ut arreptum laniabat vertice crinem ;

Duratos subito digitos in crine videres.

Quo quæque in gestu deprensa est, hæsit in illo.

Pars volucres factæ ; quæ nunc quoque gurgite in illo
Æquora dstringunt summis Minyeïdes alis.

15. Nescit Agenorides, natam parvumque nepotem
Æquoris esse Deos. Luctu, serieque malorum

Victus, & ostentis, quæ plurima viderat, exit

Conditor urbe sua ; tanquam fortuna locorum,

Non sua se premeret : longisque erratibus actus

Contigit Illyricos profuga cum conjuge fines.

Jamque malis annisque graves, dum primæ retractant

Fata domus, releguntque suos sermone labores ;

Num facer ille mea trajectus cuspide serpens,

Cadmus, ait, fuerat, tum, cum Sidone profectus

Vipereos sparsi per humum nova semina dentes ?

Quem si cura Deum tam certa vindicat ira,

Ipse precor serpens in longam porrigar alvum.

Dixit : &, ut serpens, in longam tenditur alvum.

Duratæque cuti squamas increescere sentit,

Nigraque cœruleis variari corpora guttis :

In pectusque cadit pronus : commissaque in unum

Paulatim tereti sinuantur acumine crura.

Brachia jam restant : quæ restant brachia tendit ;

Et lacrymis per adhuc humana fluentibus ora,

Accede ô conjux, accede, miserrima, dixit :

Dumque aliquid superest de me; me tange: manumque

Accipe, dum manus est, dum non totum occupat anguis.

Ille quidem vult plura loqui : sed lingua repente

In partes est fissa duas. Nec verba volenti

Sufficiunt : quotiesque aliquos parat edere questus ;

Sibilat, hanc illi vocem natura relinquit.

Nuda manu feriens exclamat pectora conjux,

Cadme, mane : teque his infelix exue monstris.

Cadme, quid hoc ? ubi pes ? ubi sunt humerique, ma-

(nusque ?

Et

Et color, & facies, & dum loquor, omnia? Cur non
Me quoque cœlestes in eundem vertitis anguem?

Dixerat. Ille suæ lambebat conjugis ora:

Inque sinus caros, veluti cognosceret; ibat:

Et dabat amplexus: assuetaque colla petebat.

Quisquis adest (aderant comites) terretur. At illi

Lubrica perlucet cristati collo dracones.

Et subito duo sunt; junctoque volumine serpunt;

Donec in appositi nemoris subiêre latebras.

Nunc quoq; nec fugiunt hominem, nec vulnere lædunt:

Quidque prius fuerint, placidi meminêre dracones.

16. Sed tamen ambobus versæ solatia formæ

Magna nepos fuerat: quem debellata golebat

India: quem positis celebrabat Achaïa templis;

Solus Abantiades ab origine cretus eadem

Acrisius superest: qui mœnibus arceat urbis

Argolicæ; contraque Deum ferat arma: genusque

Non putet esse Deum (neque enim Jovis esse putabat)

Persea: quem pluvio Danaë conceperat auro.

Mox tamen Acrisium (tanta est præsentia veri)

Tam violasse Deum, quam non agnosse nepotem

Pœnitet. Impositus jam cœlo est alter: at alter

Viperei referens spoliū memorabile monstri

Aëra carpebat tenerum stridentibus alis.

Cumque super Libycas victor penderet arenas;

Gorgonei capitis gutta cecidêre cruentæ:

Quas humus exceptas varios animavit in angues.

Unde frequens illa est infectaque terra colubris.

17. Inde per immensum ventis discordibus actus,

Nunc huc, nunc illuc, exemplo nobis aquosæ

Fertur: & ex alto seductas æthere longe

Despectat terras; totumque supervolat orbem.

Ter gelidas Arctos, ter Cancri brachia vidit:

Sæpe sub occasus, sæpe est ablatus in ortus,

Jamque cadente die veritus se credere nocti

Constitit Hesperio regnis Atlantis in orbe ;
Exiguamque petit requiem, dum Lucifer ignes
Evocet Auroræ ; cursus Aurora diurnos,
Hic hominum cunctis ingenti corpore præstans
Japetionides Atlas fuit. Ultima tellus
Rege sub hoc & pontus erat, qui Solis anhelis
Æquora subdit equis, & iessos excipit axes.
Mille greges illi, totidemque armenta per herbas
Errabant : & humum vicinia nulla premebant.
Arboreæ frondes auro radiante nitentes
Ex auro ramos, ex auro poma tegebant.
Hospes, ait Perseus illi, seu gloria tangit
Te generis magni : generis mihi Jupiter auctor :
Sive es mirator rerum : mirabere nostras.
Hospitium, requiemque peto. Memor ille vetustæ
Sortis erat. Themis hanc dederat Parnassia sortem :
Tempus, Atla, veniet, tua quo spoliabitur auro
Arbor, & huuc prædæ titulum Jove natus habebit.
Id metuens, solidis pomaria clauferat Atlas
Mœnibus, & vasto dederat servanda draconi :
Arcebatque suis externos finibus omnes.
Huic quoque, Vade procul, ne longe gloria rerum,
Quas mentiris, ait, longè tibi Jupiter absit.
Vimque minis addit : manibusque expellere tentat
Cunctantem, & placidis miscentem fortia dictis.
Viribus inferior (quis enim par esset Atlantis
Viribus?) At quoniam parvi tibi gloria nostra est ;
Accipe munus, ait : lævaque à parte Medusæ
Ipse retroversus squallentia prodidit ora.
Quantus erat, mons factus Atlas; nam barba comæque,
In sylvas abeunt. Juga sunt humerique, manusque.
Quod caput ante fuit, summo est in monte cacumen.
Ossa lapis fiunt. Tum partes altus in omnes
Crevit in immensum (sic Di statuistis,) & omne
Cum tot sideribus cœlum requievit in illo.

18. Clauserat Hippotades æterno carcere ventos,
Admonitorque operum cœlo clarissimus alto
Lucifer ortus erat. Pennis ligat ille resumptis
Parte ab utraque pedes : teloque accingitur unco,
Et liquidum motis talaribus aëra findit.
Gentibus innumeris circumque infraque relictis,
Æthiopum populos, Cepheia despicit arva.
Illic immeritam maternæ pendere linguæ
Andromedan pœnas injustas jusserat Ammon.
Quam simul ad duras religatam brachia cautes
Vidit Abantiades ; nisi quod levis aura capillos
Moverat ; & tepido manabant lumina fletu ;
Marmoreum ratus esset opus. Trahit inscius ignes :
Et stupet : & visæ correptus imagine formæ.
Pæne suas quaterere est oblitus in aëre pennas.
Ut stetit, O, dixit, non istis digna catenis,
Sed quibus inter se cupidi junguntur amantes ;
Pande requirenti nomen terræque, tuumque,
Et cur vincla geras. Primo filet illa : nec audet
Appellare virum virgo : manibusque modestos
Celasset vultus ; si non religata fuisset.
Lumina, quod potuit, lacrymis implevit obortis,
Sæpius instanti, sua ne delicta fateri
Nolle videretur ; nomen terræque suumque,
Quantaque maternæ fuerit fiducia formæ
Indicat. Et nondum memoratis omnibus, unda
Insonuit. Veniensque immenso bellua ponto
Eminet : & latum sub pectore possidet æquor.
Conclamat virgo : genitor lugubris, & una
Mater adest ; ambo miseri, sed justius illa :
Nec secum auxilium, sed dignos tempore fletus,
Plangoremque ferunt : vinctoque in pectore adhærent.
Cum sic hospes ait : Lacrymarum longa manere
Tempora vos poterunt : ad opem brevis hora feren-
(dam est.
Hanc

Hanc ego si peterem Perseus Jove natus, & illa
 Quam clausum implevit foecundo Jupiter auro.
 Gorgonis anguicomæ Perseus superator, & alis
 Æthereas ausus jactatis ire per auras;
 Præferrer cunctis certe gener, addere tantis
 Dotibus & meritum (faveant modo numina) tento,
 Ut mea sit, servata mea virtute, paciscor.
 Accipiunt legem (quis enim dubitaret?) & orant;
 Promittuntque super regnum dotale parentes.
 Ecce velut navis præfixo concita rostro
 Sulcat aquas juvenum sudantibus acta lacertis;
 Sic fera dimotis impulsu pectoris undis
 Tantum aberat scopulis, quantum balearica torto
 Funda potest plumbo medii transmittere cœli;
 Cum subito juvenis pedibus tellure repulsa
 Arduus in nubes abiit. Ut in æquore summo
 Umbra viri visa est, visam fera sævit in umbram.
 Utque Jovis præpes, vacuo cum vidit in arvo
 Præbentem Phœbo liventia terga draconem;
 Occupat aversum; neu sæva retorqueat ora,
 Squamigeris avidos figit cervicibus ungues;
 Sic celeri missus præpes per inane volatu
 Terga feræ preffit, dextroque frementis in armo
 Inachides ferrum curvo tenus abdedit hamo.
 Vulnere læsa gravi, modo se sublimis in auras
 Attolit; modo subdit aquis; modo more ferocis
 Versat apri, quem turba canum circumsona terret.
 Ille avidos morsus velocibus effugit alis;
 Quaque patet, nunc terga cavis super oblita conchis,
 Nunc laterum costas, nunc qua tenuissima cauda
 Definit in piscem, falcato vulnerat ense.
 Bellua puniceo mistos cum sanguine fluctus
 Ore vomit. Maduere graves aspergine pennæ:
 Nec bibulis ultra Perseus talaribus ausus
 Credere; conspexit scopulum; qui vertice summo

Stantibus extat aquis ; operitur ab æquore moto.
 Nixus eo, rupisque tenens juga prima sinistra,
 Ter quater exegit repetita per ilia ferrum.
 Littora cum plausu clamor superasque Deorum
 Implevêre domos. Gaudent, generumque salutant :
 Auxiliumque domûs servatoremque fatentur
 Cassiope, Cepheusque pater. Resoluta catenis
 Incedit virgo ; pretiumque & caussa laboris.
 Ipse manus hausta victrices abluic unda :
 Anguiferumque caput dura ne lædat arena ;
 Mollic humum foliis : natusque sub æquore virgas
 Sternit, & imponit Phorcynidos ora Medusæ.
 Virga recens, bibulaque etiam nunc viva medulla
 Vim rapuit monstri, tactuque induruit hujus :
 Præcepitque novum ramis & fronde rigorem.
 At pelagi Nymphæ factum mirabile tentant
 Pluribus in virgis ; & idem contingere gaudent.
 Seminaque ex illis iterant, jactata per undas.
 Nunc quoque coraliis eadem natura remansit :
 Duritiem tacto capiant ut ab ære ; quodque
 Vimen in æquore erat, fiat super æquora saxum.

19. Dîs tribus ille focos totidem de cespite ponit ;
 Lævum Mercurio, dextrum tibi, Bellica virgo ;
 Ara Jovis media est. Mactatur vacca Minervæ ;
 Alipedi vitulus : taurus tibi, summe Deorum.
 Protinus Andromedam & tanti præmia facti
 Indotata rapit. Tædas Hymenæus Amorque
 Præcutiunt. Largis satiantur odoribus ignes :
 Sertaque dependent tectis. Lorique lyræque,
 Tibiaque, & cantus animi felicia læti
 Argumenta sonant. Referatis aurea valvis
 Atria tota patent : pulchro instructa paratu
 Cephæni procures ineunt convivîa regis.
 Postquam epulis functi generosi munere Bacchi
 Diffudêre animos : cultusque genusque locorum

Quærit

Quærit Abantiades : quærenti protinus unus
Narrat Lyncides, moreisque, habitusque virorum.
Quæ simul edocuit. Nunc, ô fortissime, dixit,
Fare, precor, Perseu, quanta virtute, quibusque
Artibus abstuleris crinita draconibus ora.
Narrat Agenorides : gelido sub Atlante jacentem
Esse locum, solidæ tutum munimine molis :
Cujus in introitu geminas habitasse sorores,
Phorcydas ; unius partitas luminis usum :
Id se solerti furtim dum traditur astu
Supposita cepisse manu : perque abdita longe,
Deviaque, & sylvis horrentia saxa fragosis
Gorgoneas tetigisse domos : passimque per agros,
Perque vias vidisse hominum simulacra, ferarumque
In filicem ex ipsis visa conversa Medusa ;
Se tamen horrendæ clypei, quod læva gerebat,
Ære percussio formam aspexisse Medusæ.
Dumque gravis somnus colubrasque, ipsamque teneret
Eripuisse caput collo : pennisque fugacem
Pegason, & fratrem matris de sanguine natos.
Addidit & longi non falsa pericula cursus :
Quæ freta, quas terras sub se vidisset ab alto :
Et quæ jactatis tetigisset sidera pennis.
Ante expectatum tacuit. Tamen excipit unus
Ex numero procerum, quærens, Cur iola sororum
Gesserit alternis immistos crinibus angues.
Hospes, ait, quoniam scitaris digna relatu ;
Accipe quæsitæ causam. Clarissima forma,
Multorumque fuit spes invidiosa procorum
Illa : nec in tota conspectior ulla capillis
Pars fuit. Inveni, qui se vidisse referrent.
Hanc pelagi rector templo vitiasse Minervæ
Dicitur. Aversa est, & castos ægide vultus
Nata Jovis texit. Neve hoc impune iuisset ;
Gorgoneum crinem turpes mutavit in hydros.

Nunc quoque ut attonitos formidine terreat hostes ;
Pectore in adverso, quos fecit, sustinet angues.

METAMORPHOSEON LIB V.

I. **D**Umque ea Cephenum medio Danaeius heros
Agmine commemorat: fremuit regalia turbæ
Atria complentur : nec conjugalia festa
Qui canat, est clamor: sed qui fera nunciet arma.
Inque repentinos convivia versa tumultus.
Affimilare freto possis: quod sæva quietum
Ventorum rabies motis exasperat undis.
Primus in his Phineus belli temerarius auctor
Fraxineam quatiens æratæ cuspidis hastam ;
En, ait, en adsum præreptæ conjugis ultor.
Nec mihi te pennæ, nec falsum versus in aurum
Jupiter, eripient. Conanti mittere, Cepheus,
Quid facis? Exclamat: quæ te, germane, furentem
Mens agit in facinus? Meritisne hæc gratia tantis
Redditur? Hac vitam servatam dote rependis?
Quam tibi non Perseus, verum si quæris, ædemit:
Sed grave Nereïdum numen, sed corniger Ammon,
Sed quæ visceribus veniebat bellua ponto
Exsaturanda meis. Illo tibi tempore adempta
Quo peritura fuit. Nisi si crudelis idipsum
Exigis ut pereat, luctuque levabere nostro.
Scilicet haud satis est, quod te spectante revincta ;
Et nullam quod opem patruus sponsusve tulisti:
Insuper à quoquam quod sit servata dolebis,
Præmiaque eripies? Quæ si tibi magna videntur ;
Ex illis scopulis, ubi erant affixa, petisses:
Nunc sine, qui petiit, per quem non orba senectus.
Ferre, quod, & meritis & voce est pactus: eumque
Non tibi, sed certæ prælatum intellige morti.

Ille nihil contra : sed & hunc, & Persea vultu
 Alternò spectans ; petat hunc ignorat, an illum.
 Cunctatusque brevi contortam viribus hastam,
 Quantas ira dabat, nequicquam in Persea misit.
 Ut stetit illa toro ; stratis tum denique Perseus
 Exsiluit : teloque ferox inimica remisso
 Pectora rupisset ; nisi post altaria Phineus
 Iisset, & (indignum) scelerato profuit ara.
 Fronte tamen Reæti non irrita cuspis adhæsit.
 Qui postquam cecidit, ferrumque ex osse revulsum est
 Calcitrat, & positas aspergit sanguine mensas.
 Tum vero indomitas ardescit vulgus in iras :
 Telaque conjiciunt. Et sunt qui Cephea dicant
 Cum genero debere mori. Sed limine tecti
 Exierat Cepheus, testatus jusque, fidemque,
 Hospitiique Deos ; ea se prohibente moveri.
 Bellica Pallas adest : & protegit ægide fratrem ;
 Datque animos. Erat Indus Atys, quem flumine Gangi
 Edita Lemniace vitreis peperisse sub undis
 Creditur ; egregius forma : quam divite cultu
 Augebat bis adhuc octonis integer annis ;
 Indutus chlamydem Tyriam, quam limbus obibat
 Aureus. Ornabant aurata monilia collum ;
 Et madidos myrrha curvum crinale capillos.
 Ille eodem jaculo quamvis distantia misso:
 Figere doctus erat : sed tendere doctior arcus.
 Tum quoque lenta manu flectentem cornua Perseus
 Stipite, qui media positus fumabat in ara,
 Perculit ; & fractis confudit in ossibus ora.
 Hunc ubi laudatos jactantem sanguine vultus
 Assyrius vidit Lycabas ; junctissimus illi
 Et comes, & veri non dissimulator amoris ;
 Postquam exhalantem sub acerbo vulnere vitam
 Deploravit Atyn ; quos ille tetenderat arcus,
 Arripit : & , Mecum tibi sint certamina, dixit :

Nec longum pueri fato lætabere ; quo plus
Invidiæ quam laudis habes. Hæc omnia nondum
Dixerat : emicuit nervo penetrabile telum :
Vitatumque, tamen sinuosa veste pependit.
Vertit in hunc harpen spectatam cæde Medusæ
Acrifioniades, adigitque in pectus. At ille
Jam moriens oculis sub nocte natantibus atra,
Circumspexit Aryn : sequi inclinavit ad illum :
Et tulit ad manes junctæ solatia morti.
Ecce Syenites genitus Methione Phorbas,
Et Libys Amphimedon, avidi committere pugnam,
Sanguine, quo tellus late madefacta tepebat,
Conciderant lapsi. Surgentibus obstitit ensis,
Alterius costis, jugulo Phorbantis adactus.
At non Actoriden Erithon, cui lata bipennis
Telum erat, admoto Perseus petit ense : sed altis
Exstantem signis, multæque in pondere massæ,
Ingentem manibus tollit cratera duabus :
Infligitque viro, rutilum vomit ille cruorem :
Et resupinus humum moribundo vertice pulsat.
Inde Semiramio Polydæmona sanguine cretum,
Caucaseumque Abarin, Sperchionidenque Lycetum,
Intonsumque comas Elycen, Phlegiamque, Clytumque
Sternit : & extructos morientum calcat acervos.
Nec Phineus ausus concurrere cominus hosti,
Intorquet jaculum : quod detulit error in Idan ;
Expertem frustra belli, & neutra arma secutum.
Ille tuens oculis immitem Phinea torvis,
Quandoquidem in partes, ait, abstrahor, accipe, Phineu,
Quem fecisti hostem ; pensaue hoc vulnere vulnus.
Jamque remissurus tractum de corpore telum
Sanguine defectos cecidit collapsus in artus.
Hinc quoque Cephenum post regem primus Odites
Ense jacet Clymeni : Protenora perculit Hypseus :
Hypsea Lyncides. Fuit & grandævus in illis

Emathion, æqui cultor, timidusque Deorum :
Qui, quoniam prohibent anni bellare, loquendo
Pugnat ; & incessit : scelerataque devovet arma
Huic Cromis amplexo tremulis altaria palmis
Demetit ense caput ; quod protinus incidit aræ :
Atque ibi semianimi verba execrantia lingua
Edidit : & medios animam exspiravit in ignes.
Hinc gemini fratres, Broteasque, & cæstibus Ammon
Inviæti, vinci si possent cæstibus enses ;
Phinea cecidere manu : Cererisque sacerdos
Amphycus albenti velatus tempora vitta.
Tu quoque Japetide non hos adhibendus in usus ;
Sed qui pacis opus citharam cum voce moveres ;
Jussus eras celebrare dapes, festumque canendo.
Cui procul astanti, plectrumque imbelle tenenti,
Pettalus irridens, Stygiis cane cætera, dixit
Manibus, & lævo mucronem tempore fixit.
Concidit, & digitis morientibus ille retentat
Fila lyræ : casuque canit miserabile carmen.
Non finit hunc impune ferox cecidisse Lycormas :
Raptaque de dextro robusta repagula posti,
Ossibus illidit mediæ cervicis. At ille
Procubuit terræ mactati more juvenci.
Demere tentabat lævi quoque robora postis
Cinypheus Pelates. Tentanti dextera fixa est
Cuspide Marmaridæ Coriti : lignoque cohæsit.
Hærenti latus hausit Abas ; nec corruit ille ;
Sed retinente manum moriens è poste pependit.
Sternitur & Melaneus Perseïa castra secutus,
Et Nasamoniaci Dorilas ditissimus agri ;
Dives agri Dorilas : quo non possederat alter
Latus, aut totidem tollebat farris acervos.
Hujus in obliquo missum stetit inguine ferrum ;
(Lethifer ille locus) quem postquam vulneris auctor
Singulantem animam, & versantem lumina vidit

Baëtrius Halcyoneus, Hoc quod premis, inquit habeto
De tot agris terræ : corpusque exsangue reliquit.
Torquet in hunc hastam calido de vulnere raptam
Ultor Abantiades : media quæ nare recepta
Cervice exacta est, in partesque eminet ambas.
Dumque manum fortuna juvat, Clytiumque, Claninque
Matre fatus una, diverso vulnere fudit.
Nam Clytii per utrumque gravi librata lacerto
Fraxinus acta femur ; jaculum Clanis ore momordit.
Occidit & Celadon Mindeus : occidit Astreus
Matre Palæstina, dubio genitore creatus.
Echionque sagax quondam ventura videre ;
Nunc ave deceptus falsa : regisque Thoætēs
Armiger, & cæso genitore infamis Agyrtēs.
Plus tamen exhausto superest ; namque omnibus unum
Opprimere est animus. Conjurata undique pugnant
Agmina pro causa meritum impugnante, fidemque
Hac pro parte socer frustra pius, & nova conjux
Cum genitrice, favent, ululatuque atria complent.
Sed sonus armorum superat. Gemitusque cadentum
Pollutosque semel multo Bellona penates
Sanguine perfundit : renovataque prælia miscet.
Circueunt unum Phineus, & mille secuti
Phinea, tela volant hiberna grandina plura
Præter utrumque latus, præterque & lumen, & aures,
Applicat hic humeros ad magnæ saxa columnæ :
Tutaque terga gerens, adversaque in agmina versus
Sustinet instantes. Instabant parte sinistra
Chaonius Molpeus, dextra Nabathæus Ethemon :
Tigris ut auditis diversa valle duorum
Extimulata fame mugitibus armentorum ;
Nescit utro potius ruat ; & ruere ardet utroque :
Sic dubius Perseus, dextra lævane feratur,
Molpea trajecti summovit vulnere cruris ;
Contentusque fuga. Neque enim dat tempus Ethemon ;
Sed

Sed furit : & cupiens alto dare vulnera collo ;
 Non circumspectis exactum viribus ensem
 Fregit. Et extrema percussæ parte columnæ
 Lamina diffiluit : dominique in gutture fixa est.
 Non tamen ad letum caussas satis illa valentes
 Plaga dedit. Trepidum Perseus, & inermia frustra
 Brachia tendentem Cyllenide confodit harpe.
 Verum ubi virtutem turbæ succumbere vidit ;
 Auxilium, Perseus, quoniam sic cogitis ipsi,
 Dixit, ab hoste petam : vultus avertite vestros,
 Si quis amicus adest, & Gorgonis extulit ora.
 Quære alium, tua quem moveant miracula, dixit
 Thescelus. Utque manu jaculum fatale parabat
 Mittere, in hoc hæsit signum de marmore gestu.
 Proximus huic Ampyx animi plenissima magni
 Pectora Lyncidæ gladio petit. Inque petendo
 Dexterâ dirigit, nec citra mota, nec ultra.
 At Nileus, qui se genitum septemplice Nilo
 Ementitus erat ; clypeo quoque flumina septem
 Argento partim, partim cælaverat auro ;
 Aspice, ait, Perseu, nostræ primordia gentis :
 Magna feres tacitas solatia mortis ad umbras,
 A tanto cecidisse viro. Pars ultima vocis
 In medio suppressa sono est. Adapertaque velle
 Ora loqui credas, nec sunt ea pervia verbis.
 Increpat hos, Vitioque animi, non viribus, inquit,
 Gorgoneis torpetis, Eryx. Incurrere mecum,
 Et prosternite humi juvenem magica arma moventem.
 Incursurus erat. Tenuit vestigia tellus :
 Immotusque filex armataque mansit imago.
 Hi tamen ex merito pœnas subiêre. Sed unus
 Miles erat Persei. Pro quo dum pugnat Aconteus,
 Gorgone conspecta saxo concrevit oborto
 Quem ratus Astyages etiam num vivere, longo
 Ense ferit. Sonuit tinnitibus ensis acutis.

Dum

Dum stupet Aſtyages; naturam traxit eandem :
Marmoreoque manet vultus mirantis in ore.
Nomina longa mora eſt media de plebe virorum
Dicere. Bis centum reſtabant corpora pugnae :
Gorgone bis centum riguerunt corpora viſa.
Pœnitet injuſti tum denique Phinea belli.
Sed quid agat ? ſimulacra videt diverſa figuris ;
Agnoscitque ſuos. Et nomine quemque vocatum
Poſcit opem. Credenſque parum, ſibi proxima tangit
Corpora, marmor erant. Avertitur, atque ita ſupplex,
Confeſſasque manus, obliquaque brachia tendens.
Vincis, ait, Perſeu. Remove fera monſtra : tuæque
Saxificos vultus, quæcunque ea, tolle Medusæ.
Tolle precor. Non nos odium regnive cupido
Compulit ad bellum, pro conjuge movimus arma.
Cauffa fuit meritis melior tua ; tempore noſtra.
Non ceſſiſſe piget. Nihil, ô fortiſſime, præter
Hanc animam concede mihi ; tua cætera ſunto.
Talia dicenti, neque cum, quem voce rogabat,
Reſpicere audenti, Quod ait, timidiſſime Phineu,
Et poſſum tribuiſſe, & magnum munus inerti ;
Pone metum, tribuam : nullo violabere ferro.
Quin etiam manſura dabo monumenta per ævum,
Inque domo ſoceri ſemper ſpectabere noſtri ;
Ut mea ſe ſponſi ſoletur imagine conjux.
Dixit, & in partem Phorcynida tranſtulit illam,
Ad quam ſe trepido Phineus obverterat ore.
Tunc quoque conanti ſua fleſtere lumina, cervix
Dirigit, ſaxoque oculorum induruit humor.
Sed tamen os timidum, vultusque in marmore ſupplex,
Summiſſæque manus, faciesque obnoxia manſit.

2. Victor Abantiades patrios cum conjuge muros
Intrat : & immeritæ vindex ultorque parentis,
Aggreditur Pœeton. Nam fratre per arma fugato
Acriſioneas Proetus poſſederat arces,

Sed nec ope armorum, nec, quam male ceperat, arce
Torva colubriteri superavit lumina monstri.

3. Te tamen, ô parvæ rector Polydecta Serephi,
Nec juvenis virtus per tot spectata labores,
Nec mala mollierant: sed inexorabile durus
Exerces odium. Nec iniqua finis in ira est.
Detrectas etiam laudes: fictamque Medusæ
Arguis esse necem. Dabimus tibi pignora veri;
Parcite luminibus, Perseus ait; oraque regis
Ore Medusæo filicem sine sanguine fecit.

4. Hastenus aurigenæ comitem. Tritonia fratri
Se dedit. Inde cava circumdata nube Seriphon
Deserit; à dextra Scyro Gyaroque relictis.
Quaque super pontum via visa brevissima, Thebas,
Virgineumque Heliconam petit; quo monte potita
Constitit: & doctas sic est affata sorores:
Fama novi fontis nostras pervenit ad aures;
Dura Medusæi quem præpetis ungula rupit.
Is mihi causa viæ. Volui mirabile factum
Cernere. Vidi ipsum materno sanguine nasci.
Excipit Uranie: Quæcunque est causa videndi
Has tibi, Diva, domus, animo gratissima nostro;
Vera tamen fama est: & Pegasus hujus origo
Fontis. Et ad latices deduxit Pallada sacros
Quæ mirata diu factas pedis ictibus undas,
Sylvarum lucos circumspicit antiquarum,
Antraque, & innumeris distinctas floribus herbas:
Felicesque vocat pariter studiique locique
Mnemonidas. Quam sic affata est una sororum:
O, nisi te virtus opera ad majora tulisset,
In partem ventura chori Tritonia nostri,
Vera refers: meritoque probas artesque, locumque:
Et gratam sortem, tutæ modo sumus, habemus
Sed (vetitum est adeo scelere nihil) omnia terrent
Et virgineas mentes: dirusque ante ora Pyreneus

Vertitur, & nondum me tota mente recepi.
 Daulia Threicio Phoeaque milite rura
 Ceperat ille ferox, injustaque regna tenebat.
 Tempula petebamus Parnassia. Vidit euntes :
 Nostraque fallaci veneratus numina cultu :
 Mnemonides (cognorat enim) consistite dixit :
 Nec dubitate, precor, tecto grave fidus, & imbrem
 (Imber erat) vitare meo : subiêre minores
 Sæpe casas superi. Dictis & tempore motæ
 Annuimusque viro, primasque intravimus ædes.
 Desierant imbres ; victoque Aquilonibus Austro
 Fusca repurgato fugiebant nubila cœlo.
 Impetus ire fuit. Claudis sua tecta Pyreneus ;
 Vimque parat : quam non sumptis effugimus alis.
 Ipe secuturo similis stetit arduus arce :
 Quaque via est vobis, erit & mihi, dixit, eadem.
 Seque jactat vecors è summi culmine tecti :
 Et cadit in vultus, discussique ossibus oris
 Tundit humum moriens scelerato sanguine tinctam.

5. Musa loquebatur. Pennæ sonuere per auras :
 Voxque salutantum ramis veniebat ab altis.
 Suspicit ; & linguæ quærit tam certa loquentes
 Unde sonent : hominemque putat Jove nata locutum.
 Ales erat, numeroque novem sua tata querentes
 Institerant ramis imitantes omnia picæ.
 Mirante sic orsa Deæ Dea : Nuper & istæ.
 Auxerunt volucrum victæ certamine turbam.
 Pieros has genuit Pellæis dives in arvis.
 Pæonis Evippe mater fuit. Illa potentem
 Lucinam novies, novies paritura vocavit.
 Intumuic numero stolidarum turba fororum :
 Perque tot Æmonias, & per tot Achaïdas urbes
 Huc venit : & tali committit prælia voce :
 Desinite indoctum vana dulcedine vulgus
 Fallere. Nobiscum, si qua est fiducia vobis,

Thespiades certate Deæ. Nec voce, nec arte
 Vincemur, totidemque sumus. Vel cedite victæ
 Fonte Medusæo, & Hyantea Aganippe:
 Vel nos Emathiis ad Pæonas usque nivosos
 Cedamus campis. Dirimant certamina Nymphæ.
 Turpe quidem contendere erat; sed cedere visum
 Turpius. Electæ jurant per flumina Nymphæ,
 Factaque de vivo pressêre sedilia saxo.
 Tunc sine sorte prior, quæ se certare professa est,
 Bella canit superûm: falsoque in honore Gigantas
 Ponit, & extenuat magnorum facta Deorum,
 Emissumque ima de sede Typhoëa terræ
 Coelitibus fecisse metum: cunctosque dedisse
 Terga fugæ. Donec fessos Ægyptia tellus
 Ceperit, & septem discretus in ostia Nilus:
 Huc quoque terrigenam venisse Typhoëa narrat,
 Et se mentitis Superos cælasse figuris:
 Duxque gregis, dixit, sit Jupiter; unde recurvis
 Nunc quoque formatus Libys est cum cornibus Am-
 (mon.

Delius in corvo, proles Semeleïa capro,
 Fele soror Phœbi, nivea Saturnia vacca,
 Pisce Venus latuit, Cyllenius Ibidis alis.

Haftenus ad citharam vocalia moverat ora.
 Poscimus Aonides. Sed forsitan otia non sint:
 Nec nostris præbere vacet tibi cantibus aures.
 Ne dubita, vestrumque mihi refer ordine carmen,
 Pallas ait: nemorisque levi consedit in umbra.
 Musa refert; Dedimus summam certaminis uni.
 Surgit, & immisos hedera collecta capillos
 Calliope querulas prætentat pollice chordas.
 Atque hæc percussis subjungit carmina nervis.

6. Prima Ceres unco glebam dimovit aratro,
 Prima dedit fruges, alimentaque mitia terris,
 Prima dedit leges. Cereris sunt omnia munus.

Ille canenda mihi est. Utinam modo dicere possim
Carmina digna Dea : certe Dea carmine digna.
Vasta giganteis ingesta est insula membris
Trinacris ; & magnis subiectum molibus urget
Æthereas ausum sperare Typhoëa sedes.
Nititur ille quidem ; pugnatque resurgere sæpe.
Dextra sed Ausonio manus est subiecta Peloro :
Læva, Pachyne, tibi : Lilybæo crura premuntur :
Degravat Ætna caput : sub qua resupinus arenas
Ejectat, flammamque fero vomit ore Typhoëus.
Sæpe remoliri luctatur pondera terræ,
Oppidaque, & magnos devolvere corpore montes.
Inde tremat tellus, & rex pavet ipse silentum ;
Ne pateat, latoque solum retegatur hiatu ;
Immissusque dies trepidantes terreat umbras.
Hanc metuens cladem tenebrosa sede tyrannus
Exierat, curruque atrorum vectus equorum,
Ambibat Siculæ cautus fundamina terræ.
Postquam exploratum satis est, loca nulla labare,
Depositique metus ; videt hunc Erycina vagantem
Monte suo residens, natumque amplexa volucrum
Arma, manusque meæ, Mea, nate, potentia, dixit,
Illa, quibus superas omnes, cape tela, Cupido,
Inque Dei pectus celeres molire sagittas ;
Cui triplicis cessit fortuna novissima regni.
Tu superos, ipsumque Jovem, tu numina ponti
Victa domas, ipsumque, regit qui numina terræ.
Tartara quid cessant ? cur non matrisque tuumque
Imperium profers ? agitur pars tertia mundi.
Et tamen in cœlo (quæ jam patientia nostra est)
Spernimur : ac mecum vires tenuantur Amoris.
Pallada nonne vides jaculatricemque Dianam
Abscessisse mihi ? Cereris quoque filia virgo,
Si patiemur, erit : nam spes affectat easdem.
At tu, pro socio si qua est tibi gratia, regno :

Junge Deam patruo. Dixit Venus. Ille pharetram
Solvit : & arbitrio matris de mille sagittis
Unam seposuit. Sed qua nec acutior ulla,
Nec minus incerta est, nec quæ magis audiat arcum
Oppositoque genu curvavit flexile cornu :
Inque cor hamata percussit arundine Ditem.
Haud procul Hennæis lacus est à mœnibus altæ,
Nomine Pergus, aquæ. Non illo plura Caystros
Carmina cygnorum labentibus audit in undis.
Sylva coronat aquas, cingens latus omne ; suisque
Frondebis, ut velo, Phœbeos summovet ignes
Frigora dant rami, varios humus humida flores.
Perpetuum ver est. Quo dum Proserpina luco
Ludit, & aut violas, aut candida lilia carpit,
Dumque puellari studio, calathosque sinumque
Implet, & æquales certat superare legendo ;
Pæne simul visa est, dilectaque, raptaque Diti :
Usque adeo properatus amor. Dea territa mœsto
Et matrem, & comites, sed matrem sæpius, ore
Clamat : & ut summa vestem laniarat ab ora ;
Collecti flores tunicis cecidere remissis.
Tantaque simplicitas puerilibus adfuit annis :
Hæc quoque virgineum movit jactura dolorem,
Raptor agit currus ; & nomine quemque vocando
Exhortatur equos. Quorum per colla jubaque
Excutit obscura tinctas ferrugine habenas,
Perque lacus altos, & olentia sulfure fertur
Stagna Palicorum rupta ferventia terra :
Et qua Bacchiadæ bimari gens orta Corinθο,
Inter inæquales posuerunt mœnia portus,
Est medium Cyanes, & Pisææ Arethusæ,
Quod coit angustis inclusum cornibus æquor.
Hic fuit, à cujus stagnum quoque nomine dictum,
Inter Sicelidas Cyane celeberrima Nymphas ;
Gurgite quæ medio summa tenus existit alvo ;

Agnovitque Deum : Nec longius ibitis, inquit :
Non potes invitæ Cereris gener esse. Roganda
Non rapienda fuit. Quod si componere magnis
Parva mihi fas est ; & me dilexit Anapis.
Exorata tamen, nec, ut hæc, exterrita, nupsi.
Dixit : & in partes diversas brachia tendens,
Obstitit. Haud ultra tenuit Saturnius iram :
Terribilesque hortatus equos, in gurgitis ima
Contortum valido sceptrum regale lacerto
Condidit. Icta viam tellus in Tartara fecit :
Et pronos currus medio cratere recepit.
At Cyane, raptamque Deam, contemtaque fontis
Jura sui mœrens, inconsolabile vulnus
Mente gerit tacita ; lacrymisque absumitur omnis :
Et quarum fuerat magnum modo numen ; in illas
Extenuatur aquas. Molliri membra videres :
Ossa pati flexus : ungues posuisse rigorem ;
Primaque de tota tenuissima quæque liquecunt ;
Cærulei crines, digitique, & crura, pedesque ;
Nam brevis in gelidas membris exilibus undas
Transitus est. Post hæc humeri, tergumque, latusque
Pectoraque in tenues abeunt evanida rivos.
Denique pro vivo vitiatas sanguine venas
Lympha subit ; restatque nihil quod prendere possis.

7. Interea pavidæ nequicquam filia matri
Omnibus est terris, omni quæsitâ profundo.
Illam non rutilis veniens Aurora capillis
Cessantem vidit, non Hesperus. Illa duabus
Flammiferas pinus manibus succendit ab Ætna ;
Perque pruinosas tulit irrequieta tenebras.
Rursus ubi alma dies hebetarat sidera ; natam
Solis ad occasus, solis quærebat ab ortu.
Fessa labore sitem collegerat ; oraque nulli
Colluerant fontes. Cum tectam stramine vidit
Forte casum, parvasque fores pulsavit, At inde

Prodit

Prodit anus, divamque videt: lymphamque rogant
 Dulce dedit, tosta quod coxerat ante, polenta.
 Dum bibit illa datum; durī puer oris, & audax,
 Constitit ante Deam, risitque avidamque vocavit.
 Offensa est, neque adhuc epota parte, loquentem
 Cum liquido mista perfudit diva polenta.
 Combibit os maculas; & qua modo brachia gessit
 Crura gerit. Cauda est mutatis addita membris:
 Inque brevem formam, ne sit vis magna nocendi;
 Contrahitur: parvaque minor mensura lacerta est.
 Mirantem, flentemque & tangere monstra parantem
 Fugit anum; latebramque petit, aptumque colori
 Nomen habet, variis stellatus corpora guttis.

8. Quas Dea per terras, & quas erraverit undas,
 Longa referre mora est. Quærenti defuit orbis,
 Sicaniam repetit: dumque omnia lustrat eundo;
 Venit & ad Cyanen: ea, ni mutata fuisset,
 Omnia narrasset. Sed & os, & lingua volenti
 Dicere non aderant: nec quo loqueretur habebat.
 Signa tamen manifesta dedit, notamque parenti
 Illo forte loco dilapsam gurgite sacro
 Persephones zonam summis ostendit in undis.
 Quam simul agnovit, tanquam dum denique raptam
 Scisset, inornatos laniavit Diva capillos,
 Et repetita suis percussit pectora palmis.
 Nescit adhuc ubi sit, terras tamen increpat omnes,
 Ingratasque vocat, nec frugum munere dignas.
 Trinacriam ante alias, in qua vestigia damni
 Repperit. Ergo illic sæva vertentia glebas
 Fregit aratra manu: parilique irata colonos,
 Ruricolasque boves letho dedit, arvaque jussit
 Fallere depositum, vitiataque semina fecit.
 Fertilitas terræ laum vulgata per orbem
 Falsa jacet: primis segetes moriuntur in herbis.
 Et modo sol nimius, nimius modo corripit imber:
 Sideraque,

Sideraque, ventique nocent; avidæque volucres
Semina jacta legunt: lolium, tribulique fatigant
Triticeas messes, & inexpugnabile gramen.
Cum caput Eleis Alpheias extulit undis:
Rorantesque comas à fronte removit ad aures;
Aique ait: O toto quæsitæ virginis orbe,
Et frugum genitrix; immensos siste labores,
Neve tibi fidæ volenta irascere terræ.
Terra nihil meruit; patuitque invita rapinæ.
Nec sum pro patria supplex, huc hospita veni.
Pisa mihi patria est: & ab Elide ducimus ortus.
Sicaniam peregrina colo: sed gratior omni
Hæc mihi terra sola est. Hos nunc Arethusa penates,
Hanc habeo sedem; quam tu, mitissima, serva.
Mota loco cur sum; tantique per æquoris undas
Advehar Ortygiam; veniet narratibus hora
Tempestitiva meis: cum tu curisque levata,
Et vultus melioris eris. Mihi pervia tellus
Præbet iter, subterque imas ablata cavernas
Hic caput attollo: desuetaque sidera cerno.
Ergo dum Stygio sub terris gurgite labor;
Visa tua est oculis illic Proserpina nostris.
Illa quidem tristis, nec adhuc interrita vultus,
Sed regina tamen; sed opaci maxima mundi;
Sed tamen inferni pollens matrona tyranni.
Mater ad auditas stupuit, ceu saxea, voces:
Attonitæque diu similis fuit. Utque dolore
Pulsa gravi gravis est amentia; curribus auras
Exit in æthereas: ibi torvo nubila vultu
Ante Jovem passis stetit invidiosa capillis.
Proque meo veni supplex tibi Jupiter, inquit,
Sanguine, proque tuo. Si nulla est gratia matris;
Nata patrem moveat: neu si tibi cura precamur
Vilior illius; quod nostro est edita partu.
En quæsitæ diu tandem mihi nata reperta est:

Si reperire vocas, amittere certius; aut si
 Scire ubi sit, reperire vocas quod rapta, feremus;
 Dummodo reddat eam. Neque enim prædone mari
 Filia digna tua est; si jam mea filia non est.
 Jupiter excepit: Commune est pignus, onusque
 Nata mihi tecum. Sed, si modo nomina rebus
 Addere vera placet, non hoc injuria factum,
 Verum amor est: neque enim nobis gener ille pudor
 Tu modo Diva velis. Ut desint cætera, quantum e
 Esse Jovis fratrem? quid, quod nec cætera desunt?
 Nec cedit nisi sorte mihi. Sed tanta cupido
 Si tibi discidii; repetat Proserpina cælum:
 Lege tamen certa, si nullos contigit illic
 Ore cibos. Nam sic Parcarum foedere cautum est.

Dixerat. At Cereri certum est educere natam.
 Non ita fata sinunt. Quoniam jejunia virgo
 Solverat, & cultis dum simplex errat in hortis,
 Puniceum curva decerpserat arbore pomum:
 Sumptaque pallenti septem de cortice grana
 Prefferat ore suo. Solusque ex omnibus illud
 Viderat Ascalaphus, quem quondam dicitur Orph
 Inter Avernales haud ignotissima Nymphas,
 Ex Acheronte suo furvis peperisse sub antris.
 Vidit, & indicio reditum crudelis ademit.
 Ingemuit regina Erebi, testemque profanam
 Fecit avem, sparsumque caput Phlegethontide lymph
 In rostrum, & plumas, & grandia lumina vertit.
 Ille sibi ablatus, fulvis amicitur ab alis:
 Inque caput crescit; longosque reflectitur ungues,
 Vixque movet natas per inertia brachia pennas:
 Fœdaque fit volucris venturi nuncia luctus,
 Ignavus bubo, dirum mortalibus omen.

9. Hic tamen indicio pœnam linguaue videri
 Commeruisse potest. Vobis Acheloïdes unde
 Pluma pedesque avium, cum virginis ora geratis?

An quia cum legeret vernos Proserpina flores ;

In comitum numero doctæ Sirenes eratis ?

Quam postquam toto frustra quæstistis in orbe,

Protinus, ut vestram sentirent æquora curam,

Posse super fluctus alarum insistere remis

Oprastis : facilesque Deos habuistis : & artus

Vidistis vestros subitis flavescere pennis.

Ne tamen ille canor mulcendas natus ad aures,

Tantaque dos oris linguæ deperderet usum ;

Virginei vultus, & vox humana remansit.

10. At medius fratrisque sui mœstæque sororis

Jupiter ex æquo volventem dividit annum.

Nunc Dea regnorum numen commune duorum

Cum matre est totidem, totidem cum conjugè menses.

Vertitur extemplo facies, & mentis, & oris,

Nam modo quæ poterat Diti quoque mœsta videri ;

Lata Deæ frons est : ut sol, qui tectus aquosis

Nubibus ante fuit, victis ubi nubibus exit.

Exigit alma Ceres, nata secunda reperta,

Quæ tibi causa fugæ ? cur sis, Arethusa, facer fons ?

Conticuere undæ : quarum Dea sustulit alto

Fonte caput ; viridesque manu ficcata capillos

Fluminis Elei veteres narravit amores.

Pars ego Nympharum quæ sunt in Achaïde, dixit,

Una fui : nec me studiosius altera saltus

Legit, nec posuit studiosius altera casses.

Sed quamvis formæ nunquam mihi fama petita est,

Quamvis fortis eram ; formosæ nomen habebam.

Nec mea me facies nimium laudata juvabat :

Quaque aliæ gaudere solent, ego rustica dote

Corporis erubui ; crimenque placere putavi.

Lassa revertabar, memini, Stymphalide sylva :

Æstus erat, magnumque labor geminaverat æstum.

Invenio sine vortice aquas, sine murmure euntes,

Perspiciuasque ad humum, per quas numerabilis alte

Calculus omnis erat; quas tu vix ire putares.
Cana salicta dabant, nutritaque populus unda,
Sponte sua natas ripis declivibus umbras.
Acceffi: primumque pedis vestigia tinxi.
Poplite deinde tenus, neque eo contenta, recingor:
Mollaque impono salici velamina curvæ:
Nudaque mergor aquis, quas dum ferioque trahoque,
Mille modis labens, excussaue brachia jacto;
Nescio quod medio sensi sub gurgite murmur,
Territaue infisto propioris margine ripæ
Quo properas Arethusa? suis Alpheus ab undis
Quo properas? iterum rauco mihi dixerat ore.
Sic ut eram fugio sine vestibus (altera vestes
Ripa meas habuit) tanto magis instat, & ardet.
Et quia nuda fui; sum visa paratior illi.
Sic ego currebam; sic me ferus ille premebat,
Ut fugere accipitrem penna trepidante columbæ,
Ut solet accipiter trepidas agitare columbas.
Usque sub Orchomenon, Psophidaque, Cyllenenque,
Mænaliisque sinus, gelidumque Erimanthon, & Eli
Currere sustinui. Nec me velocior ille;
Sed tollerare diu cursus ego viribus impar
Non poteram, longi patiens erat ille laboris.
Per tamen & campos, per opertos arbore montes,
Saxa quoque, & rupes, & qua via nulla, cucurri.
Sol erat à tergo: vidi præcedere longam
Ante pedes umbram; nisi si timor illa videbat.
Sed certe sonitusque pedum terrebat; & ingens
Crinales vittas afflabat anhelitus oris
Fessa labore fugæ, Fer opem, deprendimur, inquam
Armigeræ Dictynna tuæ: cui sæpe dedisti
Ferre tuos arcus, inclusaue tela pharetra.
Mota Dea est; spissisque ferens è nubibus unam
Me super injecit. Lustrat caligine rectam
Amnis, & ignarus circum cava nubila quærit.

Bisque locum, quo me Dea texerat, inscius ambit :
Et bis Iô Arethusa, Iô Arethusa vocavit.
Quid mihi tunc animi misere fuit ? anne quod agnæ,
Siqua lupos audit circum stabula alta frementes ?
Aut lepori, qui vepre latens hostilia cernit
Ora canum, nullosque audet dare corpore motus ?
Non tamen abscedit : neque enim vestigia cernit
Longius ulla pedum, servat nubemque, locumque.
Occupat obsessos sudor mihi frigidus artus ;
Cæruleæque cadunt toto de corpore guttæ.
Quaque pedem movi, manat lacus, éque capillis
Ros cadit : & citius, quam nunc tibi facta renarro,
In latices mutor. Sed enim cognoscit amatas
Amnis aquas, positoque viri, quod sumplerat, ore ;
Vertitur in proprias, ut se mihi misceat, undas.
Delia rupit humum : cœcisque ego merfa cavernis
Advehor Ortygiam. Quæ me cognomine Divæ
Grata meæ superas eduxit prima iúb auras.

11. Hac Arethusa tenus geminos Dea fertilis an-
(gues

Curribus admovit ; frænisque coërcuit ora,
Et medium cœli terræque per aëra vecta est,
Atque levem currum Tritonida misit in arcem.
Triptolemo ; partimque rudi data semina jussit
Spargere humo, partim post tempora longa recultæ.
Jam super Europen sublimis, & Afida terras
Vectus erat juvenis ; Scythicas advertitur oras.
Rex ibi Lyncus erat. Regis subit ille penates.
Qua veniat, causamque viæ, nomenque rogatus,
Et patriam, Patria est claræ mihi dixit, Athenæ,
Triptolemus nomen. Veni nec puppe per undas,
Nec pede per terras : patuit mihi pervius æther.
Dona fero Cereris ; latos quæ sparsa per agros
Frugiferas messes, alimenta que mitia reddant.
Barbarus invidit : tantique ut muneris auctor

Ipse sit, hospitio recipit : somnoque gravatum
 Aggreditur ferro. Conantem figere pectus
 Lynca Ceres fecit, rursusque per aëra misit
 Mopsopium juvenem sacros agitare jugales.

12. Finierat dictos è nobis maxima cantus.
 At Nymphæ vicisse Deas Helicon colentes
 Concordi dixêre sono. Convicia victæ
 Cum jacerent, Quoniam, dixit, certamine vobis
 Supplicium meruisse parum est, maledictaque culpa
 Additis, & non est patientia libera nobis ;
 Ibimus in pœnas ; & qua vocat ira, sequemur.
 Rident Emathides, spernuntque minacia verba ;
 Conatæque loqui, & magno clamore protervas
 Intentare manus, pennas exire per ungues
 Aspexere suos, operiri brachia plumis :
 Alteraque alterius rigido concrescere rostro
 Ora vident, volucresque novas accedere sylvis.
 Dumque volunt plangi ; per brachia mota levatæ,
 Aëre pendebant nemorum convicia picæ.
 Nunc quoque in alitibus facundia prisca remansit,
 Raucaque garrulitas, studiumque immane loquendi.

M E T A M O R P H O S E O N L I B. VI.

PRæbuerat dictis Tritonia talibus aures ;
 Carminaque Aonidum, justamq; probaverat iram.
 Tum secum, Laudare parum est ; laudemur & ipsæ :
 Numina nec sperni sine pœna nostra sinamus.
 Mæoniæque animum satis intendit Arachnes :
 Quam sibi lanificæ non cedere laudibus artis
 Audierat. Non illa loco, neque origine gentis
 Clara, sed arte fuit. Pater huic Colophonius Idmon
 Phocaïco bibulas tingeat murice lanas.
 Occiderat mater. Sed & hæc de plebe, suoque

Æqua

Æqua viro fuerat. Lydas tamen illa per urbes
 Quæsierat studio nomen memorabile: quamvis
 Orta domo parva, parvis habitabat Hypæpis.
 Hujus ut aspicerent opus admirabile, sæpe
 Deferuere sui Nymphæ vineta Tymoli:
 Deferuere suas Nymphæ Pactolides undas.
 Nec factas solum vestes spectare juvabat;
 Tum quoque cum fierent: tantus decor affuit arti.
 Sive rudem primos lanam glomerabat in orbes:
 Seu digitis subigebat opus; repetitaque longo
 Vellera molliabat nebulas æquantia tractu;
 Seu lævi teretem versabat pollice fusum;
 Seu pingebat acu; scires à Pallade doctam.
 Quod tamen ipsa negat: tantaque offensa magistra,
 Certet, ait, mecum; nihil est quod victa recusem.
 Pallas anum simulat, falsoque in tempora canos
 Addit, & infirmos baculo quoque sustinet artus:

Tum sic orsa loqui: Non omnia grandior ætas
 Quæ fugiamus habet. Seris venit usus ab annis.
 Consilium ne sperne meum: tibi fama petatur
 Inter mortales faciendæ maxima lanæ.
 Cede Deæ: veniamque tuis temeraria dictis
 Supplice voce roga. Veniam dabit illa roganti.
 Aspicit hanc torvis, inceptaque fila relinquit:
 Vixque manus retinens, confessaque vultibus iram;
 Talibus obscuram resecuta est Pallada dictis:
 Mentis inops, longaue venis confecta senecta,
 Et nimium vixisse diu, nocet. Audiat istas,
 Si qua tibi nurus est, si quæ tibi filia, voces.
 Consilii satis est in me mihi. Neve monendo
 Profecisse putes; eadem sententia nobis.
 Cur non ipsa venit; cur hæc certamina vitat?
 Tum Dea, Venit, ait: formamque removit anilem:
 Palladaque exhibuit. Venerantur numina Nymphæ,
 Mygdonidesque nurus. Sola est non territa virgo.

Sed

Sed tamen erubuit. Subitusque invita notavit
 Ora rubor, rursusque evanuit. Ut solet aër
 Purpureus fieri : cum primum Aurora movetur ;
 Et breve post tempus candescere solis ab ictu.
 Perstat in incepto, stolidæque cupidine palmæ
 In sua fata ruit. Neque enim Jove nata recusat ;
 Nec monet ulterius. Nec jam certamina differt.
 Haud mora ; constituunt diversis partibus ambæ,
 Et gracili geminas intendunt stamine telas.
 Tela jugo vincta est, stamen secernit arundo :
 Inferitur medium radiis subtemen acutis ;
 Quod digiti expediunt, atque inter stamina ductum
 Percusso feriunt infecti pectine dentes.
 Utraque festinant, cinctæque ad pectora vestes,
 Brachia docta movent ; studio fallente laborem.
 Illic & Tyrium quæ purpura sensit aënum,
 Texitur, & tenues parvi discriminis umbræ,
 Qualis ab imbre solet percussis solibus arcus
 Inficere ingenti longum curvamine cœlum :
 In quo diversi niteant cum mille colores ;
 Transitus ipse tamen spectantia lumina fallit.
 Usque adeo quod tangit idem, tamen ultima distant.
 Illic & lentum filis immittitur aurum,
 Et vetus in tela deducitur argumentum.

4. Cecropia Pallas scopulum Mavortis in arce
 Pingit, & antiquam de terræ nomine litem.
 Bis sex cœlestes medio Jove sedibus altis
 Augusta gravitate sedent. Sua quemque Deorum
 Inscribit facies. Jovis est regalis imago,
 Stare Deum Pelagi, longoque ferire tridente
 Aspera saxa facit, medioque è vulnere faxi
 Exsuisse ferum : quo pignore vindicet urbem.
 At sibi dat clypeum, dat acutæ cuspidis hastam,
 Dat galeam capiti ; defenditur ægide pectus :
 Percussamque sua simulat de cuspide terram

Prodere cum baccis foetum canentis olivæ :
 Mirarique Deos. Operis victoria finis.
 Ut tamen exemplis intelligat æmula laudis,
 Quod pretium speret pro tam furialibus ausis ;
 Quatuor in partes certamina quatuor addit ;
 Clara colore suo, brevibus distincta sigillis.
 Threïciam Rhodopen habet angulus unus, & Hæmon
 Nunc gelidos montes, mortalia corpora quondam ;
 Nomina summorum sibi qui tribuere Deorum.

Altera Pygmææ fatum miserabile matris
 Pars habet. Hanc Juno victam certamine jussit
 Esse gruem, populisque suis indicere bellum.

Pinxit & Antigonen ausam contendere quondam
 Cum magni consorte Jovis ; quam regia Juno
 In volucrem vertit : nec profuit Ilion illi,
 Laomedonve pater, sumptis quin candida pennis
 Ipsa sibi plaudat crepitante ciconia rostro.

Qui superest solus Cinyran capit angulus orbem,
 Isque gradus templi natarum membra suarum
 Amplectens, saxoque jacens, lacrymare videtur.
 Circuit extremas oleis pacalibus oras.
 Is modus est ; operisque sua facit arbore finem.

xx. Mæonis elusam designat imagine tauri
 Europen, verum taurum, freta vera putares.
 Ipsa videbatur terras spectare relictas,
 Et comites clamare suas, tactumque vereri
 Affilientis aquæ ; timidasque reducere plantas.
 Fecit & Asterien aquila luctante teneri,
 Fecit olorinis Ledam recubare sub alis :
 Addidit, ut Satyri celatus imagine, pulchram
 Jupiter implerit gemino Nyctæida foetu :
 Amphitryon fuerit, cum te Titynthia cepit ;
 Aureus ut Danaen, Asopida luserit igneus.
 Mnemosynen pastor, varius Deïoda serpens.

Te quoque mutatum torvo, Neptune, juvenco

Virgine in Æolia posuit. Tu visus Enipeus
Gignis Aloïdas ; aries Bisaltida fallis.
Et te flava comas, frugum micissima mater,
Sensit equum. Te sensit avem crinita colubris
Mater equi volucris : sensit Delphina Melantho.

Omniis his faciemque suam faciemque locorum
Reddidit. Est illic aggreſtis imagine Phœbus.
Utque modo accipitris pennas, modo terga leonis
Geſſerit : ut paſtor Macareïda luſerit Iſſen.
Liber ut Erigonen falſa deceperit uva :
Ut Saturnus equo geminum Chirona crearit.
Ultima pars telæ, tenui circumdata limbo,
Nexilibus flores hederis habet intertextos.

2. Non illud Pallas, non illud carpere livor
Poſſit opus. Doluit ſucceſſu flava virago :
Et rupit piëtas cœleſtia crimina veſtes.
Utque Cytoriaco radium de monte tenebat ;
Ter quater Idmoniaë frontem percuſſit Arachnes.
Non tulit infelix : laqueoque animoſa ligavit
Guttura. Pendentem Pallas miſerata levavit :
Atque ita, Vive quidem, pende tamen, improba, dixit :
Lexque eadem poenæ, ne ſis ſecura futuri,
Dicta tuo generi, ſerisque nepotibus eſto.
Poſt ea diſcedens ſuccis Hecateïdos herbæ
Spargit. Et extemplo triſti medicamine tactæ
Deſluxêre comæ : cumque his & nariſ, & auris.
Fitque caput minimum. Toto quoq; corpore parva eſt
In latere exiles digiti pro cruribus hærent,
Cætera venter habet. De quo tamen illa remittit
Stamen, & antiquas exercet aranea telas.

3. Lydia tota tremit : Phrygiæque per oppida facti
Rumor it, & magnum ſermonibus occupat orbem.
Ante ſuos Niobe thalamos cognoverat illam,
Tunc cum Mæoniam virgo Sipylumque colebat.
Nec tamen admonita eſt poena popularis Arachnes

Cedere

Cedere cœlitibus, verbisque minoribus uti.
Multa dabant animos : sed enim nec conjugis arces,
Nec genus amborum, magnique potentia regni,
Sic placuêre illi ; quamvis ea cuncta placerent ;
Ut sua progenies : & felicissima matrum
Dicta foret Niobe ; si non sibi visa fuisset.
Nam sata Tirefia venturi præscia Manto
Per medias fuerat, divino concita motu,
Vaticinata vias : Ismenides ite frequentes,
Et date Latonæ, Latonigenisque duobus,
Cum prece thura pia ; lauroque innectite crinem.
Ore meo Latona jubet. Paretur, & omnes
Thebaïdes jussis sua tempora frondibus ornant ;
Thuraque dant sanctis, & verba precantia flammis.
Ecce venit comitum Niobe celeberrima turba,
Vestibus intexto Phrygiis spectabilis auro,
Et, quantum ira finit, formosa ; movensque decoro
Cum capite immissos humerum per utrumq; capillos,
Constitit : utque oculos circumtulit alta superbos ;
Quis furor auditos, inquit, præponere visis
Cœlestes ? aut cur colitur Latona per aras ?
Numen adhuc sine thure meum ? mihi Tantalus auctor ;
Cui licuit soli superiorum tangere mensas.
Pleïadum soror est genitrix mihi, maximus Atlas
Est avus ; æthereum qui fert cervicibus axem.
Jupiter alter avus : focero quoque gloriôr illo.
Me gentes metuunt Phrygiæ, me regia Cadmi
Sub domina est, fidibusque mei commissa mariti
Mœnia cum populis à meque viroque reguntur.
In quamcumque domus adverti lumina partem ;
Immensæ spectantur opes. accedit eodem
Digna Dea facies. Huc natas adjice septem,
Et totidem juvenes, & mox generosque nurusque.
Quærite nunc, habeat quam nostra superbia causam.
Nescio quoque audete satam Titanida Cæo,

Latonam præferre mihi, cui maxima quondam
Exiguam sedem parituræ terra negavit?
Nec cælo, nec humo, nec aquis Dea vestra recepta est:
Exul erat mundi; donec miserata vagantem,
Hospita tu terris erras, ego, dixit, in undis,
Instabilemque locum Delos dedit. Illa duobus
Facta parens, uteri pars est hæc septima nostri.
Sum, felix, quis enim neget hoc? felixque manebo.
Hoc quoque quis dubitet? tutam me copia fecit.
Major sum, quam cui possit fortuna nocere.
Multaque ut eripiat; multo mihi plura relinquet.
Excessere metum mea jam bona. Fingite demi
Huic aliquid populo natorum posse meorum;
Num tamen ad numerum redigat spoliata duorum
Latonæ; turba quæ quantum distat ab orba,
Ite sacris, properate sacris, laurumque capillis
Ponite. Deponunt, infectaque sacra relinquunt:
Quodque licet, tacito venerantur murmure numen.
Indignata Dea est, summoque in vertice Cynthi
Talibus est dictis gemina cum prole locuta:
En ego vestra parens, vobis animosa creatis,
Et nisi Junoni, nulli cessura Dearum,
An Dea sim dubitor: perque omnia sæcula cultis
Arceor, ô nati, nisi vos succurritis, aris.
Nec dolor hic solus; diro convicia facto
Tantalus adjecit: vosque est postponere natis
Ausa suis, & me, quod in ipsam recidat orbam.
Dixit; & exhibuit linguam scelerata paternam.
Adjectura preces erat his Latona relatis:
Desine, Phœbus ait, (pœnæ mora longa) querela est.
Dixit idem Phœbe; celerique per aëra lapsu
Contigerant recti Cadmeïda nubibus arcem.
Planus erat, lateque patens prope mœnia campus.
Assiduus pulsatus equis; ubi turba rotarum,
Duraque mollierant subjectas ungula glebas.

Pars ibi de septem genitis Amphione, fortes
Conscendunt in equos, Tyrioque rubentia fuco
Terga premunt; auroque graves moderantur habenas.
E quibus Ismenos, qui matri sarcina quondam
Prima suæ fuerat, dum certum flectit in orbem
Quadrupedes cursus, spumantiaque ora coercet;
Hei mihi conclamat, medioque in pectore fixus
Tela gerit, frænisque manu moriente remissis
In latus à dextro paulatim defluit armo.
Proximus audito sonitu per inane pharetræ,
Fræna dabat Sipylus, veluti cum præscius imbris
Nube fugit visa, pendentiaque undique rector
Carbasa deducit, ne qua levis effluat aura.
Fræna tamen dantem, non evitabile telum
Consequitur; summaque tremens cervice sagitta
Hæsit, & exstabat nudum de gutture ferrum.
Ille, ut erat pronus, per colla admissa, jubaque
Volvitur; & calido tellurem sanguine foedat.
Phædimus infelix, & aviti nominis hæres
Tantalus, ut solito finem imposuere labori;
Transierant ad opus nitidæ juvenile palæstræ;
Et jam contulerant arcto luctantia nexu
Pectora pectoribus. Cum tento concita cornu,
Sicut erant juncti, trajecit utrumque sagitta.
Ingemuere simul: simul incurvata dolore
Membra solo posuere: simul suprema jacentes
Lumina versârunt, animam simul exhalârunt.
Aspicit Alphenor, laniataque pectora plangens
Advolat; ut gelidos complexibus allevet artus:
Inque pio cadit officio. Nam Delius illi
Intima fatifero rupit præcordia ferro.
Quod simul eductum; pars est pulmonis in hamis
Eruta, cumque anima cruor est effusus in auras.
At non intonsum simplex Damasciona vulnus
Afficit. Ictus erat qua crus esse incipit, & qua

Mollia nervosus facit internodia poples;
 Dumque manu tentat trahere exitiabile telum;
 Altera per jugulum pennis tenus acta sagitta est:
 Expulit hanc sanguis, seque ejaculatus in altum
 Emicat; & longe terrebrata profilit aura.
 Ultimus Ilioneus non profectura precando
 Brachia sustulerat. Dique ô communiter omnes
 Dixerat; ignarus non omnes esse rogandos;
 Parcite. Motus erat, cum jam revocabile telum
 Non fuit, Arcitenens. Minimo tamen occidit ille
 Vulnere; non alta percusso corde sagitta.

Fama mali, populique dolor, lacrymæque suorum
 Tam subitæ matrem certam fecêre ruinæ;
 Mirantem potuisse. Irascentemque, quod ausi
 Hoc essent superi, quod tantum juris haberent.
 Nam pater Amphion ferro per pectus adacto,
 Finierat moriens pariter cum luce dolorem.
 Heu quantum Niobe, Niobe distabat ab illa;
 Quæ modo Latois populum summoverat aris,
 Et mediam tulerat gressus resupina per urbem
 Invidiosa suis: at nunc miseranda vel hosti,
 Corporibus gelidis incumbit. Et ordine nullo
 Oscula dispensat natos suprema per omnes.
 A quibus ad cœlum liventia brachia tendens,
 Pascere crudelis nostro, Latona dolore,
 Pascere, ait; satiaque meo tua pectora luctu:
 Corque ferum facia, dixit: per funera septem
 Efferor. Exulta, victrix inimica triumphâ.
 Cur autem victrix? misere mihi plura supersunt.
 Quam tibi felici. Post tot quoque funera vinco.
 Dixerat: & sonuit contento nervus ab arcu:
 Qui, præter Nioben unam, contreruit omnes.
 Illa malo est audax. Stabant cum vestibibus atris
 Ante toros fratrum demisso crine sorores.

E quibus una trahens hærentia viscere tela,

Imposito

Imposito fratri moribunda relanguit ore.
Altera solari miseram conata parentem ;
Conticuit subito ; duplicataque vulnere cæco est :
Oraque compressit, nisi postquam spiritus ibat.
Hæc frustra fugiens collabitur : illa sorori
Immoritur, latet hæc. Illam trepidare videres.
Sexque datis leto, diversaque vulnera passis,
Ultima restabat : quam toto corpore mater,
Tota veste regens, Unam, minimamque relinque ;
De multis minimam posco, clamavit, & unam :
Dumque rogat ; pro qua rogat, occidit. Orba resedit
Exanimis inter natos, natasque, virumque,
Dirigitque malis. Nullos movet aura capillos.
In vultu color est sine sanguine ; lumina mœstis
Stant immota genis. Nihil est in imagine vivum.
Ipsa quoque interius cum duro lingua palato
Congelat, & venæ defistunt posse moveri.
Nec flecti cervix, nec brachia reddere gestus.
Nec pes ire potest. Intra quoque viscera saxum.
Flet tamen, & validi circumdata turbine venti ;
In patriam rapta est. Ibi fixa cacumine montis
Liquitur ; & lacrymis etiam nunc marmora manant.

4. Tunc vero cuncti manifestam numinis iram
Fœmina virque timent : cultuque impensius omnes
Magna gemelliparæ venerantur numina divæ.
Utque fit, à facto propiore priora retractant.
E quibus unus ait : Lyciæ quoque fertilis agris
Haud impune Deam veteres sprevere coloni.
Res obscura quidem est ignobilitate virorum :
Mira tamen, vidi præsens, stagnumque lacumque
Prodigio notum. Nam me jam grandior ævo,
Impatensque viæ genitor, deducere lectos
Jusserat inde boves ; gentisque illius eunti
Ipse ducem dederat. Cum quo dum pascua lustrō ;
Ecce lacus medio sacrorum nigra favilla

Ara vetus stabat, tremulis circumdata cannis.
 Restitit; & pavido, Faveas mihi, murmure dixit
 Dux meus: & simili, Faveas, ego murmure dixi.
 Naiadum, Faunine foret tamen ara rogabam,
 Indigenæve Dei; cum talia reddidit hospes,
 Non hæc, ô juvenis, montanum numen in ara.
 Illa suam vocat hanc; cui quondam regia conjux
 Orbe interdixit, quam vix erratica Delos
 Orantem accepit, tum cum levis insula nabat.
 Illic incumbens cum Palladis arbore palmæ,
 Edidit invita geminos Latona noverca.
 Hinc quoque Junonem fugisse puerpera fertur:
 Inque suo portasse sinu duo numina natos.
 Jamque Chimærifera, cum sol gravis ureret arva,
 Finibus in Lyciæ, longo Dea fessa labore,
 Sidereo siccata sitim collegit ab æstu:
 Uteraque ebiberant avidi lactantia nati.
 Forte lacum mediocris aquæ prospexit in imis
 Vallibus: agrestes illic fruticosa legebant
 Vimina cum juncis, gratamque paludibus ulvam.
 Accessit, positoque genu Titania terram
 Pressit; ut hauriret gelidos potura liquores.
 Rustica turba vetat. Dea sic affata vetantes:
 Quid prohibetis aquis? usus communis aquarum est.
 Nec solem proprium natura, nec aëra fecit,
 Nec tenues undas. Ad publica munera veni.
 Quæ tamen ut detis, supplex peto. Non ego nostros
 Abluere hic artus lassataque membra parabam;
 Sed relevare sitim. Caret os humore loquentis:
 Et fauces arent. Vixque est via vocis in illis.
 Haustus aquæ mihi nectar erit: vitamque fatebor
 Accepisse; simul vitam dederitis in undis.
 Hi quoque vos moveant; qui nostro brachia tendunt
 Parva sinu: & casu tendebant brachia nati.
 Quem non blanda Deæ potuissent verba movere?

Hî tamen orantem perstant prohibere : minasque,
Ni procul abscedat, conviciaque insuper addunt.
Nec satis hoc. Ipsos etiam pedibusque manuque
Turbavêre lacus : imoque è gurgite mollem
Huc illuc limum saltu movere maligno.
Distulit ira fitim ; neque enim jam filia Cæi
Supplicat indignis ; nec dicere sustinet ultra
Verba minora Dea : tollensque ad sidera palmas,
Æternum stagno, dixit, vivatis in isto.
Eveniunt optata Deæ. Juvat esse sub undis :
Et modo tota cava summergere membra palude ;
Nunc proferre caput : summo modo gurgite nare :
Sæpe super ripam stagni consistere, sæpe
In gelidos resiliire lacus. Sed nunc quoque turpes
Litibus exercent linguas : pulsoque pudore,
Quamvis sint sub aqua, sub aqua maledicere tentant.
Vox quoque jam rauca est ; inflataque colla tumescunt
Ipsaque dilatant patulos convicia rictus.
Terga caput tangunt : colla intercepta videntur ;
Spina viret : venter, pars maxima corporis, albet ;
Limosoque novæ saliunt in gurgite ranæ.

5. Sic ubi nescio quis Lycia de gente virorum
Rettulit, exitium Satyri reminiscitur alter :
Quem Tritoniaca Latous arundine victum
Affecit pœna. Quid me mihi detrahis ? inquit.
Ah piget : ah non est, clamabat, tibia tanti.
Clamanti cutis est summos direpta per artus :
Nec quicquam nisi vulnus erat. Cruor undique manat,
Detectique patent nervi : trepidæque sine ulla
Pelle micant venæ. Salientia viscera possis,
Et pelluentes numerare in pectore fibras.
Illum ruricolæ, sylvarum numina, Fauni,
Et Satyri fratres, & tunc quoque clarus Olympus,
Et Nymphæ flêrunt ; &, quisquis montibus illis
Lanigerosque greges, armenta que bucera pavit.

Fertilis

Fertilis immaduit ; madefactaque terra caducas
 Concepit lacrymas, ac venis perbibit imis.
 Quas ubi fecit aquam ; vacuas emisit in auras.
 Inde petens rapidum ripis declivibus æquor,
 Marsya nomen habet, Phrygiæ liquidissimus amnis.

6. Talibus extemplo redit ad præsentia dictis
 Vulgus : & extinctum cum stirpe Amphiona lugent.
 Mater in invidia est. Tamen hanc quoque dicitur unus
 Fleffe Pelops : humeroque, suas ad pectora postquam
 Deduxit vestes, ebur ostendisse sinistro.

Concolor huic humerus nascendi tempore dextro,
 Corporeusque fuit. Manibus mox cæsa paternis
 Membra ferunt junxisse Deos : aliisque repertis,
 Qui locus est juguli medius, summique lacerti,
 Defuit. Impositum est non comparentis in usum
 Partis ebur ; factoque Pelops fuit integer illo.

7. Finitimi procures coeunt ; urbesque propinquæ
 Oravêre suos ire ad solatia reges,
 Argosque, & Sparte. Pelopejadesque Mycenæ,
 Et nondum torvæ Calydon invisa Dianæ,
 Orchomenosque feros, & nobilis ære Corinthos,
 Messeneque ferax, Patræque, humilesque Cleonæ,
 Et Nelea Pylos, neque adhuc Pittheïa Træzen,
 Quæque urbes aliæ bimari clauduntur ab Isthmo.
 Exteriusque sitæ bimari spectantur ab Isthmo.
 Credere quis posset ? solæ cessastis Athenæ.
 Obstitit officio bellum ; subvectaque ponto.
 Barbara Mopsopios terrebant agmina muros.
 Threïcius Tereus hæc auxiliaribus armis
 Fuderat : & clarum vincendo nomen habebat.
 Quem sibi Pandion opibusque virisque potentem,
 Et genus à magno ducentem forte Gradivo,
 Connubio Progenes jungit. Non pronuba Juno,
 Non Hymenæus adest, non illi Gratia lecto.
 Eumenides tenuêre faces de funere raptas :

Eumenides stravêre torum : tectoque profanus
Incubuit bubo. Thalamique in culmine sedit.
Hac ave conjuncti Progne Tereusque ; parentes
Hac ave sunt facti. Gratata est scilicet illis
Thracia ; Disque ipsi grates egêre. Diemque,
Quaque data est claro Pandione nata tyranno,
Quaque erat ortus Itys, festam jussêre vocari.
Usque adeo latet utilitas. Jam tempora Titan
Quinque per autumnos repetitis duxerat annis ;
Cum blandita viro Progne, Si gratia, dixit,
Ulla mei est, vel me visendam mitte sorori ;
Vel soror huc veniat. Redituram tempore parvo
Promittas focero ; magni mihi muneris instar
Germanam vidisse dabis. Jubet ille carinam
In freta deduci : veloque & remige portus
Cecropios intrat ; Pyræaque littora tangit.
Ut primum soceri data copia, dextraque dextræ
Jungitur ; infausto committitur omine sermo,
Cœperat, adventus causam, mandata referre
Conjugis , & celeres missæ spondere recursus.
Ecce venit magno dives Philomela paratu ;
Divitiis forma : quales audire solemus
Naiidas & Dryades mediis incedere sylvis :
Si modo des illis cultus, similesque paratus.
Non secus exarsit conspecta virgine Tereus ;
Quam si quis canis ignem supponat aristis,
Aut frondem ; positasque cremet scenilibus herbas,
Digna quidem facies. Sed & hunc innata libido
Exstimulat : pronumque genus regionibus illis
In Venerem. Flagrat vitio gentisque suoque
Impetus est illi, comitum corrumpere curam,
Nutricisque fidem. Nec non ingentibus ipsam
Sollicitare datis : totumque impendere regnum ;
Aut rapere, & sævo raptam defendere bello
Et nihil est, quod non, effræno captus amore.

Aufit ; nec capiunt inclusas pectora flammæ.
Jamque moras male fert ; cupidoque revertitur ore
Mandata ad Progenes ; & agit sua vota sub illa.
Facundum faciebat amor, quotiesque rogabat
Ulterius justo ; Progenem ita velle ferebat.
Addidit & lacrymas , tamquam mandasset & illas.
Prô superi, quantum mortalia pectora cœcæ
Noctis habent ! ipso sceleris molimine Tereus
Creditur esse pius : laudemque à crimine sumit.
Quid quod idem Philomela cupit ? patriosq; lacertis
Blanda tenens humeros, ut eat visura sororem,
Perque suam, contraque suam, petit usque salutem.
Spectat eam Tereus : præcontrectatque videndo :
Osculaque, & collo circumdata brachia cernens ;
Omnia pro stimulis, facibusque, ciboque furoris
Accipit ; & quoties amplectitur illa parentem ;
Esse parens vellet : neque enim minus impius esset.
Vincitur ambarum genitor prece. Gaudet, agitque
Illa patri grates : & successisse duabus
Id purat infelix ; quod erat lugubre duabus.
Jam labor exiguus Phœbo restabat : equique
Pullabant pedibus spatium declivis Olympi.
Regales epulæ mensis, & Bacchus in auro
Ponitur. Hinc placido dantur sua corpora somnò.
At rex Odrysius, quamvis secessit, in illa
Æstuat : & reperens faciem, motusque, manusque,
Qualia vult, fingit, quæ nondum vidit : & ignes
Ipse suos nutrit, cura removente soporem.
Lux erat : & generi dextram complexus euntis
Pandion, comitem lacrymis commendat obortis :
Hanc ego, care gener, quoniam pia causa coëgit,
Ut voluere ambæ, voluisti tu quoque, Tereu ;
Do tibi : perque fidem, cognataque pectora supplex,
Per superos oro ; patrio tuearis amore :
Et mihi sollicitæ lenimen dulce senectæ

Quam

Quam primum(omnis erit nobis mora longa)remittas.
Tu quoq;quam primum(satis est procul esse sororem)
Si pietas ulla est ; ad me Philomela redito.
Mandabat ; pariterque suæ dabat oscula natæ :
Et lacrymæ mites inter mandata cadebant
Utque file pignus dextras utriusque poposcit ;
Inter seque datas junxit ; natamque nepotemque,
Absentes memori pro se rogat ore saluent :
Supremumque vale, pleno singultibus ore,
Vix dixit : timuitque suæ præfagia mentis.
At, simul imposita est pictæ Philomela carinæ ;
Admotumque fretum remis, tellusque repulsa est ;
Vicinus, exclamat : mecum mea vota feruntur :
Exultatque, & vix animo sua gaudia differt
Barbarus ; & nusquam lumen distorquet ab illa.
Non aliter, quam cum pedibus prædator obuncis
Deposuit nido leporem Jovis ales in alto :
Nulla fuga est cap o spectat sua præmia raptor.
Jamque iter effectum ; jamque in sua litora fessis
Puppibus exierant : cum rex Pandione natam
In stabula alta trahit, sylvis obscura vetustis.
Atq;ibi pallentem, trepidamque, & cuncta timentem,
Et jam cum lacrymis, ubi sit germana, rogantem,
Includit : fassusque nefas, & virginem, & unam
Vi superat ; frustra clamato sæpe parente,
Sæpe sorore sua, magnis super omnia Divis,
Illa, tremit, velut agna pavens, quæ faucia cani
Ore excussa lupi, nondum sibi tutâ videtur :
Utque columba suo madefactis sanguine plumis
Horret adhuc, avidosque timet, quibus hæserit, ungues.
Mox ubi mens rediit ; passos laniata capillos,
Lugenti similis, cæcis plangore lacertis,
Intendens palmis, Pro, diris, Barbare, factis,
Pro, crudelis ait ; nec te mandata parentis
Cum lacrymis movère piis, nec cura sororis ;

Nec

Nec mea virginitas, nec conjugalia jura.
Omnia turbasti. Pellex ego facta sororis:
Tu geminis conjux. Non hæc mihi debita pœna.
Quin animam hanc (ne quod facinus tibi perfide rest
Eripis? Atque utinam fecisses ante nefandos
Concubitus: vacuas habuisssem criminis umbras.
Si tamen hæc superi cernunt; si numina Divum
Sunt aliquid; si non perierunt omnia mecum;
Quandocunque mihi pœnas dabis. Ipsa pudore
Projecto tua facta loquar. Si copia detur;
In populos veniam: si sylvis clausa tenebor,
Implebo sylvas: & conscia saxa movebo.
Audiat hæc æther, & si Deus ullus in illo est.
Talibus ira feri postquam commota tyranni;
Nec minor hac metus est: caussa stimulus utraque
Quo fuit accinctus, vagina liberat ensem:
Arreptamque coma, flexis post terga lacertis
Vincta pati cogit. Jugulum Philomela parabat:
Spemque suæ mortis viso conceperat ense.
Ille indignantem, & nomen patris usque vocantem,
Luctantemque loqui, comprehensam forcipe linguam
Abstulit ense fero. Radix micat ultima linguae:
Ipe jacet: terræque tremens immurmurat atræ.
Utque salire solet mutilatæ cauda colubræ:
Palpitat: & moriens dominæ vestigia quærit.
Hoc quoque post facinus (vix ausim credere) fertur
Sæpe sua lacerum reperisse libidine corpus.
Sustinet ad Prognem post talia facta reverti.
Conjuge quæ viso, germanam quærit: at ille
Dat gemitus fictos, commentaque funera narrat:
Et lacrymæ fecêre fidem. Velamina Progne
Diripit ex humeris auro fulgentia lato:
Induiturque atras vestes: & inane sepulcrum
Constituit: falsisque piacula manibus offert:
Et luget non sic lugendæ sata sororis.

Signa Deus bis sex actō lustraverat anno.
Quid faciat Philomela? Fugam custodia claudit :
Structa rigent solido stabulorum mœnia faxo :
Os mutum facti caret indice. Grande doloris
Ingenium est : miserisque venit sollertia rebus.
Stamina barbarica suspendit callida tela :
Purpureasque notis filis intexuit albis :
Indicium sceleris: perfectaque tradidit uni:
Utque ferat dominæ gestu rogat. Illa rogata
Pertulit ad Prognem : nec scit quid tradat in illis.
Evolvitur vestes sævi matrona tyranni :
Germanæque suæ carmen miserabile legit.
Et (mirum est potuisse) silet : Dolor ora repressit,
Verbaque quærenti satis indignantia linguæ
Defuerunt : nec flere vacat. Sed fasque nefasque
Confusura ruit : pœnæque in imagine tota est.
Tempus erat, quo sacra solent Trieterica Bacchi
Sithoniæ celebrare nurus. Nox conscia sacris.
Nocte sonat Rhodope tinnitibus æris acuti :
Nocte sua est egressa domo regina : Deique
Ritibus instruitur : furialiaque accipit arma.
Vite caput tegitur : lateri cervina sinistro.
Vellera dependent. Humero levis incubat hasta.
Concita per sylvas turba comitante suarum
Terribilis Progne, furiisque agitata doloris,
Bacche, tuas simulat. Venit ad stabula avia tandem :
Exululatque, Evoëque sonat, portasque refringit :
Germanamque rapit. Raptæque insignia Bacchi
Induit : & vultus hederarum frondibus abdit :
Attonitamque trahens intra sua limina ducit
Ut sensit tetigisse domum Philomela nefandam :
Horruit infelix : totoque expalluit ore.
Nacta locum Progne, sacrorum pignora demit;
Oraque develat miseræ pudibunda sorori :
Amplexuque petit. Sed non attollere contra

Sustinet hæc oculos ; pellex sibi visa sororis :
 Dejectoque in humum vultu, jurare volenti,
 Testarique Deos, per vim sibi dedecus illud
 Illatum, pro voce manus fuit. Ardet, & iram
 Non capit ipsa suam Progne : fletumque sororis
 Corripiens, Non est lacrymis hic, inquit, agendum,
 Sed ferro, sed si quid habes, quod vincere ferrum
 Possit, In omne nefas ego me germana paravi.
 Aut ego cum facibus regalia tecta cremabo :
 Artificem & mediis immittam Terea flammis :
 Aut linguam, aut oculos, aut quæ tibi membra pu-
 (dorem
 Abstulerunt, ferro rapiam : aut per vulnera mille
 Sontem animam expellam. Magnum quodcumque
 (paravi :
 Quod sit, adhuc dubito. Peragit dum talia Progne ;
 Ad matrem veniebat Itys. Quid possit, ab illo
 Admonita est : oculisque tuens immitibus, Ah quam
 Es similis patri, dixit. Nec plura locuta,
 Triste parat facinus, tacitaque exæstuat ira.
 Ut tamen accessit natus, matrique salutem
 Attulit, & parvis adduxit colla lacertis,
 Mistaque blanditiis puerilibus oscula junxit,
 Mora quidem genitrix: infractaque constitit ira,
 Invitique oculi lacrymis maduere coactis.
 Sed simul ex nimia mentem pietate labare
 Sensit : ab hoc iterum est ad vultus versa sororis ;
 Inque vicem spectans ambos, Cur admover, inquit ?
 Alter blanditias ? rapta silet altera lingua ?
 Quam vocat hic matrem, cur non vocat illa sororem ?
 Cui sis nupta vide Pandione nata marito.
 Degeneras. Scelus est pietas in conjuge Tereo.
 Nec mora, traxit Ityn, veluti Gangerica cervæ
 Lactantem foetum per sylvas tigris opacas.
 Utque domus altæ partem tenuere remotam ;
 Ten-

Tendentemque manus, & jam sua fata videntem,
Et mater, mater clamantem, & colla petentem
Ense ferit Progne, lateri qua pectus adhæret.
Nec vultum vertit. Satis illi ad fata vel unum
Vulnus erat: jugulum ferro Philomela resolvit:
Vivaque adhuc, animæque aliquid retinentia membra
Dilaniant. Pars inde cavis exsultat aënis:
Pars verubus stridet: manant penetralia tabo.
His adhibet conjux ignarum Terea mensis:
Et patrii moris sacrum mentita, quod uni
Fas sit adire viro, comites, famulosque removit.
Ipse sedens solio Tereus sublimis avito,
Vescitur: inque suam sua viscera congerit alvum.
Tantaque nox animi est, Iryn huc arcessite, dixit.
Dissimulare nequit crudelia gaudia Progne:
Jamque suæ cupiens exsistere nuncia cladis,
Intus habes, quem poscis, ait. Circumspicit ille,
Atque ubi sit, quærit. Quærenti, iterumque vocanti,
Sicut erat sparsis furiali cæde capillis,
Profiliit: Ityosque caput Philomela cruentum
Misit in ora patris, nec tempore maluit ullo
Posse loqui: & meritis testari gaudia dictis.
Thracius ingenti mensas clamore repellit,
Vipereasque ciet Strygia de valle sorores:
Et modo, si posset, reserato pectore diras
Egerere inde dapes, semesaque viscera gestit:
Flet modo, seque vocat bustum miserabile nati:
Nunc sequitur nudo genitas Pandione ferro.
Corpora Cecropidum pennis pendere putares;
Pendebant pennis. Quarum petit altera sylvas:
Alter a recta subit: neque adhuc de pectore cædis
Effluxêre notæ, signataque sanguine pluma est.
Ille dolore suo, pœnæque cupidine velox,
Vertitur in volucrem; cui stant in vertice cristæ.
Prominet immodicum pro longa cuspide rostrum.

Nomen Epops volucris : facies armata videtur.

Hic dolor ante diem, longæque extrema senectæ

Tempora, Tartareas Pandiona misit ad umbras.

8. Sceptra loci, rerumque capit moderamen E-
(erichtheus ;

Justitia dubium, validisne potentior armis.

Quatuor ille quidem juvenes, totidemque creârat

Fœmineæ sortis : sed erat par forma duarum.

E quibus Æolides Cephalus te conjuge felix,

Procri fuit. Boreæ Teieus, Thracesque nocebant :

Dilectaque diu caruit Deus Orythia,

Dum rogat, & precibus mavult quam viribus uti.

Ast ubi blanditiis agitur nihil ; horridus ira

Quæ solita est illi, nimiumque domestica vento ;

Et merito, dixit : quid enim mea tela reliqui,

Sæviciam & vires, iramque. Animosque minaces,

Admovique preces ; quarum me dedecet usus ?

Apta mihi vis est. Vi tristia nubila pello :

Vi freta concutio, nodosæque robora verto,

Induroque nives, & terras grandine pulso.

Idem, ego, cum fratres cœlo sum nactus aperto,

(Nam mihi campus is est) tanto molimine luctor ;

Uc medius nostris concursibus intonet æther :

Exiliantque cavis elisi nubibus ignes.

Idem ego, cum subii convexa foramina terræ.

Supposuique ferox imis mea terga cavernis ;

Sollicito manes, totumque tremoribus orbem,

Hac ope debueram thalamos petiisse : focerque

Non orandus erat mihi, sed faciendus, Erichtheus.

Hæc Boreas aut his non inferiora locutus ;

Excussit pennas. Quarum jactatibus omnis

Afflata est tellus : latumque perhorruit æquor.

Pulvereamque trahens per summa cacumina pallam,

Verrit humum : pavidamque metu caligine tectus

Orithyian amans fulvis amplectitur alis.

Dum

Dum volat ; arserunt agitati fortius ignes.
 Nec prius aërii cursus suppressit habenas,
 Quam Ciconum tenuit populos & mœnia raptor,
 Illic egeledi conjux Actæa tyranni,
 Et genitrix facta est ; partus enixa gemellos ;
 Cætera qui matris, pennas genitoris haberent.
 Non tamen has una memorant cum corpore natas :
 Barbaque dum rutilis aberat submissa capillis ;
 Implumes Calaisque puer Zethesque fuerunt.
 Mox pariter ritu pennæ cœpêre volucrum
 Cingere utrumque latus ; pariter flavescere malæ
 Ergo ubi concessit tempus puerile juventæ ;
 Vellera cum Minyis nitido radiantia villo
 Per mare non notum prima petiêre carina.

METAMORPHOSEON LIB. VII.

1: **J**Amque fretum Minyæ Pagasæa puppe fecabant,
 Perpetuaque trahens inopem sub nocte senectam
 Phineus visus erat ; juvenesque Aquilone creati
 Virgineas volucres miseri senis ore fugarant ;
 Multaque perpeffi claro sub Iasone tandem
 Contigerant rapidas limosi Phasidos undas.
 Dumque adeunt regem ; Phryxæaque vellera poscunt ;
 Lexque datur numeris magnorum horrenda laborum,
 Concipit interea validos Æetias ignes :
 Et luctata diu, postquam ratione furorem
 Vincere non poterat ; frustra, Medea, repugnas :
 Nescio quis Deus obstat, ait. Mirumque quid hoc est ;
 Aut aliquid certe simile huic, quod amare vocatur.
 Nam cur jussa patris nimium mihi dura videntur ?
 Sunt quoque dura nimis. Cur quem modo denique
 (vidi.
 Ne

Ne pereat, timeo? quæ tanti caussa timoris?
Excute virgineo conceptas pectore flammæ,
Si potes, infelix; si possem, sanior essem.
Sed trahit invitam nova vis: aliudque Cupido,
Mens aliud suadet. Video meliora, proboque;
Deteriora sequor. Quid in hospite regia virgo
Ureris? & thalamos alieni concipis orbis? (ille
Hæc quoque terra potest, quod ames dare. Vivat, an
Occidat, in Dis est. Vivat tamen: idque precari
Vel sine amore licet: quid enim commisit Iason?
Quem nisi crudelem non tangat Iasonis ætas,
Et genus, & virtus? quem non, ut cætera defint,
Forma movere potest? certe mea pectora movit.
At nisi opem tulerò; taurorum afflabitur ore:
Concurrentque suæ segeti, tellure creatis
Hostibus: aut avido dabitur fera præda draconi.
Hoc ego si patiar, tum me de tigride natam,
Tum terrum, & scopulos gestare in corde fatebor.
Cur non & specto pereuntem? oculosque videndo
Conscelero? cur non tauros exhortor in illum,
Terrigenasque feros, insopitumque Draconem?
Di meliora velint. Quanquam non ista precanda,
Sed facienda mihi. Prodamne ego regna parentis,
Atque ope nescio quis servabitur advena nostra
Ut per me sospes sine me det linthea ventis,
Virque sit alterius; pœnæ Medea relinquit?
Si facere hoc, aliamve potest præponere nobis;
Occidat ingratus. Sed non is vultus in illo,
Non ea nobilitas animo est, ea gratia formæ;
Ut timeam fraudem, meritique obliviam nostri.
Et dabit ante fidem: cogamque in fœdera testes
Esse Deos. Quid tuta times? accingere & omnem
Pelle moram. Tibi se debebit semper Iason
Te face solemni junget sibi, perque Pelasgas
Servatrix urbes matrum celebrabere turba.

Ergo ego germanam, fratremque patremque Deosque,
 Et natale solum ventis ablata relinquam?
 Nempe pater sævus, nempe est mea barbara tellus,
 Frater adhuc infans: stant mecum vota sororis.
 Maximus intra me Deus est. Non magna relinquam;
 Magna sequar; titulum servatæ pubis Achivæ,
 Notitiamque loci melioris, & oppida; quorum
 Hic quoque fama viget, cultusque artesque virorum:
 Quemque ego cum rebus, quas totus possidet orbis,
 Æsoniden mutasse velim. Quo conjuge felix
 Et Dis cara ferar, & vertice sidera tangam,
 Quid? quod nescio qui mediis concurrere in undis
 Dicuntur montes, ratibusque inimica Charybdæis,
 Nunc forbere fretum, nunc reddere; cinctaque sævis
 Scylla rapax canibus Siculo latrare profundo?
 Nempe tenens quod amo, gremioque in Iasonis
 (hærens,
 Per freta longa ferar? nihil illum amplexa timebo:
 Aut si quid metuam, metuam de conjuge solo.
 Conjugiumne vocas, speciosaque nomina culpæ
 Imponis, Medea, tuæ? quin aspice quantum
 Aggrediare nefas: & dum licet, effuge crimen.
 Dixit: & ante oculos rectum, pietasque pudorque;
 Constiterant: & victa dabat jam terga Cupido.
 Ibat ad antiquas Hecates Perseidos aras;
 Quas nemus umbrosum, secretaque sylva tegebant.
 Et jam fortis erat, fractusque relesderat ardor;
 Cum videt Æsoniden: extinctaque flamma revixit.
 Erubuere genæ; totoque recanduit ore.
 Utque solet ventis alimenta assumere, quæque
 Parva sub inducta latuit scintilla favilla,
 Crescere; & in veteres agitata resurgere vires:
 Sic jam lentus amor, jam quem languere putares,
 Ut vidi juvenem, specie præsentis inarsit.
 Et casu, solito formosior Ælone natus

Illa luce fuit. Posses ignoscere amanti.
Spectat : & in vultu, veluti nunc denique viso,
Lumina fixa tenet : nec se mortalia demens
Ora videre putat : nec se declinat ab illo.
Ut vero coepitque loqui, dextramque prehendit
Hospes ; & auxilium submissa voce rogavit ;
Promisitque torum ; Lacrymis ait illa profusis :
Quid faciam video : nec me ignorantia veri
Decipiet, sed amor. Servabere munere nostro :
Servatus promissa dato, per sacra triformis
Ille Deæ, lucoque foret quod numen in illo,
Perque patrem soceri cernentem cuncta futuri,
Eventusque suos, per tanta pericula jurat.
Creditus, accepit cantatas protinus herbas,
Edidicitque usum : lætusque in testâ recessit.
Postera depulerat stellas Aurora micantes,
Conveniunt populi sacrum Mavortis in arvom ;
Consistuntque jugis. Medio rex ipse resedit
Agmine purpureus, sceptroque insignis eburno.
Ecce adamanteis Vulcanum naribus efflant
Æripides tauri : tactæque vaporibus herbæ
Ardent. Uique solent pleni resonare camini,
Aut ubi terrena filices fornace soluti
Concipiunt ignem liquidarum aspergine aquarum,
Pectora sic intus clausas volventia flammæ,
Gutturæque usta sonant. Tamen illis Æsone natus
Obvius it. Vertere truces venientis ad ora
Terribiles vultus, præfixaque cornua ferro :
Pulveremque solum pede pulsavere bisulco :
Fumificisque locum mugitibus implevere.
Dirigere metu Minyæ. Subit ille : nec ignes
Sensit anhelatos ; tantum medicamina possunt.
Pendulaque audaci mulcet palearia dextra ;
Suppositosque iugo, pondus grave cogit aratri
Ducere ; & insuetum ferro proscindere campum.

Mirantur Colchi; Minyæ clamoribus augent,
Adjiciuntque animos. Galea tum sumit aëna
Vipereos dentes; & aratos spargit in agros.
Semina mollit humus valido præincta veneno;
Et crescunt, fiuntque sati nova corpora dentes.
Utque hominis speciem materna sumit in alvo;
Perque suos intus numeros componitur infans;
Nec nisi maturus communes exit in auras:
Sic ubi visceribus gravidæ telluris imago
Effecta est hominis; foeto consurgit in arvo:
Quodque magis mirum, simul edita concutit arma.
Quos ubi viderunt præacutæ cuspidis hastas
In caput Æmonii juvenis torquere parantes;
Demisere metu vultumque animumque Pelasgi.
Ipsa quoque extimuit, quæ tutum fecerat illum;
Utque peti vidit juvenem tot ab hostibus unum;
Palluit: & subito sine sanguine frigida sedit:
Neve parum valeant à se data gramina; carmen
Auxiliare canit; secretaque advocat artes.
Ille gravem medios filicem jaculatus in hostes,
A se depulsum Martem convertit in ipsos.
Terrigenæ pereunt per mutua vulnera fratres:
Civilique cadunt acie. Gratantur Achivi:
Victoremque tenent: avidisque amplexibus hærent.
Tu quoque victorem complecti, barbara, velles;
[Obstitit incepto pudor: at complexa fuisses;]
Sed te, ne faceres, tenuit reverentia famæ.
Quod licet, effectu tacito lætaris: agisque
Carminibus grates, & Dīs auctoribus horum.
Pervigilem superest herbis sopire Draconem:
Qui crista, linguisque tribus præsignis, & uncis
Dentibus horrendus, custos erat arboris aureæ.
Hunc postquam sparsit Lethæi gramine succi;
Verbaque ter dixit placidos facientia somnos,
Quæ mare turbatum, quæ concita flumina sistant.

Somnus in ignotos oculos ubi venit ; & auro
 Heros Æsonius potitur, spolioque superbus,
 Muneris auctorem secum spolia altera portans,
 Victor Iolciacos tetigit cum conjuge portus.

2. Æmonix matres prognatis dona receptis,
 Grandævique ferunt patres: congestaque flammæ
 Thura liquefaciunt ; inductaque cornibus aurum
 Victima vota cadit. Sed abest gratantibus Æson,
 Jam propior leto, fessusque senilibus annis.
 Cum sic Æsonides : O cui debere salutem
 Confiteor conjux, quanquam mihi cuncta dedisti,
 Excessitque fidem meritorum summa tuorum ;
 Si tamen hoc possunt (quid enim non carmina pos-
 (sunt ?)

Deme meis annis : & demptos adde parenti.
 Nec tenuit lacrymas. Mota est pietate rogantis :
 Non tamen affectus tales confessa, Quod, inquit,
 Excidit ore tuo conjux scelus ? ergo ego cuiquam
 Posse tuæ videor spatium transcribere vitæ ?
 Nec sinat hoc Hecate ; nec tu petis æqua : sed isto
 Quod petis, experiar majus dare munus, Iason,
 Arte mea foci longum tentabimus ævum ;
 Non annis revocare tuis. Modo Diva triformis
 Adjuvet, & præsens ingentibus annuat ausis.
 Tres aberant noctes, ut cornua tota coirent.
 Efficerentque orbem, postquam plenissima fulsit,
 Ac solida terras spectavit imagine Luna :
 Egreditur tectis vestes induta recinctas,
 Nuda pedem, nudos humeris infusa capillos :
 Fertque vagos mediæ per muta silentia noctis
 Incomitata gradus. Homines, volucresque, ferasque
 Solverat alta quies : nullo cum murmure sepes
 (Sopitæ similis nullo cum murmure serpit :)
 Immotæque silent frondes : filet humidus aër :
 Sidera sola micant, ad quæ sua brachia tendens ;

Ter se convertit, ter sumptis flumine crinem
Irroravit aquis, ternis ululatibus ora
Solvit : & in dura submisso poplite terra,
Nox, ait, arcanis fidissima, quæque diurnis
Aurea cum Luna succeditis ignibus astra,
Tuque triceps Hecate, quæ cœptis conscia nostris,
Adjutrixque venis, cantusque, artesque magorum,
Quæque magos Tellus pollentibus instruis herbis,
Auræque, & venti, montesque, amnesque, lacusque,
Dique omnes nemorum, Dique omnes noctis adeste,
Quorum ope, cum volui, ripis mirantibus amnes
In fontes rediêre suos : concussaue sisto ;
Stantia concutio cantu freta, nubila pello ;
Nubilaque induco : ventosque abigoque, vocoque :
Vipereas rumpo, verbis & carmine, fauces :
Vivaque saxa, sua convulsaue robora terra,
Et sylvas moveo : jubeoque tremiscere montes :
Et mugire solum, manesque exire sepulchris :
Te quoque, Luna, traho, quamvis Temesæ labores
Æra tuos minuant. Currus quoque carmine nostro
Pallet avi, pallet nostris Aurora venenis.
Vos mihi taurorum flammæ hebetastis, & unco
Haud patiens oneris collum pressistis aratro.
Vos serpentigenis in se fera bella dedistis :
Custodemque rudem somni sopistis & aurum
Vindice decepto Grajas misistis in urbes.
Nunc opus est succis : per quos renovata senectus
In florem redeat, primosque recolligat annos.
Et dabitis : neque enim micuerunt sidera frustra :
Nec frustra volucrum tractus cervice draconum
Currus adest : aderat demissus ab æthere currus.
Quo simul ascendit, frænataque colla draconum
Permulsit, manibusque leves agitavit habenas ,
Sublimis rapitur : subjectaque Thessala Tempe
Despicit, & cretis regionibus applicat angues :

Et quas Offa tulit, quasque altus Pelion herbas,
Othrysq̃ue, Pindusque; & Pindo major Olympus,
Perspicit: & placita partim radice revellit;
Partim succidit curvamine falcis aënae.
Multa quoque Apidani placuerunt gramina ripis,
Multa quoque Amphrysi; neque eras immunis Enipeus:
Nec non Peneos, nec non Spercheïdes undæ
Contribuere aliquid, juncosque littora Boebes.
Carpfit & Euboïco vivax Anthedone gramen;
Nec dum mutato vulgatum corpore Glauci.
Et jam nona dies curru, pennisque draconum,
Nonaque nox omnes lustrantem viderat agros:
Cum rediit. Neque erant tacti, nisi odore dracones;
Et tamen annosæ pellem posuere senectæ.
Constitit adveniens citra limenque, foresque;
Et tantum cœlo tegitur, refugitque viriles.
Contractus, statuitque aras è cespite binas,
Dexteriore Hecates, at læva parte Juventæ.
Has ubi verbenis, sylvaque incinxit agresti;
Haud procul egesta scrobibus tellure duabus
Sacra facit: cultrosque in guttura velleris atrî
Conjicit: & patulas perfundit sanguine fossas.
Tum super invergens liquidi carchesia Bacchi,
Æreaque invergens tepidi carchesia lactis;
Verba simul fundit, terrenaque numina poscit.
Umbrarumque rogat rapta cum conjuge regem,
Ne properent artus anima fraudare seniles.
Quos ubi placavit precibusque, & murmure longo;
Æsonis effœtum proferri corpus ad aras
Jussit: & in plenos resolutum carmine somnos
Exanimi similem stratis porrexit in herbis
Hinc procul Æsoniden, procul hinc jubet ire ministros:
Et monet arcanis oculos removere profanos.
Diffugiunt jussi. Passis Medea capillis
Bacchantum ritu flagrantem circuit aras:

Multifidasque faces in fossa sanguinis atra
Tingit: & infectas geminis accendit in aris.
Terque senem flamma, ter aqua, ter sulfure lustrat.
Interea validum posito medicamen aëno
Fervet & exsultat: spumisque tumentibus albet.
Illic Æmonia radices valle resectas,
Seminaque, floresque, & succos incoquit acres.
Adjicit extremo lapides Oriente petitos,
Et quas Oceani refluxum mare lavit, arenas.
Addit & exceptas luna pernocte pruinas,
Et strigis infames, ipsis cum carnibus, alas,
Inque virum soliti vultus mutare ferinos
Ambigui profecta lupi. Nec defuit illis
Squamea Cinyphæi tenuis membrana chelydri,
Vivacisque jecur cervi: quibus insuper addit
Ora, caputque novem cornicis sæcula passæ.
His & mille aliis postquam sine nomine rebus
Propositum instruxit mortali barbara munus;
Arenti ramo jampridem mitis olivæ
Omnia confudit; summisque immiscuit ima.
Ecce vetus calido versatus stipes aëno
Fit viridis primo. Nec longo tempore frondem
Induit: & subito gravidis oneratur olivis.
At quacunque cavo spumas ejecit aëno
Ignis, & in terram guttæ cecidêre calentes;
Vernat humus: floresque, & mollia pabula surgunt.
Quæ simul ac vidit; stricto Medea recludit
Ense senis jugulum, veteremque exire cruorem
Passa, replet succis. Quos postquam combibit Æson,
Aut ore acceptos, aut vulnere; barba, comæque
Canitie posita nigrum rapuêre colorem.
Pulsa fugit macies: abeunt pallorque, siusque,
Adjectoque cavæ supplentur sanguine venæ.
Membraque luxuriant. Æson miratur, & olim
Ante quater denos hunc se reminiscitur annos.

3. Viderat ex alto tanti miracula monstri
Liber : & admonitus juvenes nutricibus annos
Posse suis reddi ; capit hoc à Colchide munus.

4. Neve doli cessent ; odium cum conjuge falsum
Phasias assimulat : Peliaëque ad limina supplex
Coniugit. Atque illam (quoniam gravis ipse senectæ
Excipiunt natæ, quas tempore callida parvo
Colchis amicitia mendacis imagine cepit.

Dumque refert, inter meritorum maxima, demptos
Æsonis esse situs ; atque hac in parte moratur ;

Spes est virginibus Pelia subiecta creatis,

Arte suum parili revirescere posse parentem.

Idque petunt : pretiumque jubent sine fine pacisci.

Illa brevi spatio filet : & dubitare videtur :

Suspendique animos ficta gravitate rogantes.

Mox ubi pollicita est, Quo sit fiducia major

Muneris hujus, ait : qui vestras maximus ævo

Dux gregis inter oves, agnus medicamine fiet.

Protinus innumeris effœtus laniger annis

Attrahitur flexo circum cava tempora cornu ?

Cujus ut Æmonio marcentia guttura cultro

Fodit, & exiguo maculavit sanguine ferrum ;

Membra simul pecudis, validosque venefica succos

Mergit in ære cavo. Minuuntur corporis artus :

Cornuaque exuitur, nec non cum cornibus annos :

Et tener auditur medio balatus aeno.

Nec mora ; balatum mirantibus exsilit agnus ;

Lascivique fugâ : lactantiaque ubera quærit.

Obstupuere fatæ Belia, promissaque postquam

Exhibuere fidem ; tum vero impensius instant.

Ter juga Phœbus equis in Ibero gurgite meris

Dempserat ; & quarta radiantia nocte micabant

Sidera ; cum rapido fallax Ætias igni

Imponit purum laticem, & sine viribus herbas.

Jamque neci similis, resoluta corpore, regem,

Et

Et cum rege suo custodes somnus habebat,
 Quem dederant cantus, magicæque potentia linguæ.
 Intrarant iussæ cum Colchide limina natæ :
 Ambierantque torum : Quid nunc dubitatis inertes ?
 Stringite, ait, gladios : veteremque haurite cruorem;
 Ut repleam vacuas juvenili sanguine venas.
 In manibus vita est vestris ætalque parentis.
 Si pietas ulla est, nec spes agitat inanes ;
 Officium præstare patri, telisque senectam
 Exigite, & saniem conjecto emittite terro.
 His, ut quæque pia est, hortatibus, impia prima est :
 Et ne sit scelerata, facit scelus. Haud tamen ictus
 Ulla suos spectare potest : oculosque reflectunt :
 Cœcaque dant sævis averſæ vulnera dextris.
 Ille cruore fluens cubito tamen allevat artus :
 Semilacerque toro tentat consurgere : & inter
 Tot medius gladios pallentia brachia tendens ;
 Quid facitis gnatae ? quid vos in fata parentis
 Armat, ait ? cecidere illis animusque manusque.
 Plura locuturo, cum verbis guttura Colchis
 Abstulit, & calidis laniatum merſit ahenis.

5. 6. Quod nisi pennatis serpentibus iſſet in auras ;
 Non exempta foret poenæ, fugit alta, superque
 Pelion umbroſum Philyreia tecta, superque
 Ochryn, & eventu veteris loca nota Cerambi.
 Hic ope Nympharum sublatus in aëra pennis,
 Cum gravis infuſo tellus foret obruta ponto ;
 Deucalionæas effugit inobrutus undas.

7. Æoliam Pitānen à læva parte relinquit.
 Factaque de ſaxo longi ſimulacra Draconis.
 Idæumque nemus : quo, nati furta, juvencum,
 Occuluit Liber falſi ſub imagine cervi :

8. Quaque pater Coryti parva tumulatus arena :

9. Et quos Mæra novo latratu terruit agros :

10. Eurypylique urbem, qua Coæ cornua matres

Gefſe-

Gesserunt, tum cum discederet Herculis agmen :

11. Phœbeamque Rhodon, & Ialyfios Telchinas,
Quorum oculos ipso vitiantes omnia visu
Jupiter exosus, fraternis subdidit undis.

12. Transis & antiquæ Carthēia mœnia Cœæ,
Qua pater Alcidas placidam de corpore natæ
Miraturus erat nasci potuisse columbam.

13. Inde lacus Hyries videt, & Cycneia Tempe,
Quæ subitus celebravit olor. Nam Phyllius illic
Imperio pueri, volucresque, ferumque leonem.
Tradiderat domitos : taurum quoque vincere jussus
Vicerat ; & spreto toties iratus amore
Præmia poscenti taurum suprema negabat.
Ille indignatus, Cupies dare, dixit : & alto
Defiluit saxo. Cuncti cecidisse putabant :
Factus olor niveis pendebat in aëre pennis.

14. At genitrix Hyrie servatum nescia, flendo
Delicuit : stagnumque suo de nomine fecit.

15. 16. Adjacet his Pleuron : in qua trepidanti
bus alis

Orphias effugit natorum vulnera Combe.

17. 18. Inde Calauræ Latoïdos aspicit arva,
In volucrem versi cum conjugē conscia regis.
Dextera Cyllene est : in qua cum matre Menephro
Concubiturus erat, sævarum more ferarum.

19. Cephison procul hinc deflentem fata nepotis
Respicit in tumidam Phocen ab Apolline versi,
Eumelique domum lugentis in aëre natam.

20. Tandem vipereis Ephyreu Pirenida pennis
Contigit. Hic ævo veteres mortalia primo
Corpora vulgarunt pluvialibus edita fungis.

21. Sed postquam Colchis arsit nova nupta venenis
Flagrantemque domum regis male vidit ; utrumque
Sanguine natorum perfunditur impius ensis :
Utque se male mater, Iasonis effugit arma.

Hinc Titaniacis ablata draconibus, intrat
 Palladias arces : quæ te, justissime Phineu,
 Teque, senex Peripha, pariter videre volantes,
 Anixamque novis neptem Polyphemonis alis.

22. Excipit hanc Ægeus, facto damnandus in uno:
 Nec satis hospitio, thalami quoque fœdere jungit,
 Namque aderat Theseus proles ignara parenti :
 Qui virtute sua bimarem pacaverat Isthmon.
 Iujus in exitium miscet Medea, quod olim
 Attulerat secum Scythicis Aconiton ab oris.
 Iud Echidneæ memorante è dentibus ortum
 Fuisse canis. Specus est tenebroso cæcus hiatu.
 Est via declivis, per quam Tirynthius heros
 Estantem, contraque diem radiosque micantes
 Bliquantem oculos, nexis adamante catenis
 erberon attraxit ; rabida qui concitus ira
 Implēvit pariter ternis larratibus auras :
 Et sparsit virides spumis albentibus agros.
 Quas concrevisse putant ; nactasque alimenta feracis
 Recundique soli, vires cepisse nocendi.
 Quæ quia nascuntur dura vivacia caute,
 Grestes Aconita vocant. Ea conjugis astu
 Ise parens Ægeus nato porrexit, ut hosti.
 Implērat ignara Theseus data pocula dextra ;
 Ium pater in capulo gladii cognovit eburno,
 Igna sui generis : facinusque excussit ab ore.
 Fugit illa necem, nebulis per carmina motis.

23. At genitor quanquam lætatur sospite nato ;
 Tonitus tamen est, ingens discrimine parvo
 Committi potuisse nefas. Fovet ignibus aras,
 Veneribusque Deos implet : feriuntque secures
 Illa torosa boum vinctorum cornua vittis.
 Callus Erechthidis fertur celebratior illo
 Uxisse dies. Agitant convivia patres,
 Medium vulgus : nec non & carmina, vino

Ingenium faciente, canunt. Te, maxime Theseu,
 Mirata est Marathon Cretæi sanguine Tauri :
 Quodque suam securus arat Cromyona colonus ;
 Munus, opusque tuum est. Tellus Epidauria per te
 Clavigeram vidit Vulcani occumbere prolem ,
 Vidit & immitem Cephissias ora Procrusten :
 Cercyonis letum vidit Cerealis Eleusin.
 Occidit ille Sinis ; magnis male viribus usus ,
 Qui poterat curvare trabes ; & agebat ab alto
 Ad terram late sparsuras corpora pinus.
 Tutus ad Alcathoën Lelegeia mœnia limes
 Composito Scirone patet : sparsique latronis
 Terra negat sedem, sedem negat ossibus unda :
 Quæ jactata diu fertur durasse vetustas
 In scopulos; scopulis nomen Scironis inhæret.
 Si titulos annosque tuos numerare velimus ;
 Facta premant annos : pro te, fortissime, vota
 Publica suscipimus : Bacchi tibi sumimus haustus,
 Consonat assensu populi, precibusque faventum
 Regia : nec tota tristis locus ullus in urbe.

24. Nec tamen (usque adeo nulli sincera voluptas
 Sollicitumque aliquid lætis intervenit) Ægeus
 Gaudia percepit nato secura recepto.
 Bella parat Minos: qui quamquam milite, quamqua
 Classe valet ; patria tamen est firmissimus ira :
 Androgeique necem justis ulciscitur armis.
 Ante tamen bellum vires acquirit amicas :
 Quaque patent aditus volucris freta classe pererras.
 Hinc Anaphen sibi jungit, & Astypaleia regna ;
 Promissis Anaphen, reg a Astypaleia bello.
 Hinc humilem Myconon, cretolaque rura Cimoli,
 Florentemque Cythnon, Scyron, planamque Ser
 phon,
 Marmoreamque Paron, quaque impia prodidit ar
 Siphonis accepto, quod avara poposcerat, auro

Mutata est in avem: quæ nunc quoque diligit aurum;
Nigra pedem; nigris velata monedula pennis.

25. At non Oliaros, Didymæque, & Tenos, & Andros,
Et Gyaros, nitidæque ferax Peparethos olivæ,
Gnosfiacas juvêre rates: latere inde sinistro,
Denopiam Minos petit, Æacideia regna.
Denopiam veteres appellavêre: sed ipse
Æacus Æginam genitricis nomine dixit.
Turba ruit, tantæque virum cognoscere famæ
Expetit. Occurrunt illi, Talamonque minorque
Quam Telamon, Peleus, & proles tertia Phocus
Ipse quoque egreditur tardus gravitate senili
Æacus: & quæ sit veniendi causa requirit.
Admonitus patrii luctus, suspirat: & illi
Dicta refert rector populorum talia centum:
Arma juves oro prognato sumpta, piæque
Pars sis militiæ. Tumulo solatia posco.
Huic Asopiades. Petis irrita, dixit, & urbi
Haud facienda meæ: neque enim conjunctior ulla
Cecropidis hac est tellus. Ea fœdera nobis.
Tristis abit, Stabuntque tibi tua fœdera magno,
Dixit: & utilius bellum putat esse minari,
Quam gerere, atque suas ibi præconsumere vires.
Classis ab Ænopiis etiam num Lyctia muris
Spectari poterat; cum pleno concita velo
Artica puppis adest; & portus intrat amicos:
Quæ Cephalum, patriæque simul mandata ferebat.
Æacidæ longo juvenes post tempore visum
Agnovêre tamen Cephalum: dextraque dedêre.
Inque patris duxêre domum. Spectabilis heros,
Et veteris retinens etiam num pignora formæ,
Ingreditur; ramumque tenens popularis olivæ:
A dextra lævaque duos ætate minores
Major habet, Clyton & Buten Pallante creatos.
Postquam congressu primo sua verba tulerunt

Cecropidæ, Cephalus peragit mandata, rogatque
Auxilium : fœdusque refert, & jura parentum :
Imperiumque peti totius Achæidos addit.
Sic ubi mandatam juvit facundia causam ;
Æacus in capulo regni nitente sinistra,
Ne petite auxilium, sed sumite, dixit, Athenæ.
Nec dubiæ vires, quas hæc habet insula, vestras
Ducite, & omnis eat rerum status iste mearum.
Robora non desunt : superat mihi miles, & hosti
Gratia Dis, felix & inexcusabile tempus.
Immo ita sit Cephalus, crescat tua civibus opto
Res, ait. Adveniens equidem modo gaudia cæpi ;
Cum tam pulchra mihi, tam par ætate juvenus
Obvia processit, multos tamen inde requiro.
Quos quondam vidi vestra prius urbe receptus.
Æacus ingemuit : tristisque ita voce locutus :
Flebile principium melior fortuna sequetur.
Hanc utinam possem vobis memorare : sine ullo
Ordine nunc repetam neu longa ambage morer vos ;
Ossa, cinisque jacent, memori quos mente requiris.
Et quota pars illi rerum periêre mearum ?
Dira lues ira populis Junonis iniquæ
Incidit exosæ dictas à pellice terras.
Dum visum mortale malum, tantæque latebat
Causa nocens cladis ; pugnatum est arte medendi.
Exitium superabat opem ; quæ victa jacebat,
Principio cœlum spissa caligine terras
Pressit & ignavos inclusit nubibus æstus.
Dumque quater junctis explevit cornibus orbem
Luna, quater plenum tenuata retexuit orbem ;
Letiferis calidi spirarunt flatibus Austri.
Constat, & in fontes vitium venisse, lacusque ;
Milliaque incultos serpentum multa per agros
Errasse ; atque suis fluvios temerasse venenis.
Strage canum primo, volucrumque, oviumque, boumque
Inque

Inque feris subiti deprensa potentia morbi.
Concidere infelix validos miratur arator
Inter opus tauros ; medioque recumbere sulco.
Lanigeris gregibus balatus dantibus ægros,
Sponte sua lanæque cadunt, & corpora tabent.
Acer equus quondam, magnæque in pulvere famæ,
Degenerat palmas : veterumque oblitus honorum,
Ad præsepe gemit morbo moriturus inert.
Non aper irasci meminit ; non fidere cursu
Cerva : nec armentis incurrere fortibus urfi.
Omnia languor habet : sylvisque, agrisque, viisque
Corpora cæda jacent : viciantur odoribus auræ.
Mira loquor. Non illa canes, avidæque volucres,
Non cani tetigere lupi : dilapsa liquecunt ;
Afflatuque nocent : & agunt contagia late.
Pervenit ad miseros damno graviore colonos
Pestis, & in magnæ dominatur mœnibus urbis.
Viscera torrentur primo : flammæque latentis
Indicium rubor est, & ductus anhelitus igni.
Aspera lingua tumet ; tepidisque arentia venis
Ora patent ; auræque graves captantur hiatu
Non stratum, non ulla pati velamina possunt ;
Dura sed in terra ponunt præcordia ; nec fit
Corpus humo gelidum, sed humus de corpore server.
Nec moderator adest. Inque ipsos sæva medentes
Erumpit clades : obsuntque auctoribus artes
Quo propior quisque est, servitque fidelius ægro ;
In partem leti citius venit ; utque salutis
Spes abiit ; finemque vident in funere morbi ;
Indulgent animis ; & nulla, quid utile, cura est.
(Utile enim nihil est) passim, positoque pudore
Fontibus, & fluviis, puteisque capacibus hærent.
Nec sitis est extincta prius, quam vita, bibendo.
Inde graves multi nequeunt consurgere ; & ipsis
Immoriuntur aquis. Aliquis tamen haurit & illas.

Tantaque sunt miseris invisi tædia lecti,
Profiliunt; aut, si prohibent consistere vires;
Corpora devolvunt in humum: fugiuntque penates
Quisque suos. Sua cuique domus funesta videtur.
Et quia causa latet; locus est in crimine notus.
Semianimes errare viis, dum stare valebant,
Aspiceres; flentes alios, terraque jacentes;
Lassaque versantes supremo lumina motu.
Membraque pendentis tendunt ad sidera cœli,
Hic, illic ubi mors deprenderat, exhalantes.
Quid mihi tunc animi fuit? aut quid debuit esse,
Ni vitam odissem & cuperem pars esse meorum.
Quo secumque acies oculorum flexerat; illic
Vulgus erat stratum: veluti cum Punica motis
Poma cadunt ramis, agitataque ilice glandes:
Templa vides contra gradibus sublimia longis,
Jupiter illa tenet. Quis non altaribus illis
Irita thura tulit? quoties pro conjuge conjux,
Pro gnato genitor, dum verba precantia dicit,
Non exoratis animam finivit in aris?
Inque manu thuris pars inconsumpta reperta est.
Admoti quoties templis, dum vota sacerdos
Concipit, & fundit purum inter cornua vinum;
Haud expectato ceciderunt vulnere tauri?
Ipse ego sacra Jovi pro me, patriaque, tribusque
Cum facerem natis, mugitus victima diros
Edidit: & subito collapsa sine ictibus ullis
Exiguo tinxit subjectos sanguine cultros.
Libra quoque ægra notas viri, monitusque Deorum
Perdiderat. Tristes penetrant ad viscera morbi.
Ante sacros vidi projecta cadavera postes.
Ante ipsas, quo mors foret inviciosior, aras,
Pars animam laqueo claudunt; mortisque timorem
Morte fugant: ultroque vocant venientia fata.
Corpora missa neci nullis de more feruntur

Funeribus; neque enim capiebant funera portæ.
Aut inhumata premunt terras: aut dantur in altos
Indotata rogos. Et jam reverentia nulla est;
Deque rogis pugnant: alienisque ignibus ardent.
Qui lacryment, desunt; indeſletæque vagantur
Natorumque virumque, animæ, juvenumque, ſenumq;
Nec locus in tumulos, nec ſufficit arbor in ignes.

Attonitus tanto miſerarum turbine rerum,
Jupiter ô, dixi, ſi te non falſa loquuntur
Iſſe ſub amplexus Aſopidos Æginai
Nec te, magne pater, noſtri pudet eſſe parentem;
Aut mihi redde meos: aut me quoque conde ſepulcro.
Ille notam fulgore dedit, tonitruque ſecundo.
Accipio, ſintque iſta, precor felicia mentis
Signa tuæ, dixi; quod das mihi pigneror omen.
Forte fuit juxta patulis rariffima ramis
Sacra Jovi quercus de ſemine Dodonæo.
His nos frugilegas aſpeximus agmine longo
Grande onus exiguo formicas ore gerentes,
Rugoloque ſuum ſervantes cortice callem.
Dum numerum miror, Totidem, pater optime, dixi,
Tu mihi da cives; & inania moenia reple.
Intremuit, ramisque ſonum ſine flamine motis
Alta dedit quercus. Pavido mihi membra tremore
Horruerant, ſtabantque comæ. Tamen oſcula terræ,
Roboribusque dedi; nec me ſperare fatebar;
Sperabam tamen; atque animo mea vota fovebam.
Nox ſubit; & curis exercita corpora ſomnus
Occupat. Ante oculos eadem mihi quercus aſeſſe,
Et ramos totidem, totidemque animalia ramis
Ferre ſuis viſa eſt; parilique tremiſcere motu;
Graniferumque agmen ſubjectis ſpargere in arvis.
Creſcere quod ſubito, & majus, majusque videri
Ac ſe tollere humo; rectoque aſſiſtere trunco;
Et maciem, numerumque pedum, nigrumque colorem

Ponere; & humanam membris inducere formam.
 Somnus abit. Damno vigilans mea visa; querorque
 In superis opis esse nihil. At in ædibus ingens
 Murmur erat; vocesque hominum exaudire videbar;
 Jam mihi defueta, dum suspicor has quoque somni;
 Ecce meus Telamon properus; foribusque reclusis,
 Speque, fideque, pater, dixit, majora videbis.
 Egredere. Egredior. Qualesque in imagine somni
 Visus eram vidisse viros, ex ordine tales
 Aspicio, noscoque. Adeunt; regemque salutant.
 Vota Jovi solvo, populisque recentibus urbem
 Partior, & vacuos præcis cultoribus agros;
 Myrmidonasque voco: nec origine nomina fraudo.
 Corpora vidisti; mores, quos ante gerebant,
 Nunc quoque habent. Parcumque genus, patiensque
 laborum,

Quæsitique tenax, & quod quæsitæ reseruet.
 Hi te ad bella, pares annis, animisque sequeatur;
 Cum primum, qui te feliciter attulit, Eurys,
 (Eurys enim attulerat) fuerit mutatus in Austrum.

26. Talibus atque aliis longum sermonibus illi
 Implevêre diem. Lucis pars ultima mensæ
 Est data, nox somnis. Jubar aureus extulerat sol:
 Flabat adhuc Eurys; redituraque vela tenebat.
 Ad Cephalum Pallante sati, cui grandior ætas,
 Ad regem Cephalus, simul & Pallante creati
 Conveniunt. Sed adhuc regem sopor altus habebat.
 Excipit Æacides illos in limine Phocus;
 Nam Telamon fraterque viros ad bella legebant;
 Phocus in interius spatium pulcrosque recessus
 Cecropidas ducit, cum quis simul ipse resedit.
 Aspicit Æoliden ignota ex arbore factum
 Ferre manu jaculum; cuius fuit aurea cuspis.
 Pauca prius mediis sermonibus ille locutus,
 Sum nemorum studiosus, ait, cædisque ferinæ.

Qua tamen è silva teneas hastile recisum,
Jamdudum dubito ; certe, si fraxinus esset ;
Fulva colore foret ; si cornus, nodus ineffet.
Unde sit ignoro : sed non formosius isto
Viderunt oculi telum jaculabile nostri.
Excipit Actæis è fratribus alter ; & Usus
Majorem specie mirabere, dixit, in isto.
Consequitur quodcunque petit : fortunaque missum
Non regit ; & revolat nullo referente cruentum.
Tum vero juvenis Nereius omnia quærit ;
Cur sit, & unde datum ; quis tanti muneris auctor.
Quæ petit, ille refert, & cætera nota : pudore,
Qua tulerit mercede, filet : tactusque dolore
Conjugis amissæ, lacrimis ita fatur obortis ;
Hoc me, nate Dea, (quis possit credere ?) telum
Flere facit, facietque diu, si vivere nobis
Fata diu dederint. Hoc me cum conjugè cara
Perdidit : hoc utinam caruissem munere semper.
Procris erat ; si forte magis pervenit ad aures
Orithyia tuas ; raptæ soror Orithyia
Si faciem moresque velis conferre duarum ;
Dignior ipsa rapi. Pater hanc mihi junxit Erechtheus :
Hanc mihi junxit amor. Felix dicebar, eramque
Non ita Dis visum est : ac nunc quoque forsitan essem.
Altera agebatur post sacra jugalia mensis ;
Cum me cornigeris tendentem retia cervis,
Vertice de summo semper florentis Hymetti
Lutea mane videt pulsas Aurora tenebris,
Invitumque rapit. Liceat mihi vera referre ;
Pace Deæ ; quod sit roseo spectabilis ore,
Quod teneat lucis, teneat confinia noctis,
Nestareis quod alatur aquis ; ego Procrin amabam ;
Pectore Procris erat, Procris mihi semper in ore,
Sacra tori, coitusque novos, thalamosque recentes,
Primaque deserti referebam foedera lecti.

Mota Dea est. Et, Siste tuas, ingrate, querelas ;
Procrin habe. dixit. Quod si mea provida mens est ;
Non habuisse voles, meque illi irata remisit.
Dum redeo, mecumque Deæ memorata retracto ;
Esse metus cœpit, ne jura jugalia conjux
Non bene servasset. Facies ætasque jubebant
Credere adulterium : prohibebant credere mores.
Sed tamen abfueram, sed & hæc erat unde redibam,
Criminis exemplum, sed cuncta timemus amantes.
Quærere quo doleam, statuo : domusque pudicam
Sollicitare fidem. Favet huic Aurora timori ;
Immutatque mea (videor sensisse) figuram.
Palladius in eo non cognoscendus Achenas ;
Ingrediorque domum. Culpa domus ipsa carebat ;
Castaque signa dabat : dominoque erat anxia raptus.
Vix aditu per mille dolos ad Erechthida facto ;
Ut vidi, obstupui : meditataque pæne reliqui
Tentamenta fide : male me, quin vera faterer,
Continui, male quin, ut oportuit, oscula ferrem.
Tristis erat : sed nulla tamen formosior illa
Esse potest tristi ; desiderioque calebat
Conjugis abrepti. Tu collige, qualis in illa,
Phoece, decor fuerit ; quam sic dolor ipse decebat.
Quid referam ; quoties tentamina nostra pudici
Reppulerint mores ? Quoties ego, dixerit uni
Servor, ubicunque est : uni mea gaudia servo.
Cui non ista fide satis experientia fano
Magna foret ? non sum contentus ; & in mea pugno
Vulnera : dum census dare me pro nocte paciscor.
Muneraque augendo, tandem dubitare cœgi.
Exclamo : male pactus ego : male pactus adulter.
Verus eram conjux : me, perfida, teste teneris.
Illa nihil : tacito tantummodo victa pudore,
Insidiosa malo cum conjugis limina fugit ;
Offensa que mei genus omne perosa virorum,

Montibus errabat studiis operata Dianæ.
 Tum mihi deserto violentior ignes ad ossa
 Pervenit; orabam veniam; & peccasse fatebar,
 Et potuisse datis simili succumbere culpæ
 Me quoque muneribus; si munera tanta darentur.
 Hæc mihi confesso, læsum prius ulta pudorem
 Redditur, & dulces concorditer exigit annos.
 Dat mihi præterea, tanquam se parva dedisset
 Dona, canem munus: quem cum sua traderet illi
 Cynthia, Currendo superabit, dixerat, omnes.
 Dat simul & jaculum; manibus quod (cernis) habemus.

27. Muneris alterius quæ sit fortuna requiris?

Accipe mirandum. Novitate movebere facti.

Carmina Naiades, non intellecta priorum
 Solverat ingeniis; & præcipitata jacebat
 Immemor ambagum vates obscura suarum.
 Scilicet alma Themis non talia liquit inulta:
 Protinus Aoniis immittitur altera Thebis:
 Cessit & exitio multis pecorumque suoque.
 Rurigenæ pavêre feram. Vicina juvenus
 Venimus; & latos indagine cinximus agros.
 Illa levi velox superabat retia saltu:
 Summaque transibat positarum lina plagarum.
 Copula detrahitur canibus, quos illa sequentes.
 Effugit; & cœtum non segnior alite ludit.
 Poscor & ipse meum consensu Lelapa magno.
 (Muneris hoc nomen) jamdudum vincula pugnat
 Exuere ipse sibi colloque morantia tendit.
 Vix bene missus erat; nec jam poteramus, ubi esset,
 Scire; pedum calidus vestigia pulvis habebat:
 Ipse oculis ereptus erat. Non ocyor illo
 Hasta, nec excussæ contorto verbere glandes,
 Nec Gortyniaco calamus levis exit ab arcu
 Collis apex medii subjectis imminet arvis.
 Tollor eo, capioque novi spectacula cursus:

Quo modo deprendi, modo se subducere ab ipso
 Vulnere visa fera est. Nec limite callida recto,
 In spatium fugit; sed decipit ora sequentis,
 Et redit in gyrum, ne sit suus impetus hosti.
 Imminet hic sequiturque parem: similisque tenenti
 Non tenet; & vacuos exercet in aëra morsus,
 Ad jaculi vertebar opem: quod dextera librat
 Dum mea; dum digitos amentis indere tento;
 Lumina deflexi, revocataque rursus eodem
 Rettuleram; medio (mirum) duo marmora campo
 Aspicio: fugere hoc, illud latrare putares.
 Scilicet invictos ambo certamine cursus
 Esse Deus voluit, si quis Deus affuit illis.

28. Haëtenus: & tacuit. Jaculo quod crimen in ipso
 Phocus ait? jaculi sic crimina reddidit ille.
 Gaudia principium nostri sint, Phoce, doloris.
 Illa prius referam. Juvat ô meminisse beati
 Temporis, Æacida, quo primos rite per annos
 Conjuge eram felix; felix erat illa marito.
 Mutua cura duos, & amor socialis habebat:
 Nec Jovis illa meo thalamos præferret amor:
 Nec me quæ caperet, non si Venus ipsa veniret,
 Ulla erat. Æquales urebant pectora flammæ.
 Sole fere radiis feriente cacumina primis,
 Venatum in sylvas juveniliter ire solebam:
 Nec mecum famulos, nec equos, nec naribus acres
 Ire canes, nec lina sequi nodosa sinebam.
 Tutus eram jaculo. Sed cum satiata ferinæ
 Dextera cædis erat; repetebam frigus, & umbras,
 Et quæ de gelidis halabat vallibus, auram,
 Aura petebatur medio mihi lenis in æstu:
 Auram exspectabam; requies erat illa labori.
 Aura (recordor enim) venias, cantare solebam.
 Meque juves, intresque sinus gratissima nostros.
 Utque facis, relevare velis, quibus urimur, æstus.

Forſitan addiderim (ſic me mea fata trahebant)
Blanditias plures : & , Tu mihi magna voluptas,
Dicere ſim ſolitus : tu me reficiſque foveſque ;
Tu facis, ut ſylvas, ut amem loca ſola, meoque
Spiritus iſte tuus ſemper capteret ab ore.
Vocibus ambiguis deceptam præbuit aurem
Nefcio quis : nomenque auræ tam ſæpe vocatum ;
Eſſe putat Nymphæ. Nympham mihi credit amari.
Criminis extemplo ficti temerarius index
Procris adit : linguaque refert audita ſuſurra.
Credula res amor eſt. Subito collapſa dolore,
Ut ſibi naratur, cecidit : longoque reſecta
Tempore ; Se miſeram, ſe fati dixit iniqui.
Deque fide queſta eſt. Et crimine concita vano,
Quod nihil eſt, metuit : metuit ſine corpore nomen,
Et dolet intelix veluti de pellice vera.
Sæpe tamen dubitat ; ſperatque miſerrima falli :
Indicioque fidem negat ; & , niſi viderit ipſa.
Damnatura ſui non eſt delicta mariti.
Poſtera depulerant Auroræ lumina noctem ;
Egredior, ſylvasque peto : victorque per herbas,
Aura veni, dixi, noſtroque medere labori.
Et ſubito gemitus inter mea verba videbar
Nefcio quos audiſſe. Veni tamen, optima, dixi,
Fronde levem rurfus ſtrepitum faciente caduca,
Sum ratus eſſe feram, telumque volatile miſi.
Procris erat : medioque tenens in pectore vulnus,
Hei mihi, conclamat. Vox eſt ubi cognita fidæ
Conjugis ; ad vocem præceps amenſque cucurri.
Semianimem & ſparſas ſœdantem ſanguine veſtes.
Et ſua (me miſerum) de vulnere dona trahentem
Invenio. Corpusque meo mihi carius unis
Sontibus attollo : ſciſſaque à pectore veſte
Vulnera ſæva ligo : conorque inhibere cruorem.
Neu me morte ſua ſcleratum deſerat, oro.

Viribus illa carens, & jam moribunda, coëgit
 Hæc se pauca loqui: Per nostri fœdera lecti,
 Perque Deos supplex oro, superosque, meosque,
 Per si quid merui de te bene, perque manentem
 Nunc quoq; cum pereo, causam mihi mortis amorem;
 Ne thalamis Auram patiare innubere nostris.
 Dixit, & errorem tum denique nominis esse
 Et sensi, & docui. Sed quid docuisse juvabat?
 Labitur; & parvæ fugiunt cum sanguine vires.
 Dumque aliquid spectare potest; me spectat: & in me
 Infelicem animam, nostroque exhalat in ore,
 Sed vultu meliore mori secura videtur.
 Flentibus hæc lacrymans heros memorabat; & ecce
 Æacus ingreditur duplici cum prole, novoque
 Milite; quem Cephalus cum fortibus accipit armis.

M E T A M O R P H O S E O N LIB. VIII.

1. JAM nitidum retegente diem, noctisque fugante
 Tempora Lucifero, cadit Eurus; & humida surgunt
 Nubila. Dant placidi cursum redeuntibus Austri
 Æacidis, Cephaloque; quibus feliciter acti
 Ante expectatum portus tenuere petitos.
 Interea Minos Lelegeia littora vastat:
 prætentatque sui vires Mavortis in urbe
 Alcathoë, quam Nisus habet; cui splendidus ostro
 Inter honoratos medio sub vertice canos
 Crinis inhærebat magni fiducia regni.
 Sexta resurgebant orientis cornua Phœbes.
 Et pendebat adhuc belli fortuna diuque
 Inter utrumque volat dubiis victoria pennis.
 Regia turris erat vocalibus addita muris;
 In quibus auratam proles Latio fertur
 Deposuisse lyram: saxo sonus ejus inhæsit.

sæpe illuc solita est ascendere filia Nisi ;
Et petere exiguo resonantia faxa lapillo ;
Tum cum pax esset. Bello quoque sæpe solebat
Spectare ex illa rigidi certamina Martis.
Jamque, mora belli, procerum quoque nomina norat,
Armaque, equosque, habitusque, Cydoneasq; pharetras ;
Noverat ante alios faciem ducis Europæi ;
Plus etiam, quam nosse sat est. Hac judice, Minos,
Seu caput abdiderat cristata casside pennis ;
In galea formosus erat : seu sumpserat auro
Fulgentem clypeum ; clypeum sumpsisse decebat.
Torserat adductis hastilia lenta lacertis ;
Laudabat virgo junctam cum viribus artem.
Imposito calamo patulos sinuaverat arcus :
Sic Phœbum sumptis jurabat stare sagittis.
Cum vero faciem dempto nudaverat ære,
Purpureusque albi stratis insignia pictis
Terga premebat equi, spumantiaque ora gerebat ;
Vix sua, vix sanæ virgo Niseia compos
Mentis erat, felix jaculum quod tangeret ille ;
Quæque manu premeret, felicia fræna vocabat
Impetus est illi (liceat modo) ferre per agmen
Virgineos hostile gradus : est impetus illi
Turribus è summis in Gnosia mittere corpus
Castra ; vel æratas hosti recludere portas :
Vel si quid Minos aliud velit. Utque sedebat
Candida Dictæi spectans tentoria regis ;
Læter, ait ; doleamne geri lacrymabile bellum,
In dubio est. Doleo, quod Minos hostis amanti est ;
Sed nisi bella forent, nunquid mihi cognitus esset ?
Me tamen accepta poterat deponere bellum
Obside, me comitem, me pacis pignus haberet.
Si quæ te peperit, talis, pulcherrime rerum,
Qualis es, ipsa fuit ; merito Deus arsit in illa.
O ego ter felix, si pennis lapsa per auras

Gnosſiaci poſſem caſtris inſiſtere regis :
Faſſaque me, flammæſque meas, qua dote, rogaren
Vellet emi. Tantum patrias ne poſceret arces.
Nam pereant potius ſperata cubilia, quam ſim
Proditione potens, quamvis ſæpe utile vinci
Victoris placidi fecit clementia multis.
Juſta gerit certe pro nato bella perempto :
Et cauſſaque videt, cauſſamque tuentibus armis
Ut puto, vincemur. Qui ſi manet exitus urbem ;
Cur ſuus hæc illi reſerabit mœnia Mavors,
Et non noſter amor ? melius ſine cæde, moraque,
Impenſaque ſui poterit ſuperare cruoris.
Nam metuo certe, nequis tua pectora, Minos,
Vulneret imprudens. Quis enim tam dirus, ut in te
Dirigere innitem niſi neſcius audeat haſtam ?
Cœpta placent, & ſtat ſententia : tradere mecum
Dotalem patriam : finemque imponere bello.
Verum velle parum eſt. Aditus cuſtodia ſervat :
Clauſtraque portarum genitor tenet. Hunc ego ſolum
Infelix timeo : ſolus mea vota moratur.
Di facerent, ſine patre forem. Sibi quiſque proſecto
Fit deus : ignavis precibus Fortuna repugnat.
Altera jamdudum ſuccenſa Cupidine tanto
Perdere gauderet, quodcunque obſtaret amori.
Et cur ulla foret me fortior ? ire per ignes,
Per gladios auſim. Nec in hoc tamen ignibus ullis,
Aut gladiis opus eſt. Opus eſt mihi crine paterno.
Illa mihi eſt auro pretioſior : illa beatam
Purpura me, votique mei factura potentem.
Taliam dicenti, curarum maxima nutrix
Nox intervenit : tenebrisque audacia crevit.
Prima quies aderat : qua curis feſſa diurnis
Pectora ſomnus habet. Thalamos taciturna paternos
Intrat : & (heu facinus) fatali nata parentem
Crine ſuum ſpoliat ; prædaque potita nefanda

Fert secum spolium celeris ; progressaque porta
Per medios hostes (meritis fiducia tanta est)
Pervenit ad regem. Quem sic affata paventem :
Suasit amor facinus. Proles ego regia Nisi
Scylla tibi trado patriosque, meosque penates.
Præmia nulla peto, nisi te. Cape pignus amoris,
Purpureum crinem. Nec me nunc tradere crinem,
Sed patrium tibi crede caput : scelerataque dextra
Munera porrexit. Minos porrecta refugit ;
Turbatusque novi respondit imagine facti :
Dî te summoveant ô nostri infamia sæcli,
Orbe suo : tellusque tibi, pontusque negentur.
Certe ego non patiar Jovis incunabula Creten,
Quæ meus est orbis, tantum contingere monstrum.
Dixit : & , ut leges capris justissimus auctor
Hostibus imposuit ; classis retinacula solvi
Jussit, & æratas impelli remige puppes.
Scylla, freto postquam diductas nare carinas,
Nec præstare ducem sceleris sibi præmia vidit ;
Consumptis precibus violentam transit in iram :
Intendensque manus, passis furibunda capillis,
Quo fugis, exclamat, meritorum auctore relicta,
O patriæ prælate meæ, prælate parenti ?
Quo fugis, immitis ? cujus victoria nostrum
Et scelus, & meritum est. Nec te data munera, nec te
Noster movit amor, nec quod spes omnis in unum
Te mea congesta est ? nam quo deserta revertar ?
In patriam ? superata jacet. Sed finge manere :
Proditione mea clausa est mihi. Patris ad ora ?
Quæ tibi donavi. Cives odêre merentem :
Finitimi exemplum metuunt. Obstruximus orbem
Terrarum nobis ; ut Crete sola pateret.
Hac quoque sic prohibes, & nos, ingrate, relinquis ;
Non genitrix Europa tibi, sed inhospita Syrtis,
Armenia & tigres, Austroque agitata Charybdis.
Nec

Nec Jove tu natus, nec mater imagine tauri
 Lusa tua est. Generis falsa est ea fabula. Verus
 Et ferus, & captus nullius amore juvencæ
 Qui te progenuit, taurus fuit. Exige pœnas,
 Nise pater; gaudete malis modo prodita nostris
 Mœnia: nam fateor, merui: & sum digna perire.
 Sed tamen ex illis aliquis, quos impia læsi,
 Me perimat. Cur qui vicisti crimine nostro,
 Insequeris crimen? Scelus hoc patriæque patrique;
 Officium tibi sit. Te vere conjugæ digna est
 Quæ torvum ligno decepit adultera taurum;
 Discordemque utero iæctum tulit. Ecquid ad aures
 Perveniant mea dicta tuas? an inania venti
 Verba ferunt: iidemque tuas, ingrâte, carinas?
 Jam jam Pasiphaën non est mirabile taurum
 Præposuisse tibi. Tu plus feritatis habebas.
 Me miseram! properare juvat: divulsæque remis
 Unda sonat: mecum simul ah mea terra recedit.
 Nil agis, ó frustra meritorum oblite meorum.
 Insequar invitum, puppimque amplexa recurvam,
 Per freta longa trahar. Vix dixerat, infilit undis,
 Consequiturque rates faciente Cupidine vires:
 Gnoffiacæque hæret comes invidiosa carinæ
 Quam pater ut vidit (nam jam pendebat in auras,
 Et modo factus erat fulvis Halyætos alis)
 Ibat; ut hærentem rostro laceraret adunco.
 Illa metu puppim dimittit: & aura cadentem
 Sustinuisse levis, ne tangeret æquora, visa est.
 Pluma fuit. Plumis in avem mutata vocatur
 Ciris: & à tonso est hoc nomen adepta capillo.

2. Vota Jovi Minos taurorum corpora centum
 Solvit: ut egressus ratibus Curetida terram
 Contigit; & spoliis decorata est regia fixis.
 Creverat opprobrium generis: foedumque patebat
 Matris adulterium monstri novitate biformis.

Destinat hunc Minos thalamis remove pudorem :
Multiplicique domo, cæcisque includere tectis.
Dædalus ingenio fabræ celeberrimus artis
Ponit opus : turbatque notas, & limina flexu
Ducit in errorem variarum ambage viarum.
Non secus ac liquidus Phrygiis Mæandros in arvis
Ludit ; & ambiguo lapsu refluitque fluitque :
Occurrentique sibi venturas aspicit undas,
Et nunc ad fontes, nunc ad mare versus apertum,
Incertas exercet aquas, ita Dædalus implet
Innumeras errore vias. Vixque ipse reverti
Ad limen potuit : tanta est fallacia tecti.
Quo postquam tauri geminam juvenisque figuram
Clausit ; & Actæo bis pastum sanguine monstrum
Tertia fors annis domuit repetita novenis ;
Utque ope virginea nullis iterata priorum
Janua difficilis filo est inventa relecto,
Protinus Ægides, rapta Minoïde, Diam
Vela dedit : comitemque suam crudelis in udo
Littore destituit. Desertæ, & multa querenti,
Amplexus & opem Liber tulit. Utque perenni
Sidere clara foret, sumptam de fronte coronam
Immisit cœlo. Tenuis volat illa per auras :
Dumque volat ; gemmæ subitos vertuntur in ignes :
Consistuntque loco ; specie remanente coronæ :
Qui medius nixique genu est, anguemque tenentis.

3. Dædalus interea Creten longumque perosus
Exilium, tactusque soli natalis amore ;
Clausus erat pelago. Terras licet, inquit, & undas
Obstruat, at cœlum certe patet, ibimus illac.
Omnia possideat, non possidet aëra Minos.
Dixit & ignotas animum divertit in artes :
Naturamque novat. Nam ponit in ordine pennas,
A minima cœptas ; longam brevior sequenti,
Ut clivo crevisse putes. Sic rustica quondam

Fistula disparibus paulatim surgit avenis.
 Tum lino medias, & ceris alligat imas.
 Atque ita compositas parvo curvamine flectit;
 Ut veras imitentur aves. Puer Icarus una
 Stabat: & ignarus sua se tractare pericla;
 Ore renidenti, modo quas vaga moverat aura,
 Captabat plumas: flavam modo pollice ceram
 Mollibat; lusuque suo mirabile patris
 Impediebat opus. Postquam manus ultima cœpto
 Imposita est: geminas opifex libravit in alas
 Ipse suum corpus, motaque pependit in aura.
 Instruit & natum: Medioque ut limite curras,
 Icare, ait, moneo. Ne, si demissior ibis,
 Unda gravet pennas; si celsior, ignis adurat.
 Inter utrumque vola: ne te spectare Booten,
 Aut Helicen jubeo, strictumque Orionis ensen.
 Me duce carpe viam. Pariter præcepta volandæ
 Tradit; & ignotas humeris accommodat alas.
 Inter opus, monitusque genæ maduere seniles:
 Et patriæ tremuere manus. Dedit oscula nato
 Non iterum repetenda suo; pennisque levatus
 Ante volat: comitique timet, velut ales, ab alto
 Quæ teneram prolem producit in aëra nido.
 Hortaturque sequi: damnosæque erudit artes:
 Et movet ipse suas, & nati respicit alas.
 Hos aliquis, tremula dum captat arundine pisces,
 Aut pastor baculo, stivæve innixus arator,
 Vidit, & obstupuit: quique æthera carpere possent,
 Credidit esse Deos. Et jam Junonia læva
 Parte Samos fuerant, Delosque, Parosque relictæ:
 Dextra Lebynthos erat, fecundaque melle Calymne.
 Cum puer audaci cœpit gaudere volatu;
 Deseruitque ducem: cœlique cupidine tactus
 Altius egit iter. Rapidi vicina solis
 Mollit odoratas, pennarum vincula, ceras.

Tabuerant ceræ : nudos quatit ille lacertos :
Remigioque carens, non ullas percipit auras :
Oraque cœrulea patrium clamantia nomen
Excipiuntur aqua, quæ nomen traxit ab illo.
At pater infelix, nec jam pater, Icare, dixit,
Icare, dixit, ubi es? qua te regione requiram?
Icare, dicebat : pennas aspexit in undis.
Devovitque suas artes, corpusque sepulcro
Condidit. Et tellus à nomine dicta sepulti.

Hunc miseri tumulo ponentem corpora nati,
Garrula ramosa prospexit ab ilice perdix :
Et plaussit pennis : testataque gaudia cantu ;
Unica tunc volucris ; nec visa prioribus annis,
Factaque nuper avis, longum tibi, Dædale, crimen.
Namque huic tradiderat, fatorum ignara, docendam
Progeniem germana suam, natalibus actis
Bis puerum senis, animi ad præcepta capacis.
Ille etiam medio spinas in pisce notatas,
Traxit in exemplum, ferroque incidit acuto
Perpetuos dentes, & ferræ repperit usum.
Primus, & ex uno duo ferrea brachia nodo
Vinxit ; ut, æquali spatio distantibus illis,
Altera pars staret ; pars altera duceret orbem.
Dædalus invidit ; sacraque ex arce Minervæ
Præcipitem misit ; lapsum mentitus. At illum,
Quæ favet ingeniis, excepit Pallas : avemque
Reddidit : & medio velavit in aëre pennis.
Sed vigor ingenii quondam velocis, in alas,
Inque pedes abiit. Nomenque quod ante, remansit.
Non tamen hæc alte volucris sua corpora tollit,
Nec facit in ramis altoque cacumine nidos ;
Propter humum volitat : ponitque in sepibus ova :
Antiquique memor meuit sublimia casus.

4. Jamque fatigatum tellus Æinea tenebat
Dædalon : & sumptis pro supplice Cocalus armis

Mitis

Micis habebatur, jam lamentabile Athenæ
Pendere delierant Theseâ laude tributum.
Templa coronantur; bellatricemque Minervam
Cum Jove, Disque vocant aliis: quos sanguine voto,
Muneribusque datis, & acerris thuris adorant.
Sparserat Argolicas nomen vaga fama per urbes
Theseos: & populi, quos dives Achaïa cepit,
Hujus opem magnis imploravêre periclis.
Hujus opem Calydon, quamvis Meleagron haberet,
Sollicita supplex petiit prece. Causa petendi
Sus erat, infestæ famulus, vîndexque Dianæ.
Oenea namque ferunt pleni successibus anni
Primitias frugum Cereri, sua vina Lyæo,
Palladios flavæ latices libasse Minervæ.
Cœptus ab agricolis superos pervenit ad omnes
Ambiciosus honor: solas sine thure relictas
Præteritæ cessasse ferunt Latoïdos aras.
Tangit & ira Deos. At non impune feremus;
Quæque inhonorate, non & dicimur inultæ,
Inquit, & Oneos ultorem spreta per agros
Misit aprum: quanto majores herbida tauros
Non habet Epiros, sed habent Sicula arva minores.
Sanguine & igne micant oculi riget horrida cervix,
(Et setæ densis similes hastilibus horrent,)
Stantque velut vallum, velut alta hastilia setæ.
Fervida cum rauco latos stridore per armos
Spuma fluit, dentes æquantur dentibus Indis.
Fulmen ab ore venit: frondes afflatibus ardent.
Is modo crescenti segetes proculcat in herba,
Nec matura metit fleturi vota coloni,
Et Cererem in spicis intercipit. Area frustra,
Et frustra exspectant promissas horrea messes.
Sternuntur gravidæ longo cum palmite foetus,
Baccaque cum ramis semper frondentis olivæ.
Sævit & in pecudes. Non has pastorge canesce,

Non armenta truces possunt defendere tauri.
 Diffugiunt populi: nec se nisi mœnibus urbis
 Esse putant tutos, donec Meleagros, & una
 Lecta manus juvenum coïere cupidine laudis.
 Tyndaride gemini, spectatus cæstibus alter.
 Alter equo, primæque ratis molitor Iason,
 Et cum Pirithoo felix concordia Theseus,
 Et duo Thestiadæ, prolesque Aphareïa Lynceus,
 Leucippusque ferox, jaculoque insignis Acastus,
 Et velox Idas, jam & non fœmina Cæneus,
 Hippothousque Dryasque & cretus Amyntore Phoenix,
 Actoridæque pares, & missus ab Elide Phileus,
 Nec Telamon aberat, magnique creator Achillis,
 Cumque Pheretiade & Hyantæo Iolao.
 Impiger Eurytion, & cursu invictus Echion,
 Neritiusque Lelex, Panopeusque, Hyleusque, feroxque
 Hippasus, & primis etiamnum Nestor in armis.
 Et quos Hyppocoon antiquis misit Amyclis
 Penelopesque focer, cum Parrhasio Ancæo,
 Ampycidesque sagax, & adhuc à conjugē tutus
 Oeclides, nemorisque decus Tegea Lycei.
 Rafilis huic summam mordebat fibula vestem;
 Crinis erat simplex nodum collectus in unum,
 Ex humero pendens resonabat eburnea lævo
 Telorum custos, arcum quoque læva tenebat.
 Talis erat cultus: facies, quam dicere vere
 Virgineam in puero, puerilem in virgine possis.
 Hanc pariter vidit, pariter Calydonius heros
 Optavit renuente Deo: flammæque latentes
 Haussit, & O felix si quem dignabitur inquit,
 Ista virum, nec plura finit tempusque pudorque
 Dicere: majus opus magni certaminis urget.
 Iulva frequens trabibus, quam nulla ceciderat ætas;
 Incipit à plano, devexaque prospicit arva.
 Quo postquam venêre viri: pars retia tendunt:

Vincula pars adimunt canibus, pars pressa sequuntur
Signa pedum, cupiuntque suum reperire periculum.
Concava vallis erat : qua se demittere rivi
Affuerant pluvialis aquæ, tenet ima lacunæ
Lenta salix, ulvæque leves, juncique palustres,
Viminaque, & longæ parva sub arundine cannæ.
Hinc aper excitus medios violentus in hostes :
Fertur ut excussis elisi nubibus ignes.
Sternitur incurso nemus : & propulsa fragorem
Sylva dat. Exclamant juvenes : prætentaque forti
Tela tenent dextra, lato vibrantia ferro.
Ille ruit ; spargitque canes, ut quisque furenti
Obstat, & obliquo latrantes dissipat ictu.
Cuspis Echionio primum contorta lacerto
Vana fuit : truncoque dedit leve vulnus acerno.
Proxima si nimis mittentis viribus usa
Non foret, in tergo visa est hæsuræ petito ;
Longius it : auctor teli Pegasæus Iason.
Phœbe, ait Ampycides, si te coluique, colloque ;
Da mihi, quod petitur, certo contingere telo.
Qua potuit, precibus Deus annuit. Ictus ab illo
Sed sine vulnere aper : ferrum Diana volanti
Abstulerat jacula : lignum sine acumine venit.
Ira ferî mota est, nec fulmine lenius arsit.
Emicat ex oculis, spirat quoque pectore flamma.
Utque volat moles adducto concita nervo ;
Cum petit aut muros, aut plenas milite turres ;
In juvenes certo sic impete vulnificus sus
Fertur : & Eupalamon, Pelagonaque dextra tuentes
Cornua prostermit. Socii rapuere jacentes.
At non letiferos effugit Enæsimus ictus
Hippocoonte satus. Trepidantem, & terga parantem
Vertere, succiso liquerunt poplite nervi.
Forſitan & Pylius citra Trojana periſſet
Tempora : sed sumpto posita conamine ab hasta,

Arboris infiluit, quæ stabat proxima, ramis :
Despexitque loco tutus, quem fugerat, hostem.
Dentibus ille ferox in querno stipite tritis ;
Imminet exitio, fidenſque recentibus armis
Orichiaæ magni roſtro femur hauſit adunco.
At gemini nondum cœleſtia ſidera fratres,
Ambo conſpicui, nive candidioribus ambo
Veſtabantur equis : ambo vibrata per auras
Haſtarum tremulo quatiebant ſpicula motu.
Vulnera ſeciſſent : niſi ſetiger inter opacas
Nec jaculis iſſet, nec equo loca pervia ſylvas.
Perſequitur Telamon : ſtudioque incautus eundi,
Pronus ab arborea cecidit radice retentus.
Dum levat hunc Peleus, celerem Tegeæa ſagittam
Impoſuit nervo, ſinuatoque expulit arcu.
Fixa ſub aure feri ſummum diſtrinxit arundo
Corpus : & exiguo rubefecit ſanguine ſetas.
Nec tamen illa ſui ſucceſſu lætior iſtus,
Quam Meleagros erat. Primus vidiffe putatur ;
Et primus ſociis viſum oſtendiſſe cruorem :
Et meritum cixiſſe feres virtutis honorem.
Erubuere viri. Seque exhortantur ; & addunt
Cum clamore animos : jaciuntque ſine ordine tela.
Turba nocet jaſtis, & quos petit, impedit iſtus.
Ecce furens contra ſua fata bipenniſer Arcas,
Discite ſœmineis quam tela virilia præſtent
O juvenes, operique meo concedite, dixit :
Ipſa ſuis licet hunc Latonia protegat armis ;
Invita tamen hunc perimet mea dextra Diana.
Taliamagniloquo tumidus memoraverat ore,
Ancipitemque manu tollens utraque ſecurim ;
Inſtiterat digitis primos ſuſpenſus in artus.
Occupat audacem, quaque eſt via proxima leto,
Summa ferus geminos direxit inguina dentes.
Concidit Ancæus : glomerataque ſanguine multo

Viscera lapsa fluunt, madefactaque terra cruore est.
 Ibat in adversum proles Ixionis hostem
 Pirithous, valida quatiens venabula dextra.
 Cui procul Ægides, O me mihi carior, inquit,
 Pais animæ consistite meæ: licet eminus esse
 Fortibus, Ancæo nocuit temeraria virtus.
 Dixit, & ærata torfit grave cuspide cornu:
 Cui bene librato, votique potente futuro
 Obstitit esculea frondosus ab arbore ramus,
 Misit & Æsonides jaculum, quod casus ab illo
 Vertit in immeriti fatum latrantis. Et inter
 Ilia conjectum, tellure per ilia fixum est.
 At manus Oenidæ variat. Missisque duabus,
 Hasta prior terra, medio stetit altera tergo.
 Nec mora, dum sævit, dum corpora versat in orbem;
 Stridentemque novo spumam cum sanguine fundit;
 Vulneris auctor adest. Hostemque irritat ad iram:
 Splendidaque adversos venabula condit in armos.
 Gaudia testantur focii clamore secundo,
 Victtricemque petunt dextræ conjungere dextram:
 Immanemque ferum multa tellure jacentem
 Mirantes spectant. Neque adhuc contingere tutum
 Esse putant, sed tela tamen sua quisque cruentant.
 Ipse pede imposito caput exitiabile preffit:
 Atque ita, Sume mei spolium, Nonacria, juris,
 Dixit: & in partem veniat mihi gloria tecum.
 Protinus exuvias rigidis horrentia ietis
 Terga dat, & magnis insignia dentibus ora.
 Illi lætitiæ est cum munere muneris auctor.
 Invidere alii, totoque erat agmine murmur.
 E quibus ingenti tendentes brachia voce,
 Pone age, nec titulos intercipe scœmina nostros,
 Thestiadæ clamant, neu te fiducia formæ
 Decipiat, ne sit longe tibi captus amore
 Auctor. Et huic adimunt munus, jus muneris illi.

Non

Non tulit. Et tumida frendens Mavortius ira,
Discite raptores alieni, dixit, honoris,
Facta minis quantum distent. Haussitque nefando
Pectora Plexippi, nil tale timentia, ferro.
Toxea, quid faciat, dubium, pariterque volentem
Ulcisci fratrem, fraternaue fata timentem.
Haud patitur dubitare diu: calidumque priori
Cæde recalfecit consorti sanguine telum.
Dona Deum templis nato victore ferebat,
Cum vidit extinctos fratres Althæa referri.
Quæ plangore dato, mœstis ululatibus urbem
Implet, & auratis mutavit vestibibus attras.
At simul est auctor necis editus; excidit omnis
Luctus: & à lacrymis in poenæ versus amorem.
Stipes erat: quem, cum partus enixa jaceret
Thestias, in flammam triplices posuere sorores:
Staminaque impresso fatalia pollice nentes;
Tempora dixerunt, eadem lignoque tibi,
O modo nate, damus. Quo postquam carmine dicto
Excessere Deæ; flagrantem mater ab igne
Eripuit ramum: sparfitque liquentibus undis.
Ille diu fuerat penetralibus abditus imis:
Servatusque tuos, juvenis, servaverat annos.
Protulit hunc genitrix, tædasque, & fragmina poni
Imperat: & positos inimicos admoveat ignes.
Tum conata quater flammis imponere torrem,
Cœpta quater tenuit. Pugnant materque sororque;
Et diversa trahunt unum duo nomina pectus.
Sæpe metu sceleris pallebant ora futuri:
Sæpe suum fervens oculis dabat ira ruborem.
Et modo nescio quid similis crudele minanti
Vultus erat; modo quem misereri credere posses.
Cumque ferus lacrymas animi siccaverat ardor,
Inveniebantur lacrymæ tamen: utque carina,
Quam ventus, ventoque rapit contrarius æstus,

Vim geminam sentit, paretque incerta duobus ;
 Thestias haud aliter dubiis affectibus errans :
 Inque vices ponit, positamque resuscitat iram.
 Incipit esse tamen melior germana parente.
 Et consanguineas ut sanguine leniat umbras ;
 Impietate pia est. Nam postquam pestifer ignis
 Convaluit ; Rogus iste cremet mea viscera, dixit.
 Utque manu dira lignum fatale tenebat ;
 Ante sepulcrales infelix astitit aras :
 Poenarumque Deæ triplices feralibus, inquit,
 Eumenides sacris vultus advertite vestros.
 Ulciscor facioque nefas. Mors morte pianda est,
 In scelus addendum scelus est, in funera funus :
 Per coacervatos pereat domus impia luctus.
 An felix Oeneus nato victore fruetur,
 Thestius orbus erit ? melius lugebitis ambo.
 Vos modo fraterni manes, animæque recentes,
 Officium sentite meum, magnoque paratas
 Accipite inferias, uteri mala pignora nostri.
 Hei mihi quo rapior ? fratres ignoscite matri.
 Deficiunt ad cœpta manus. Meruisse fatemur
 Illum cur pereat : mortis mihi displicet auctor.
 Ergo impune feret, vivusque & victor, & ipso
 Successu tumidus, regnum Calydonis habebit ?
 Vos cinis exiguus, gelidæque jacebitis umbræ ?
 Haud equidem patiar. Pereat sceleratus : & ille
 Spemque patris, regnumque trahat, patriæque rui-
 (nam.
 Mens ubi materna est ? ubi sunt pia jura parentum ?
 Et quos sustinui bis mensum quinque labores ?
 O utinam primis arsissem ignibus infans :
 Idque ego passa forem. Vixisti munere nostro :
 Nunc merito moriêre tuo. Cape præmia facti,
 Bisque datam, primum partu, mox stipite rapto,
 Redde animam, vel me fraternis adde sepulcris

Et cupio, & nequeo. Quid agam? Modo vulnera
(fratrum

Ante oculos mihi sunt, & tantæ cædis imago,
Nunc animum pietas, maternaque nomina frangunt.
Me miseram! male vincetis, sed vincite fratres:
Dummodo quæ dederò vobis solatia, vosque
Ipsa sequar. Dixit, dextraque aversa trementi
Funereum torrem medios conjecit in ignes.
Aut dedit, aut visus gemitus est ille dedisse
Stipes, & invitis correptus ab ignibus arsit.
Inscius, atque absens flamma Meleagros ab illa
Uritur, & cæcis torrerè viscera sentit
Ignibus, ac magnos superat virtute dolores.
Quod tamen ignavo cadat, & sine sanguine leto;
Mœret: & Ancæi felicia vulnera dicit,
Grandævumque patrem, fratremque, piæque sorores
Cum gemitu, sociamque tori vocat ore supremo;
Forfitan & matrem. Crescunt ignisque, dolorque:
Languescuntque iterum. Simul est extinctus uterque.
Inque leves abiit paulatim spiritus auras.
Paulatim cana prunam velante favilla,
Alta jacet Calydon. Lugent juvenesque senesque:
Vulgusque, proceresque gemunt: scissæque capillos
Planguntur matres Calydonides Eveninæ.
Pulvere canitiem genitor vultusque seniles
Fœdat humi fusus: spatiosumque increpat ævum.
Nam materna manus, diri sibi conscia facti
Exegit poenas, acto per viscera ferro.
Non mihi si centum Deus ora sonantia linguis,
Ingeniumque capax, totumque Heliconæ dedisset;
Tristia prosequerer miserarum dicta sororum.
Immemores decoris liventia pectora tundunt;
Dumque manet corpus, corpus refoventque, tenent-
(que:
Oscula dant ipsi, posito dant oscula lecto.

Post cinerem, cineres haustos ad pectora versant,
 Affusæque jacent tumulo. Signataque saxo
 Nomina complexæ, lacrymas in nomina fundunt.
 Quas Parthaoniæ tandem Latonia clade
 Exsatiata domus, præter Gorgenque nurumque
 Nobilis Alcmenæ, natis in corpore pennis
 Allevat; & longas per brachia porrigit alas:
 Corneaque ora facit, versasque per aëra mittit.

5. Interea Theseus sociati parte laboris
 Functus, Erechintheas Tritonidos ibat ad arces.
 Clausit iter, fecitque moras Achelous eunti,
 Imbre tumens. Succede meis, ait inclyte, rectis
 Cecropida: nec te committe rapacibus undis:
 Ferre trabes solidas obliquaque volvere magno
 Impete saxa solent. Vidi contermina ripæ
 Cum gregibus stabula alta trahi: nec fortibus illic
 Profuit armentis, nec equis velocibus esse.
 Multa quoque hic torrens nivibus de monte solutis
 Corpora turbineo juvenilia vortice merfit.
 Tutior est requies; solito dum flumina currant
 Limite, dum tennes capiat suus alveus undas.
 Annuit Ægides: Utarque Acheloë, domoque,
 Consilioque tuo, respondit: & usus utroque.
 Pumice multicavo, nec levibus atria tophis
 Structa subit. Molli tellus erat humida musco.
 Summa lacunabant alterno murice conchæ.
 Jamque duas lucis partes Hyperione mensò,
 Discubuère toris Theseus, comitesque laborem:
 Hac Ixionides, illa Træzenius heros
 Parte Lelex; raris jam sparsus tempora canis,
 Quosque alios parili fuerat dignatus honore
 Amnis Acarnanum, lætissimus hospite tento.
 Protinus appositas nudæ vestigia Nymphæ
 Instruxère epulis mensas: dapibusque remotis
 In gemma posuère merum. Tum maximus heros
 Æquora

Æquora prospiciens oculis subjecta, Quis, inquit,
Ille locus : digitoque ostendit, & insula nomen
Quod gerat illa, doce. Quanquam non una videtur,
Amnis ad hæc, Non est, inquit, quod cernitis, unum.
Quinque jacent terræ, spatii discrimine fallunt.
Quoque minus sprete factum mirêre Dianæ ;
Naiades hæ fuerant : quæ cum bis quinque juvencos
Mactassent, rurisque Deos ad sacra vocassent ;
Immemores nostri festas duxere choreas.

Intumui, quantusque feror, cum plurimus, unquam :
Tantus eram, pariterque animis immanis & undis ;
A sylvis sylvas, & ab arvis arva revelli.

Cumque loco Nymphas, memores tum denique nostri,
In freta provolvi. Fluctus nosterque, marisque
Continuam diduxit humum ; pariterque revellit
In totidem, mediis quot cernis Echinadas undis.

6. Ut tamen ipse vides, procul, en procul, una recessit
Insula grata mihi. Perimelen navita dicit.

Huic ego virgineum dilectæ nomen ademi.
Quod pater Hippodamas ægrè tulit : inque profundum
Propulit è scopulo paritura corpora nata.

Excepi, nantemque ferens, O proxima cœlo
Regna vagæ, dixi, sortite, tridentifer, undæ,
In quo definimus, quo sacri currimus amnes,
Huc ades, atque audi placidus, Neptune precantem.

Huic ego, quam porto, nocui : si mitis, & æquus,
Si pater Hippodamas, aut si minus impius esset ;
Debuit illius misereri : ignoscere nobis.

Affer opem ; merseque precor feritate paterna
Da, Neptune, locum : vel sit locus ipsa licebit,
Hunc quoque complectar. Movit caput æquoreus rex :
Concussitque suis omnes assensibus undas.

Extimuit Nymphæ : nabat tamen, ipse natantis
Pectora tangebam trepido salientia motu :
Dumque ea contrecto, totum durescere sensi

Corpus ;

Corpus ; & inducta condi præcordia terra
Dum loquor ; amplexa est artus nova terra natantes
Et gravis increvit mutatis insula membris.

7. Amnis ab his tacuit, factum mirabile cunctos
Moverat. Irridet credentes, utque Deorum
Spretor erat, mentisque ferox Ixione natus,
Ficta refers, nimiumque putas Acheloë potentes,
Esse Deos, dixit, si dant, adimuntque figuras.
Obstupuere omnes, nec talia dicta probarunt ;
Ante omnesque Lelex, animo maturus & ævo ;
Sic ait : Immensa est, finemque potentia cœli
Non habet : & quidquid Superi voluere, peractum est
Quoque minus dubites ; tiliæ contermina quercus
Collibus est Phrygiis, modico circumdata muro.
Ipse locum vidi, nam me Pelopeïa Pittheus
Misit in arva, suo quondam regnata parenti.
Haud procul hinc stagnum ; tellus habitabilis olim ;
Nunc celebres mergis fulicisque palustribus undæ,
Jupiter huc, specie mortali, cumque parente
Venit Atlantiades positis caducifer alis.
Mille domos adiungere ; locum, requiemque potentes :
Mille domos claudere seræ : tamen una recepit ;
Parva quidem stipulis, & canna testa palustri ;
Sed pia Baucis anus, parilique ætate Philemon.
Illa sunt annis juncti juvenilibus, illa
Consenuere casa : paupertatemque fatendo
Effecere levem, nec iniqua mente ferendam.
Nec refert, dominos illic, famulosne requiras ;
Tota domus, duo sunt : iidem parentque, jubentque
Ergo ubi Cœlicolæ parvos tetigere Penates ;
Summissoque humiles intrarunt vertice postes ;
Membra senex posito jussit relevare sedili ;
Quo super injecit textum rude sedula Baucis.
Inde foco tepidum cinerem dimovit ; & ignes
Suscitat hesternos ; foliisque & cortice sicco

Nutrit ; & ad flammæ animâ producit anili :
Multifidasque faces, ramaliaque arida tecto
Detulit, & minuit, parvoque admovit aëno.
Quodque suus conjux riguo collegerat horto,
Truncat olus foliis. Furca levat inde bicorni
Sordida terga suis nigro pendentia tigno :
Servatoque diu refecat de tergore partem
Exiguam ; sectamque domat ferventibus undis.
Interea medias fallunt sermonibus horas :
Sentirique moram prohibent. Erat aiveus illic
Fagineus, dura clavo suspensus ab ansa :
Is tepidis impletur aquis ; artusque fovendos
Accipit. In medio torus est de mollibus ulvis
Impositus lecto, sponda, pedibusque salignis.
Vestibus hunc velant, quas non nisi tempore festo
Sternere consueverant : sed & hæc vilisque vetusque
Vestis erat ; lecto tamen haud indigna saligno.
Accubuerunt Dei : mensam succincta tremensque
Ponit anus : mensæ sed erat pes tertius impar,
Testa parem fecit quæ postquam subdita clivum
Sustulit ; æquatam mentæ tersere virentes.
Ponitur hic bicolor sinceræ bacca Minervæ.
Conditaque in liquidâ corna autumnalia sæce,
Intubaque, & radix, & lactis massa coacti,
Ovaque, non acri leviter versata favilla ;
Omnia fistilibus. Post hæc cælatus eodem
Sistitur argento crater. Fabricataque fago
Pocula, qua cava sunt flaventibus illita ceris.
Parva mora est : epulasque foci misere calentes,
Nec longæ rursus referuntur vina fenestæ :
Dantque locum mensis paulum seducta secundis.
Hic nux, hic mista est rugosis carica palmis,
Prunaque, & in patulis redolentia malo canistris,
Et de purpureis collectæ vitibus uvæ.
Candidus in medio favius est. Super omnia vultus
Accessere

Accessere boni, nec inops, pauperque voluntas;
 Interea, toties haustum cratera, repleri
 Sponte sua, per seque vident succrescere vina;
 Attoniti novitate pavent, manibusque supinis
 Concipiunt Baucisque preces, timidusque Philemon:
 Et veniam dapibus, nullisque paratibus orant.
 Unicus anser erat; minimæ custodia villæ:
 Quem Dīs hospitibus domini mactare parabant;
 Ille, celer penna, tardos ætate fatigat;
 Eluditque diu: tandemque est visus ad ipsos
 Confugisse Deos. Superi vetuere necari;
 Diique fumus, meritasque luet vicinia pœnas
 Impia dixerunt. Vobis immunibus hujus
 Esse mali dabitur: modo vestra relinquitte tecta;
 Ac nostros comitate gradus: & in ardua montis
 Ite simul. Parent; & Dis præeuntibus, ambo
 Membra levant baculis, tardique senilibus annis
 Nituntur longo vestigia ponere clivo.
 Tantum aberant summo, quantum semel ire sagitta
 Missa potest: flexere oculos, & mersa palude
 Cætera prospiciunt: tantum sua tecta manere.

8. 9. Dumque ea mirantur; dum deflent fata suorum:
 Illa vetus, dominis etiam casa parva duobus;
 Vertitur in templum, furcas subiungere columnæ:
 Stramina flavescent, aurataque tecta videntur,
 Cælaræque fores, adopertaque marmore tellus.
 Talia cum placido Saturnius edidit ore:
 Dicite, juste senex, & foemina conjuge justo
 Digna, quod optetis. Cum Baucide pauca locutus,
 Judicium superis aperit commune Philemon:
 Esse sacerdotes, delubraque vestra tueri
 Poscimus: & quoniam concordēs egimus annos:
 Auferat hora duos eadem: nec conjugis unquam
 Busta meæ videam: neū sim tumulardus ab illa.
 Vota fides sequitur; templi tutela fuere;

Donec

Donec vita data est. Annis ævoque soluti;
 Ante gradus sacros cum starent forte, locique
 Narrarent casus; frondere Philemona Baucis,
 Baucida conspexit senior frondere Philemon.
 Jamque super geminos crescente cacumine vultus,
 Mutua, dum licuit, reddebant dicta, valeque
 O conjux dixêre simul: simul abdita texit
 Ora frutex. Ostendit adhuc Tyaneius illic
 Incola de gemino vicinos corpore truncos.
 Hæc mihi non vani (neque erat cur fallere vellent)
 Narravêre senes. Equidem pendentia vidi
 Serta super ramos: ponensque recentia, dixi,
 Cura Deûm Dî sint, & qui coluêre, colantur.

10. Desierat: cunctosque & res, & moverat auctor;
 Thesea præcipue; quem facta audire volentem
 Mira Deûm, nixus cubito Calydonius amnis
 Talibus alloquitur: Sunt, ô fortissime, quorum
 Forma semel mota est, & in hoc renovamine manet.
 Sunt, quibus in plures jus est transire figuras:
 Ut tibi complexi terram maris incola, Proteu,
 Nam modo te juvenem, modo te videre leonem.
 Nunc violentus aper: nunc, quem tetigisse timerent,
 Anguiseras: modo te faciebant cornua taurum.
 Sæpe lapis poteras, arbor quoque sæpe videri
 Interdum, faciem liquidarum imitatus aquarum,
 Flumen eras: interdum undis contrarius ignis.

11. Nec minus Autolyçi conjux Erisichthone nata
 Juris habet. Pater hujus erat, qui numina Divûm
 Sperneret; & nullos aris adoleret odores.
 Ille etiam Cereale nemus violasse securi
 Dicitur; & lucos ferro temerasse vetustos.
 Stabat in his ingens annoso robore quercus;
 Una nemus, vitæ mediam, memoresque tabellæ,
 Sertaque cingebant; voti argumenta potentis.
 Sæpe sub hac Dryades festas duxêre choreas:

Sæpe etiam manibus nexis ex ordine, trunci
Circumiêre modum : mensuraque roboris ulnas
Quinque ter implebat. Nec non & cætera tanto
Sylva sub hac omnis, quanto jacet herba sub omni.
Non tamen idcirco ferrum Triopeiûs illa.
Abstînuit ; famulosque jubet succidere sacrum
Robur. Et ut jussos cunctari vidit, ab uno
Edidit hæc rapta sceleratus verba securi :
Non dilecta Deæ solum, sed & ipsa, licebit,
Sit Dea, jam tangit frondente cacumine terram.
Dixit : &, obliquos dum telum librat in ictus,
Contremuit, gemitumque dedit Deoïa quercus :
Et pariter frondes, pariter pallefcere glandes
Cœpêre : ac longi sudore madescere rami.
Cujus ut in trunco fecit manus impia vulnus ;
Haud aliter fluxit discussus sanguine cortex
Quam solet, ante aras ingensubi victima taurus
Concidit, abrupta cruor è cervice profusus.
Obstupuêre omnes : aliquisque ex omnibus audet
Deterrire nefas, sævamque inhibere bipennim.
Aspicit hunc, Mentisque piæ cape præmia, dixit
Thestalus : inque virum convertit ab arbore ferrum,
Detruncatque caput, repetitaque robora cædit.
Editus è medio sonus est cum robore talis,
Nympha sub hoc ego sum, Cereri gratissima, ligno,
Quæ tibi factorum pœnas instare tuorum
Vaticinor moriens ; nostri solatia leti.
Prosequitur scelus ille suum : labefactaque tandem
Ictibus innumeris, adductaque funibus arbor
Corruit, & multam prostravit pondere sylvam.
Attonitæ Dryades damno nemorisque suoque,
Omnes germanæ, Cererem cum vestibus atris
Mœrentes adeunt ; pœnamque Erisichthonis orant.
Annuît his. Capitisque sui pulcherrima motu
Concussit gravidis oneratos messibus agros :

Moliturque genus pœnæ miserabile, si non
 Ille suis esset nulli miserabilis actis ;
 Pestifera lacerare Fame : quæ quatenus ipsi
 Non adeunda Deæ (neque enim Cereremque Famem-
 (que

Fata coïre sinunt) montani numinis unam
 Talibus agrestem compellat Oreada dictis :
 Est locus extremis Scythiæ glacialis in oris,
 Triste solum, sterilis, sine fruge, sine arbore tellus ;
 Frigus iners illic habitant Pallorque Tremorque,
 Et jejuna Fames : ea se in præcordia condat
 Sacrilegi scelerata jube. Nec copia rerum
 Vincat eam ; superetque meas certamine vires.
 Neve viæ spatium te terreat ; accipe currus :
 Accipe quos frænis alte moderere dracones.
 Et dedit. Illa dato subvecta per aëra curru,
 Devenit in Scythiam, rigidique cacumine montis,
 (Caucasum appellant) serpentum colla levavit :
 Quæsitamque Famem lapidoso vidit in agro ;
 Unguibus, & raris vellentem dentibus herbas.
 Hirtus erat crinis, cava lumina, pallor in ore,
 Labra incana situ. Scabræ rubigine fauces,
 Dura cutis, per quam spectari viscera possent.
 Ossa sub incurvis exstabant arida lumbis :
 Ventris erat pro ventre locus. Pendere putares
 Pectus, & à spinæ tantummodo crate teneri.
 Auxerat articulos macies, genuumque tumebat
 Orbis, & immodica prodibant tubera talo.
 Hanc procul ut vidit (neque enim est accedere juxta
 Ausa) refert mandata Deæ ; paulumque morata,
 Quamquam aberat longe, quamquam modo venerat
 (illuc,
 Visa tamen sensisse Famem ; retroque dracones
 Egit in Æmoniam versis sublimis habenis.

Dicta Fames Cereris (quamvis contraria semper

Illius est operi) peragit ; perque aëra vecta,
 Ad iussam delata domum est : & protinus intrat
 Sacrilegi thalamos. Altoque sopore solutum
 (Noctis erat tempus) geminis amplectitur alis :
 Seque viro inspirat ; faucesque, & pectus, & ora
 Afflat : & in vacuis peragit jejunia venis.
 Functaque mandato foecundum deserit orbem :
 Inque domos inopes assueta revertitur antra.
 Lenis adhuc somnus placidis Erisichthona pennis
 Mulcebat. Petit ille dapes sub imagine somni :
 Oraque vana movet, dentemque in dente fatigat ;
 Exercetque cibo delusum guttur inani :
 Proque epulis tenues nequicquam devorat auras.
 Ut vero est expulsa quies ; furit ardor edendi :
 Perque avidas fauces, immensaue viscera regnat.
 Nec mora, quod pontus, quod terra, quod educat aër,
 Poscit ; & appositis queritur jejunia mensis :
 Inque epulis epulas quærit. Quodque urbibus esse,
 Quodque satis populo poterat, non sufficit uni.
 Plusque sitit, quo plura suam dimittit in alvum.
 Utque fretum recipit de tota flumina terra ;
 Nec satiatur aquis ; peregrinosque ebibit amnes ;
 Utque rapax ignis non unquam alimenta recusat ;
 Innumerasque trabes cremat ; & quo copia major
 Est data, plura petit. Turbaque voracior ipsa :
 Sic epulas omnes Erisichthonis ora profani
 Accipiunt, poscuntque simul. Cibus omnis in illo
 Causa cibi : semperque locus fit inanis edendo.
 Jamque fame patrias atque voragine ventris
 Attenuarat opes. Sed inattenuata manebat
 Tum quoque dira fames : implacataque vigebar
 Flamma gulæ. Tandem, de misso in viscera censu,
 Filia restabat, non illo digna parente. (cusat :
 Hanc quoque vendit inops. Dominum generosa re-
 Et vicina suas tendens super æquora palmas,

Eripe

Eripe me domino, qui raptæ præmia nobis
 Virginitatis habes, ait. Hæc Neptunus habebat.
 Qui prece non spreta, quamvis ea visa sequenti
 Effet hero; formamque novat; vultumque virilem
 Induit, & cultus piscem capientibus aptos.
 Hanc dominus spectans, O qui pendentia parvo
 Aera cibo celas, moderator arundinis, inquit,
 Sic mare compositum, sic fit tibi piscis in unda
 Credulus, & nullos, nisi fixus, sentiat hamos;
 Quæ modo cum vili turbatis veste capillis
 Littore in hoc steterat (nam stantem littore vidi)
 Dic ubi sit. Neque enim vestigia longius exstant.
 Illa Dei munus bene cedere sensit: & à se
 Se quæri gaudens, his est resecuta rogantem:
 Quisquis es, ignoscas, in nullam lumina partem
 Gurgite ab hoc flexi, studioque operatus inhæsi.
 Quoque minus dubites, sic has Deus æquoris artes
 Adjuvet, ut nemo jamdudum littore in isto,
 (Me tamen excepto) nec scæmina constitit ulla.
 Credidit; & verso dominus pede pressit arenam;
 Elususque abiit. Illi sua reddita forma est.
 At ubi habere suam transformia corpora sensit;
 Sæpe pater dominis Tripoeida tradit. At illa
 Nunc equa, nunc ales, modo bos, modo cervus abibat:
 Præbebatque avido non iusta alimenta parenti.
 Vis tamen illa mali postquam consumpserat omnem
 Materiam, dederatque gravi nova pabula morbo;
 Ipse suos artus lacero divellere morfu
 Cœpit: & infelix minuendo corpus alebat.
 Quid moror externis? etiam mihi sæpe novandi
 Corporis, ô juvenes, numero infinita potestas.
 Nam modo qui nunc sum videor: modo flector in an-
 Armenti modo dux vires in cornua fumo: (quem:
 Cornua dum potui, nunc pars caret altera telo
 Frontis, ut ipse vides. Gemitus sunt verba secuti.

M E T A M O R P H O S E O N L I B. IX.

1. **Q**Uæ gemitus, truncæque Deo Neptunius heros
 Causa rogat frontis: cum sic Calydonius amnis
 Cœpit, inornatos redimitis arundine crines:
 Triste petis munus: quis enim sua prælia victus
 Commemorare velit? Referam tamen ordine; nec tam
 Turpe fuit vinci; quam contendisse decorum:
 Magnaque dat nobis tantus solatia victor.
 Nomine si qua suo tandem pervenit ad aures
 Deïanira tuas; quondam pulcherrima virgo,
 Multorumque fuit spes invidiosa procorum.
 Cum quibus ut focerî domus est intrata petiti;
 Accipe me generum, dixi, Parthaone nate.
 Dixit & Alcides. Alii cessere duobus.
 Ille Jovem socerum dare se, famamque laborum,
 Et superata suæ referebat iussa novercæ.
 Contra ego: (turpe Deum mortali cedere duxi:
 Nondum erat ille Deus.) Dominum me cernis aquarum
 Cursibus obliquis inter tua regna fluentem:
 Nec gener externis hospes tibi missus ab oris,
 Sed popularis ero, & rerum pars una tuarum.
 Tantum ne noceat, quod me nec regia Juno
 Odit: & omnis abest iussorum pœna laborum.
 Nam quod te jactas Alcmena matre creatum;
 Jupiter aut falsus pater est: aut crimine verus.
 Matris adulterio patrem petis, elige, fictum
 Esse Jovem malis, an te per dedecus ortum.
 Talia dicentem, jamdudum lumine torvo
 Spectat; & accensæ non fortiter imperat iræ:
 Verbaque tot reddit, Melior mihi dextera lingua,
 Dummodo pugnando superem; tu vince loquendo.
 Congrediturque ferox. Puduit modo magna locutum
 Cedere.

Cedere. Rejeci viridem de corpore vestem ;
 Brachiaque opposui : tenuique à pectore varas
 In statione manus, & pugnae membra paravi.
 Ille cavis hausto spargit me pulvere palmis,
 Inque vicem fulvae tactu flavescit arenæ.
 Et modo cervicem, modo crura micantia captat ;
 Aut captare putes : omnique à parte laceffit.
 Me mea defendit gravitas, frustra que petebar.
 Haud secus ac moles, quam magno murmure fluctus
 Oppugnant : manet illa ; suoque est pondere tuta.
 Digredimur paulum : rursusque ad bella coimus ;
 Inque gradu stetimus, certi non cedere : eratque
 Cum pede pes junctus. Totoque ego pectore pronus,
 Et digitos digitis, & frontem fronte premebam.
 Non aliter fortis vidi concurrere tauros
 Cum precium pugnae toto nitidissima saltu
 Expetitur conjux. Spectant armenta, paventque ;
 Nescia quem maneat tanti victoria regni.
 Ter sine profectu voluit nitentia contra
 Rejicere Alcides à se mea pectora, quarto
 Excutit amplexus ; adductaque brachia solvit.
 Impulsumque manu (certum mihi vera fateri)
 Protinus avertit : tergoque onerosus inhæsit.
 Si qua fides (neque enim ficta mihi gloria voce
 Quæritur) imposito pressus mihi monte videbar.
 Vix tamen inserui sudore fluentia multo
 Brachia ; vix solvi duos à corpore nexus.
 Instat anhelanti, prohibetque resumere vires :
 Et cervice mea potitur. Tum denique tellus
 Pressa genu nostro est ; & arenas ore momordi.
 Inferior virtute, meas divertor ad artes,
 Elaborque viro, longum formatus in anguem.
 Qui postquam flexos sinuavi corpus in orbes ;
 Cumque fero movi linguam stridore bisulcam ;
 Risit, & illudens nostras Tirynthius artes ;

Cunarum labor est angues superare mearum,
 Dixit: & ut vincas alios, Acheloë, dracones;
 Pars quota Lernææ serpens eris unus Echidnæ?
 Vulneribus foecunda suis erat illa; nec ullum
 De comitum numero caput est impune recisum:
 Quin gemino cervix hærede valentior esset.
 Hanc ego ramosam natis è cæde colubris,
 Crescentemque malo, domui: domitamque peremi.
 Quid fore te credas, falsum qui versus in anguem
 Arma aliena moves? quem forma precaria celat?
 Dixerat: & summo digitorum vincula collo
 Injicit. Angebar, seu guttura forcipe pressus,
 Pollicibusque meas pugnabam evellere fauces.
 Sic quoque devicto, restabat tertia tauri
 Forma trucidis. Tauro mutatus membra rebello.
 Induit ille toris à læva parte lacertos,
 Admissumque trahens sequitur; depreffaque dura
 Cornua fugit humo; meque alta sternit arena.
 Nec satis hoc fuerat: rigidum fera dextera cornu
 Dum tenet, infregit: truncaque à fronte revellit.
 Naides hoc, pomis & odoro flore repletum,
 Sacrarunt, divesque meo bona copia cornu est.
 Dixerat; at Nymphæ ritu succincta Dianæ
 Una ministrarum fusis utrimque capillis
 Incessit, totumque tulit prædivite cornu
 Autumnum, & mensas, felicia poma, secundas.
 Lux subit: & primo feriente cacumina sole,
 Discedunt juvenes. Neque enim dum flumina pacem,
 Et placidos habeant lapsus, motæque residant,
 Opperiuntur, aquæ. Vultus Achelous agrestes,
 Et lacerum cornu mediis caput abdidit undis.
 Hunc tamen ablatis domuit jactura decoris;
 Iætera sospes erat. Capitis quoque, fronde saligna,
 Aut super imposita celatur arundine damnum.
 2. At te, Nesselæ ferox, ejusdem virginis ardor
 Perdi-

Perdiderat, volucris trajectum terga sagitta.
 Namque nova repetens patrios cum conjuge muros,
 Venerat Eveni rapidas Jove natus ad undas.
 Uberior solito, nimbisque hyemalibus auctus,
 Vorticibusque frequens erat, atque impervius amnis.
 Intrepidum pro se, curam de conjuge agentem,
 Neflus adit, membrisque valens, scitusque vadorum,
 Officioque meo ripa sistetur in illa
 Hæc, ait, Alcide : tu viribus utere nando,
 Pallentemque metu, fluviumque, ipsumque timentem.
 Tradidit Aonius pavidam Calydonida Neflo,
 Mox ut erat pharetraque gravis, spolioque leonis,
 (Nam clavam, & curvos trans ripam miserat arcus)
 Quandoquidem cœpi, superentur flumina, dixit.
 Nec dubitat. Nec qua sit clementissimus amnis
 Quærit. & obsequio deferri spernit aquarum.
 Jamque tenens ripam, missos cum tolleret arcus ;
 Conjugis agnovit vocem : Nefloque paranti
 Fallere depositum, Quod te fiducia, clamar,
 Vana pedum, violente rapit ? tibi Nefse biformis
 Dicimus, exaudi, nec res intercipe nostras.
 Si te nulla mei reverentia movit ; at orbes
 Concubitus vetitos poterant inhibere paterni.
 Haud tamen effugies ; quamvis ope fidis equina.
 Vulnere, non pedibus te consequar. Ultima dicta
 Re probat : & missa fugientia terga sagitta
 Trajicit. Exstabat ferrum de pectore aduncum.
 Quod simul evulsum est : sanguis per utrumque fo-
 (ramen

Emicuit, mistus Lernæi tabe veneni.
 Excipit hunc Neflus. Neque enim moriemur inulti,
 Secum ait : & calido velamina tincta cruore
 Dat munus rapæ ; velut irritamen amoris.

3. Longa fuit medii mora temporis : ætaque magni
 Herculis implerant terras, odiumque novercæ.

Victor ab Oechalia Cenæo sacra parabat
 Vota Jovi, cum fama loquax præcessit ad aures
 Deianira tuas, quæ veris addere falsa
 Gaudet, & è minima sua per mendacia crescit.
 Amphitryoniaden Ioles ardore teneri.
 Credit amans: Venerisque novæ perterrita fama.
 Indulgit primo lacrymis: flendoque dolorem
 Diffudit miseranda suum. Mox deinde, Quid autem
 Flemus, ait? Pellex lacrymis lætabitur istis:
 Quæ quoniam adventat, properandum, aliquidque no-
 (vandum est,
 Dum licet; & nondum thalamos tenet altera noster.
 Conquerar, an fileam? repetam Calydonæ, morerne?
 Excedam tectis, an, si nihil amplius, obstem?
 Quid si me, Meleagre, tuam memor esse sororem,
 Forte paro facinus; quantumque injuria possit,
 Fœmineusque dolor, jugulata pellice testor?
 In cursus animus varios abit. Omnibus illis
 Prætulit imbutam Nessæo sanguine vestem
 Mittere; quæ vires defecto reddat amori.
 Ignaroque Lychæ, quid tradat nescia, luctus
 Ipsa suos tradit: blandisque miserrima verbis
 Dona det illa viro, mandat. Capit inscius heros,
 Induiturque humeris Lernææ virus Echidnæ.
 Thura dabat primis, & verba precantia, flammis;
 Vinaque marmoreas patera fundebat in aras.
 Incaluit vis illa mali: resolutaque flammis
 Herculeos abiit late diffusa per artus.
 Dum potuit, solita gemitum virtute repressit.
 Victa malis postquam patientia; reppulit aras:
 Implevitque suis nemorosum vocibus Oeten.
 Nec mora, letiferam conatur scindere vestem.
 Qua trahitur, trahit illa cutem. Fœdumque relatu,
 Aut hæret membris frustra tentata revelli;
 Quæque laceros artus, & grandia detegit ossa.

Ipse cruor, gelido ceu quondam lamina candens
 Tincta lacu, stridit, coquiturque ardente veneno.
 Nec modus est. Sorbent avidæ præcordia flammæ;
 Cœruleusque fluit toto de corpore sudor
 Ambustique sonant nervi. Cœcaque medullis
 Tabe liquefactis, tendens ad sidera palmas,
 Cladibus, exclamat, Saturnia pascere nostris,
 Pascere, & hanc pestem spectata, crudelis, ab alto:
 Corque ferum fatia. Vel si miserandus & hosti;
 (Hostis enim tibi sum) diris cruciatibus ægram,
 Invisamque animam, natamque laboribus, aufer.
 Mors mihi munus erit: decet hæc dare, dona nover-
 (cam.

Ergo ego fœdantem peregrino templa cruore
 Busrin domui? sævoque alimenta parentis
 Antæo eripui? nec me pastoris Iberi
 Forma triplex; nec forma triplex tua, Cerbere movit?
 Vosne manus validi preflistis cornua tauri?
 Vestrum opus Elis habet, vestrum Stymphalides undæ,
 Partheniumque nemus? vestra virtute relatus
 Thermodontiaco cælatus baltheus auro,
 Pomaque ab insomni male custodita dracone?
 Nec mihi Centauri potuêre resistere, nec mi
 Arcadiæ vastator aper? nec profuit Hydræ
 Crescere per damnum, geminasque resumere viros?
 Quid? cum Thracas equos humano sanguine pingues,
 Plenaque corpóribus laceris præsepia vidi,
 Visaque dejeci, dominumque ipsosque peremi?
 His elisa jacet moles Nemeæa lacertis,
 [His jacet horrendum Tiberino gurgite monstrum]
 Hac cœlum cervice tuli? defessa jubendo
 Sæva Jovis conjux, ego sum indefessus agendo.
 Sed nova pestis adest, cui nec virtuti resisti,
 Nec telis, armisve potest. Pulmonibus errat
 Ignis edax imis, perque omneis pascitur artus?

At valet Eurystheus ; & sunt qui credere possint
 Esse Deos ? dixit, perque altum faucibus Oeten
 Haud aliter graditur, quam si venabula tigris
 Corpore fixa gerat, factique refugerit auctor.
 Sæpe illum gemitus edentem, sæpe frementem
 Sæpe retentantem totas infringere vestes ;
 Sternentemque trabes ; irascentemque videres
 Montibus aut patrio tendentem brachia cælo.
 Ecce Lychan trepidum, & latitantem rupe cavata
 Aspicit : utque dolor rabiem collegerat omnem ;
 Tune, Lychia, dixit, feralia dona dedisti ?
 Tune meæ necis auctor eris ? tremuit ille, paverque
 Pallidus ; & timide verba excusantia dicit.
 Dicentem, genibusque manus adhibere parantem,
 Corripit Alcides ; & terque quaterque rotatum
 Mittit in Euboïcas, tormento fortius, undas.
 Ille per aërias pendens induruit auras.
 Utque ferunt imbres gelidis concrevere ventis ;
 Inde nives fieri, nivibus quoque mole rotatis
 Attringi, & spissa glomerari grandine corpus ;
 Sic illum validis actum per inane lacertis,
 Exsanguemque metu, nec quicquam humoris ha-
 (bentem,
 In rigidos versum siliques prior edidit ætas.
 Nunc quoque in Euboïco scopulus brevis emicat alte
 Gurgite, & humanæ servat vestigia formæ.
 Quem quasi sensurum nautæ calcare verentur :
 Appellantque Lychan. At tu, Jovis inclyta proles,
 Arboribus cæsis, quas ardua gesserat Oete,
 Inque pyram structis, arcus, pharetramque pacem,
 Regnaque vituras iterum Trojana sagittas,
 Ferre jubes Pœante satum : quo flamma ministro
 Subdita, dumque avidis comprehenditur ignibus agger ;
 Congeriem sylvæ Nemeæo vellere summam
 Sternis : & imposita clavæ cervice recumbis.

Haud

Haud alio vultu, quam si conviva jaceres
Inter plena meri redimitus pocula fertis.

4. Jamque valens, & in omne latus diffusa sonabat,
Securosque artus, contemptoremque petebat,
Flamma suum. Timuere Dei pro vindice terræ.
Quos ita (sensit enim) læto Saturnius ore
Jupiter alloquitur : nostra est, timor iste, voluptas
O superi ; totoque libens mihi pectore grator,
Quod memoris populi dicor rectorque paterque :
Et mea progenies vestro quoque tuta favore est.
Nam quanquam ipsius datis hoc immanibus actis ;
Obligor ipse tamen : sed enim ne pectora vano
Fida metu paveant, Oetæas spernite flammæ.
Omnia qui vicit, vincet, quos cernitis, ignes :
Nec nisi materna Vulcanum parte potentem
Sentiet. Æternum est à me quod traxit, & expers
Atque immune necis, nullaque domabile flamma :
Idque ego defunctum terra, cœlestibus oris
Accipiam, cunctisque meum lætabile factum
Dīs fore confido. Si quis tamen Hercule, si quis
Forte Deo doliturus erit ; data præmia nollet :
Sed meruisse dare sciet ; invitique probabit.
Assensere Dei. Conjux quoque regia visa est
Cætera non duro. Duro tamen ultima vultu
Dicta tulisse Jovis ; seque indoluisse notatam.
Interea quodcunque fuit populabile flammæ
Mulciber obtulerat ; nec cognoscenda remansit
Herculis effigies, nec quicquam ab imagine ductum
Matris habet : tantumque Jovis vestigia servat.
Utque novus serpens, posita cum pelle senecta,
Luxuriare solet ; squamaque nitere recenti ;
Sic, ubi mortales Tirynthius exiit artus ;
Parte sui meliore viget, majorque videri
Cœpit ; & augusta fieri gravitate verendus.
Quem pater omnipotens, inter cava nubila raptum,
Qua

Quadrijugo curru radiantibus intulit astris.

5. Sensit Atlas pondus. Neque adhuc Stheneleius
(iras

Solverat Eurystheus ; odiumque in prole paternum
Exercebat atrox. At longis anxia curis
Argolis Alcmene questus ubi ponat aniles ;
Cui referat nati testatos orbe labores,
Cuius suos casus, Iolen habet. Herculis illam
Imperiis, thalamoque, animoque receperat Hyllus :
Impleratque uterum generoso germine ; cum sic
Incipit Alcmene : Faveant tibi numina saltem :
Corripiantque moras tunc, cum matura vocabis
Præpositam tumidis parientibus Ilithyam ;
Quam mihi difficilem Junonis gratia fecit.
Namque laboriferi cum jam natalis adesset.
Herculis, & decimum premeretur sidere signum ;
Tendebat gravitas uterum mihi : quodque ferebam,
Tantum erat, ut posses auctorem dicere tecti
Ponderis esse Jovem. Nec jam tolerare labores
Ulterius poteram : quin nunc quoque frigidus artus,
Dum loquor, horror habet : parsque est meminisse
(doloris.

Septem ego per noctes, totidem cruciata diebus,
Fessa malis, tendensque ad cælum brachia, magno
Lucinam mensura pares clamore vocaram.

Illa quidem venit, sed præcorrupta, meumque
Quæ donare caput Junoni mallet iniquæ.

Utque meos audit gemitus ; subsedit in illa
Ante fores ara : dextroque a poplite lævum
Pressa genu. Digitis inter se pectine junctis
Sustinuit partus. Tacita quoque carmina voce
Dixit : & inceptos tenuerunt carmina partus.

Nitor, & ingrato facio convicia demens
Vana Jovi, cupioque mori ; moturaque duos

Verba queror filices. Matres Cadmeides adsunt :

Votaque

Votaque suscipiunt, exhortanturque dolentem.
 Una ministrarum media de plebe Galanthis,
 Flava comas, aderat faciendis strenua jussis;
 Officiis dilecta suis. Ea sensit iniqua
 Nescio quid Junone geri: dumque exit, & intrat
 Sæpe fores; divam residentem vidit in ara,
 Brachiaque in genibus, digitis connexa, tenentem:
 Et, Quæcunque es, ait, dominæ gratare: levata est
 Argolis Alcmena: potiturque puerpera voto.
 Exsiluit, junctasque manus patefacta remisit
 Diva potens uteri. Vinculis levor ipsa remissis.

6. Numine decepto risisse Galanthida fama est,
 Ridentem, prensamque ipsis Dea sæva capillis
 Traxit, & è terra corpus relevare parantem
 Arcuit, inque pedes mutavit brachia primos.
 Si renuitas antiqua manet: nec terga colorem
 Amisere suum, forma est diversa priori.
 Quæ, quia mendaci parientem juverat ore;
 Ore parit, nostrasque domos, ut & ante. frequentat.

7. Dixit: & admonitu veteris commota ministræ,
 Ingemuit. Quam sic nurus est affata loquentem:
 Te tamen, ô genitrix, alienæ à sanguine vestro
 Rapta movet iacies. Quid si tibi mira sororis
 Fata meæ referam? quanquam lacrymæque dolorque
 Impediunt, prohibentque loqui. Fuit unica matri
 (Me pater ex alia genuit) notissima forma
 Oechalidum Dryope: quam virginitate carentem;
 Vimque Dei passam, Delphos Delonque tenentis,
 Excipit Andræmon: & habetur conjuge felix.
 Est lacus acclivis devexo margine, formam
 Littoris efficit ens: summum myrteta coronant.
 Venerat huc Dryope factorum nescia quoque
 Indignêre magis, Nymphis latura coronas.
 Inque sinu puerum, qui nondum impleverat annum,
 Dulce ferebat onus: tepedique ope lactis alebat.

Haud procul à stagno Tyrios imitata colores,
 In spem baccarum florebat aquatica Lotos.
 Carpserant hinc Dryope, quos oblectamina nato
 Porrigeret flores : & idem factura videbar ;
 Namque aderam, vidi guttas è flore cruentas
 Decidere ; & tremulo ramos horrore moveri.
 Scilicet, ut referunt tardi nunc denique agrestes.
 Lotos in hanc Nymphæ, fugiens obicœna Priapi,
 Contulerat versos servato nomine vultus.

8. Nescierat soror hoc ; quæ cum perterrita retro
 Iret ; & oratis vellet discedere Nymphis ;
 Hæserunt radice pedes, convellere pugnat :
 Nec quicquam, nisi summa, movere succrescit ab imo,
 Totaque paulatim lentus premit inguina cortex.
 Ut vidit ; conata manu laniare capillos,
 Fronde manum implevit : frondes caput omne tene-

(bant.

At puer Amphysos (namque hoc avus Eurytus illi
 Addiderat nomen) materna rigescere sentit.
 Ubra ; nec sequitur ducentem lacteus humor.
 Spectatrix aderam fati crudelis ; opemque,
 Non poteram tibi ferre soror ; quantumque valebam
 Crescentem truncum, ramosque amplexa, morabar :
 Et (iateor) volui sub eodem cortice condi.
 Ecce vir Andræmon, genitorque miserrimus, adsunt :
 Et quærunt Dryopen ; Dryopen quærentibus illis
 Ostendi Loton. Tepido dant oscula ligno :
 Affusque suæ radicibus arboris hærent.
 Nil, nisi jam faciem, quod non foret arbor, habebas,
 Cara soror. Lacrymæ misero de corpore factis
 Irrorant foliis : ac dum licet oraque præstant
 Vocis iter ; tales effundit in aëra questus ;
 Siqua fides miseris, hoc me per numina juro
 Non meruisse nefas. Patior sine crimine pœnam.
 Viximus innocuæ ; si mentior, arida perdam,

Quas

Quas habeo, frondes : & cæsa securibus urar.
 Hunc tamen infantem maternis demite ramis :
 Et data nutrici : nostraque sub arbore sæpe
 Lac facitote bibat ; nostraque sub arbore ludat.
 Cumque loqui poterit ; matrem facitote salutet :
 Et tristis dicat, Latet hoc in stipite mater.
 Stagna tamen timeat ; nec carpat ab arbore flores ;
 Et frutices omnes corpus putet esse Dearum.
 Care, vale, conjux, & tu germana, paterque ;
 Quod si qua est pietas, ab acutæ vulnere falcis,
 A pecoris morfu frondes defendite nostras.
 Et quoniam mihi fas ad vos incumbere non est ;
 Erigite huc artus, & ad oscula nostra venite,
 Dum tangi possunt : parvumque attollite natum.
 Plura loqui nequeo. Nam jam per candida mollis
 Colla liber serpit : summoque cacumine condor.
 Ex oculis removete manus. Sine munere vestro
 Contegat inductus morientia lumina cortex.
 Desierant simul ora loqui, simul esse : diuque
 Corpore mutato rami caluere recentes.

9. Dumque refert Iole factum miserabile, dumque
 Eurytidos lacrymas admoto pollice ficit
 Alcmene ; (flet & ipsa tamen) compescuit omnem
 Res nova tristitiam. Nam limine constitit alto
 Pæne puer, dubiaque regens lanugine malas
 Ora reformatus primos Iolaus in annos.

10. Hoc illi dederat Junonia muneris Hebe ;
 Victa viri precibus. Quæ cum jurare pararet
 Dona tributuram post hunc se talia nulli ;
 Non est passa Themis. Nam jam discordia Thebæ
 Bella movent, dixit : Capaneusque nisi ab Jove vinci
 Haud poterit. Flebuntque pares in vulnera fratres :
 Subductaque suos manes tellure videbit
 Vivus adhuc vates : ultusque parente parentem
 Natus, erit facto pius & sceleratus eodem :

Attonitusque malis, exul mentisque domusque,
 Vultibus Eumenidum, matrisque agitabitur umbris
 Donec eum conjux fatale poposcerit aurum,
 Cognatumque latus Phegeius hauserit ensis.
 Tum demum magno petet hoc Acheloia supplex
 Ab Jove Callirhoë; natis infantibus annos
 Addat: neve necem finat esse ultoris inultam.
 Jupiter his motus, privignæ vota nurusque
 Præcipiet: facietque viros impubibus annis.

11. Hæc ubi faticano venturi præscia dixit
 Ore Themis: vario Superi sermone fremebant:
 Et cur non aliis eadem dare dona liceret,
 Murmur erat. Queritur veteres Pallantias annos
 Conjugis esse sui: queritur canescere mitis
 Iasiona Ceres: repetitam Mulciber ævum
 Poscit Erichthonio. Venerem quoque cura futuri
 Tangit, & Anchisæ renovare paciscitur annos
 Cui studeat Deus omnis habet: crelcitque favore
 Turbida seditio; donec sua Jupiter ora
 Solvit: & O nostri si qua est reverentia, dixit,
 Quo ruitis? tantumne aliquis sibi posse videtur.
 Fata quoque ut superet? fatis Iolaus in annos
 Quos egit, rediit: fatis juvenescere debent
 Callirhoë geniti; non ambitione, nec armis.
 Vos etiam, quoque hoc animo meliore feratis;
 Me quoque fata regunt: quæ si mutare valerem;
 Nec nostrum feri curvarent Æacon anni:
 Perpetuumque ævi florem Rhadamanthus haberet
 Cum Minoë meo, qui propter amara senectæ
 Pondera despicitur; nec, quo prius, ordine regnat.
 Dicta Jovis movere Deos; nec sustinet ullus,
 Cum videant fessos Rhadamanthon & Æacon annis,
 Et Minoa, queri. Qui, dum fuit integer ævi,
 Terruerat magnas ipso quoque nomine gentes,
 Tunc erat invalidus; Deionidenque juventæ

Robore

Robore Mileton, Phœboque parente superbum,
Pertimuit ; credensque suis insurgere regnis,
Haud tamen est patriis arcere Penatibus ausus.
Sponte fugis, Milete, tua ; celerique carina,
Ægæas metiris aquas ; & in Afide terra
Mœnia constituis, positoris habentia nomen.
Hic tibi, dum sequitur patriæ curvamina ripæ
Filia Mæandri toties redeuntis eodem,
Cognita Cyanee, præstanti corpore Nymphæ,
Byblida cum Cauno prolem est enixa gemellam.
Byblis in exemplo est, ut ament concessa puellæ :
Byblis Apollinei correpta cupidine fratris,
Non soror, ut fratrem, nec qua debebat, amavit.
Illa quidem primo nullos intelligit ignes :
Nec peccare putat, quod sæpius oscula jungat,
Quod sua fraterno circundet brachia collo :
Mendacique diu pietatis fallitur umbra.
Paulatim declinat amor ; visuraque fratrem
Culta venit ; nimiumque cupit formosa videri.
Et si qua est illic formosior ; invidet illi.
Sed nondum manifesta sibi : nullumque sub illo
Igne facit votum ; veruntamen æstuat intus.
Jam dominum appellat : jam nomina sanguinis odit.
Byblida jam mavult, quam se vocet ille sororem.
Spes tamen obscœnas animo dimittere non est
Ausa suo vigilans : placida resoluta quiete
Sæpe videt quod amat, visa est quoque jungere fratri
Corpus ; & erubuit, quamvis sopita jacebat.
Somnus abit ; filet illa diu, repetitque quietis
Ipsa suæ speciem ; dubiaque ita mente profatur ;
Me miseram, tacitæ quid vult sibi noctis imago ?
Quam nolim rara sit : Cur hæc ego somnia vidi ?
Ille quidem est oculis quamvis formosus iniquis :
Et placet, & possum, si non sit frater, amare :
Et me dignus erat. Verum nocet esse sororem.

Dum

Dum modo tale nihil vigilans committere tentem ;
Sæpe licet simili redeat iuxta imagine somnus.
Testis abest somno : nec abest imitata voluptas.
Pro Venus, & tenera volucer cum matre Cupido,
Gaudia quanta tuli ! quam me manifesta libido
Contigit ! ut jacui totis resoluta medullis !
Ut meminisse juvat ! quamvis brevis illa voluptas,
Noxque fuit præceps, & cœptis invida nostris.
O ego, si liceat mutato nomine jungi.
Quam bene, Caune, tuo poteram nurus esse parenti
Quam bene, Caune, meo poteras generesse parenti
Omnia, Di facerent, essent communia nobis ;
Præter avos. Tu me vellem generosior esses.
Nescio quam facies igitur, pulcherrime, matrem.
At mihi, quæ male sum, quos tu sortita parentes,
Nil nisi frater eras. Quod obest, id habebimus unum
Quid mihi significat ergo mea visa ? quod autem
Somnia pondus habent ? an habent & somnia pondus
Di melius ! Di, nempe, suas habuere sorores.
Sic Saturnus Opim junctam sibi sanguine duxit,
Oceanus Tethyn, Junonem rector Olympi.
Sunt Superis sua jura. Quid ad cœlestia ritus
Exigere humanos, diversaque fœdera tento ?
Aut nostro veritus de corde fugabitur ardor :
Aut, hoc si nequeo, peream precor ante ; toroque
Mortua componar : positæque det oscula frater ;
Et tamen arbitrium quærit res ista duorum.
Finge placere mihi : scelus esse videbitur illi.
At non Æolidæ thalamos timuere sororum.
Unde sed hos novi ? cur hæc exempla paravi ?
Quo feror ? obscenæ procul hinc discedite flammæ !
Nec, nisi qua fas est germanæ, frater ametur.
Si tamen ipse mei captus prior esset amore ;
Forfitan illius possem indulgere furori.
Ergo ego, quem fueram non rejectura petentem.

ipsa petam? poterisne loqui? poterisne fateri?
Coget amor; potero. vel si pudor ora tenebit;
Littera celatos arcana fatebitur ignes.
Hæc placet: hæc dubiam vincit sententia mentem.
Alatus erigitur; cubitoque innixa sinistro,
Viderit: insanos, inquit, fateamur amores.
Hei mihi quo labor? quem mens mea concipit ignem?
Et meditata manu componit verba trementi.
Dextra tenet ferrum: vacuam tenet altera ceram.
Incipit, & dubitat; scribit, damnatque tabellas;
Et notat, & delet; mutat, culpatque, probatque.
Inque vicem sumptas ponit; positasque resumit.
Quid velit, ignorat: quicquid factura videtur,
Displicet. In vultu est audacia mista pudori.
Scripta soror fuerat: visum delere sororem,
Verbaque correctis incidere talia ceris:
Quam, nisi tu dederis, non est habitura salutem,
Hanc tibi mittit amans: pudet ah, pudet edere nomen:
Et, si quid cupiam; quæris, sine nomine vellem
Posset agi mea causa meo: nec cognita Byblis
Ante forem, quam spes votorum certa fuisset.
Esse quidem læsi poterant tibi pectoris index,
Et color, & macies, & cultus, & humida sæpe
Lumina, nec causa suspiria mota latenti,
Et crebri amplexus, & quæ, si forte notasti,
Oscula sentiri non esse sororia possent.
Ipsa tamen, quamvis animo grave vulnus habebam;
Quamvis intus erat furor igneus; omnia feci,
(Sunt mihi Di testes) ut tandem sanior essem:
Pugnaviq; diu violenta Cupidinis arma
Effugere infelix; & plus, quam ferre puellam
Posse putes, ego dura tuli. Superata fateri
Cogor, opemque tuam timidis exposcere votis.
Tu servare potes, tu perdere solus amantem.
Iiige utrum facias. Non hoc inimica precatur:

Sed

Sed quæ, cum tibi sic junctissima, junctior esse
Expetit; & vinculo tecum propiore ligari.
Jura senes norint, & quid liceatque, nefasque
Fasque sit, inquirant: legumque examina servant.
Conveniens Venus est annis temeraria nostris:
Quid liceat, nescimus adhuc. Et cuncta licere
Credimus: & sequimur magnorum exempla Deorum
Nec nos aut durus pater, aut reverentia famæ,
Aut timor impediunt: tantum absit causa timendi
Dulcia fraterno sub nomine furta tegemus.
Est mihi libertas tecum secreta loquendi:
Et damus amplexus; & jungimus oscula coram.
Quantum est quod desit? miserrere fatentis amorem,
Et non fassuræ, nisi cogeret ultimus ardor:
Neve merere, meo subscribi causa sepulcro,
Talia nequicquam perarantem plena reliquit
Cera manum: summoque in margine versus adhæsit
Protinus impressa signat sua crimina gemma:
Quam tinxit lacrymis: linguam defecerat humor.
Deque suis unum famulis pudibunda vocavit,
Et pavidum blandita, Fer has, fidissime, nostro
Dixit, & adjecit longo post tempore, fratri.
Cum daret; elapsæ manibus cecidêre tabellæ.
Omne turbata est: misit tamen, Aptæ minister
Tempora nactus adit; traditque latentia verba.
Attonitus subita juvenis Mæandrius ira.
Projicit acceptas lecta sibi parte tabellas,
Vixque manus retinens trepidantis ab ore ministri,
Dum licet, ô vetitæ scelerate libidinis auctor,
Effuge, ait: quod si nostrum tua fata pudorem
Non traherent secum; poenas mihi morte dedisses.
Ille fugit pavidus: dominæque ferocia Cauni
Dicta refert. Palles audita, Bybli, repulsa;
Et pavet obsessum glaciali frigore pectus.
Mens tamen ut rediit; pariter rediere furores:

Linguaque vix tales ictu dedit aëre voces :
Et merito. Quid enim temeraria vulneris hujus
Indicium feci ? quid ? quæ celanda fuerunt,
Tam cito commisi properatis verba tabellis ?
Ante erat ambiguus animi sententia dictis
Prætentanda mihi, ne non sequeretur euntem,
Parte aliqua veli, qualis foret aura, notasse
Debueram ; tutoque mari decurrere : quæ nunc
Non exploratis implevi linthea ventis.
Auferor in scopulos igitur, submersaque toto
Obruor Oceano: neque habent mea vela recursus.
Quid quod & ominibus certis prohibebar amor
Indulgere meo ; tunc cum mihi ferre jubenti
Excidit, & fecit spes nostras cera caducas ?
Nonne vel illa dies fuerat, vel tota voluntas,
Sed potius mutanda dies ? Deus ipse monebat :
Signaque certa dabat, si non male sana fuisset.
Et tamen ipsa loqui, nec me committere ceræ
Debueram ; præsensque meos aperire furores.
Vidisset lacrymas : vultus vidisset amantis.
Plura loqui poteram, quam quæ cepere tabellæ,
Invito potui circumdare brachia collo :
Amplectique pedes, affusaque poscere vitam.
Et, si rejicerer, potui moritura videri ;
Omnia fecissem. Quorum si singula duram
Flectere non poterant, potuissent omnia mentem.
Forſitan & miſſi ſit quædam culpa miniſtri.
Non adiit apte, non legit idonea, credo,
Tempora ; nec petiit horamque animumque va-
(cantem.

Hæc nocuere mihi. Neque enim de tigride natus,
Nec rigidas filices, solidumve in pectore ferrum,
Aut adamanta gerit : nec lac bibit ille leænæ.
Vincetur. Repetendus erit : nec tædia cœpti
Ulla mei capiam ; dum spiritus iſte manebit.

Nam

Nam primum (si facta mihi revocare liceret)
 Non cœpisse fuit; cœpta expugnare, secundum est.
 Quippe nec ille potest (ut jam mea vota relinquam)
 Non tamen ausorum semper memor esse meorum,
 Et quia desierim, leviter voluisse videbor :
 Aut etiam tentasse illum, insidiisque petisse.
 Vel certe non hoc, qui plurimus urit & ussit
 Pectora nostra, Deo, sed victa libidine credar.
 Denique jam nequeo nil commisisse nefandum.
 Et scripsi, & petii. Temeraria nostra voluptas.
 Ut nihil adjiciam, non possum innoxia dici.
 Quod superest, multum est in vota, in crimina parvum.
 Dixit : & (incertæ tanta est discordia mentis.)
 Cum pigeat tentasse, libet tentare : modumque
 Exit, & infelix committit sæpe repelli.
 Mox ubi finis abest ; patriam fugit ille, nefasque,
 Inque peregrina ponit nova mœnia terra.
 Tum vero mœstam tota Miletida mente
 Defecisse ferunt. Tum vero à pectore vestem
 Diripuit, planxitque suos furibunda lacertos.
 Jamque palam est demens, inconcessamque fatetur
 Spem Veneris. Sine qua patriam, invisosque penates
 Deferit ; & profugi sequitur vestigia fratris.
 Urque tuo motæ proles Semeleïa chyrsæ
 Ismaria celebrant repetita triennia Bacchæ ;
 Byblida non aliter latos ululasse per agros
 Bubasides vidêre nurus : quibus illa relictis
 Caras, & armiferos Lelegas, Lyciamque pererrat.
 Jam Cragon, & Lymiren, Xanthique reliquerat undas,
 Quoque Chimæra jugum, mediis in partibus ignem,
 Pectus & ora leæ, caudam serpentis habebat.
 Deficiunt sylvæ, cum tu lassata sequendo
 Procidis : & dura positis tellure capillis,
 Bybli, jaces ; frondesque tuo premis ore caducas.
 Sæpe illa Nymphæ teneris Lelegeïdes ulnis

Tollere

Tollere conantur ; sæpe ut moderetur amanti
Præcipiunt ; surdæque adhibent solatia menti.
Muta jacet ; viridesque suis terit unguibus herbas
Byblis : & humectat lacrymarum gramina rivo.
Naïdas his venam, quæ nunquam arescere posset,
Supposuisse ferunt : quid enim dare majus habebant ?
Protinus, ut secto piceæ de cortice guttæ,
Utve tenax grævida manat tellure bitumen ;
Utve sub adventum spirantis lene Favoni
Sole remollescit, quæ frigore constitit unda ;
Sic lacrymis consumpta suis Phœbeïa Byblis
Vertitur in fontem, qui nunc quoque vallibus illis
Nomen habet dominæ ; nigraque sub ilice manat.

12. Fama novi centum Cretæas forsitan urbes
Impleffet monstri ; si non miracula nuper
Iphide mutata Crete propiora tulisset.
Proxima Gnoſſiaco nam quondam Phæstia regno
Progenuit tellus, ignotum nomine Ligdum ;
Ingenua de plebe virum ; nec census in illo
Nobilitate sua major : sed vita, fidesque
Inculpata fuit. Gravidæ qui conjugis aures
Vocibus his movit ; cum jam prope partus adesset :
Quæ voveam duo sunt, minimo ut relevare labore :
Utque marem parias. Onerosior altera fors est.
Et vires natura negat. Quod abominor ergo,
Edita forte tuo fuerit si fœmina partu ;
(Invitus mando pietas ignosce) necetur.
Dixerat ; & lacrymis vultum lavêre profusis,
Tam qui mandabat, quam cui mandata dabantur.
Sed tamen usque suum vanis Telethusa maritum
Sollicitat precibus ; ne spem sibi ponat in arcto.
Certa sua est Ligdo sententia. Jamque ferendo
Vix erat illa gravem maturo pondere ventrem ;
Cum medio noctis spatium sub imagine somni
Inachis ante torum, pompa comitata sacrorum,

Aut stetit ; aut visa est. Inerant lunaria fronti
 Cornua, cum spicis nitido flaventibus auro,
 Et regale decus, cum qua latrator Anubis,
 Sanctaque Bubastis, variusque coloribus Apis,
 Quique premit vocem, digitoque silentia suadet.
 Sistraque erant, nunquamque satis quæsitus Osiris,
 Plenaque somniferi serpens peregrina veneni.
 Tum, velut excussam somno, & manifesta videntem
 Sic affata Dea est : Pars ô Telethusa mearum,
 Pone graves curas ; mandataque falle mariti :
 Nec dubita, cum te partu Lucina levarit,
 Tollere quicquid erit. Dea sum auxiliaris, opemque
 Exorata fero, nec te coluisse quereris
 Ingratum numen. Monuit : thalamoque recessit.
 Læta toro surgit, purasque ad sidera supplex
 Cressa manus tollens, rara sint sua visa precatur.
 Ut dolor increvit ; seque ipsum pondus in auras
 Expulit, & nata est ignaro scemina patri ;
 Jussit ali mater puerum mentita, fidemque
 Res habuit : neque erat facti nisi conscia nutrix.
 Vota pater solvit, nomenque imponit avitum.
 Iphis avus fuerat. Gavisa est nomine mater,
 Quod commune foret, nec quemquam falleret illo,
 Indeprensa pia mendacia fraude latebant.
 Cultus erat pueri : facies, quam, siue puellæ
 Sive dares puero ; fieret formosus uterque.
 Tertius interea decimo successerat annus ;
 Cum pater Iphi tibi flavam despondet Ianthem :
 Inter Phœstiadas quæ laudatissima formæ
 Dote fuit virgo, Dictæo nata Teleste.
 Par ætas, par forma fuit : primasque magistris
 Accepere artes elementa ætatis ab isdem.
 Hinc amor ambarum tetigit rude pectus. Et æquum
 Vulnus utrique tulit. Sed erat fiducia dispar.
 Conjugii pactæque expectant tempora tædæ ;
 Quam-

Quamque virum putat esse, suum fore credit Ianche:
Iphis amat, qua posse frui desperat, & auget
Hoc ipsum flammæ: ardetque in virgine virgo.
Vixque tenens lacrymas, Quis me manet exitus? inquit:
Cognita quam nulli, quam prodigiosa, novæque
Cura tenet Veneris. Si Di mihi parcere vellent;
Perdere debuerant: Si non & perdere vellent;
Naturale malum saltem, de more dedissent.
Nec vaccam vaccæ, nec equas amor urit equarum,
Urit oves aries, sequitur sua fœmina cervum.
Sic & aves coeunt: interque animalia cuncta
Fœmina fœmineo correpta cupidine nulla est.
Vellem nulla forem. Ne non tamen omnia Crete
Monstra ferat; taurum dilexit filia Solis:
Fœmina nempe marem. Meus est furiosior illo,
Si verum profitemur, amor, Tamen illa secuta est
Spem Veneris: tamen illa dolis & imagine vaccæ
Passa bovem est: & erat, qui deciperetur, adulter.
Huc licet è toto sollertia confluat orbe,
Ipse licet revolet ceratis Dædalus alis;
Quid faciet? num me puerum de virgine doctis
Artibus efficiet? num te mutabit Ianche?
Quin animum firmas, teque ipsa recolligis, Iphi,
Consilii que inopes & stultos excutis ignes?
Quid sis nata vide. Nisi te quoque decipis ipsam:
Et pete quod fas est, & ama, quod fœmina debes.
Spes est quæ capiat: spes est quæ pascat amorem,
Hanc tibi res adimit: non te custodia caro
Arcet ab amplexu, nec cauti cura magistri,
Non patris asperitas: non se negat ipsa roganti.
Nec tamen est potiunda tibi: nec, ut omnia fiant,
Esse potes felix, ut Dique hominesque laborent.
Nunc quoque votorum pars nulla est vana meorum:
Dique mihi faciles, quidquid valuere, dederunt.
Quodque ego, vult genitor, vult ipsa focerque futurus:

At non vult Natura ; potentior omnibus istis :
 Quæ mihi sola nocet. Venit ecce optabile tempus ;
 Luxque jugalis adest. Et jam mea fiet Ianthæ ;
 Nec mihi continget. Mediis sitiemus in undis.
 Pronuba quid Juno ? Quid ad hæc, Hymenæe, venitis
 Sacra ; quibus qui ducat abest, ubi nubimus ambæ ?
 Preffit ab his vocem. Nec lenius altera virgo
 Æstuat , utque celer venias, Hymenæe, precatur.
 Quod petit hæc, Telethusa timens, modo tempora
 (differt :

Nunc ficto languore, moram trahit. Omnia sæpe,
 Visaque caussatur. Sed jam consumpserat omnem
 Materiam ficti : dilataque tempora cædæ
 Institerant. Unusque dies restabat. At illa
 Crinalem capiti vittam natæque sibi
 Detrahit : & passis aram complexa capillis ;
 Isi, Parætonium, Mareoticaque arva, Pharonque
 Quæ colis, & septem digestum in cornua Nilum ;
 Fer, pecor (inquit) opem : nostroque medere timorî.
 Te Dea, te quondam, tuaque hæc insignia vidi ;
 Cunctaque cognovi ; comitesque, facesque, sonumque
 Sistrorum : memorique animo tua jussa notavi.
 Quod videt hæc lucem, quod non ego punior ipsa :
 Consilium, monitumque tuum est ; miserere duarum.
 Auxilioque juva. Lacrymæ sunt verba secutæ.
 Visa Dea est movisse suas (& moverat) aras.
 Et templi tremuere fores. Imitataque Lunam
 Cornua fulserunt ; crepuitque sonabile sistrum.
 Non secura quidem, fausto tamen omine læta
 Mater abit templo. Sequitur comes Iphis euntem,
 Quam solita est majore gradu ; nec candor in ore
 Permanet ; & vires augentur ; & acrior ipse est
 Vultus ; & incomptis brevior mensura capillis.
 Plusque vigoris adest, habuit quam foemina. Nam quæ
 Foemina nuper eras, puer es. Date munera templis,
 Nec

Nec timida gaudete fide. Dant munera templis.
 Addunt & titulum : titulus breve carmen habebat :
 Dona puer solvit, quæ scemina voverat, Iphis.
 Postera lux radiis latum patefecerat orbem ;
 Cum Venus, & Juno, sociosque Hymenæus, ad ignes
 Conveniunt : potiturque sua puer Iphis Ianthæ.

METAMORPHOSEON LIB. X.

1. **I**Nde per immensum croceo velatus amictu.
 Aëra digreditur, Ciconumq; Hymenæus ad oras
 Tendit : & orphea nequicquam voce vocatur.
 Affuit ille quidem : sed nec sollemnia verba,
 Nec lætos vultus, nec felix attulit omen.
 Fax quoque, quam tenuit, lacrymoso stridula fumo
 Usque fuit : nullosque invenit motibus ignes.
 Exitus auspicio gravior : nam nupta per herbas
 Dum nova Naiadum turba comitata vagatur ;
 Occidit in talum serpentis dente recepto.
 Quam satis ad superas postquam Rhodopeius auras
 Deflevit vates ; ne non tentaret & umbras ;
 Ad Scyga Tænaria est ausus descendere porta :
 Perque leves populos simulacraque functa sepulcris
 Perlephonen adiit, inamœnaque regna tenentem
 Umbrarum dominum pulsisque ad carmina nervis
 Sic ait : O positi sub terra numina mundi,
 In quem recidimus quicquid mortale creamur ;
 Si licet, & falsi positis ambagibus oris
 Vera loqui finitis, non huc, ut opaca viderem
 Tartara, descendi ; vel uti villosa colubris
 Terna Medusæi vincirem guttura monstri :
 Causa viæ conjux, in quam calcata venenum
 Vipera diffudit ; crescentesque abstulit annos,
 Posse pati volui : nec me tentasse negabo.

Vicit Amor. Supera Deus hic bene notus in ora est.
 An sit & hic, dubito: sed & hic tamen auguror esse;
 Famaque si veterem non est mentita rapinam,
 Vos quoque junxit Amor. Per ego hæc loca plena
 timoris,
 Per Chaos hoc ingens, vastique silentia regni,
 Eurydices oro properata retexite fila.
 Omnia debemur vobis: paulumque morati,
 Serius aut citius sedem properamus ad imam.
 Tendimus huc omnes: hæc est domus ultima. Vosque
 Humani generis longissima regna tenetis.
 Hæc quoque cum justos matura peregerit annos;
 Juris erit vestri: pro munere poscimus usum.
 Quod si fata negant veniam pro conjugē, certum
 Nolle redire mihi: leto gaudete duorum.
 Talia dicentem, nervosque ad verba moventem,
 Exsanguēs flebant animæ. Nec Tantalus undam
 Captavit refugam: stupuitque Ixionis orbis.
 Nec volucres carpere jecur: urnisque vacarunt
 Belides: inque tuo sedisti, Sisyphæ, saxo.
 Tum primum lacrymis victarum carmine, fama est
 Eumenidum maduisse genas: nec regia conjux
 Sustinet oranti, nec qui regit ima, negare:
 Eurydicenque vocant. Umbras erat illa recentes
 Inter: & incessit passu de vulnere tardo.
 Hanc simul, & legem Rhodopeius accipit heros;
 Ne flectat retro sua lumina; donec Avernas
 Exierit valles, aut irrita dona futura.
 Carpitur acclivis per muta silentia trames
 Arduus, obscurus, caligine densus opaca.
 Nec procul abfuerunt telluris margine summæ:
 Hic, ne deficeret, metuens, avidusque videndi,
 Flexit amans oculos: & protinus illa relapsa est.
 Brachiaque intendens, prendique & prendere certans,
 Nil nisi cedentes infelix arripit auras.

Jam-

Jamque iterum moriens, non est de conjuge quid-
(quam

Quæsta suo: quid enim nisi se quereretur amatam?

Supremumque vale, quod jam vix auribus ille

Acciperet, dixit, revolutaque rursus eodem est.

Non aliter stupuit gemina nece conjugis Orpheus;

Quam tria qui timidus medio portante catenas

Colla canis vidit: quem non pavor ante reliquit,

Quam natura prior, saxo per corpus oborto:

Quique in se crimen traxit; voluitque videri

Olenos esse nocens: tuque ô confisa figuræ

Infelix Lethæa tuæ; junctissima quondam

Pectora, nunc lapides, quos humida sustinet Ide,

Orantem, frustra que iterum transire volentem,

Portitor arcuerat. Septem tamen ille diebus,

Squallidus in ripa Cereris sine munere sedit

Cura dolorque animi, lacrymæque alimenta fuere.

Esse Deos Erebi crudeles questus, in altam (mum.

Se recipit Rhodopen pulsumque Aquilonibus Hæ-

Tertius æquoreis inclusum piscibus annum

Finierat Titan. Omnemque refugerat Orpheus

Fœmineam Venerem; seu quod male cesserat illi;

Sive fidem dederat. Multas tamen ador habebat

Jungere se vati: multæ doluere repulsæ.

Ille etiam Thracum populis fuit auctor, amorem

In teneros transferre mares: citraque juventam,

Ætatis breve ver, & primos carpere flores.

2. Collis erat, collemque super planissima campi

Area: quam viridem faciebant graminis herbæ.

Umbra loco deerat. Qua postquam parte resedit

Dis genitus vates, & filia sonantia movit;

Umbra loco venit, non Chaonis absuit arbor,

Non nemus Heliadum, non frondibus esculus altis

Nec tiliaæ molles, nec fagus, & innuba laurus,

Et coryli fragiles, & fraxinus utilis hastis,

Enodis

Enodisque abies, curvataque glandibus ilex,
 Et platanus genialis, acerque coloribus impar,
 Amnicolæque simul salices, & aquatica lotos,
 Perpetuoque virens buxus, tenuesque myricæ,
 Et bicolor myrtus, & baccis cærulea ficus.
 Vos quoque flexipedes hederæ venistis, & una
 Pampinæ vites, & amictæ vitibus ulmi,
 Ornique, & piceæ, pomoque onerata rubenti
 Arbutus; & lentæ victoris præmia palmæ:
 Et succincta comas, hirsutaque vertice pinus;
 Grata Deûm matri. Siquidem Cybeleius Attys
 Exiit hac hominem, truncoque induxit illo.

3. Affuit huic turbæ metas imitata cupressus,
 Nunc arbor, puer ante Deo dilectus ab illo,
 Qui citharam nervis, & nervis temperat arcus,
 Namque sacer Nymphis Carthæa tenentibus arva
 Ingens cervus erat: lateque patentibus altis
 Ipse suo capiti præbebat cornibus umbras:
 Cornua fulgebant auro: demissaque in armos
 Pendebant tereti gemmata monilia collo.
 Bulla super frontem parvis argentea loris
 Vincula movebatur: parilesque ætate nitebant
 Auribus è geminis, circum cava tempora, bæccæ.
 Isque metu vacuus, naturalique pavore
 Deposito, celebrare domos, mulcendaque colla
 Quamlibet ignotis manibus præbere solebat.
 Sed tamen ante alios, Cææ pulcherrime gentis,
 Gratus erat, Cyparisse, tibi: tu pabula cervum
 Ad nova, tu liquidi ducebas fontis ad undam:
 Tu modo texebas varios per cornua flores:
 Nunc eques in tergo residens, huc lætus & illuc
 Mollia purpureis frænabas ora capistris.
 Æstus erat, mediusque dies: solisque vapore
 Concava littorei fervebant brachia Cancræ.
 Fessus in herbosa posuit sua corpora terra

Cervus: & arborea ducebat frigus ab umbra:
Hunc puer imprudens jaculo Cyparissus acuto
Fixit: & ut sævo morientem vulnere vidit;
Velle mori statuit. Quæ non solatia Phœbus
Dixit? & ut leviter, pro materiaque doleret,
Admonuit. Gemit ille tamen: munusque supremum
Hoc petit à Superis; ut tempore lugeat omni.
Jamque per immensos egesto sanguine fletus,
In viridem verti cœperunt membra colorem;
Et modo, qui nivea pendebant fronte capilli,
Horrida cæsaries fieri: sumptoque rigore
Sidereum gracili spectare cacumine cœlum.
Ingemuit, tristisque Deus, Lugebere nobis,
Lugebisque alios, aderisque dolentibus, inquit:

4. Tale nemus vates attraxerat: inque terarum
Concilio medius, turba volucrumque sedebat.
Ut satis impulsas tentavit pollice chordas;
Et sensit varios, quamvis diversa sonarent,
Concordare modos: hoc vocem carmine movit;
Ah Jove, Musa parens, (cedunt Jovis omnia regno)
Carmina nostra move. Jovis est mihi sæpe potestas
Dicta: prius cecini plectro graviore Gigantas,
Sparsaque Phlegræis viscrica fulmina campis.
Nunc opus est levior lyra: puerosque canamus
Dilectos superis; inconcessisque puellas
Ignibus attonitas meruisse libidine pœnam.
Rex Superum Phrygii quondam Ganymedis amore
Arsit: & inventum est aliquid, quod Jupiter esse
Quam quod erat, mallet. Nulla tamen alite verti
Dignatur; nisi quæ portet sua fulmina terræ.
Nec mora; percusso mendacibus aëre pennis
Abripit Iliaden. Qui nunc quoque pocula miscet,
Invitaque Jovi nectar Junone ministrat.

5. Te quoque, Amyclide, posuisset in æthere Phœbus;
Tristia si spatium ponendi fata dedissent.

Qua

Qua licet, æternus tamen es : quotiesque repellit
Ver hiemen, piscique aries succedit aquoso ;
Tu toties oreris, vivoque in cespite vernas.
Te meus ante alios genitor dilexit : & orbis
In medio positi caruerunt præside Delphi ;
Dum Deus Eurotan, immunitamque frequentat
Sparten ; nec citharæ, nec sunt in honore sagittæ.
Immemor ipse sui non retia ferre recusat ;
Non tenuisse canes ; non per juga montis iniqui
Ire comes : longa que alit assuetudine flammæ.
Jamque fere medius Titan venientis & actæ
Noctis erat, spatioque pari distabat utrimque,
Corpora veste levant, & succo pinguis olivi
Splendescunt, latique ineunt certamina disci.
Quem prius aërias libratum Phæbus in auras
Misit, & oppositas disjecit pondere nubes.
Recidit in solidam longo post tempore terram
Pondus : & exhibuit junctam cum viribus artem.
Protinus imprudens, actusque cupidine lusus,
Tollere Tænarides orbem properabat : at illum
Dura percussum subjecit in aëra tellus
In vultus, Hyacinthe, tuos. Expalluit æque,
Quam puer, ipse Deus : collapsosque erigit artus :
Et modo te refovet ; modo tristia vulnera ficcant.
Nunc animam admotis fugientem sustinet herbis.
Nil profunt artes. Erat immedicabile vulnus.
Ut si quis violas, riguove papaver in horto,
Liliaque infringat, fulvis hærentia virgis ;
Marcida demittant subito caput illa gravatum,
Nec se sustineant : spectentque cacumine terram,
Sic vultus moriens jacet ; & defecta vigore
Ipsa sibi est oneri cervix, humeroque recumbit ;
Laberis, Oebalide, prima fraudate juventa,
Phœbus ait, videoque tuum mea crimina vulnus.
Tu dolor es, facinusque meum. Mea dextera leto

Inscribenda tuo est. Ego sum tibi funeris auctor.

Quæ mea culpa tamen? nisi si luisse, vocari
 Culpa potest? nisi culpa potest, & amasse, vocari?
 Atque utinam pro te vitam, tecumve liceret
 Reddere: sed quoniam fatali lege tenemur;
 Semper eris mecum, memorique hærebis in ore,
 Te lyra pulsa manu, te carmina nostra sonabunt:
 Flosque novus scripto gemitus imitabere nostros.
 Tempus & illud erat; quo se fortissimus heros
 Abdat in hunc florem; folioque legatur eodem.
 Talia dum vero memorantur Apollinis ore,
 Ecce cruor, qui susus humi signaverat herbam;
 Desinit esse cruor. Tyrioque nitentior ostro
 Flos oritur; formamque capit, quam lilia, si non
 Purpureus color his, argenteus esset in illis.
 Non satis hoc Phœbo est (is enim fuit auctor honoris)
 Ipse suos gemitus foliis inscribit: & ai ai
 Flos habet inscriptum: funestaque littera ducta est.
 Nec genuisse pudet Sparten Hyacinthon. Honorque
 Durat in hoc ævi: celebrandaque more priorum
 Annua prælatæ redeunt Hyacinthia pompæ.

6. At si forte roges fœcundam Amathunta metalli,
 An genuisse velit Propœtidas; abnuat æque
 Atque illos, gemino quondam quibus aspera cornu
 Frons erat. Unde etiam nomen traxêre Ceraistæ.
 Ante fores horum stabat Jovis hospitis ara,
 Lugubris sceleris: quam si quis sanguine tinctam
 Advena vidisset; mactatos crederet illic
 Lactantes vitulos, Amathusiacasque bidentes,
 Hospes erat cæsus. Sacris offensa nefandis
 Ipsa suas urbes, Ophiusiæque arva parabat
 Deserere alma Venus. Sed, quid loca grata, quid ur-
 Peccavêre meæ? quod crimen, dixit, in illis? (bes
 Exfilio poenam potius gens impia pendat,
 Vel nece, vel si quid medium, mortisque, fugæque.
 Idque

Idque quid esse potest, nisi versæ pœna figuræ?
Dum dubitat, quo mutet eos; ad cornua vultum
Flexit. Et admonita est hæc illis posse relinqui:
Grandiaque in torvos transformat membra juvencos.

7. Sunt tamen obscenæ Venerem Propœtides an
Esse negare Deam: pro qua sua numinis ira
Corpora cum forma primæ vulgasse feruntur.
Utque pudor cessit, sanguisque induruit oris;
In rigidum parvo siliem discrimine versæ.

8. Quas quia Pygmalion ævum per crimen agens
Viderat, offensus vitiiis, quæ plurima menti
Fœminæ natura dedit, sine conjuge cælebs
Vivebat: thalamique diu consorte carebat.
Interea niveum mira feliciter arte
Sculpfit ebur; formamque dedit, qua fœmina nasci
Nulla potest: operisque sui concepit amorem.
Virginis est veræ facies: quam vivere credas,
Et, si non obstat reverentia velle moveri.
Ars adeo latet arte sua. Miratur, & haurit
Pectore Pygmalion simulati corporis ignes.
Sæpe manus operi tentantes admovet, an sit
Corpus, an illud ebur: nec ebur tamen esse fateretur:
Oscula dat, reddique putat: loquiturque, tenetque:
Et credit tactis digitos infidere membris:
Et metuit, pressos veriat ne livor in artus.
Et modo blanditias adhibet: modo grata puellis
Munera fert illi conchas, teretesque lapillos.
Et parvas volucres, & flores mille colorum,
Liliaque pictasque pilas, & ab arbore lapsas
Heliadum lacrymas. Ornat quoque vestibus artus:
Dat digitis gemmas; dat longa monilia collo.
Aure leves baccæ, redimicula pectore pendent
Cuncta decent: nec nuda minus formosa videtur.
Collocat hanc stratis concha Sidonide tinctis:
Appellatque tori sociam: acclinataque colla

Mollibus in plumis, tanquam sensura, reponit.
Festa dies Veneris, tota celeberrima Cypro
Venerat. Et blandis inductæ cornibus aurum
Conciderant ictæ nivea cervice juvenæ;
Thuraque fumabant: cum munere functus ad aras
Constitit. Et timide, Si Dî dare cuncta potestis:
Sit conjux opto, non ausus, eburnea virgo,
Dicere Pygmalion, similis mea, dixit, eburnæ.
Sensit, ut ipsa suis aderat Venus aurea festis;
Vota quid illa velint: & amici numinis omen
Flamma ter accensa est, apicemque per aëra duxit.
Ut rediit; simulacra suæ petit ille puellæ:
Incumbensque toro dedit oscula. Visa tepere.
Admoveret os iterum: manibus quoque pectora tentat.
Tentatum mollescit ebur, positoque rigore
Subsedit, digitis ceditque: ut Hymettia sole
Cera remollescit, tractataque pollice multas
Flectitur in facies; ipsoque fit utilis usu.
Dum stupet, & timide gaudet, fallique veretur;
Rursus amans, rursusque manu sua vota retractat,
Corpus erat, saliunt tentatæ pollice venæ.
Tum vero Paphius plenissima concipit heros
Verba quibus Veneri grates agat: oraque tandem
Ore suo non falsa premit. Dataque oscula virgo
Sensit, & erubuit, timidumque ad lumina visum
Attollens, pariter cum cœlo vidit amantem.
Conjugio, quod fecit, adest Dea; jamque coactis
Cornibus in plenum novies lunaribus orbem,
Illa Paphon genuit, de quo tenet insula nomen.
9. Editus hac ille est; qui, si sine prole fuisset,
Inter felices Cinyras potuisset haberi.
Dira canam: procul hinc natæ, procul este parentes:
Aut mea si vestras mulcebunt carmina mentes;
Desit in hac mihi parte fides. Nec credite factum:
Vel si crederis, fasti quoque credite pœnam.

Si tamen admissum finit hoc natura videri ;
Gentibus Ismariis, & nostro gratulor orbi :
Gratulor huic terræ, quod abest regionibus illis ;
Quæ tantum genuere nefas. Sit dives amomo,
Cinnamæque, costumque suum, sudataque ligno
Thura ferat, floresque alios Panchaia tellus ;
Dum ferat & Myrrham. Tanti nova non fuit arbor.
Ipse negat nocuisse tibi sua tela Cupido,
Myrrha : facesque suas à crimine vindicat isto.
Stipite te Stygio tumidisque afflavit Echidnis
E tribus una soror. Scelus est odisse parentem :
Hic amor est odio majus scelus. Undique læti
Te cupiunt proceres ; totoque Oriente juvenus
Ad thalamum certamen adest. Ex omnibus unum
Elige, Myrrha, tibi ; dum desit in omnibus unus.
Illa quidem sentit ; fœdoque repugnat amor :
Et secum, Quo mente feror ? quid melior ? inquit.
Di, precor, & pietas, sacrataque jura parentum,
Hoc prohibite nefas ; scelerique resistite nostro ;
Si tamen hoc scelus est. Sed enim damnare negatur
Hanc venerem pietas : coeuntque animalia nullo
Cætera dilectu. Nec habetur turpe juvenæ
Ferre patrem tergo ; sit equo sua filia conjux ;
Quasque creavit, init pecudes caper, ipsaque cujus
Semine concepta est, ex illo concipit ales.
Felices quibus ista licent, humana malignas
Cura dedit leges : & quod natura remittit,
Invida jura negant. Gentes tamen esse feruntur,
In quibus & nato genitrix, & nata parenti
Jungitur, & pietas geminato crescit amore.
Me miseram, quod non nasci mihi contigit illic,
Fortunaque loci lædor ! quid in ista revolvor ?
Spes interdictæ discedite. Dignus amari
Ille, sed ut pater, est. Ergo si filia magni
Non essem Cinyræ ; Cinyræ concumbere possem.

Nunc quia tam meus est, non est meus; ipsaque damno
Est mihi proximitas. Aliena potentior essem.
Ire libet procul hinc, patriæque relinquere fines,
Dum scelus effugiam retinet malus error amantem,
Ut præsens spectem Cinyram, tangamque loquarque,
Osculaque admoveam, si nil conceditur ultra.
Ultra autem sperare aliquid potes impia virgo!
Nec quot contundas & jura & nomina sentis?
Tune eris & matris pellex, & adultera patris?
Tune soror gnati, genitrixque vocabere fratris?
Nec metuas atro crinitas angue sorores;
Quas tacibus sævis oculos atque ora petentes
Noxia corda vident? at tu dum corpore non es
Passa, nefas animo ne concipe. Neve potentis
Concubitu vetito Naturæ pollue foedus.
Fæile puta. Res ipsa vetat. Pius ille, memorque
Iuris; &, ô vellem similis furor esset in illo!
Dixerat: at Cinyras, quem copia digna procorum,
Quid faciat, dubitare facit; scitatur ab ipsa
Iominibus dictis, cuius velit esset mariti.
Illa filet primo: patriisque in vultibus hærens,
Æstuat, & tepido suffundit lumina rore.
Virginei Cinyras hæc credens esse timoris,
Flere vetat, siccatque genas, atque oscula jungit.
Myrrha datis nimium gaudet. Consultaque qualem
Optet habere virum; Similem tibi, dixit. At ille
Non intellectam vocem collaudat; &, Esto
Tam pia semper, ait. Pietatis nomine dicto,
Demisit vultus, sceleris sibi conscia virgo.
Noctis erat medium, curasque, & pectora somnus
Solverat. At virgo Cinyreia pervigil igni
Carpiuntur indomito, furiosaque vota retractat.
En modo desperat, modo vult tentare, pudetque,
Accipit, & quid agat non invenit: utque securi
Iacra trabs ingens, ubi plaga novissima restat:

Quo cadat in dubio est, omnique à parte timetur,
Sic animus vario labefactus vulnere nutat
Huc levis, atque illuc; momentaque sumit utroque
Nec modus, aut requies, nisi mors, reperitur amoris
Mors placet. Erigitur, laqueoque innectere fauces
Destinat: & zona summo de posse revincta,
Care, vale, Cinyra, causamque intellige mortis,
Dixit, & aptabat pallenti vincula collo.
Murmura verborum fidas nutricis ad aures
Pervenisse ferunt, limen servantis alumnae.
Surgit anus, referatque fores, mortisque paratae
Instrumenta videns, spatio conclamat eodem,
Seque ferit, scinditque finis, ereptaque collo
Vincula dilaniat. Tum denique flere vacavit;
Tum dare complexus, laqueique requirere causam.
Muta filet virgo, terramque immota tuetur:
Et deprensa dolet tardae conamina mortis.
Instat anus, canosque suos, & inania nudans
Ubera, per cunas, alimentaque prima precatur;
Ut sibi committat, quicquid dolet. Illa rogantem
Aversata, gemit. Certa est exquirere nutrix,
Nec solam spondere fidem. Dic, inquit; opemque
Me sine ferre tibi. Non est mea pigra senectus,
Seu furor est; habeo quod carmine sanet, & herbis.
Sive aliquis nocuit; magico lustrabere ritu.
Ira Deum sive est, sacris placabimus iram.
Quid rear ulterius? certe fortuna, domusque
Sospes ab incurfu: vivunt genitrixque, paterque.
Myrrha patre audito, suspiria duxit ab imo
Pectore. Nec nutrix etiamnum concipit ullum
Mente nefas: aliquemque tamen praesentit amorem.
Propositi tenax, quodcunque sit, orat, ut ipsi
Indicet: & gremio lacrymantem tollit anili:
Atque ita complectens infirmis colla lacertis,
Sensimus, inquit; amas: & in hoc mea (pone timorem
Sedulitate

Sedulitas erit apta tibi, nec sentiet umquam
 Hoc pater. Exsiluit gremio furibunda torumque
 Ore premens, Discede, precor : miseroque pudori
 Parce, ait. Instanti, Discede, aut desine, dixit,
 Quærere quid doleam. Scelus est, quod scire laboras.
 Horret anus, Tremulasque manus annisque, metuque
 Tendit : & ante pedes supplex procumbit alumnae :
 Et modo blanditur. Modo, si non conscia fiat,
 Terret ; & indicium laquei, coeptæque minatur
 Mortis, & officium commisso spondet amori.
 Extulit illa caput, lacrymisque implevit obortis
 Pectora nutricis. Conataque sæpe fateri,
 Sæpe tenet vocem, pudibundaque vestibus ora
 Texit ; & O, dixit, felicem conjugem matrem !
 Hactenus, & genuit. Gelidos nutricis in artus,
 Offaque (sensit enim) penetrat tremor, albaque toto
 Vertice canities rigidis stetit hirta capillis.
 Multaque ut excuteret diros, si posset, amores ;
 Addidit. At virgo scit se non falsa moneri
 Certe mori tamen est ; si non potiatur amato.
 Vive, ait hæc : potiêre tuo, non ausa, parente,
 Dicere, conticuit : promissaque numine firmat.
 Festa piæ Cereris celebrabant annua matres
 Illa, quibus nivea velatæ corpora veste
 Primitias frugum dant spicea ferta suarum :
 Perque novem noctes Venerem tactusque viriles
 In veritis numerant. Turba Cenchreis in illa
 Regis adest conjux : arcanaque sacra frequentat.
 Ergo legitima vacuus dum conjugem lectus ;
 Nacta gravem vino Cinyram male sedula nutrix,
 Nomine mentito veros exponit amores :
 Et faciem laudat. Quæsitis virginis annis,
 Par, ait, est Myrrhæ. Quam postquam adducere iussa
 (est,
 Utque domum rediit, Gaude mea, dixit, alumna :
 Vicimus.

Vicimus. Infelix non toto corpore sentit
Lætitiâ virgo ; præfagaque pectora moerent.
Sed tamen & gaudet. Tanta est discordia mentis.
Tempus erat quo cuncta silent : interque Triones
Flexerat obliquo plaustrum temone Bootes.
Ad facinus venit illa suum. Fugit aurea cœlo
Luna : tegunt nigræ latitantia sidera nubes ;
Nox caret igne suo. Primos regis, Icare, vultus,
Erigoneque pio sacrata parentis amore.
Ter pedis offensi signo est revocata : ter omen
Funereus bubo letali carmine fecit.
It tamen : & tenebræ minuunt, noxque atra pudorem
Nutricisque manum læva tenet ; altera motu
Cœcum iter explorat. Thalami jam limina tangit
Jamque fores aperit, jam ducitur intus. At illi
Poplite succiduo genua intremuere, fugitque
Et color, & sanguis, animusque relinquit euntem.
Quoque suo propior sceleri, magis horret, & ausi
Pœnitet : & vellet non cognita posse reverti.
Cunctantem longæva manu deducit : & alto
Admotam lecto cum traderet ; Accipe, dixit,
Ista tua est Cinyra : devotaque corpora junxit.
Accipit obscœno genitor sua viscera lecto ;
Virgineosque metus levat ; hortaturque timentem.
Forſitan ætatis quoque nomine, Filia, dicat :
Dicat, & illa, Pater ; sceleri ne nomina defint,
Plena patris thalamis excedit, & impia diro
Semina fert utero, conceptaque crimina portat.
Postera nox facinus geminat, nec finis in illa.
Cum tandem Cinyras avidus cognoscere amantem
Post tot concubitus, illato lumine vidit
Et scelus, & natam. Verbisque dolore retentis,
Pendenti nitidum vagina liberat ensem.
Myrrha fugit, tenebrisque & cœcæ munere noctis
Intercepta neci est : latosque vagata per agros,

Palmiferos Arabas, Panchæaque rura relinquit.
 Perque novem erravit redeuntis cornua Lunæ,
 Cum tandem terra requievit fessa Sabæa:
 Vixque uteri portabat onus. Tum nescia voti,
 Atque inter mortisque metus, & tædia vitæ.
 Est tales complexa preces: O si qua patetis
 Numina confessis, merui: nec triste recuso
 Supplicium. Sed ne violem vivosque superstes,
 Mortuaque extinctos; ambobus pellite regnis:
 Mutatæque mihi, vitamque necemque, negate.
 Numen confessis aliquod patet. Ultima certe
 Vota suos habuere Deos, nam crura loquentis
 Terra supervenit, ruptosque obliqua per ungues
 Porrigitur radix, longi firmamina trunci:
 Ossaque robur agunt: mediaque manente medulla
 Sanguis it in succos; in magnos brachia ramos;
 In parvos digiti, duratur cortice pellis.
 Jamque gravem crescens uterum præstrinxerat arbor:
 Pectoraque obruerat: collumque operire parabat.
 Non tulit illa moram, venientique obvia ligno
 Subsedit, merfitque suos in cortice vultus:
 Quæ quanquam amisit veteres cum corpore sensus,
 Flet tamen, & tepidæ manant ex arbore guttæ.
 Est honor & lacrymis, stillataque cortice Myrrha
 Nomen herile tenet, nulloque tacebitur ævo.

10. At male conceptus sub robore creverat infans:
 Quærebatque viam, qua se genitrice relicta
 Exfereret. Media gravidus tumet arbore venter.
 Tendit onus matrem: nec habent sua verba labores:
 Nec Lucina potest parientis voce vocari.
 Nitenti tamen est similis, curvataque crebros
 Dat gemitus arbor: lacrymisque cadentibus humet.
 Constitit ad ramos mitis Lucina dolentes:
 Admovitque manus, & verba puerpera dixit.
 Arbor agit rimas, & fissa cortice, vivum

Reddit onus: vagitque puer. Quem mollibus herbis
 Naides impositum lacrymis unxere parentis.
 Laudaret faciem livor quoque: qualia namque
 Corpora nudorum tabula pinguntur Amorum;
 Talis erat. Sed ne faciat discrimina cultus;
 Aut huic adde leves, aut illis deme pharetras.
 Labitur occulte, fallitque volatilis ætas:
 Et nihil est annis velocius. Ille sorore
 Natus avoque suo, qui conditus arbore nuper;
 Nuper erat genitus; modo formosissimus infans,
 Jam juvenis, jam vir, jam se formosior ipso:
 Jam placet & Veneri, matrisque ulciscitur ignes.
 Namque pharetratus dum dat puer oscula matri,
 Inscius, exstanti distrinxit arundine pectus.
 Læsa manu natum Dea reppulit. Alius actum
 Vulnus erat specië: primoque fefellerat ipsam.
 Capta viri forma non jam Cythereia curat
 Littora: non alto repetit Paphon æquore cinctam,
 Piscosamque Cnidon, gravidamve Amathunta me-
 (callis.

Abstinet & cœlo: cœlo præfertur Adonis.
 Hunc tenet, huic comes est, assuetaque semper in umbra
 Indulgere sibi, formamque augere colendo,
 Per juga, per sylvas, dumosaque saxa vagatur
 Nuda genu, vestem ritu succincta Dianæ;
 Hortaturque canes: tutæque animalia prædæ,
 Aut pronos lepores, aut celsum in cornua cervum!
 Aut agitat damas, à fortibus abstinet apris:
 Raptoreisque lupos, armatosque unguibus urfos
 Vitat, & armenti saturatos cæde leones.
 Te quoque, ut hos timeas, si quid prodesse monendo
 Possit, Adoni, monet. Fortisque fugacibus esto,
 Inquit, in audaces non est audacia tuta.
 Parce meo, juvenis, temerarius esse periclo:
 Neve feras, quibus arma dedit natura, laceffe:

Stet mihi ne magno tua gloria. Non movet ætas,
 Nec facies, nec quæ Venerem movere, leones,
 Setigerosque fues, oculosque, animosque ferarum.
 Fulmen habent acres in aduncis dentibus apri:
 Impetus est fulvis, & vasta leonibus ira,
 Invisumque mihi genus est. Quæ caussa roganti
 Dicam, ait, & veteris monſtrum mirabere culpæ.
 Sed labor insolitus jam me laſſavit: & ecce
 Opportuna ſua blanditur populus umbra:
 Datque torum ceſpes. Libet hac requieſcere tecum,
 Et requievit humo: preſſitque & gramen, & ipſum.
 Inque ſinu juvenis poſitâ cervice reclinis
 Sic ait, ac mediis interſerit oscula labris.

II. Forſitan audieris aliquam certamine curſus
 Veloces ſuperaffe viros. Non fabula, rumor
 Ille fuit: ſuperabat enim nec dicere poſſis
 Laude pedum, formæne bono præſtantior eſſet.
 Scitanti Deus huic de conjuge; Conjuge, dixit,
 Nil opus eſt, Atalanta, tibi. Fuge conjugis uſum.
 Nec tamen effugies: teque ipſa viva carebis.
 Territa ſorte Dei, per opacas innuba ſylvas
 Vivit: & iſtantiem turbam violenta procorum
 Conditione fugat: Nec ſum potiunda, niſi, inquit,
 Viſta prius curſu, pedibus contendite mecum.
 Præmia veloci conjux thalamique dabuntur;
 Mors pretium tardis. Ea lex certaminis eſto.
 Illa quidem immitis; ſed tanta potentia formæ.
 Venit ad hanc legem temeraria turba procorum.
 Sederat Hippomenes curſus ſpectator iniqui:
 Et petitur cuiquam per tanta pericula conjux?
 Dixerat: ac nimios juvenum damnarat amores.
 Ut faciem, & poſito corpus velamine vidit,
 Quale meum, vel quale tuum, ſi ſcœmina fias;
 Obſtupuit: tollensque manus, Ignoscite, dixit,
 Quos modo culpavi: nondum mihi præmia nota,

Quæ peteretis, erant, laudando concipit ignem;
 Et ne quis juvenum currat velocius optat:
 Invidiaque timet. Sed cur certaminis hujus
 Intentata mihi fortuna relinquitur? inquit.
 Audentes Deus ipse juvat, dum talia secum
 Exigit Hippomenes; passu volat alite virgo.
 Quæ quanquam Scythica non secius ire sagitta
 Aonio visa est juveni, tamen ille decoris
 Mirator magis est, cursus facit ipse decorem.
 Aura refert ablata citis talaria plantis:
 Tergaque jactantur, crines per eburnea, quæque
 Poplitibus suberant picto genualia limbo:
 Inque puellari corpus candore ruborem
 Traxerat. Haud aliter, quam cum super atria velum
 Candida purpureum similatas inficit umbras,
 Dum notat hæc hospes; decursa novissima meta est:
 Et tegitur festa victrix Atalanta corona.
 Dant gemitum victi, penduntque ex fœdere pœnas.
 Non tamen eventu juvenum deterritus horum
 Constitit in medio. Vultuque in virgine fixo,
 Quid facilem titulum superando quæris inertes?
 Mecum conser, ait. Seu me fortuna potentem
 Fecerit, à tanto non indignabere vinci.
 Namque mihi genitor Megareus, Onchestius illi;
 Est Neptunus avus, pronepos ego regis aquarum:
 Nec virtus citra genus est. Seu vincar, habebis,
 Hippomene victo, magnum & memorabile nomen.
 Talia dicentem molli Schœneia vultu
 Aspicit: & dubitat, superari, an vincere malit.
 Atque ita, Quis Deus hunc formosis, inquit, iniquus
 Perdere vult? caræque jubet discrimine vitæ
 Conjugium petere hoc? non sum me iudice tanti.
 Nec forma tangor: poteram tamen hac quoque tangi.
 Quid? quod adhuc puer est. Non me movit ipse, sed

(æras.

Quid?

Quid? quod inest virtus, & mens interrita leti?
Quid? quod ab æquorea numeratur origine quartus?
Quid? quod amat, tantique putat connubia nostra,
Ut pereat, si me fors illi dura negarit?
Dum licet, hospes, abi: thalamosque relinque cruentos.
Conjugium crudele meum. Tibi nubere nulla
Nollet: & optari potes à sapiente puella.
Cur tamen est mihi cura tui tot jam ante peremptis?
Viderit: intereat: quoniam tot cæde procorum
Admonitus non est. Agiturque in tædia vitæ.
Occidit hic igitur, voluit quia vivere mecum,
Indignamque necem pretium patietur amoris?
Non erit invidiæ victoria nostra ferendæ.
Sed non culpa mea est. Utinam desistere velles,
Aut quoniam demens: utinam velocior esses.
At quam virgineus puerili vultus in ore est.
Ah miser Hippomene, nollem tibi visa fuisssem,
Vivere dignus eras, quod si felicior essem;
Nec mihi conjugium fata importuna negarent;
Unus eras cum quo sociare cubilia vellem.
Dixerat, utque rudis, primoque Cupidine tacta,
Quid facit ignorans, amat, & non sentit amorem.
Jam solitos pascunt cursus populusque paterque;
Cum me sollicita proles Neptunia voce
Invocat Hippomenes, Cythereia comprecor, ausis
Adsit, ait, nostris, & quos dedit, adjuvet ignes.
Detulit aura preces ad me non invida blandas:
Motaque sum, fateor. Nec opis mora longa dabatur.
Est ager, indigenæ Tamafenum nomine dicunt;
Telluris Cypriæ pars optima: quem mihi præsci
Sacravêre fenes, templisque accedere dotem
Hanc jussere meis. Medio nitet arbor in arvo,
Fulva comam, fulvo ramis crepitantibus auro,
Hinc tria forte mea veniens decerpta ferebam
Aurea poma manu: nullique videnda, nisi ipsi,

Hippomenen adii, docuique, quis usus in illis;
 Signa tubæ dederant; cum carcere pronus uterque
 Emicat: & summam celeri pede libat arenam.
 Posse putes illos sicco freta radere passu,
 Et segetis canæ stantes percurrere aristas.
 Adjiciunt animos juveni clamorque, favorque,
 Verbaque dicentum, Nunc, nunc incumbere tempus.
 Hippomene propera. Nunc viribus utere totus.
 Pelle moram, vinctes. Dubium Megareius heros
 Gaudeat, an virgo magis his Scheneia dictis.
 O quoties, cum jam posset transire, morata:
 Spectatosque diu vultus invita relinquit.
 Aridus è lassò veniebat anhelitus ore:
 Metaque erat longe. Tum denique de tribus unum
 Foetibus arboreis proles Neptunia misit.
 Obstupuit virgo: niuidique cupidine pomi
 Declinat cursus: aurumque volubile tollit.
 Præterit Hippomenes. Sonant spectacula plausu.
 Illa moram celeri, cessataque tempora cursu
 Corrigit: atque iterum juvenem post terga relinquit:
 Et rursus pomi jactu remorata secundi,
 Consequitur transitque virum. Pars ultima cursus
 Restabat: nunc, inquit, ades, Dea muneris auctor:
 Inque latus campi, quo tardius illa rediret,
 Jecit ab obliquo liquidum juveniliter aurum.
 An peteret virgo visa est dubitare. Coëgi
 Tollere; & adjeci sublatò pondera malo:
 Impediique oneris pariter gravitate, moraque.
 Neve meus sermo sit cursu tardior illo;
 Præterita est virgo. Duxit sua præmia victor.
 Dignane cui grates ageret, cui thuris odorem
 Ferret, Adoni, fui? nec grates immemor egit:
 Nec mihi thura dedit. Subitam convertor in iram;
 Contemptuque dolens, ne sim spernenda futuris;
 Exemplo caveo: meque ipsam exhortor in ambos.

Templa

Templâ Deûm matri, quæ quondam clarus Echion
 Fecerat ex voto; nemorosis abdita sylvis
 Transibant; & iter longum requiescere suavit.
 Illic concubitus intempestiva cupido
 Occupat Hippomenen, à numine concita nostro.
 Luminis exigui fuerat prope templa recessus
 Speluncæ similis, nativo pumice tectus;
 Religione sacer prisca, quo vota sacerdos
 Lignea contulerat veterum simulacra Deorum.
 Hunc init, & vetito temerat sacraria probro.
 Sacra retorserunt oculos: turritaue mater,
 An Stygia fontes, dubitavit, mergeret unda.
 Pœna levis visa est. Ergo modo levâ fulvâ
 Colla jubæ velant: digiti curvantur in ungues:
 Ex humeris armi fiunt: in pectora totum
 Pondus abit: summæ cauda verruntur arenæ.
 Iram vultus habet, pro verbis murmura reddunt;
 Pro thalamis celebrant sylvas, aliisque timendi
 Dente premunt domito Cybeleia fræna leones.
 Hos tu, care mihi, cumque his genus omne ferarum,
 Quæ non terga fugæ, sed pugnæ pectora præbent.
 Effuge. Ne virtus tua sit damnosa duobus.

12. 13. Illa quidem monuit: junctisq; per aëra cygnis
 Carpit iter. Sed stat monitis contraria virtus.
 Forte suem latebris vestigia certa secuti
 Excivêre canes: sylvisque exire parantem
 Fixerat obliquo juvenis Cinyreius ictu.
 Protinus excussit pando venabula rostro
 Sanguine tincta suo: trepidumque, & tuta petentem
 Trux aper insequitur. Tortosque sub inguine dentes
 Abdidit; & fulva moribundum stravit arena.
 Vecta levi curru, medias Cytherea per auras
 Cypron olorinis nondum pervenerat alis.
 Agnovit longe gemitus morientis, & albas
 Flexit aves illuc, Utque æthere vidit ab alto

Exanimem, inque suo jactantem sanguine corpus;
 Defiluit: pariterque sinus, pariterque capillos
 Rupit, & indignis percussit pectora palmis.
 Quæstaque cum fatis, At non tamen omnia vestri
 Juris erunt, dixit. Luctus monumenta manebunt
 Semper, Adoni, mei: repetitaque mortis imago
 Annua plangoris peraget simulamina nostri.
 At cruor in florem mutabitur. An tibi quondam
 Fœmineos artus in olentes vertere menthas,
 Persephone, licuit? nobis Cinyreïus heros
 Invidiæ mutatus erit? sic fata cruorem
 Nestare odorato spargit: qui tactus ab illo
 Intumuit, sic ut pluvio perlucida cœlo
 Surgere bulla solet. Nec plena longior hora
 Facta mora est; cum flos de sanguine concolor ortus;
 Qualem, quæ lento celant sub cortice granum,
 Punica ferre solent, brevis est tamen usus in illo.
 Namque male hærentem, & nimia levitate caducum
 Excutiunt iidem, qui præstant nomina venti.

M E T A M O R P H O S E O N LIB. XI.

I. **C**Armine dum tali sylvas, animosque ferarum,
 Threïcius vates, & saxa sequentia ducit
 Ecce nurus Ciconum tectæ lymphata ferinis
 Pectora velleribus, tumuli de vertice cernunt
 Orphea percussis sociantem carmina nervis.
 E quibus una, levem jactato crine per auram,
 En, ait, en hic est nostri contemptor, & hastam
 Vatis Apollinei vocalia misit in ora:
 Quæ foliis præfuta, notam sine vulnere fecit.
 Alterius telum lapis est, qui missus, in ipso
 Aëre concentu victus vocisque lyræque est:
 Ac veluti supplex pro tam furialibus ausis

Ante pedes jacuit. Sed enim temeraria crescunt
Bella, modusque abiit, insanaque regnat Erynnis.
Cunctaque tela forent cantu mollita; sed ingens
Clamor, & inflato Berecynthia tibia cornu,
Tympanaque, plaususque, & Baccchæi ululatus
Obstrepuere sono citharæ, tum denique saxa
Non exauditi rubuerunt sanguine Vatis.
Ac primum attonitas etiamnum voce canentis.
Innumeras volucres, anguesque, agmenque ferarum,
Mænades Orphei titulum rapuere theatri:
Inde cruentatis vertuntur in Orphea dextris:
Et coeunt, ut aves; si quando luce vagantem
Noctis avum cernunt; structoque utrinque theatro
Ut matutino cervus periturus arena
Præda canum. Vatemque petunt, & fronde virentes
Conjiciunt thyrsos, non hæc in munera, factos.
Hæ glebas, illæ direptos arbore ramos,
Pars torquent filices. Neu desint tela furori;
Forte boves presso subigebant vomere terram.
Nec procul hinc multo fructum sudore parantes,
Dura lacertosi fodiebant arva coloni.
Agmine qui viso fugiunt, operisque relinquunt
Arma sui, vacuosque jacent dispersa per agros
Sarculaque, rastrique graves, longique ligones,
Quæ postquam rapuere feræ, cornuque minaces
Divulsere boves: ad vatis fata recurrunt;
Tendentemque manus, atque illo tempore primum
Irrita dicentem, nec quicquam voce moventem,
Sacrilegæ perimunt. Perque os (prô Jupiter) illud
Auditum saxi, intellectumque ferarum
Sensibus, in ventos anima exhalata recessit.
Te mæste volucres, Orpheu, te turba ferarum,
Te rigidi filices, tua carmina sæpe secutæ
Fleverunt sylvæ, positis te frondibus arbor
Tonsa comam, luxit: lacrymis quoque flumina dicunt
Increscere

Increvisse suis, obscuraque carbasa pullo
Naiades, & Dryades, passosque habuere capillos.
Membra jacent diversa locis : caput, Hebre, lyramque
Excipis, & (mirum) medio dum labitur amne,
Flebile nescio quid queritur lyra, flebile lingua
Murmurat exanimis : respondent flebile ripæ.
Jamque mare invecitæ flumen popolare relinquunt,
Et Methymnææ potiuntur littore Lesbi
Hic ferus expositum peregrinis anguis arenis
Os petit; & iparos stillanti rore capillos
Lambit, & hymniteros inhiat divellere vultus.
Tandem Phœbus adest, morsusque inferre parantem
Arcet, & in lapidem rictus serpentis apertos
Congelat; & patulos (ut erant) indurat hiatus.
Umbra subit terras, & quæ loca viderat ante
Cuncta recognoscit, quærensque per arva piorum
Invenit Eurydicen, cupidisque amplectitur ulnis.
Hic modo conjunctis spatiantur passibus ambo :
Nunc præcedentem sequitur, nunc prævius antecit;
Eurydicenque suam jam tuto respicit Orpheus.
Non impune tamen scelus hoc finit esse Lyæus,
Amissoque dolens sacrorum vate suorum,
Protinus in sylvis matres Edonidas omnes,
Quæ videre nefas, torta radice ligavit.
Quippe pedum digitos, in quantum est quæque secuta
Traxit, & in solidam detrusit acumine terram.
Utque suum laqueis quos callidus abdedit auceps,
Crus ubi commisit volucris, sensitque teneri,
Plangitur, ac trepidans astringit vincula motu :
Sic, quæcunque solo defixa cohæserat harum,
Externata fugam frustra tentabat; at illam
Lenta tenet radix, exultantemque coercet,
Dumque ubi sint digiti, dum pes ubi quærit, & ungues
Aspicit in teretes lignum succedere suras
Et conata femur moerenti plangere dextra,

Robora

Robora percussit ; pectus quoque robora fiunt :
Robora sunt humeri : longos quoque brachia vera
Esse putes ramos : & non fallere putando.

3. Nec satis hoc Baccho est : ipsos quoque deserit agros
Cumque Choro meliore, sui vineta Tmoli
Pactolonque petit ; quamvis non aureus illo
Tempore neccaris erat invidiosus arenis,
Hunc assueta cohors Satyri Bacchæque frequentant ;
At Silenus abest : titubantem annisque meroque,
Ruricolæ cepere Phryges ; victumque coronis
Ad regem duxere Midam, cui Thracius Orpheus
Orgia tradiderat cum Cecropio Eumolpo.
Qui simul agnovit socium comitemque sacrorum ;
Hospitis adventu festum genialiter egit
Per bis quinque dies, & junctas ordine noctes.
Et jam stellarum sublime coegerat agmen
Lucifer undenus, Lydos cum lætus in agros
Rex venit ; & juveni Silenum reddit alumno,
Huic Deus optandi gratum, sed inutile, fecit
Muneris arbitrium ; gaudens altore recepto.
Ille male usus donis, ait, Effice, quicquid
Corpore contigero, fulvum vertatur in aurum.
Annuat optatis. Nocituraque munera solvit
Liber ; & indoluit quod non meliora petisset.
Lætus abit ; gaudetque malo Berecynthius heros :
Pollicitique fidem tangendo singula tentat.
Vixque sibi credens, non alta fronde virentem
Ilice detraxit virgam ; virga aurea facta est.
Tollit humo saxum : saxum quoque palluit auro.
Contigit & glebam : contactu gleba potenti
Massa fit. Arentes Ceyris decerpit aristas ;
Aurea messis erat. Demptum tenet arbore pomum :
Hesperidas donasse putes. Si postibus altis
Admovit digitos ; postes radiare videntur.

Ille etiam liquidis palmas ubi laverat undis ;
 Unda fluens palmis Danaën eludere possit.
 Vix spes ipse suas animo capit, aurea fingens
 Omnia gaudenti mensas posuere ministri
 Extructas dapibus, nec tostæ frugis egentes.
 Tum vero, siue ille sua Cerealia dextra
 Munera contigerat, Cerealea dona rigeabant.
 Sive dapes avido convellere dente parabat,
 Lamina fulva dapes, admoto dente nitebant.
 Miscuerat puris auctorem muneris undis,
 Fusile per rictus aurum fluitare videres.
 Attonitus novitate mali, divesque miserque ;
 Effugere optat opes : & quæ modo voverat, odit.
 Copia nulla famem relevat ; sitis arida guttur
 Urit, & inviso meritis torquetur ab auro.
 Ad cœlumque manus, & splendida brachia tollens,
 Da veniam, Lenæe pater, peccavimus, inquit :
 Sed miserere, precor, speciosoque eripe damno.
 Mite Deum numen Bacchus peccasse fatentem
 Restituit, pactique fide data munera solvit.
 Neve male optato maneat circumlitus auro ;
 Vade, ait, ad magnis vicinum Sardibus amnem ;
 Perque jugum montis labentibus obvius undis
 Carpe viam, donec venias ad fluminis ortus.
 Spumiferoque tuum fonti, qua plurimus exit ;
 Subde caput : corpusque simul, simul elue crimen.
 Rex iussæ succedit aquæ. Vis aurea tinxit
 Flumen, & humano de corpore cessit in amnem.
 Nunc quoque jam veteris præcepto semine venæ
 Arva rigent, auro madidis pallentia glebis.

4. Ille perosus opes, silvas & rura colebat,
 Panaque montanis habitantem semper in antris.
 Pingue sed ingenium mansit : nocituraque, ut ante,
 Rursus erant domino stolidæ præcordia mentis.
 Nam freta prospiciens late riget arduus alto

Tmolus

Tmolus in adscensu: clivoque extentus utroque,
Sardibus hinc, illinc parvis finitur Hypæpis.
Pan ibi dum teneris jactat sua carmina Nymphis,
Et leve cerata modulatur arundine carmen;
Ausus Apollineos præ se contemnere cantus.
Judice sub Tmolo certamen venit ad impar.
Monte suo senior judex confedit; & aures
Liberat arboribus. Quercu coma cærulea tantum
Cingitur; & pendent circum cava tempora glandes:
Isque Deum pecoris spectans, In judice, dixit,
Nulla mora est. Calamis agrestibus insonat ille;
Barbaricoque Midan (aderat nam forte canenti)
Carminē delinit. Post hunc facer ora retorfit
Tmolus ad os Phœbi. Vultum sua filva secuta est.
Ille caput flavum lauro Parnasside vinctus
Verrit humum, Tyrio saturata murice palla:
Instructamque fidem gemmis, & dentibus Indis.
Sustinet à læva. Tenuit manus altera plectrum.
Artificis status ipse fuit. Tum stamina docto
Pollice sollicitat, quorum dulcedine captus
Pana jubet Tmolus citharæ summittere cannas.
Judicium, sanctique placet sententia montis
Omnibus. Arguitur tamen, atque injusta vocatur
Unius sermone Midæ. Nec Delius aures
Humanam stolidas patitur retinere figuram;
Sed trahit in spatium, villisque albentibus implet:
Instabilesque imo facit; & dat posse moveri.
Cætera sunt hominis: partem damnatur in unam:
Induiturque aures lente gradientis æveli.

5. Ille quidem celare cupit; turpique pudore
Tempora purpureis tentat velare tiaris.
Sed solitus longos ferro refecare capillos,
Viderat hoc famulus. Qui cum nec prodere visum
Dedecus auderet, cupiens efferre sub auras;
Nec posset reticere tamen, secedit: humumque
Effodit.

Effodit, & domini quales aspexerit aures;
 Voce refert parva: terræque immurmerat haustæ
 Indiciumque suæ vocis tellure regeſta
 Obruit; & ſcrobibus tacitus ſecedit opertis.
 Creber arundinibus tremulis ibi ſurgere lucus
 Cœpit. Et ut primum pleno maturuit anno,
 Prodidiſt agricolam: leni nam motus ab Austro
 Obruta verba refert, dominique coarguit aures.

6. Ultus abiit Tmolo, liquidumque per aëra veſtus
 Anguſtum citra pontum Nepheleidos Helles
 Laomedonteis Latioſus adſtitit arvis.
 Dextra Sigæi, Rhoetæi læva profundî
 Ara Panomphæo vetus eſt ſacrata Tonanti.
 Inde novæ primum moliri mœnia Trojæ
 Laomedonta videt. Suſcepta magna labore
 Creſcere difficili; nec opes expoſcere parvas.
 Cumque tridentigero tumidi genitore profundî
 Mortalem induitur formam: Phrygioque tyranno
 Ædificant muros pacto pro mœnibus auro.
 Stabat opus: pretium rex inficiatur. Et addit
 Perfidiaſe cumulum falſis perſuria verbis.
 Non impune feres, rector maris inquit: & omnes
 Inclinavit aquas ad avaræ littora Trojæ.
 Inque freti formam terras convertit: opesque
 Abſtulit agricolis: & fluctibus obruit arva.
 Pœna neque hæc ſatis eſt, regis quoque filia monſtro
 Poſcitur æquoreo. Quam dura ad ſaxa revinctam
 Vindicat Alcides: promiſſaque munera dictos
 Poſcit equos: tantique operis mercede negata
 Bis perſura capit ſuperatæ mœnia Trojæ.
 Nec pars militiæ Telamon ſine honore receſſit:
 Heſioneque data potitur. Nam conjuge Peleus
 Clarus erat Diva, nec avi magis ille ſuperbit
 Nomine, quam ſoceri. Si quidem Jovis eſſe nepoti
 Contigit haud uni, conjux Dea contigit uni.

7. Nam-

7. Namque senex Theridi Proteus, Dea dixerat, udæ,
Concipe, mater eris juvenis qui fortibus actis
Acta patris vincet; majorque vocabitur illo.
Ergo ne quidquam mundus Jove majus haberet;
Quamvis haud tepidos sub pectore senserat ignes
Jupiter, æquoræ Thetidis connubia vitat.
In suaque Æaciden succedere vota nepotem
Jussit: & amplexus in virginis ire marinæ.
Est sinus Æmonia, curvos falcatus in arcus,
Brachia procurrunt. Ubi si foret altior unda,
Portus erat; summis inductum est æquor arenis.
Littus habet solidum, quod nec vestigia servet;
Nec remoretur iter: nec opertum pendeat alga.
Myrtea sylva subest bicoloribus obsita baccis.
Est specus in medio; natura factus, an arte,
Ambiguum: magis arte tamen: quo sæpe venire
Frænato delphine sedens, Theti nuda, solebas.
Illic te Peleus, ut somno victa jacebas;
Occupat, & quoniam precibus tentata repugnas;
Vim parat, ambobus innectens colla lacertis.
Quod nisi venisses variatis sæpe figuris
Ad solitas artes; auso foret ille potitus.
Sed modo tu volucris, volucrem tamen ille tenebat,
Nunc gravis arbor eras: hærebat in arbore Peleus.
Tertia forma fuit maculosæ tigridis: illa
Territus Æacides, à corpore brachia solvit;
Isque Deus pelagi, vino super æquora fuso,
Et pecoris fibris, & fumo thuris adorat.
Donec Carpathius medio de gurgite vates
Æacide, dixit, thalamis potiêre petitis.
Tu modo, cum gelido sopita quiescet in antro,
Ignaram laqueis, vincloque innecte tenaci.
Nec te decipiat centum mentita figuras:
Sed preme quicquid erit, dum quod fuit ante reformet
Dixerat hæc Proteus. Et condidit æquore vultum;

Admisitque suos in verba novissima fluctus,
 Pronus erat Titan, inclinatoque tenebat
 Hesperium temone frerum : cum pulchra relicto
 Nereius ingreditur consueta cubilia ponto.
 Vix bene virgineos Peleus invaserat artus :
 Illa novat formas, donec sua membra teneri
 Sentit : & in partes diversas brachia tendens,
 Tum demum ingemuit, Neque ait, sine numine vincis.
 Exhibita estque Thetis. Confessam amplectitur heros,
 Et potitur votis, ingentique implet Achille.

8. Felix & nato, telix & conjuge Peleus,
 Et cui, si demas jugulati crimina Phoci,
 Omnia contigerant. Fraternal sanguine fontem,
 Expulsumque domo patria Trachinia tellus
 Accipit. Hic regnum sine vi, sine cæde regebat
 Lucifero genitore satus, patriumque nitorem
 Ore ferens Ceyx ; illo qui tempore mæstus,
 Dissimilisque sui, fratrem lugebat ademptum.
 Quo postquam Æacides, iessus, curaue, viaque,
 Venit, & intravit paucis comitantibus urbem ;
 Quosque greges pecorum, quæ secum armenta trahebat,
 Haud procul à muris sub opaca valle reliquit ;
 Cópia cum facta est adeundi prima tyranni ;
 Velamenta manu prætendens supplice, qui sit,
 Quoque satus memorat. Tantum sua crimina celat,
 Mentitusque fugæ causam : petit urbe, vel agro
 Se juvet. Hunc contra placido Trachinius ore
 Talibus alloquitur : Mediæ quoque commoda plebi
 Nostra patent, Peleu ; nec inhospita regna tenemus,
 Adjicis huic animo, monumenta potentia, clarum
 Nomen, avumque Jovem. Nec tempora perde precando :
 Quod petis omne feres ; tuæque hæc pro parte videto,
 Qualiacunque vides, utinam meliora videres.
 Et flebat. Moveat quæ tantos causa dolores,
 Peleusque comitesque rogant. Quibus ille profatur :

Forſitan

Forſitan hanc volucrem, raptò quæ vivit, & omnes
Terret aves, ſemper pennas habuiſſe putetis.
Vir fuit, & tanta eſt animi conſtantia, quantum
Acer erat. Belloque ferox : ad vimque paratus,
Nomine Dædalion, illo genitore creatus ;
Qui vocat Auroram ; cœloque noviffimus exit.
Culta mihi pax eſt, pacis mihi cura tuendæ,
Conjugiique fuit : fratri fera bella placebant.
Illius virtus reges, gentesque ſubegit :
Quæ nunc Thisbeas agitat mucata columbas.
Nata erat huic Chione : quæ dotatiſſima forma
Mille procis placuit, bis ſeptem nubilis annis.
Forte revertentes Phœbus, Majaque creatus,
Ille ſuis Delphis, hic vertice Cyllenæo,
Videre hanc pariter. Pariter traxêre calorem.
Spem Veneris differt in tempora noctis Apollo,
Non tulit ille moras, virgaque movente ſoporem
Virginis os tangit. Tactu jacet illa potenti,
Vimque Dei patitur. Nox cœlum ſparſerat aſtris :
Phœbus anum ſimulat, præceptaque gaudia ſumit.
Ut ſua maturus complevit tempora venter ;
Alipedis de ſtirpe Dei verſuta propago
Nascitur Autolycus, furtum ingenioſus ad omne :
Qui facere aſſuerat patriæ non degener artis
Candida de nigris, & de candentibus atra.
Nascitur è Phœbo (namque eſt enixa gemellos)
Carminè vocali clarus, citharaque Philammon,
Quid peperiſſe duos, & Dis placuiſſe duobus ;
Et forti genitore, & progenitore Tonanti
Eſſe ſatam prodeſt ? an obest quoque gloria multis ?
Obſuit huic certe ; quæ ſe præferre Dianæ
Sultinuit, faciemque Deæ culpavit. At illi
Ira ferox mota eſt : Factisque placebimus, inquit.
Nec mora ; curvavit cornu : nervoque ſagittam
Impulit : & meritam trajecit arundine linguam.

Lingua

Lingua tacet, nec vox, tentataque verba sequuntur :
 Conantemque loqui, cum sanguine vita reliquit.
 Quam miser (ô pietas !) ego tunc, patruoque dolorem
 Corde tuli : fratrique pio solamina dixi.
 Quæ pater haud aliter quam cautes murmura ponti
 Accipit ; & natam delamentatur ademptam.
 Ut vero ardentem vidit ; quater impetus illi
 In medios fuit ire rogos : quater inde repulsus,
 Concita membra fugæ mandat : similisque juveneo
 Spicula crabronum pressa cervice gerenti,
 Qua via nulla ruit : jam tum mihi currere visus
 Plus homine est : alasque pedes sumpsisse putares.
 Effugit ergo omnes ; veloxque cupidine leti
 Vertice Parnassi potitur. Miseratus Apollo,
 Cum se Dædalion faxo misisset ab alto,
 Fecit avem, & subitis pendentem sustinet alis ;
 Oraque adunca dedit, curvos dedit unguibus hamos,
 Virtutem antiquam, majores corpore vires.
 Et nunc Accipiter nulli satis æquus, in omnes
 Sævitur aves, aliisque dolens fit causa dolendi.

9. Quæ dum Lucifero genitus miracula narrat
 De consorte suo, cursu festinus anhelos,
 Advolat armenti custos Phocæus Anetor.
 Et Peleu, Peleu, magnæ tibi nuncius adsum
 Cladis, ait. Quodcunque ferat, jubet edere Peleus :
 Pendet & ipse metu trepidat Trachinius heros.
 Ille refert ; Fessos ad littora curva juvencos
 Appuleram, medio cum sol altissimus orbe
 Tantum respiceret, quantum superesse videret ;
 Parsque boum fulvis genua inclinarat arenis.
 Latarumque jacens campos spectabat aquarum :
 Pars gradibus tardis illuc errabat, & illuc ;
 Nant alii, celsoque exstant super æquora collo.
 Tempia mari subsunt, nec marmore clara, nec auro,
 Sed trabibus densis, lucoque umbrosa vetusto.

Nereides

Nereïdes Nereusque tenent. Hos navita, templi
Edidit esse Deos, dum retia littore siccant.
Juncta palus huic est densis obsessa salictis,
Quam restagnantis fecit maris unda paludem.
Inde fragore gravis strepitans loca proxima terret
Bellua vasta, lupus, sylvisque palustribus exit.
Oblitus & spumis & spisso sanguine rictus
Fulmineos, rubra suffusus lumina flamma.
Qui, quanquam sævit pariter rabieque fameque,
Acrior est rabie. Neque enim jejunia curat
Cæde boum diramque famam satiare, sed omne
Vulnerat armentum, sternitque hostiliter omne.
Pars quoque de nobis funesta faucia morfu,
Dum detensamus, leto est data. Sanguine littus
Undaque prima rubet, demugitæque paludes.
Sed mora damnosa est, nec res dubitare remittit.
Dum superest aliquid, cuncti coëamus & arma:
Arma capeffamus, conjunctaque tela feramus.
Dixerat agrestis, nec Pelea damna movebant:
Sed memor admissi Nereïda colligit orbam
Damna sui inferias extincto mittere Phoco.
Induere arma viros, violentaque sumere tela
Rex jubet Oetæus, cum queis simul ipse parabat
Ire. Sed Halcyone conjux excita tumultu
Profilit, & nondum tortos ornata capillos;
Disjicit hos ipsos: colloque infusa mariti,
Mittat ut auxilium sine se, verbisque precatur,
Et lacrymis; animasque duas conservet in una.
Æacides illi, Pulchros, Regina, piosque
Pone metus. Plena est promissi gratia vestri.
Non placet arma mihi contra nova monstra moveri.
Numen adorandum pelagi est. Erat ardua turris;
Arce loci summa; fessis loca grata carinis.
Ascendunt illuc, stratosque in littore tauros
Cum gemitu aspiciunt; vastatoremque cruento

Ore ferum, longosque infectum sanguine villos.
 Inde manus tendens in aperti littora ponti,
 Cæruleam Peleus Pſamathen, ut finiat iram,
 Orat ; opemque ferat. Nec vocibus illa rogantis
 Flectitur Æacidæ. Thetis hanc pro conjugē supplex
 Accepit veniam. Sed enim irrevocatus ab acri
 Cæde, lupus perstat dulcedine sanguinis asper,
 Donec inhærenti laceræ cervice juvencæ
 Marmore mutavit corpus, præterque colorem
 Omnia servavit : lapidis color indicat illum
 Jam non esse ferum, jam non debere timeri:
 Nec tamen hac profugum consistere Pelea terra
 Fata sinunt : Magnetas adit vagus exsul, & illic
 Sumit ab Hæmonia purgamina cædis Acasto.

10. Interea fratrisque sui, fratremque secutis
 Anxia prodigiis turbatus pectora Ceyx,
 Consulat ut sacras hominum oblectamina fortes;
 Ad Clarium parat ire Deum : nam templa profanus
 Invia cum Phlegyis faciebat Delphica Phorbas.
 Consilii tamen ante sui fidissima certam
 Te facit, Halcyone : cui protinus intima frigus
 Offa receperunt; buxoque simillimus ora
 Pallor obit ; lacrymisque genæ maduere profusis.
 Ter conata loqui, ter fletibus ora rigavit :
 Singultuque pias interrumpente querelas,
 Quæ mea culpa tuam, dixit, charissime, mentem
 Vertit ? ubi, quæ cura mei prius esse solebat ?
 Jam potes Halcyone securus abesse relicta ?
 Jam via longa placet ? jam sum tibi carior absens ?
 At puto per terras iter est, tantumque dolebo,
 Non etiam metuam, curæque timore carebunt.
 Æquora me terrent, & ponti tristis imago :
 Et laceras nuper tabulas in littore vidi :
 Et sæpe in tumulis sine corpore nomina legi.

Neve tuum fallax animum fiducia tangat ;
Quod focer Hippotades tibi sit ; qui carcere fortes
Contineat ventos, & cum velit, æquora placet.
Cum semel emissi tenuerunt æquora venti,
Nil illis vetitum est : incommendataque tellus
Omnis, & omne fretum. Cœli quoque nubila vexant;
Excutiuntque feris rutilos concursibus ignes.
Quo magis hos novi (nam novi : & sæpe paterna
Parva domo vidi) magis hoc reor esse timendos.
Quod tua si flecti precibus sententia nullis,
Care, potest, conjux, nimiumque es certus eundi ;
Me quoque tolle simul. Certe jactabimur una :
Nec, nisi quæ patiar, metuam : pariterque feremus
Quicquid erat : pariter super æquora lata feremur
Talibus Æolidos dictis lacrymisque movetur
Sidereus conjux : neque enim minor ignis in ipso.
Sed neque propositos pelagi dimittere cursus ;
Nec vult Halcyonen in partem adhibere pericli :
Multaque respondit timidum solantia pectus.
Non tamen idcirco causam probat, addidit illis
Hoc quoque lenimen, quo solo flexit amantem,
Longa quidem nobis omnis mora : sed tibi juro
Per patrios ignes (si me modo fata remittant)
Ante reversurum, quam Luna bis impleat orbem.
His ubi promissis spes est admota recursus ;
Protinus eductam navalibus æquore tingi,
Aptarique suis pinum jubet armamentis.
Qua rursus visa, veluti præiuga futuri,
Horruit Halcyone : lacrymasque emisit obortas:
Amplexusque dedit, tristisque miserrima tandem,
Ore, Vale, dixit; collapsaque corpore tota est.
At juvenes, quærente moras Ceyce, reducunt
Ordinibus geminis ad fortia pectora remos :
Æqualique ictu findunt freta. Sustulit illa
Humentes oculos ; stantemque in puppe recurva,

Concussaue manu dantem sibi signa maritum
Prima vidit, redditque notas, ubi terra recessit
Longius, atque oculi nequeunt cognoscere vultus;
Dum licet, insequitur fugientem lumine pinum.
Hæc quoque ut haud poterat spatio summota videri;
Vela tamen spectat summo fluitantia malo.
Ut nec vela videt; vacuum petit anxia lectum:
Seque toro sternit. Renovat lectusque, locusque
Halcyonæ lacrymas: & quæ pars admonet ablit:
Portubus exierant; & moverat aura rudentes;
Obvertit lateri pendentes navita remos;
Cornuaque in summa locat arbore; totaque malo
Carbasa deducit: venientesque excipit auras.
Aut minus, aut certe medium non amplius æquor
Puppe secabatur, longeque erat utraque tellus;
Cum mare sub noctem tumidis albescere cœpit.
Fluctibus, & præceps spirare valentius Eurus.
Ardua jamjudum demittite cornua rector
Clamat; & antennis totum subnectite velum.
Hic jubet; impediunt adversæ jussa procellæ,
Nec finit audiri vocem fragor æquoris ullam.
Sponte tamen properant, alii subducere remos;
Pars munire latus; pars ventis vela negare.
Egerit hic fluctus, æquorque refundit in æquor,
Hic rapit antennas. Quæ dum sine lege geruntur;
Aspera crescit hyems, omnique è parte feroces
Bella gerunt venti; fretaque indignantia miscent.
Ipse pavet, nec se, qui sit status, ipse fatetur
Scire ratis rector, nec quid jubeatve, vetetve.
Tanta mali moles, totaque potentior arte est.
Quippe sonant clamore viri, stridore rudentes,
Undarum incurfu gravis unda, tonitribus æther.
Fluctibus erigitur, cœlumque æquare videtur
Pontus, & inductas aspergine tangere nubes.
Et modo, cum fulvas ex imo verrit arenas;

Concolor est illis; Stygia modo nigrior unda:
Sternitur interdum; spumisque sonantibus albet.
Ipsa quoque his agitur vicibus Trachinia puppis:
Et modo sublimis veluti de vertice montis
Despicere in valles imumque Acheronta videtur:
Nunc, ubi demissam curvum circumstetit æquor,
Susplicere inferno summum de gurgite cœlum.
Sæpe dat ingentem fluctu latus icta fragorem:
Nec levius pulsata sonat, quam ferreus olim
Cum laceras aries, ballistave concutit arces.
Utque solent, sumptis in cursu viribus, ire
Pectore in arma feri, prætentaque tela leones;
Sic ubi se ventis admiserat unda coortis,
Ibat in arma ratis; multoque erat altior illis.
Jamque labant cunei, spoliataque tegmine ceræ
Rima patet; præbetque viam letalibus undis.
Ecce cadunt largi resolutis nubibus imbres:
Inque fretum credas totum descendere cœlum:
Inque plagas cœli tumefactum scandere pontum.
Vela madent nimbis, & cum cælestibus undis
Æquoreæ miscentur aquæ: caret ignibus æther,
Cæcaque nox premitur tenebris hyemisque, suisque.
Discutiunt tamen has, præbentque micantia lumen
Fulmina: fulmineis ardescunt ignibus undæ.
Dat quoque jam saltus intra cava texta carinæ
Fluctus. Et ut miles numero præstantior omni
Cum sæpe affluit defensæ mœnibus urbis;
Spe potitur tandem; laudisque accensus amore
Inter mille viros, murum tamen occupat unus:
Sic ubi pulsarunt celsi latera ardua fluctus;
Vastius insurgens decimæ ruit impetus undæ:
Nec prius abstitit fessam oppugnare carinam,
Quam velut in captæ descendat mœnia navis.
Pars igitur tendebat adhuc invadere pinam;
Pars maris intus erat. Trepidant haud segnius omnes;
Quam

Quam solet urbs, aliis murum fodientibus extra,
 Atque aliis murum, trepidare, tenentibus intus.
 Deficit ars, animique cadunt; totidemque videntur,
 Quot veniant fluctus, ruere, atque irrumpere mortes.
 Non tenet hic lacrymas, stupet hic, vocat ille beatos,
 Funera quos maneant: hic votis numen adorat,
 Brachiaque ad cœlum, quod non videt, irrita tendens
 Poscit opem; subeunt illi fratresque, parensque;
 Huic cum pignoribus domus, & quod cuique reli-
 (Etum est:

Halcyone Ceyca movet: Ceycis in ore
 Nulla nisi Halcyone est, & cum desideret unam;
 Gaudet abesse tamen. Patriæ quoque vellet ad oras
 Respicere, inque domum supremos vertere vultus.
 Verum ubi sit nescit; tanta vertigine pontus
 Fervet: & inducta piceis è nubibus umbra
 Omne latet cœlum: duplicataque noctis imago.
 Frangitur incursum nimborum turbine arbor,
 Frangitur & regimen: spoliisque animosa superbit
 Unda, velut victrix: sinuataque despicit undas.
 Nec levius, quam si quis Athon, Pindumve revulsos
 Sede sua totos in apertum everterit æquor;
 Præcipitata ruit, pariterque & pondere, & ictu,
 Mergit in ima ratem. Cum qua pars magna virorum
 Gurgite pressa gravi, neque in aëra reddita, fato
 Functa suo est. Alii partes, & membra carinæ
 Trunca tenent. Tenet ipse manu, qua sceptrâ solebat,
 Fragmina navigii Ceyx, socerumque, patremque
 Invocat (heu) frustra. Sed plurima nantis in ore
 Halcyone conjux: illam meminitque, refertque;
 Illius ante oculos, ut agant sua corpora fluctus,
 Optat, ut exanimis manibus rumuletur amicis,
 Dum natat, absentem, quoties finit hiscere fluctus,
 Nominat Halcyonen: ipsique immurmurat undis.
 Ecce super medios fluctus niger arcus aquarum

Frangitur, & rupta mersum caput obruit unda.
Luciter obscurus, nec quem cognoscere posses,
Illa nocte fuit: quoniamque excedere Olympo
Non licuit, densis cexit sua nubibus ora.
Æolis interea tantorum ignara malorum
Dinumerat noctes; & jam quas, induat ille,
Festinat vestes, jam quas, ubi venerit ille,
Ipsa gerat. Reditusque sibi promittit inanes.
Omnibus illa quidem superis pia thura ferebat:
Ante tamen cunctos Junonis templa colebat;
Proque viro, qui nullus erat, veniebat ad aras.
Utque foret sospes conjux suus, utque rediret,
Optabat, nullamque sibi præferret: at illi
Hoc de tot votis poterat contingere solum.
At Dea non ultra pro functo morte rogari
Sustinet, utque manus funestas arceat aris;
Iri, meæ, dixit, fidissima nuncia vocis,
Vise soporiferam Somni velociter aulam;
Extinctique jube Ceycis imagine mittat
Somnia ad Halcyonen veros narrantia casus.
Dixerat. Induitur velamina mille colorum
Iris, & arcuato cælum curvamine signans
Tecta petit jussi sub rupe latentia regis.
Est prope Cimmerios longo spelunca recessu,
Mons cavus, ignavi domus & penetralia Somni:
Quo nunquam radiis oriens, mediæve, cadensve
Phœbus adire potest. Nebulæ caligine mistæ
Exhalantur humo: dubiæque crepuscula lucis.
Non vigil ales ibi cristati cantibus oris
Evocat auroram: nec voce silentia rumpunt
Sollicitive canes, canibusve sagacior anser,
(Garrula nec Progne stertentia pectora mulcet.)
Non fera, non pecudes, non moti flamine rami,
Humanæve sonum reddunt convicia linguæ.
Muta quies habitat, saxo tamen exit ab imo

Rivus aquæ Lethes: per quem cum murmure labens
Invitat somnos crepitantibus unda lapillis.
Ante fores antri scœcunda papavera florent,
Innumeræque herbæ quarum de lacte soporem
Nox legit; & spargit per opacas humida terras.
Janua ne verso stridorem cardine reddat;
Nulla domo tota, custos in limine nullus.
At medio torus est ebено sublimis in antro
Plumeus, unicolor, pullo velamine tectus:
Quo cubat ipse Deus, membris languore solutis:
Hunc circa passim varias imitantia formas
Somnia vana jacent totidem, quot messis aristas,
Sylva gerit frondes, ejectas littus arenas.
Quo simul intravit, manibusque obstantia virgo
Somnia dimovit; vestis fulgore reluxit
Sacra domus; tardaue Deus gravitate jacentes
Vix oculos tollens; iterumque iterumque relabens
Summaque percutiens nutanti pectora mento;
Excussit tandem sibi se: cubitoque levatus
Quid veniat (cognorat enim) sciat. At illa,
Somne quies rerum, placidissime Somne Deorum,
Pax animi, quem cura fugit; qui membra diurnis
Festa ministeriis mulces, reparasque labori;
Somnia, quæ veras æquent imitamine formas;
Herculeæ Trachine jube, sub imagine regis,
Halcyonen adeant, simulacraque naufraga fingant:
Imperat hoc Juno. Postquam mandata peregit
Iris; abit: neque enim ulterius tolerare soporis
Vim poterat; labique ut somnum sensit in artus;
Effugit; & remeat, per quos modo venerat arcus.
At pater è populo natorum mille suorum
Excitat artificem, simulatoremque figuræ
Morphea. Non illo jussos sollertius alter.
Exprimit incessus, vultumque sonumque loquendi,
Adjicit & vestes, & consuetissima cuique

verba. Sed hic solos homines imitatur, at alter
Fit fera, fit volucris, fit longo corpore serpens.
Hunc Icelon Superi, mortale Phobetora vulgus
Nominat. Est etiam diversæ tertius artis
Phantasos : ille in humum, saxumque, undamque
(trabemque
Quæque vacant anima fallaciter omnia transit.
Regibus hi, ducibusque suos ostendere vultus
Nocte solent : populos alii, plebemque pererrant.
Præterit hos senior. Cunctisque è fratribus unum
Morphea, qui peragat Thaumantidos edita. Somnus
Eligit : & rursus molli languore solutus
Deposuitque caput, stratoque recondidit alto.
Ille volat, nullos strepitus facientibus alis.
Per tenebras. Intraque moræ breve tempus in urbem
Pervenit Hæmoniam : positisque è corpore pennis
In faciem Ceycis abit, sumptaque figura
Luridus, exsanguis similis, sine vestibus ullis,
Conjugis ante torum miseræ stetit; uda videtur
Barba viri, madidisque gravis fluere unda capillis.
Tum lecto incumbens, fletu super ora profuso,
Hæc ait : Agnoscis Ceyca, miserrima conjux ?
An mea mutata est facies nece ? respice, nosces ;
Inveniesque tuo pro conjugis conjugis umbram.
Nil opis Halcyone nobis tua vota tulerunt.
Occidimus. Falso tibi me promittere noli.
Nubilis Ægæo deprendit in æquore navim
Auster, & ingenti jactatam flamine solvit :
Oraque nostra tuum frustra clamantia nomen
Implerunt fluctus. Non hæc tibi nunciat auctor
Ambiguus : non ista vagis rumoribus audis.
Ipse ego fata tibi præsens mea naufragus edo.
Surge, age : da lacrymas ; lugubriaque indue : nec me
Indeploratum sub inania tartara mitte.
Adjicit his vocem Morpheus ; quam conjugis illa
Cre-

Crederet esse sui. Fletus quoque fundere veros
 Visus erat, gestumque manus Ceycis habebant,
 Ingemit Halcyone. Lacrymas mover, atque lacertos
 Per somnum, corpusque petens amplectitur auras :
 Exclamatque, Mane, quo te rapis ? ibimus una.
 Voce sui, specieque viri turbata. Soporem
 Excutit ; & primo si sit circumspicit illic,
 Qui modo visus erat. (Nam moti voce ministri
 Intulerant lumen) postquam non invenit usquam ;
 Perculit ora manu : laniatque à pectore vestes :
 Pectoraque ipsa ferit. Nec crinem solvere curat ;
 Scindit ; & altrici quæ luctus causa roganti,
 Nulla est Halcyone, nulla est, ait ; occidit una
 Cum Ceyce suo. Solantia tollite verba ;
 Naufragus interiit. Vidi, agnovique ; manusque
 Ad discedentem, cupiens retinere, tetendi.
 Umbra fugit : sed & umbra tamen manifesta, virique
 Vera mei. Non ille quidem, si quæris, habebat
 Assuetos vultus, nec quo prius ore nitebat.
 Pallentem, nudumque, & adhuc humente capillo
 Infelix vidi. Stetit hoc miserabilis ipso
 Ecce loco : & quærit vestigia si qua supersint.
 Hoc erat, hoc animo quod divinante timebam ;
 Et ne, me fugiens, ventos sequerere, rogabam.
 At certe vellem, quoniam periturus abibas ;
 Me quoque duxisses. Tecum fuit utile, tecum
 Ire mihi. Neque enim de vitæ tempore quidquam
 Non simul egissem : nec mors discreta fuisset.
 Nunc absens pereo, jactor quoque fluctibus absens ;
 Et sine me, me pontus habet. Crudelior ipso
 Sit mihi mens pelago ; si vitam ducere nitar
 Longius ; & tanto pugnem superesse dolori.
 Sed neque pugnabo : nec te, miserande, relinquam :
 Et tibi nunc saltem veniam comes ; inque sepulchro
 Si non urna, tamen junget nos litera, si non

Ossibus ossa meis; at nomen nomine tangam.
 Plura dolor prohibet; verboque intervenit omni
 Plangor, & attonito gemitus à corde trahuntur.
 Mane erat, egreditur tectis ad litus: & illum
 Mœsta locum repetit; de quo spectarat euntem.
 Dumque moratur ibi, dumque, Hinc retinacula solvit.
 Hoc mihi discedens dedit oscula littore, dicit.
 Dumque notata oculis reminiscitur acta, fretumque
 Prospicit; in liquida spatio distante tuetur
 Nescio quid quasi corpus, aqua. Primoque quid illud
 Effet, erat dubium postquam paulum appulit unda;
 Et, quamvis aberat, corpus tamen esse liquebat;
 Quis foret, ignorans, quia naufragus, omine mora,
 Et tamquam ignoto lacrymam daret, Heu miser,
 (inquit,
 Quisquis es, & si qua est conjux tibi! fluctibus actum
 Fit propius corpus. Quod quo magis illa tuetur,
 Hoc minus, & minus est mentis sua: jamque pro-
 (pinquæ
 Admotum terræ, jam quod cognoscere posset,
 Cernit, erat conjux. Ille est, exclamat: & unâ
 Ora, comas, vestem lacerat: tendensque trementes
 Ad Ceyca, manus, Sic, ô carissime conjux.
 Sic ad me, miserande, redis? ait. Adjacet undis
 Facta manu moles: quæ primas æquoris iras
 Frangit: & incursus quæ prædelassat aquarum.
 Infilit huc. Mirumque fuit potuisse; volabat;
 Percutiensque levem modo natis aëra pennis,
 Stringebat summas ales miserabilis undas.
 Dumque volat; mœsto similem, plenumque querelæ
 Ora dedêre sonum tenui crepitantia rostro.
 Ut vero tetigit mutum, & sine sanguine corpus;
 Dilectos artus amplexa recentibus alis,
 Frigida nequicquam duro dedit oscula rostro.
 Senerit hoc Ceyx, an vultum motibus undæ

Tollere

Tollere sit visus, populus dubitabat: at ille
Senserat. Et tandem superis miserantibus, ambo
Alite mutantur. Fatis obnoxius isdem.

Tunc quoque mansit amor, nec conjugiale solutum est
Foedus in alitibus. Coeunt, fiuntque parentes;
Perque dies placidos hiberno tempore septem
Incubat Halcyone pendentibus æquore nidis.

Tum via tuta maris: ventos custodit, & arcet
Æolus egressu: præstatque nepotibus æquor.

II. Hos aliquis senior circum freta lata volantes
Spectat: & ad finem servatos laudat amores.
Proximus, aut idem, si fors tulit, hic quoque, dixit,
Quem mare carpentem substrictaque crura gerentem
Aspicias (ostendens spatiosum in guttura mergum)
Regia progenies. Et, si descendere ad ipsum
Ordine perpetuo quæris, sunt hujus origo
Ilus, & Assaracus, raptusque Jovi Ganymedes,
Laomedonque senex, Priamusque novissima Trojæ
Tempora fortitus, Frater fuit Hectoris iste:
Qui nisi sensisset prima nova fata juventa;
Forfitan inferius non Hectore nomen haberet:
Quamvis est illum proles enixa Dymantis,
Æsacon umbrosa furtim peperisse sub Ida
Fertur Alyxothoe Granico nata bicorni.
Oderat hic urbes: nitidaque remotus ab aula
Secretos montes, & inambitiosa colebat
Rura: nec Iliacos cœtus, nisi rarus adibat
Non agreste tamen, nec inexpugnabile amorî
Pectus habens, sylvas captatam sæpe per omnes
Aspicit Hesperien patria Cebrenida ripa,
Injectos humeris ficcantem sole capillos.
Visa fugit Nymphæ, veluti perterrita fulvum
Cerva lupum, longeque lacu deprensa relicto
Accipitrem fluvialis anas. Quam Troïus heros
Insequitur: celeremque metu, celer urget amore.

Ecce latens herba coluber fugientis adunco
 Dente pedem stringit : virusque in corpore linquit.
 Cum vita suppressa fuga est, amplectitur amens
 Exanimem : clamatque, Piget, piget esse secutum,
 Sed non hoc timui, nec erat mihi vincere tanti.
 Perdidimus miseram nos te duo. Vultus ab angue,
 A me caussa data est. Ego sum sceleratior illo.
 Qui tibi morte mea mortis solatia mittam.
 Dixit : & è scopulo, quem rauca subederat unda,
 Se dedit in pontum. Tethys miserata cadentem
 Molliter excepit : nantemque per æquora pennis
 Texit : & optatæ non est data copia mortis.
 Indignatur amans invitum vivere cogi ;
 Obstarique animæ misera de sede volenti
 Exire. Utiqve novas humeris assumpserat alas,
 Subvolat : atque iterum corpus super æquora mittit.
 Pluma levat casus, furit Ælacos : inque profundum
 Pronus abit, letique viam sine fine retentat.
 Fecit amor maciem : longa internodia crurum ;
 Longa manet cervix ; caput est à corpore longe.
 Æquor amat : nomenque tenet, quia mergitur illo.

METAMORPHOSEON LIB. XII.

1. **N**Escius assumptis Priamus pater Ælacon alis
 Vivere, lugebat, tumulo quoque nomen ha-
 (bent

Inferias dederat cum fratribus Hector inanes.
 Defuit officio Paridis præsentia tristi :
 Post modo qui rapta longum cum conjuge bellum
 Attulit in patriam ; conjuratæque sequuntur
 Mille rates, gentisque simul commune Pelagæ.
 Nec dilata foret vindicta ; nisi æquora sævi
 Invia fecissent venti ; Bœotæque tellus

Aulide piscosa nuppēs tenuisset ituras.

Hic patrio de more Jovi cum sacra parassent ;

Ut vetus accensis incanduit ignibus ara ;

Serpere cæruleum Danaï vidēre draconem

In platanum : cœptis quæ stabat proxima sacris.

Nidus erat volucrum bis quattuor arbore summa :

Quas simul, & matrem circum sua damna volantem

Corripuit serpens : avidaque recondidit alvo.

Obstupuēre omnes. At veri providus augur

Thestorides, Vincemus, ait : gaudete, Pelasgi.

Troja cadet ; sed erit nostri mora longa laboris.

Atque novem volucres in belli digerit annos.

Ille ut erat virides amplexus in arbore ramos ;

Fît lapis, & servat serpentis imagine saxum.

2. Permanet Aoniis Nereus violentus in undis :

Velaque non transfert : & sunt qui parcere Trojæ

Neptunum credant ; quia mœnia fecerit urbi.

At non Thestorides : neque enim nescitve, tacetve

Sanguine virgineo placandam virginis iram

Esse Deæ. Postquam pietatem publica caussa,

Rexque patrem vicit ; castumque datura cruorem

Flentibus ante aram stetit Iphigenia ministris.

Victa Dea est : nubemque oculis objectat : & inter

Officium, turbamque sacri, vocesque precantum,

Supposita fertur mutasse Mycenida cerva.

Ergo ubi, qua decuit lenita est cæde Diana ;

Et pariter Phœbus, pariter maris ira recessit :

Accipiunt ventos à tergo mille carinæ :

Multaque perpeffæ Phrygia potiuntur arena.

Orbe locus medio est inter terrasque, fretumque,

Cælestesque plagas, triplicis confinia mundi ;

Unde quod est usquam, quamvis regionibus absit,

Inspicitur ; penetratque cavas vox omnis ad aures.

Fama tenet, summaque domum sibi legit in arce :

Immurosque additus, ac mille foramina rectis

Addidit,

Addidit, & nullis inclusit limina portis.

Nocte, dieque patet : tota est ex ære sonanti :

Tota fremit : vocesque refert : iteratque quod audit.

Nulla quies intus, nullaque silentia parte.

Nec tamen est clamor, sed parvæ murmura vocis :

Qualia de pelagi (si quis procul audiat) undis

Esse solent : qualemve sonum, cum Jupiter atras

Increpuit nubes, extrema tonitura reddunt.

Atria turba tenent : veniunt leve vulgus ; euntque.

Mistaque cum veris passim commenta vagantur

Millia rumorum ; confusaque verba volutant.

E quibus hi vacuas implent sermonibus auras ;

Hi narrata ferunt aliis : mensuraque ficti

Crescit ; & auditis aliquid novus adjicit auctor.

Illic Credulitas, illic temerarius Error,

Vanaque Lætitia est, consternatique Timores,

Seditioque repens, dubioque auctore Susurri.

Ipsa quid in cœlo rerum, pelagoque geratur

Et tellure videt ; totumque inquirat in orbem.

5. Fecerat hæc notum, Grajas cum milite forti

Adventare rates ; neque inexpectatus in armis

Hostis adest : prohibent aditis, littusque tuentur

Troës : & Hectorea primus fataliter hasta

Protesilaë cadis : commissaque proelia magno

Stant Danaïs ; fortesque animæ, neque cognitus Hector.

Nec Phryges, exiguo quid Achaïa dextera possit

Sanguine senserunt : & jam Sigæa rubebant

Littora ; jam leto proles Neptunia Cygnus

Mille viros dederat : jam curru stabat Achilles :

Totaque Peliacæ sternebat cuspidis istsu

Agmina : perque acies aut Cygnum, aut Hectora

(quærens,

Congreditur Cygno : decimum dilatus in annum

Hector erat. Tum colla iugo candentia pressos

Exhortatus equos, currum direxit in hostem :

Concutiensque suis vibrantia tela lacertis,
 Quisquis es, ô juvenis, solatia mortis habeto,
 Dixit, ab Æmonio quod sis jugulatus Achille.
 Hactenus Æacides. Vocem gravis hasta secuta est.
 Sed quamquam certa nullus fuit error in hasta ;
 Nil tamen emissi profecit acumine ferri:
 Utque hebeti pectus tantummodo contudit ictu ;
 Nate Dea (nam te fama prænovimus) inquit
 Ille, quid à nobis vulnus miraris abesse?
 (Mirabatur enim) non hæc, quam cernis equinis
 Fulva jubis, cassis, neque onus cava parma sinistræ
 Auxilio mihi sunt: decor est quæsitus ab istis.
 Mars quoque ob hoc capere arma solet. Removebi-
 (tur omne

Tegminis officium ; tamen indistrictus abibo.
 Est aliquid, non esse satum Nereide, sed qui
 Nereaque, & natas & torum temperet æquor,
 Dixit : & hæsurum clypei curvamine telum
 Misit in Æaciden : quod & æs, & proxima rupit
 Terga novena boum ; decimo tamen orbe moratum
 Excudit hoc heros ; rursusque trementia forti
 Tela manu torfit, rursus sine vulnere corpus,
 Sincerumque fuit, nec tertia cuspis apertum,
 Et se præbentem valuit distringere Cygnum.
 Haud secus exarsit, quam circo taurus aperto,
 Cum sua terribili petit irritamina cornu
 Phœniceas vestes elusaque vulnera sentit.
 Num tamen exciderit ierum considera: hastæ.
 Hærebat ligno. Manus est mea debilis ergo ;
 Quasque, ait, ante habuit vires effudit in uno.
 Nam certe valuit, vel cum Lyrnesia primus
 Mœnia disjeci ; vel cum Tenedonque, suoque
 Eetioneas implevi sanguine Thebas.
 Vel cum purpureus populari cæde Caycus
 Fluxit ; opusque meæ bis sensit Telephus hastæ.

Hic

Hic quoque tot cæsis, quorum per littus acervos
Et feci, & video, valuit mea dextra, valetque.
Dixit; & ante actis veluti male crederet, hastam
Misit in adversum Lycia de plebe Meneten;
Loricamque simul, subjectaque pectora rupit.
Quo plangente gravem moribundo vertice terram,
Extrahit illud idem calido de vulnere telum;
Atque ait; Hæc manus est, hæc, qua modo vicimus,
(hæc)

Utar in hunc isdem: sit in hoc precor exitus idem.
Sic fatus, Cygnumque petit; nec fraxinus errat,
Inque humero sonuit non evitata sinistro.
Inde velut muro, solidave à caute repulsa est.
Quæ tamen ictus erat, signatum sanguine Cygnum
Viderat, & frustra fuerat gavisus Achilles.
Vulnus erat nullum: sanguis fuit ille Menetæ.
Tum vero præceps curru fremebundus ab alto
Defilit, & nitido securum cominus hostem
Ense petens, parmam gladio, galeamque cavari
Cernit, & in duro lædi quoque corpore ferrum.
Haud tulit alterius, gladiique adversa reducto
Ter quater ora viri, capulo cava tempora pulsat.
Cedentique sequens instat: turbatque, ruitque.
Attonitoque negat requiem, Pavor occupat illum:
Ante oculosque natant tenebræ: retroque ferenti
Aversos passus, medio lapis obstitit arvo.
Quem super impulsus resupino pectore Cygnum
Vi multa vertit, terræque affixit Achilles.
Tum clypeo, genibusque premens præcordia duris,
Vincla trahit galeæ. Quæ pressa subdita mento
Elidunt fauces: & respiramen, iterque
Eripiunt animæ. Victum spoliare parabat.
Arma relictæ videt: corpus Deus æquoris albam
Contulit in volucrem; cujus modo nomen habebat.
4.5. Hic labor, hæc requiem multorum pugna dierum.

Attulit; & positis pars utraque substitit armis.
 Dumque vigil Phrygios servat custodia muros,
 Et vigil Argolicas servat custodia fossas,
 Festa dies aderat; qua Cygni victor Achilles
 Pallada mactatæ placabat sanguine vaccæ.
 Cujus ut imposuit profecta calentibus aris,
 Et Dis acceptus penetravit in æthera nidor,
 Sacra tulere suam, pars est data cætera mensis.
 Discubuere toris procures; & corpora rosta
 Carne replent, vinoque levant curasque sitimque.
 Non illos citharæ, non illos carmina vocum,
 Longave multitori delectat tibia buxi:
 Sed noctem sermone trahunt; virtusque loquendi
 Materia est, pugnam referunt notique suamque
 Inque vices, adita, atque exhausta pericula sæpe
 Commemorare juvat. Quid enim loqueretur Achilles?
 Aut quid apud magnum potius loquerentur Achilem?
 Proxima præcipue domito victoria Cygno
 In sermone iuit. Visum mirabile cunctis;
 Quod juvenis nullo corpus penetrabile telo,
 Inviictumque ad vulnera erat: ferrumque terebat.
 Hoc ipse Æacides, hoc mirabantur Achivi;
 Cum sic Nestor ait: Vestro fuit unicus ævo
 Contemptor ferri, nulloque forabilis ictu
 Cygnus. At ipse olim patientem vulnera mille
 Corpore non læso Perrhæbum Cænea vidi:
 Cænea Perrhæbum; qui tactis inclytus, Othryn
 Incoluit; quoque id mirum magis esset in illo;
 Fœmina natus erat. Monstri novitate moventur,
 Quisquis adest; narreque rogant. Quos inter Achilles,
 Dic age (nam cunctis eadem est audire voluptas)
 O facunde senex, ævi prudentia nostri,
 Quis fuerit Cæneus, cur in contraria versus;
 Qua tibi militia, cujus certamine pugna
 Cognitus, à quo sit victus, si victus ab ullo est.

Tum senior. Quamvis obftet mihi tarda vetustas;
Multaque me fugiant primis spectata sub annis;
Plura tamen memini; nec quæ magis hæreat, ulla
Pectore res nostro est, inter bellicue domique
Acta rot. Ac si quem potuit spatiosa senectus
Spectatorem operum multorum reddere, vixi
Annos bis centum: nunc tertia vivitur ætas.
Clara decore fuit proles Elateia Cænis,
Theſſalidum virgo pulcherrima; perque propinquas
Perque tuas urbes (tibi enim popularis Achille)
Multorum frustra votis optata procorum.
Tentasset Peleus thalamos quoque forsitan illos;
Sed jam contigerant illi connubia matris,
Aut fuerant promissa tuæ. Nec Cænis in ullos
Denupſit thalamos; secretaque littora carpens
Æquorei vim paſſa Dei eſt. Ita fama ferebat.
Utque novæ Veneris Neptunus gaudia cepit;
Sint tua vota licet, dixit, ſecura repulſæ,
Elige quid voveas. Eadem hoc quoque fama ferebat.
Magnum, Cænis ait, facit hæc injuria votum,
Tale pati jam poſſe nihil da iœmina ne ſim:
Omnia præſtiteris. Graviore noviffima dixit
Verba ſono; poteratque viri vox illa videri;
Sicut erat. Nam jam voto Deus æquoris alti
Annuerat: dederatque ſuper, ne ſaucius ullis
Vulneribus fieri, ferrove occumbere poſſet.
Munere lætus abit; ſtudiisque virilibus ævum
Exigit Attracides, Peneïaque arva pererrat.
Duxerat Hippodamen audaci Ixione natus:
Nubigenasque feros, poſitis ex ordine menſis,
Arboribus teſto diſcumbere juſſerat antro.
Æmonii proceres aderant; aderamus & ipſi:
Feſtaque confuſa reſonabat regia turba.
Ecce canunt Hymenæon: & ignibus atria ſumant:
Cinctaque adeſt virgo; matrum nuruumque caterva,
Præ-

Præsignis facie. Felicem diximus illa
 Coniuge Pirithoum : quod pæne fefellimus omen.
 Nam tibi, sævorum sævissime Centaurorum
 Euryte, quam vino pectus, tam virgine visa
 Ardet ; & ebrietas geminata libidine regnat.
 Protinus everſæ turbant convivia mensæ ;
 Raptaturque comis per vim nova nupta prehenſis.
 Eurytus Hippodamen, alii, quam quiſque probabant,
 Aut poterant, rapiunt. Captæque erat urbis imago.
 Fœmineo clamore ſonat domus. Ocyus omnes
 Surgimus ; & primus, Quæ te vecordia, Theſeus,
 Euryte, pulſat, ait : qui me vivente laceſſas
 Pirithoum ; viroſque duos ignarus in uno ?
 Neve ea magnanimus fruſtra memoraverit heros ;
 Summovet inſtantes, raptamque furentibus aufert.
 Ille nihil contra. Neque enem defendere verbis
 Talia facta poteſt, ſed vindicis ora protervis
 Inſequitur manibus, generoſaque pectora pulſat.
 Forte fuit juxta ſignis exſtantibus aſper
 Antiquus crater, quem vaſtum vaſtior ipſe
 Suſtulit Ægides : adverſaque miſit in ora.
 Sanguinis ille globos pariter, cerebrumque, me-
 (rumque
 Vulnere & ore vomens, madida reſupinus arena
 Calcitrat. Ardeſcunt germani cæde bimembres :
 Certatiſque omnes uno ore, Arma, arma loquuntur.
 Vina dabant animos ; & prima pocula pugna
 Miſſa volant, fragileſque cadi, curvique lebetes :
 Reſ epulis quondam, nunc bello & cædibus, aptæ.
 Primus Ophionides Amycus penetralia donis
 Haud timuit ſpoliare ſuis ; & primus ab æde
 Lampadibus denſum rapuit tunale coruſcis :
 Elatumque alte, veluti qui candida tauri
 Rumpere ſacrifica molitur colla ſecuri ;
 Illiſit Lapithæ fronti Celadontis : & oſſa

Non

Non agnoscendo confusa reliquit in ore.
Exfluere oculi ; disiectisque ossibus oris
Acta retro naris, medioque affixa palato.
Hunc pede convulso mensæ Pellæus acernæ
Stravit humi Belates, dejecto in pectora mento :
Cumque atro mistos spumantem sanguine dentes,
Vulnere Tartareas geminato mittit ad umbras.
Proximus ut steterat, spectans altaria vultu
Fumida terribili, Cur non, ait, utimur istis ?
Cumque suis Gryneus immanem sustulit aram
Ignibus, & medium Lapitharum jecit in agmen ;
Oppressitque duos, Brotean, & Orion. Orio
Mater erat Mycale ; quam deduxisse canendo
Sæpe reluctanti constabat cornua Lunæ.
Non impune ferēs, teli modo copia detur ;
Dixerat Exadius ; relique habet instar, in alta
Quæ fuerant pinu, votivi cornua cervi.
Figitur hinc duplici Gryneus sua lumina ramo :
Eruiturque oculos. Quorum pars cornibus hæret :
Pars fluit in barbam ; concretaque sanguine pendet.
Ecce rapit mediis flagrantem Rhoetus ab aris
Primitium torrem ; dextraque à parte Charaxi
Tempora perfringit fulvo protecta capillo.
Correpti rapida, veluti seges arida, flamma
Arserunt crines, & vulnere sanguis inustus
Terribilem stridore sonum dedit ; ut dare ferrum
Igne rubens plerumque solet, quod forcipe curva
Cum faber eduxit, lacubus demittit. At illud
Stridet ; & in tepida submersum sibilat unda.
Saucius hirsutis avidum de crinibus ignem
Excutit : inque humeros limen tellure revulsum
Tollit, onus palustri ; quod ne permittat in hostem,
Ipsa facit gravitas. Socium quoque saxea moles
Oppressit spatio stantem propiore Cometen.
Gaudia nec retinet Rhoetus ; Sic comprecor, inquit,
Cætera

Cætera sit fortis castrorum turba tuorum ;
 Semicremoque novat repetitum stipite vulnus :
 Terque quaterque gravi juncturas verticis ictu
 Rupit : & in liquido sederunt ossa cerebro.
 Victor ad Evagrum, Corytumque, Dryantaque, transit,
 E quibus ut prima tectus lanugine malas
 Procubuit Corytus ; Pueri quæ gloria fuso
 Parta tibi est ? Evagros ait. Nec dicere Rhætus
 Plura finit : rutilasque ferox in aperta loquentis
 Condidit ora viri, perque os in pectora, flammæ.
 Te quoque, sæva Drya, circum caput igne rotato
 Insequitur ; sed non in te quoque constitit idem
 Exitus ; assiduæ successu cædis ovantem,
 Qua juncta est humero cervix fude figis obusta.
 Ingemuit, duroque sudem vix osse revellit
 Rhætus, & ipse suo madefactus sanguine fugit,
 Fugit & Orneus, Lycabasque, & saucius armis
 Dexteriore Medon, & cum Pisenore Thaumās,
 Quique pedum nuper certamine vicerat omnes
 Mermeros ; accepto nunc vulnere tardius ibat :
 Et Pholus, & Melaneus, & Abas prædator aprorum,
 Quique iuis frustra bellum dissuaserat augur
 Astylos. Ille etiam metuenti vulnera Nesso,
 Ne fuge, ad Herculeos, inquit, servaberis arcus.
 At non Eurynomus, Lycidasque, & Aræos, & Imbreus
 Effugere necem. Quos omnes dextra Dryantis
 Perculit adversos. Adversum tu quoque, quamvis
 Terga fugæ dederas, vulnus, Cænee, tulisti.
 Nam grave respiciens inter duo lumina ferrum,
 Qua naris fronti committitur, accipis, imæ.
 In tanto fremitu cunctis sine fine jacebat.
 Sopitus venis, & inexperrectus Aphidas :
 Languentique manu carchesia mista tenebat
 Fusus in Ossæ villosis pellibus ursæ :

quem procul ut vidit frustra nulla arma moventem

Inse-

Inferit amento digitos, Miscendaque, dixit,
Cum Styge vina bibas, Phorbas. Nec plura moratus,
In juvenem torfit jaculum, ferrataque collo
Fraxinus, ut casu jacuit resupinus, adacta.
Mors caruit sensu, plenoque è gutture fluxit
Inque toros, inque ipsa niger carchesia sanguis.
Vidi ego Petræum conantem evellere terra
Glanditeram quercum; quam dum complexibus ambis
Et quatit huc, illuc, labe actaque robora pulsat,
Lancea Pirithoi costis immissa Petræi.
Pectora cum duro luctantia robore fixit.
Pirithoi cecidisse Lycum virtute ferebant;
Pirithoi virtute Chromin: sed uterque minorem
Victori titulum, quam Dictys Helopsque, tulerunt,
Fixus Helops jaculo: quod pervia tempora fecit;
Et missum à dextra lævam penetravit in aurem.
Dictys ab ancipiti delapsus acumine montis,
Dum fugit instantem trepidans Ixione natum;
Decidit in præceps & pondere corporis ornum
Ingentem fregit; suaque induit ilia fractæ
Ultor adest Phareus, saxumque è monte revulsum
Mittere conatur. Nitentem stipite querno
Occupat Ægides; cubitique ingentia fregit
Ossa; nec ulterius dare corpus inutile leto
Aut vacat, aut curat; tergoque Bianoris alti
Insilit, haud solito quemquam portare nisi ipsum;
Opposuitque genu costis: prensamque sinistra
Cæsariem retinens, vultum, minitantiæque ora
Robore nodoso, præduraque tempora, fregit,
Robore Nedymnum, jaculatoremque Lycetum
Sternit, & immissa protectum pectora barba
Hippason, & summis exstantem Riphea sylvis,
Tereaque, Hæmoniis qui prensos montibus urfos
Ferre domum vivos, indignantesque solebat.
Haud tulit utentem pugnae successibus ultra

Thesea Demoleon : solidoque revellere dumo
Annosam pinum magno molimine tentat.
Quod quia non potuit ; præfractam misit in hostem.
Sed procul à teio Theseus veniente recessit
Pallados admonitu. (Credi sic ipse volebat)
Non tamen arbor iners cecidit, nam Crantoris alti
Abscidit jugulo pectusque humerumque sinistrum.
Armiger ille tui fuerat genitoris, Achille :
Quem Dolopum rector bello superatus Amyntor
Æacidæ dederat pacis pignusque, fidemque.
Hunc procul ut sædo disiectum vulnere Peleus
Vidit, At inferias, juvenum gratissime Crantor,
Accipe, ait. Validoque in Demoleonca lacerto
Fraxineam misit, mentis quoque viribus, hastam.
Quæ laterum cratem perrupit ; & ossibus hærens
Intremuit. Trahit ille manu sine cuspidē lignum ;
Id quoque vix sequitur. Cuspis pulmone retenta est.
Ipse dolor vires animo dabat. Æger in hostem
Erigitur ; pedibusque virum proculcat equinis.
Excipit ille ictus galea, clypeoque sonantes.
Defensatque humeros ; prætentaque sustinet arma.
Perque armos uno duo pectora perforat ictu.
Ante tamen leto dederat Phlegæon, & Hylen
Eminus ; Hiphinoum collato Marte, Glanimque.
Additur his Dorylas : qui tempora tecta gerebat
Pelle lupi, sævique vicem præstantia teli
Cornua dura boum multo rubefacta cruore.
Huic ego (nam vires animus dabat) Aspice, dixi,
Quantum concedant nostro tua cornua ferro :
Et jaculum torfi. Quod cum vitare nequiret ;
Opposuit dextram passuræ vulnera fronti ;
Affixa est cum fronte manus. Fit clamor ; at illum
Hærentem Peleus, & acerbo vulnere victum
(Stabat enim propior) mediam ferit ense sub alvum.
Profuit, terraque ferox sua viscera traxit

Tractaque calcavit : calcataque rupit, & extis
Crura quoque impediit ; & inani concidit alvo.
Nec te pugnantem tua, Cyllare, forma redemit,
Si modo naturæ formam concedimus illi.
Barba erat incipiens, barbæ color aureus : aurea
Ex humeris medios coma dependebat in armos ;
Gratus in ore vigor ; cervix, humerique, manusque,
Pectoraque artificum laudatis proxima signis,
Et qua parte vir est, nec equi mendosa sub illo
Deteriorque viro facies. Da colla, caputque ;
Castore dignus erit. Sic tergum sessile, sic sunt
Pectora celsa toris : totus pice nigrior atra.
Candida cauda tamen : color est quoque cruribus albus.
Multæ illum petiêre sua de gente ; sed una
Abstulit Hylonome : qua nulla decentior inter
Semíferas altis habitavit fœmina sylvis.
Hæc & blanditiis & amando, & amare fatendo
Cyllaron una tenet, cultus quoque quantus in illis
Esse potest membris ; ut sit coma pectine lævis :
Ut modo rore maris, modo se violare, rosæve
Implicitet : interdum candentia lilia gestet :
Bisque die lapsis Pagasææ vertice sylvæ
Fontibus ora lavet : bis flumine corpora tingat :
Nec, nisi quæ deceant electarumque ferarum,
Aut humerò, aut lateri prætendat vellera lævo
Par amor est illis : errant in montibus una.
Antra simul subeunt : & tum Lapitheia testa
Intrarant pariter, pariter fera bella gerebant.
Auctor in incerto : Jaculum de parte sinistra
Venit, & inferius, quam collo pectora subsunt,
Cyllare, te fixit : parvo cor vulnere læsum
Corpore cum toto post tela educta refrixit.
Protinus Hylonome morientes suscipit artus :
Impositaque manu vulnus fovet ; oraque ad ora
Admoveret : quæque animæ fugienti obistere tentat.

Ut videt exstinctum : dictis, quæ clamor ad aures
 Arcuit ire meas, telo quod inhæserat illi
 Incubuit : moriensque suum complexa maritum est.
 Ante oculos stat & ille meos : qui sena leonum
 Vinxerat inter se connexis vellera nodis
 Phæocomes hominemque simul protectus, equumque.
 Codice qui misso, quem vix juga bina moverent
 Juncta, Phonoleniden à summo vertice fregit.
 Fracta volubilitas capitis latissima, perque os,
 Perque cavas nares oculosque auresque cerebrum
 Molle fluit ; veluti concretum vimine querno
 Lac solet, utve liquor rari sub pondere cribri
 Manat ; & exprimitur per densa foramina spissus.
 Ast ego, dum parat hunc armis spoliare jacentem ;
 (Sic tuus hoc genitor) gladium spoliantis in ima
 Ilia dimisi. Chthonius quoque, Teloboasque
 Ense jacent nostro. Ramum prior ille biturcum
 Gesserat : hic jaculum. Jaculo mihi vulnera fecit.
 Signa vides : apparet adhuc vetus ecce cicatrix.
 Tunc ego debueram capienda ad Pergama mitti :
 Tunc poteram magni si non superare, morari
 Hectoris arma meis. Illo sed tempore nullus,
 Aut puer Hector erat. Nunc me mea deficit ætas,
 Quid tibi victorem gemini Periphanta Pyreti ;
 Ampyca quid referam ? qui quadrupedantis Oëcli
 Fixit in adverso cornum sine cuspide vultu.
 Vecte Pelethronius Macareus in pectus adacto
 Stravit Erigdupum. Memini & venabula condi
 Inguine Nessei manibus conjecta Cymeli.
 Nec tu credideris tantum cecinisse futura
 Ampyciden Mopson. Mopso jaculante bififormis
 Occubuit, frustra loqui tentavit Oditæes,
 Ad mentum lingua, mentoque ad guttura fixo
 Quinque neci Cæneus dederat, Sciphelumque, Bro-
 mumque,

Antimachumque. Helinumq; securiferumq; Pyracmon.
Vulnera non memini : numerum, nomenque notavi.
Provolat Emathii spoliis armatus Alæsi,
Quem dederat leto, membris & corpore Latreus
Maximus. Huic ætas inter juvenemque, senemque ;
Vis juvenilis erat, variabant tempora cani.
Qui clypeo, galeaque, Macedoniaque sarissa
Conspicuus, faciemque obversus in agmen utrumque :
Armaque concussit, certumque equitavit in orbem :
Verbaque tot fudit vacuas animosus in auras :
Et te, Cæni, seram ? nam tu mihi scæmina semper,
Tu mihi Cænis eris, nec te natalis origo
Continuit ; mentemque subit, quo præmia facto,
Quaque viri falsam speciem mercede pararis ?
Vel quid nata vide, vel quid sis passa : columque,
I, cape cum calathis : & stamina pollice torque :
Bella relinque viris. Jactanti talia Cæneus
Extentum cursu missa iatus eruit hasta,
Qua vir equo commissus erat. Furit ille dolore :
Nudaque Phyllei juvenis ferit ora sarissa.
Non secus hæc resilit. Quam recti à culmine grando :
Aut si quis parvo feriat cava tympana saxo.
Cominus aggreditur : laterique recondere duro
Luctatur gladium. Gladio loca pervia non sunt.
Haud tamen effugies : medio jugulaberis ense,
Quandoquidem mucro est hebes, inquit ; & in latus
(ensem
Obliquat : longaue amplectitur ilia dextra.
Plaga facit gemitus ceu corpore marmoris icti ;
Fractaque dissiluit percusso lamina collo.
Ut satis illæsos miranti præbuit artus ;
Nunc age, ait Cæneus, nostro tua corpora ferro
Tentemus ; capuloque tenus dimisit in armos.
Ensem fatiferum : cœcamque in viscera movit,
Versavitque manum : vulnusque in vulnere fecit,

Ecce ruunt vasto rapidi clamore bimembres ;
Telaque in hunc omnes unum, mittuntque, feruntque,
Tela retusa cadunt. Manet imperforatus ab omni,
Inque cruentatus Cæneus Elateius ictu.
Fecerat attonitos nova res. Heu dedecus ingens,
Monychus exclamat. Populus superamur ab uno,
Vixque viro. Quamquam ille vir est; nos segnibus actis,
Quod fuit ille sumus. Quid membra immania profunt?
Quid geminæ vires ? & quod fortissima rerum
In nobis natura duplex animalia junxit ?
Nec nos matre Dea, nec nos Ixiona natos
Esse reor ; qui tantus erat, Junonis ut altæ
Spem caperet. Nos semimari superamur ab hoste.
Saxa, trabesque super, totosque involvite montes ;
Vivacemque animam missis elidite sylvis.
Sylva premat fauces ; & erit pro vulnere pondus.
Dixit : & insani dejectam viribus Austri
Forte trabem nactus ; validum conjecit in hostem.
Exemplumque fuit : parvoque in tempore nudus
Arboris Ocbrys erat. Nec habebat Pelion umbras.
Obrutus immani cumulo sub pondere Cæneus
Æstuat arboreo : congestaque robora duris
Fert humeris. Sed enim postquam super ora, caputque
Crevit onus ; nec habet quas ducat spiritus auras ;
Deficit interdum ; modo se super aëra frustra
Tollere conatur ; jactasque evolvere sylvas.
Interdumque movet : veluti quam cernimus, ecce
Ardua, si terræ quatiatur motibus, Ide.
Exitus in dubio est : alii sub inania corpus
Tartara detrusum sylvarum mole ferebant.
Abnuat Ampycides, medioque ex aggere fulvis
Vidit avem pennis liquidas exire sub auras ;
Quæ mihi tunc primum, tunc est conspecta supremum.
Hanc ubi lustrantem leni sua castra volatu
Mopsus, & ingenti circum clangore sonantem

Aspexit,

Aspexit, pariterque animo est oculisque secutus?
O salve dixit, Lapithææ gloria gentis,
Maxime vir quondam, sed avis nunc unica Cæneu.
Credita res auctore suo est: dolor addidit iram,
Oppressumque ægre tulimus tot ab hostibus unum:
Nec prius abstitimus ferro exercere dolorem,
Quam data pars læto, partem fuga, noxque diremit.

6. Hæc inter Lapithas, & semihomines Centauros
Prælia Tlepolemus, Pylio referente dolorem
Præteriti Alcidæ tacito non pertulit ore:
Atque ait, Herculeæ mirum est obliviam laudis
Acta tibi, senior; certe mihi sæpe referre
Nubigenas domitos à se pater ipse solebat.
Tristis ad hæc Pyleus: quid me meminisse malorum
Cogis: & obductos annis rescindere luctus?
Inque tuum genitorem odium, offensasque fateri?
Ille quidem majora fide quoque gessit, & orbem
Implevit meritis, quod mallet posse negari.
Sed neque Deiphobum, nec Polydamanta, nec ipsam
Hæctora laudamus, quis enim laudaverit hostem?
Ille tuus genitor Messenia mœnia quondam
Stravit, & immeritas urbes Elynque, Pylonque
Diruit, inque meos ferrum, stammamque penates
Impulit: utque alios taceam, quos ille peremit,
Bis sex Neleidæ fuimus conspecta juvenis.
Bis sex Herculeis ceciderunt, me minus uno,
Viribus, atque alios vinci potuisse ferendum est:
Mira Periclymeni mors est; cui posse figuras
Sumere quas vellet, rursusque reponere sumptas
Neptunus dederat, Nelei sanguinis auctor.
Hic ubi nequicquam est formas variatus in omnes,
Vertitur in faciem volucris, quæ fulmina curvis
Ferre solet pedibus, divum gratissima regi.
Viribus usus avis, pennis, rostroque redunco,
Hamatisque viri laniaverat unguibus ora.

Tendit in hunc nimium certos Tirynthius arcus :
Atque inter nubes sublimia membra ferentem,
Pendentemque ferit, lateri qua jungitur ala.

Nec grave vulnus erat ; sed rupti vulnere nervi
Deficiunt. Motumque negant, viresque volandi.

Decidit in terram ; non concipientibus auras
Infirmis pennis ; & qua levis hæserat alæ.

Corporis affixi pressa est gravitate sagitta ,
Perque latus summum jugulo est exacta sinistro.

Num videor debere tui præconia rebus

Herculis, ô Rhodiæ ductor pulcherrime classis ?

Ne tamen ulterius quam fortia facta silendo,

Ulciscar fratres ; solida est mihi gratia tecum.

Hæc postquam dulci Neleius edidit ore ;

A sermone senis repetito munere Bacchi,

Surrexêre toris. Nox est data cætera somno.

7. At Deus æquoreas qui cuspide temperat undas,

In volucrem corpus nati Phaëthontida versum

Mente dolet patria : sævumque perosus Achillem,

Exercet memores plus quam civiliter, iras.

Jamque fere tracto duo per quinquennia bello,

Talibus intonsum compellat Smynthea dictis ;

O mihi de fratris longe gratissime natis,

Irrita qui mecum posuisti mœnia Trojæ ;

Ecquid, ut has jam jam casuras aspicias arces,

Ingemis ? aut ecquid tot defendentia muros

Millia cæsa doles ? ecquid (ne persequar omnes)

Hæstoris umbra subit circum sua Pergama tracti ?

Cum tamen ille ferox, belloque cruentior ipso

Vivit adhuc nostrique operis populator Achilles.

Det mihi se, faxo, triplici quid cuspide possim,

Sentiet. At quoniam concurrere comminus hosti

Non datur ; occulta nec opinum prode sagitta.

Annuat ; atque animo pariter patruique, iuvoque

Delius indulgens, nebula velatus, in agmen

Pervenit

Pervenit Iliacum, mediæque in cæde virorum
Rara per ignotos spargentem cernit Achivos
Tela Parin : fassusque Deum, quid spicula perdis
Sanguine plebis, ait? si qua est tibi cura tuorum;
Vertere in Æaciden, cæsosque ulciscere fratres.
Dixit : & ostendens sternentem Troia ferro
Corpora Peliden, arcus obvertit in illum :
Certaque letifera direxit spicula dextra.
Quo Priamus gaudere senex post Hectora posset,
Hoc fuit. Ille igitur tantorum victor Achille,
Victus es à timido Grajæ raptore maritæ.
At si scæmineo fuerat tibi Marte cadendum ;
Thermodontiaca malles cecidisse bipenni.
Jam timor ille Phrygum, decus & tutela Pelasgi
Nominis Æacides, caput insuperabile bello,
Arserat ; armarat Deus idem, idemque cremarat.
Jam cinis est, & de tam magno restat Achille
Nescio quid, parvam quod non bene compleat urnam.
At vivit, totum quæ gloria compleat orbem.
Hæc illi mensura viro respondet. Et hæc est
Par tibi Pelide. Nec inania Tartara sentit.
Ipse etiam, ut cujus fuerit cognoscere possis ;
Bella movet clypeus : deque armis arma feruntur.
Non ea Tydides, non audet Oileos Ajax,
Non minor Atrides, non bello major & ævo,
Poscere, non alii : soli Telamone creato,
Laërtaque fuit tantæ fiducia laudis.
A se Tantalides onus invidiamque removit :
Argolicosque duces mediis confidere castris
Jussit : & arbitrium litis trajecit in omnes.

M E T A M O R P H O S E O N L I B. X I I I.

Confedere Duces, & vulgi ftante corona,
 Surgit ad hos clypei dominus feptemplicis Ajax :
 Utque erat impatiens iræ, Sigeia torvo
 Littora respexit, claffemque in lictore vultu :
 Intendenfque manus, Agimus, piô Jupiter, inquit,
 Ante rates cauffam ; & mecum conferrur Ulyffes !
 At non Hectoreis dubitavit cedere flammis :
 Quas ego fuftinui, quas hac à claffe fugavi.
 Tutius eft igitur fictis contendere verbis,
 Quam bellare manu. Sed nec mihi dicere promptum
 Nec facere eft ifti. Quantumque ego Marte feroci,
 Quantum acie valeo, tantum valet ifte loquendo.
 Nec memoranda tamen vobis mea taéta, Pelafgi,
 Effe reor. (Vidiftis enim) fua narret Ulyffes ;
 Quæ fine teffe gerit. Quorum nox confcia fola eft.
 Præmia magna peti fateor : fed demit honorem
 Æmulus Ajaci. Non eft tenuiffe fuperbum,
 Sit licet hoc ingens quidquid fperavit Ulyffes.
 Ifte tulit prærium jam nunc certaminis hujus ;
 Quod cum victus erit, mecum certaffe feretur.
 Aft ego, fi virtus in me dubitabilis effer,
 Nobilitate potens effer, Telamone creatus,
 Mœnia qui forti Trojana fub Hercule cepit :
 Littoraque intravit Pagafæa Colcha carina.
 Æacus huic pater eft : qui jura filentibus umbris
 Reddit, ubi Æoliden faxum grave Sifyphon urget ;
 Æacon agnofcit fummus, prolemque fatetur
 Jupiter effer fuam. Sic à Jove tertius Ajax.
 Nec tamen hæc feries in cauffa proftit, Achivi ;
 Si mihi cum magno non eft communis Achille.
 Frater erat : fraterno peto. Quid fanguine cretus

Suppatis,

Sisyphio, furtisque, & fraude simillimus illi,
Inferis Æacidis alienæ nomina gentis?
An quod in arma prior, nulloque sub indice veni,
Arma neganda mihi? potiorque videbitur illis,
Ultima qui cepit; detrectavitque furore
Miliciam ficto: donec sollertior isto,
Sed sibi inutilior, timidi commenta retexit
Naupliades animi: vitataque traxit in arma?
Optima num sumat, qui sumere nolluit ulla:
Nos inhonorati, & donis patruelibus orbi,
Obtulimus quia nos ad prima pericula, sumus?
Atque utinam, aut verus ille furor, aut creditus esset;
Nec comes hic Phrygias unquam venisset ad arces
Hortator icelerum. Non te, Pœantia proles,
Expositum Lemnos nostro cum crimine haberet:
Qui nunc (ut memorant) sylvestribus abditus antris.
Saxa moves gemitu: Laërtiadæque precaris,
Quæ meruit; quæ (si Dî sunt) non vana precaris.
Et nunc ille eadem nobis juratus in arma;
Heu, pars una ducum, quo successore sagittæ
Herculis utuntur, fractus morboque fameque,
Venaturque, aliturque avibus: volucresque petendo
Debita Trojanis exercet spicula fatis.
Ille tamen vivit: quia non comitavit Ulysssem.
Mallet & infelix Palamedes esse relictus:
Viveret; aut certe letum sine crimine haberet.
Quem, male convicti nimium memoi iste furoris,
Prodere rem Danaam finxit: fictumque probavit
Crimen. Et ostendit, quod jam præfoderat, aurum,
Ergo aut exilio vires subduxit Achivis.
Aut nece. Sic pugnat, sic est metuendus Ulysses.
Qui licet eloquio fidum quoque Nestora vincat;
Haud tamen efficiet, desertum ut Nestora crimen
Esse rear nullum. Qui cum imploraret Ulyssen
Vulnere tardus equi, iessusque senilibus annis;
Prodi-

Proditus à socio. Non hæc mihi crimina fingi
Scit bene Tydides : qui nomine sæpe vocatum
Corripuit : trepidoque fugam exprobravit amico.
Aspiciunt oculis superi mortalia justis.
En eget auxilio, qui non tulit, utque reliquit.
Sic linguendus erat. Legem sibi dixerat istam.
Conclamat socios. Adsum, videoque tementem,
Pallentemque metu, & trepidantem morte futura.
Opposui molem clypei : texique jacentem :
Servavique animam (minimum est hic laudis) inertem.
Si perstas certare, locum redeamus ad illum :
Redde hostes, vulnusque tuum, solitumque timorem :
Post clypeumque late ; & mecum contende sub illo.
At postquam eripui, cui standi vulnera vires
Non dederant nullo tardatus vulnere fugit,
Hæctor adest, secumque Deos in prælia ducit.
Quaque ruit, non tu tantum terreris Ulyssæ,
Sed fortes etiam : tantum trahit ille timoris.
Hunc ego sanguineæ successu cædis ovantem
Cominus ingenti resupinum pondere iudi.
Hunc ego poscentem, cum quo concurreret, unus
Sustinui. Sortemque meam vovistis Achivi :
Et vestræ valuere preces. Si quæritis hujus
Fortunam pugnæ ; non sum superatus ab illo.
Ecce ferunt Troës ferrumque, ignesque, Jovemque
In Danaas classes. Ubi nunc facundus Ulysses ?
Nempe ego mille meo protexi pectore puppes ;
Spem vestri reditus. Date tot pro navibus arma.
Quod si vera licet mihi dicere, quæritur istis,
Quam mihi major honos : conjunctaq; gloria nostra est
Atque Ajax armis, non Ajaci arma petuntur.
Conferat his Ithacus Rhesum, imbellemque Dolonem,
Priamidenque Helenum rapta cum Pallade captum.
Luce nihil gestum, nihil est Diomede remoto.
Si tamen ista datis meritis tam vilibus arma ;

Dividite : & pars sit major Diomedis in illis.
Quo tamen hæc Ithaco? qui clam, qui semper inermis
Rem gerit : & furtis incautum decipit hostem?
Ipse nitor galeæ claro radiantis ab auro
Infidias prodet manifestabitque latentem.
Sed neque Dulichius sub Achillis casside vertex
Pondera tanta feret. Nec non onerosa gravisque
Pelias esse potest imbellibus hasta lacertis.
Nec clypeus vasti cælatus imagine mundi
Conveniet timidæ, natæque ad furta sinistrae,
Debilitaturum quid te petis, improbe, munus?
Quod tibi si populi donaverit error Achivi;
Cur spolieris, erit; non, cur metuaris ab hoste.
Et fuga, qua sola cunctos, timidissime, vincis,
Tarda futura tibi est gestamina tanta trahenti.
Adde quod iste tuus tam raro prælia passus,
Integer est clypeus. Nostro, qui tela ferendo
Mille patet plagis, novus est successor habendus.
Denique quid verbis opus est? spectemur agendo.
Arma viri fortis medios mittantur in hostes :
Inde jubere peti, & referentem ornate relatis.

Finierat Telamone satus. Vulgique secutum
Ultima murmur erat : donec Laërtius heros
Adstitit : atque oculos paulum tellure moratos
Sustulit ad proceres, expectatoque resolvit
Ora sono. Neque abest facundis gratia dictis.
Si mea cum vestris valuissent vota, Pelasgi;
Non foret ambiguus tanti certaminis hæres.
Tuque tuis armis, nos te poteremur, Achille.
Quem quoniam non æqua mihi vobisque negarunt
Fata, (manuque simul veluti lacrymantia terfit
Lumina) quis magno melius succedat Achilli;
Quam per quem magnus Danaïs successit Achilles?
Huic modo ne profit, quod ut est, hebes esse videtur.
Neve mihi noceat, quod vobis semper Achivi

Profuit.

Profuit ingenium : meaque hæc facundia, si qua est,
Quæ nunc pro domino, pro vobis sæpe locuta,
Invidia careat : bona nec sua quisque recuset.
Nam genus, & proavos, & quæ non fecimus ipsi ;
Vix ea nostra voco. Sed enim quia rettulit Ajax
Esse Jovis pronepos ; nostri quoque sanguinis aucto
Jupiter est ; totidemque gradus distamus ab illo.
Nam mihi Laërtes pater est, Arceſius illi,
Jupiter huic : neque in his quisquam damnatus & exsul.
Est quoque per matrem Cyllenius addita nobis
Altera nobilitas. Deus est in utroque parente.
Sed neque materno quod sum generosior ortu ;
Nec mihi quod pater est fraterni sanguinis inſons ;
Propoſita arma peto : meritis expendite cauſſam.
Dummodo quod fratres Telamon, Peleusque fuerunt,
Ajacis meritum non ſit ; nec sanguinis ordo,
Sed virtutis honos ſpoliis quærat in iſtis.
Aut ſi proximitas primusque requiritur hæres ;
Eſt genitor Peleus, eſt Pyrrhus filius illi.
Quis locus Ajaci ? Phthiam, Scyronve ferantur.
Nec minus eſt iſto Teucer patruelis Achilli.
Num petit ille tamen ? num ſperat ut auferat arma
Ergo operum quoniam nudum certamen habetur ;
Plura quidem teci, quam quæ comprehendere dictis
In promptu mihi ſint. Rerum tamen ordine ducar,
Præſcia venturi genitrix Nereïa leti
Diſſimulat cultu natum : deceperat omnes,
(In quibus Ajacem) ſumptæ fallacia veſtis.
Arma ego foemineis animum motura virilem
Mercibus inſerui. Neque adhuc projecerat heros
Virgineos habitus, cum parmam haſtamque tenenti,
Nate Dea, dixi : tibi ſe peritura reſervant
Pergama. Quid dubitas ingentem evertere Trojam ?
Injecique manum : fortemque ad fortia miſi.
Ergo opera illius, mea ſunt. Ego Telephon haſta
Pugnan-

Pugnantem domui : victum, orantemque refeci.
Quod Thebæ cecidère meum est. Me credite Lesbon,
Me Tenedon, Chrysenque & Cyllan Apollinis urbes,
Et Syron cepisse. Mea concussa putate
Procubuisse solo Lyrnessia mœnia dextra.
Utque alias taceam, qui sævum perdere posset
Hectorea, nempe dedi. Per me jacet inclytus Hector.
Illis hæc armis, quibus est inventus Achilles,
Arma peto, Vivo dederam, post fata reposco,
Ut dolor unius Danaos pervenit ad omnes ;
Aulidaque Euboïcam complerunt mille carinæ ;
Exspectata diu, nulla, aut contraria classi
Flamina sunt, duræque jubent Agamemnona sortes
Immeritam sævæ natam mactare Dianæ.
Denegat hoc genitor, divisque irascitur ipsis :
Atque in rege, tamen pater est. Ego mite parentis
Ingenium verbis ad publica commoda verti.
Nunc equidem fateor, falsoque ignoscat Atrides ;
Difficilem tenui sub iniquo iudice causam.
Hunc tamen utilitas populi fraterque datique
Summa movet sceptri, laudem ut cum sanguine penset.
Mittor & ad matrem : quæ non hortanda, sed astu
Decipienda fuit. Quo si Telamonius isset,
Orba suis essent etiamnum lintea ventis.
Mittor & Iliacas audax orator ad arces :
Visaque & intrata est altæ mihi curia Trojæ.
Plenaque adhuc erat illa viris. Interritus egi
Quam mihi mandarat communis Græcia causam.
Accusorque Parin ; prædamque, Helenamque reposco
Et moveo Priamum, Priamoque Antenora junctum.
At Paris, & fratres, & qui rapuère sub illo,
Vix tenuère manus (scis hoc Menelae) nefandas,
Primaque lux nostri tecum fuit illa pericli.
Longa referre mora est, quæ consilioque manuque
Utiliter feci spatiosi tempore belli.

Post acies primas, urbis se mœnibus hostes
Continuere diu : nec aperti copia Martis
Ulla fuit. Decimo demum pugnavimus anno.
Quid facis interea, qui nil nisi proelia nosti?
Quis tuus usus erat? nam si mea facta requiras;
Hostibus infidior : fossas munimine cingo:
Consolor socios; ut longi tœdia belli
Mente ferant placida : doceo quo simus alendi,
Armandique modo; mittor quo postulat usus:
Ecce Jovis monitu deceptus imagine somni
Rex jubet incepti curam dimittere belli.
Ille potest auctore suam defendere vocem.
Non sinat hoc Ajax : delendaque Pergama poscat;
Quodque potest pugnet. Cur non remoratur ituros?
Cur non arma capit? dat quod vaga turba sequatur?
Non erat hoc nimium, nunquam nisi magna loquenti.
Quid quod & ipse fugis? vidi, puduitque videre;
Cum tu terga dares, inhonestaque vela parares.
Nec mora, Quid facitis? quæ vos dementia dixi,
Concitat, ô socii, captam dimittere Trojam?
Quidve domum fertis decimo nisi dedecus anno?
Talibus atque aliis, in quæ dolor ipse disertum
Fecerat; averfos profuga de classe reduxi.
Convocat Atrides socios terrore paventes;
Nec Telamoniades etiam nunc hiscere quidquam
Ausus; at ausus erat reges incessere dictis
Thersites; etiam per me haud impune, protervis.
Erigor & trepidos cives exhortor in hostem;
Amisamque mea virtutem voce reposco.
Tempore ab hoc quodcunque potest fecisse videri
Fortiter iste, meum est; qui dantem terga retraxi.
Denique de Danaïs quis te laudare petite?
At sua Tydides mecum communicat acta;
Me probat, & socio semper confidit Ulysses.
Est aliquid de tot Grajorum millibus, unum

A Diomede legi. Nec me fors ire jubebat ;
 Sic tamen & ipreto noctisque, hostisque periclo,
 Ausum eadem quæ nos, Phrygia de gente Dolona
 Interimo : non ante tamen, quam cuncta coëgi
 Prodere, & edidici quid perfida Troja pararet.
 Omnia cognoram : nec, quod specularer, habebam
 Et jam præmissa poteram cum laude reverti.
 Haud contentus eo, petii tentoria Rhesi ;
 Inque suis ipsum castris comitesque peremi ;
 Atque ita, captivo victor votisque petitus,
 Ingredior curru lætos imitante triumphos.
 Cujus equos pretium pro nocte poposcerat hostis ;
 Arma negare mihi. Fueritque benignior Ajax.
 Quid Lycii referam Sarpedonis agmina terro
 Devastata meo ? cum multo sanguine fudi
 Cœranon, Iphitidenque, Alastoraque, Chromiumque,
 Alcandrumque, Haliumque, Noëmonaque, Prytanim-
 (quæ,
 Exitioque dedi cum Chersidamante Thoona,
 Et Charopen, fatisque immitibus Ennomon actum :
 Quique minus celebres nostra sub mœnibus urbis
 Procubuere manu, iunt & mihi vulnera, cives,
 Ipso pulchra loco. Nec vanis credite verbis.
 Aspiciate en (vestemque manu deducit) & hæc sunt
 Pectora semper, ait, vestris exercita rebus.
 At nihil impendit per tot Telamonius annos
 Sanguinis in socios : & habet sine vulnere corpus.
 Quid tamen hoc refert ; si se pro classe Pelasga
 Arma tulisse refert contra Troasque, Jovemque ?
 Confiteorque, tulit : neque enim benefacta maligne
 Detrectare meum est ; sed ne communia solus
 Occupet, aut aliquem vobis quoque reddat honorem.
 Reppulit Actorides sub imagine tutus Achillis
 Troas ab arsuris cum defensore carinis.
 Ausum etiam Hectoreo solum concurrere Marti

Se putat ; oblitus regisque, ducumque, meique ;
Nonus in officio & prælatus munere sortis.
Sed tamen eventus vestræ, fortissime, pugnæ
Quis fuit ? Hector abit violatus vulnere nullo.
Me miserum, quanto cogor meminisse dolore
Temporis illius : quo Grajûm murus Achilles
Procubuit. Nec me lacrymæ luctusve, timorve
Tardarunt, quin corpus humo sublime referrem.
His humeris : his, inquam, humeris ego corpus Achillis,
Et simul arma tuli : quæ nunc quoque ferre laboro.
Sunt mihi quæ valeant in talia pondera vires :
Est animus vestros certe sensurus honores.
Scilicet idcirco pro nato cæcula mater
Ambitiosa suo fuit, ut cœlestia dona,
Artis opus tantæ rudis, & sine pectore miles
Indueret ? neque enim clypei cælamina novit,
Oceanum, & terras, cumque alto sidera cœlo,
Pleiadasque, Hyadasque, immunemque æquoris Arcton,
Diversasque urbes, nitidumque Orionis ensem.
Postulat ut capiat, quæ non intelligit arma.
Quid ? quod me duri fugientem munera belli
Arguit incepto serum accessisse labori ?
Nec se magnanimo maledicere sentit Achilli ?
Si simulasse vocat crimen ; simulavimus ambo.
Si mora pro culpa est ; ego sum maturior illo.
Me pia detinuit conjux ; pia mater Achillem ;
Primaque sunt illis data tempora, cætera vobis.
Haud timeo, si jam nequeo defendere crimen ;
Cum tanto commune viro : deprensus Ulyssis
Ingenio tamen ille ; at non Ajacis, Ulysses.
Neve in me stolidæ convicia fundere linguæ
Admiremur eum : vobis quoque digna pudore
Objicit. An falso Palamedem crimine turpe
Accusasse mihi ? vobis damnassee decorum ?
Sed neque Naupliades facinus defendere tantum,
Tamque

Tamque patens valuic : nec vos audistis in illo
Crimina. Vidistis : pretioque objecta patebant.
Nec Pœantiaden quod habet Vulcania Lemnos,
Esse reus merui. Factum defendite vestrum :
(Consensistis enim) nec me suasisse negabo ;
Ut se subtraheret bellique viæque labori,
Tentaretque feros requie lenire dolores.
Paruit, & vivit. Non hæc sententia tantum
Fida, sed & felix ; cum sit satis, esse fidelem.
Quem quoniam vates delenda ad Pergama poscunt ;
Ne mandate mihi : melius Telamonius ibit :
Eloquioque virum morbisque iraque frementem
Molliet : aut aliqua producet callidus arte.
Ante retro Simois fluet ; & sine frondibus Ide
Stabit & auxilium promittet Achaïa Trojæ ;
Quam cessante meo pro vestris pectore rebus
Ajacis stolidi Danaïs sollertia profit.
Sis licet infestus sociis, regique, mihique,
Dure Philoctete ; licet exsecrere, meumque
Devoveas sine fine caput ; cupiasque dolenti
Me tibi forte dari ; nostrumque haurire cruorem ;
Utque tui mihi, sic fiat tibi copia nostri :
Te tamen aggrediar ; mecumque reducere nitar.
Tamque tuis potiar (taveat fortuna) sagittis ;
Quam sum Dardanio, quem cepi, vate potitus,
Quam responsa Deum, Trojanaque fata retexi :
Quam rapui Phrygiæ signum penetrale Minervæ
Hostibus è mediis. Et se mihi comparat Ajax ?
Nempe capi Trojam prohibebant fata sine illo.
Fortis ubi est Ajax ? ubi sunt ingentia magni
Verba viri ? cur hic metuis ? cur audet Ulysses
Ire per excubias ? & se committere nocti ?
Perque feros enses ; non tantum mœnia Troum,
Verum etiam summas arces intrare ; suaque
Eripere æde Deam : raptamque auferre per hostes ?

Quæ nisi fecissem: frustra Telamone creatus
 Gustasset læva taurorum tergora septem.
 Illa nocte mihi Trojæ victoria parva est:
 Pergama tunc vici; cum vinci posse coëgi.
 Define Tydiden, vultuque, & murmure nobis
 Ostentare meum. Pars est sua laudis in illo.
 Nec tu, cum focia clypeum pro classe tenebas;
 Solus eras; tibi turba comes, mihi contigit unus.
 Qui nisi pugnacem sciret sapiente minorem
 Esse, nec indomitæ deberi præmia dextræ;
 Ipse quoque hæc peteret: peteret moderatior Ajax,
 Eurypilusque ferox, claroque Andremone natus;
 Nec minus Idomeneus, patriaque creatus eadem
 Meriones: peteret majoris frater Atridæ:
 Quippe manu fortes (nec sunt tibi Marte secundi)
 Consiliis cessare meis. Tibi dextera bello
 Utilis; ingenium, quod eget moderamine nostro
 Tu vires sine mente geris, mihi cura futuri est.
 Tu pugnare potes: pugnandi tempora mecum
 Eligit Atrides. Tu tantum corpore prodes;
 Nos animo. Quantoque ratem qui temperat, anteis
 Remigis officium, quanto dux milite major;
 Tanto ego te supero. Nec non in corpore nostro
 Pectora sint potiora manu. Vigor omnis in illis.
 At vos, ô procures, vigili date præmia vestro;
 Proque tot annorum cura, quos anxius egi,
 Hunc titulum meritis pensandum reddite nostris.
 Jam labor in fine est. Obstantia fata removi:
 Altaque posse capi faciendo Pergama cepi.
 Per spes nunc socias, casuraque mœnia Troum,
 Perque Deos oro, quos hosti nuper ademi;
 Per, si quid superest, quod sit sapienter agendum;
 Si quid adhuc audax, ex præcipitique petendum;
 Si Trojæ fatis aliquid restare putatis,
 Este mei memores: aut si mihi non datis arma;

Si: 12

Si: 13

Si: 14

Huic

Huic date, & ostendit signum fatale Minervæ.

Mota manus procerum est: & quid facundia possit,
Re patuit; fortisque virituli arma disertus.

Hæctora qui solus, qui ferrum, ignesque, Jovemque
Sustinuit toties; unam non sustinet iram:

Inviæctumque virum vincit dolor. Arripit ensem:

Et, Meus hic certe est: an & hunc sibi poscat Ulysses?

Hoc, ait, utendum est in me mihi: quique cruore

Sæpe Phrygam maduit, domini nunc cæde madebit:

Ne quisquam Ajacem possit superare, nisi Ajax.

Dixit, & in pectus, tum demum vulnera passum,

Qua patuit ferro, letalem condidit ensem.

Nec valuere manus infixum educere telum.

Expulit ipse cruor: rubefactaque sanguine tellus

Purpureum viridi genuit de cespite florem:

Qui prius Oebalio fuerat de vulnere natus.

Littera communis mediis pueroque viroque

Inscripta est foliis: hæc nominis illa querelæ.

2. Victor ad Hypsipyles patriam, clarique Thoantis,

Et veterum terras infames cæde virorum,

Vela dat; ut referat Tirynthia tela sagittas.

Quæ postquam ad Grajos domino comitante revexit;

Imposita est sero tandem manus ultima bello,

Troja simul, Priamusque cadunt. Priameia conjux

Perdedit infelix hominis post omnia formam:

Externasque novo latratu terruit auras.

Longus in angustum qua clauditur Hellespontus,

Ilion ardebat (neque adhuc confederat ignis)

Exiguumque senis Priami Jovis ara cruorem

Combiberat: tractata comis antistita Phœbi

Non profecturas tendebat ad æthera palmas.

Dardanidas matres patriorum signa Deorum

Dum licet amplexas, succensaque templa tenentes

Invidiosa trahunt victores præmia Graji.

Mittitur Astyanax illis de turribus; unde

Pugnantem

Pugnantem pro se proavatique regna tuentem,
 Sæpe videre patrem monstratum à matre solebat.
 Jamque viam suadet Boreas : flatuque secundo
 Carbasa mota sonant ; jubet uti navita ventis.
 Troja, vale, rapimur, clamant dantque oscula terra
 Troades : & patriæ fumantia tecta relinquunt.
 Ultima conscendit classem, miserabile visu,
 In mediis Hecube natorum inventa sepulcris.
 Prensentem tumulos atque ossibus oscula dantem
 Dulichiæ traxêre manus. Tamen unius hausit,
 Inque sinu cineres secum tulit Hectoris haustos.
 Hectoris in tumulo canum de vertice crinem
 Inferias inopes, crinem lacrymasque relinquit.

Est, ubi Troja fuit, Phrygiæ contraria tellus,
 Bistonis habitata viris. Polymestoris illic
 Regia dives erat : cui te commisit alendum
 Clam, Polydore, pater ; Phrygiisque removit ab armis.
 Consilium sapiens : sceleris nisi præmia, magnas
 Adjecisset opes ; animi irritamen avari.
 Ut cecidit fortuna Phrygum, capit impius ensem
 Rex Thracum , juguloque sui defigit alumni :
 Et tanquam tolli cum corpore crimina possent,
 Exanimem scopulo subjectas misit in undas.
 Littore Threicio classem religârat Atrides,
 Dum mare pacatum, dum ventus amicior esset
 Hic subito, quantus cum viveret esse solebat ;
 Exit humo late rupta ; similisque minanti
 Temporis illius vultum referebat Achilles ;
 Quo ferus injusto petiit Agamemnona ferro.
 Immemoresque mei disceditis, inquit Achiyi.
 Obrutaque est mecum virtutis gratia nostræ ?
 Ne facite. Utque meum non sit sine honore sepulcrum,
 Placet Achilleos mactata Polyxena manes.
 Dixit ; & immiti sociis parentibus umbræ
 Rapta sinu matris quam jam prope sola fovebat ;

Fortis,

Fortis, & infelix, & plusquam foemina, virgo,
Ducitur ad tumulum: diroque fit hostia busto.
Quæ memor ipsa sui postquam crudelibus aris
Admota est; sentitque sibi fera sacra parari;
Utque Neoptolemum stantem, ferrumque tenentem,
Inque suos vidit figentem lumina vultus,
Utere jamdudum generoso sanguine dixit:
Nulla mora est. Aut tu jugulo, vel pectore telum
Conde meo; jugulumque simul, pectusque rerexist.
Scilicet aut ulli servire Polyxena ferrem,
Aut per tale sacrum numen placabitis ullum.
Mors tantum vellem matrem mea fallere posset:
Mater obest, minuitque necis mihi gaudia; quamvis
Non mea mors illi, verum sua vita gemenda est.
Vos modo, ne Stygios adeam non libera manes,
Este procul, si justa peto: tactuque viriles
Virgineo removete manus. Acceptior illi,
Quisquis is est, quem cæde mea placare paratis;
Liber erit sanguis. Si quos tamen ultima nostri
Vota movent oris, Priami vos filia regis,
Nunc captiva rogat; genitrici corpus inemptum
Reddite, neve auro redimat jus triste sepulcri,
Sed lacrymis. Tunc, cum poterat, redimebat & auro.
Dixerat. At populus lacrymas, quas ipsa tenebat,
Non tenet, ipse etiam flens, invitusque sacerdos
Præbita coniecto rupit præcordia ferro.
Illa super terram defecto poplite labens,
Pertulit intrepidus ad fata novissima vultus.
Tunc quoque cura fuit partes velare tegendas,
Cum caderet; castique decus servare pudoris.
Troades excipiunt; deploratosque recensent
Priamidas, & quid dederit domus una cruoris.
Teque gemunt, virgo, teque ô modo regia conjux,
Regia dicta parens, Asiæ florentis imago;
Nunc etiam prædæ mala fors: quam victor Ulysses
Esse

Esse suam nolle, nisi quod tamen Hectora partu
Ediderit, Dominum matri vix repperit Hector,
Quæ corpus complexa animæ tam fortis inane,
Quas toties patriæ dederat, natisque, viroque,
Huic quoque dat lacrymas; lacrymas in vulnere fundit;
Osculaque ore legit: consuetaque pectora plangit;
Canitiemque suam concreto in sanguine verrens,
Plura quidem, sed & hæc laniato pectore dixit:
Nata tuæ (quid enim superest?) dolor ultime matri?
Nata, jaces; videoque tuum mea vulnere pectus.
Et ne perdiderim quemquam sine cæde meorum;
Tu quoque vulnus habes. At te, quia scæmina, rebar
A ferro tutam: cecidisti & scæmina ferro.
Torque tuos idem fratres, te perdidit idem
Exitium Trojæ, nostrique orbator Achilles.
At postquam cecidit Paridis Phœbique sagittis;
Nunc certe, dixi, non est metuendus Achilles.
Nunc quoque mi metuendus erat. Cinis ipse sepulti
In genus hoc sævit: tumulo quoque sensimus hostem:
Æacidæ fecunda fuit. Jacet Ilion ingens,
Eventuque gravi finita est publica clades:
Si finita tamen. Soli mihi Pergama restant:
In cursuque meus dolor est. Modo maxima rerum,
Tot generis, natisque potens, nuribusque, viroque,
Nunc trahor exsul, inops, tumultis avulsa meorum,
Penelopæ munus. Quæ me data pensa trahentem
Matribus ostendens Ithacis, Hæc Hectoris illa est
Clara parens: hæc est, dicer, Priamæia conjux.
Postque tot amissos tu nunc, quæ sola levabas
Maternos luctus, hostilia busta piasti.
Inferias hosti peperisti. Quo ferrea resto?
Quidve moror? quo me servas, damnosa senectus?
Quo. Dî crudeles, nisi uti nova funera cernam.
Vivacem differtis anum? quis posse putaret
Felicem Priamum post diruta Pergama dici?

Felix morte sua : nec te, mea nata, peremptam
 Aspicit : & vitam pariter, regnumque reliquit.
 At puto funeribus dotabere regia virgo :
 Condeturque tuum monumentis corpus avitis.
 Non hæc est fortuna domus ; tibi munera matris
 Contingent fletus, peregrinæque haustus arenæ.
 Omnia perdidimus : superest cur vivere tempus
 In breve sustineam, proles gratissima matri
 Nunc solus quondam minimus de stirpe virili,
 Has datus Ismario regi Polydorus in oras.
 Quid moror interea crudelia vulnera lymphis
 Abluere, & sparsos immitti sanguine vultus ?
 Dixit : & ad litus passu procedit anili,
 Albentes lacerata comas. Date, Troades, urnam,
 Dixerat intelix, liquidas hauriret ut undas.
 Aspicit ejectum Polydori in litore corpus :
 Factaque Threiciis ingentia vulnera telis.
 Troades exclamant : obmutuit illa dolore :
 Et pariter vocem, lacrymasque introrsus obrutas
 Devorat ipse dolor. Duroque simillima saxo
 Torpet : & adversæ figit modo lumina terræ ;
 Interdum torvos sustollit ad æthera vultus :
 Nunc positi spectat vultum, nunc vulnera nati ;
 Vulnera præcipue : seque armat, & instruit ira.
 Quæ simul exarsit, tamquam regina maneret,
 Ulcisci statuit, pœnæque in imagine tota est.
 Utque furiæ catulo lætente orbata leæna :
 Signaque nacta pedum sequitur, quem non videt, ho-
 (stem :
 Sic Hecube, postquam cum luctu miscuit iram ;
 Non oblita animorum, annorum oblita suorum,
 Vadit ad artificem diræ Polymestora cædis :
 Colloquiumque petit : nam se monstrare relictum
 Velle latens illi, quod nato redderet, aurum.
 Credidit Odrysius : prædæque assuetus amori,

In secreta venit. Tum blando callidus ore
 Tolle moras, Hecube, dixit: da munera nato.
 Omne fore illius quod das, quod & ante dedisti,
 Per Superos juro. Spectat truculenta loquentem,
 Falsaque jurantem: tumidaque exæstuat ira.
 Atque ita correpto captivarum agmine matrum
 Involat, & digitos in perfida lumina condit,
 Expilatque genis oculos (facit ira valentem)
 Immergitque manus: foedataque sanguine fonti
 Non lumen (neque enim superest) loca luminis haurit,
 Clade sui Thracum gens irritata tyranni
 Troada telorum lapidumque incessere jactu
 Cœpit. At hæc missum rauco cum murmure saxum
 Morsibus insequitur: rictuque in verba parato
 Latravit conata loqui, locus exstat, & ex re
 Nomen habet: veterumque diu memor illa malorum.
 Tum quoque Sithonios ululavit mœsta per agros.
 Illius, Troasque suos, hostesque Pelasgos,
 Illius fortuna Deos quoque moverat omnes:
 Sic omnes, ut & ipsa Jovis conjuxque, sororque,
 Eventus Hecubam meruisse negaverit illos.

3. Non vacat Auroræ, quamquam iisdem faverat
 (armis;

Cladibus, & casu Trojæque, Hecubæque moveri.
 Cura Deam propior, luctusque domesticus angit
 Memnonis amissi: Phrygiis quem lutea campis
 Vidit Achillea pereuntem cuspide mater.
 Vidit. Et ille color, quo matutina rubescunt
 Tempora, palluerat: latuitque in nubibus æther.
 At non impositos supremis ignibus artus
 Sustinuit spectare parens: sed crine soluto,
 Sicut erat, magni genibus procumbere non est
 Dedignata Jovis, lacrymisque has addere voces:
 Omnibus inferior, quas sustinet aureus æther,
 (Nam mihi sunt totum rarissima templa per orbem)
 Diva

Divā tamen venio ; non ut delubra, diesque
Des mihi sacrificos, caliturasque ignibus aras :
Si tamen aspicias quantum tibi scēmina præstem ;
Tum cum luce nova, noctis confinia servo ;
Præmia danda putes. Sed non ea cura, neque hic est
Nunc status Auroræ, meritos ut poscat honores.
Memnonis orba mei, venio. Qui fortia frustra
Pro patruo tulit arma suo ; primisque sub annis
Occidit à forti (sic vos voluistis) Achille.
Da, precor, huic aliquem, solatia mortis, honorem,
Summe Deūm restor ; maternaque vulnera leni.
Jupiter annuerat ; cum Memnonis arduus alto
Corruit igne rogos ; nigrique volumina fumi
Infecēre diem. Veluti cum flumina natas
Exhalant nebulas, nec Sol admittitur infra.
Atra favilla volat ; glomerataque corpus in unum
Densatur : faciemque capit : sumitque calorem
Atque animam ex igni. Levitas sua præbuit alas,
Et primo similis volucris, mox vera volucris
Insonuit pennis. Pariter sonuēre sorores
Innumeræ ; quibus est eadem natalis origo.
Terque rogam lustrant : & consonus exit in auras
Ter clangor. Quarto seducunt castra volatu.
Tunc duo diversa populi de parte feroces.
Bella gerunt. Rostrisque & aduncis unguibus iras
Exercent : alasque, adversaque pectore lassant.
Inferiæque cadunt cinerī cognata sepulto
Corpora ; seque viro forti meminēre creatas.
Præpetibus subitis nomen facit auctor ; ab illo
Memnonides dictæ, cum Sol duodena peregit
Signa ; parentali perituræ more rebellant.
Ergo aliis latrasse Dymantida flebile visum ;
Luctibus est Aurora suis intenta. Piasque
Nunc quoque dat lacrymas ; & toto rorat in orbe.
5. Nec tamen eversam Trojæ cum mœnibus esse
R Spem

Spem quoque fata sinunt. Sacra, & sacra altera patrem
 Fert humeris venerabile onus Cythereius heros :
 De tantis opibus prædam pius eligit illam ;
 Ascaniumque suum. Profugaque per æquora classe
 Fertur ab Antandro : scelerataque limina Thracum,
 Et Polydoreo manantem sanguine terram
 Linqvit. Et utilibus ventis, æstuque secundo
 Intrat Apollineam sociis comitantibus urbem.
 Hunc Anius, quo rege homines, antistite Phœbus
 Rite colebatur, temploque domoque recepit :
 Urbemque ostendit, delubraque vota, duasque
 Latona quondam stirpes pariente retentas.
 Thure dato flammis, vinoque in thura profuso,
 Cæsarumque boum fibris de more crematis,
 Regia tecta petunt ! positique tapetibus altis
 Munera cum liquido capiunt Cerealia Baccho.
 Tum pius Anchises : O Phœbi lecte Sacerdos,
 Fallor ? an & natum, cum primum hæc moenia vidi,
 Bisque duas natas, quantum reminiscor, habebas ?
 Huic Anius niveis circumdata tempora vittis
 Concutiens, & tristis, ait : Non falleris, heros
 Maxime : natorum vidisti quinque parentem.
 Quem nunc (tanta homines rerum inconstantia ver-

(fat)

Æne vides orbem : quid enim mihi filius absens
 Auxilii ? quem dicta suo de nomine tellus
 Andros habet, pro patre locumque & regna tenentem.
 Delius augurium dedit huic : dedit altera Liber
 Fœminææ forti voto majora, fideque
 Munera : nam tactu natarum cuncta mearum
 In segetem, laticemque meri, baccamque Minervæ
 Transformabantur : divesque erat usus in illis.
 Hoc ubi cognovit Trojæ populator Atrides,
 (Ne non ex aliqua vestram sensisse procellam
 Nos quoque parte putes) armorum viribus usus

Abstrahit

Abstrahit invitas gremio genitoris : alantque
Imperat Argolicam cœlesti munere classem.
Effugiunt quo quæque potest ; Eubœa duabus,
Et totiden natis Andros fraterna petita.
Miles adest : & nî dedantur, bella minatur.
Vieta metu pietas, consortia pectora poenæ
Dedidit : & timido possis ignoscere fratri.
Non hic Æneas, non qui defenderet Andron
Hector erat : per quos decimum durastis in annum ;
Jamque parabantur captivis vincla lacertis.
Illæ tollentes etiamnum libera cœlo
Brachia, Bacche pater, fer opem, dixêre : tulitque
Muneris auctor opem, (si miro perdere more
Ferre vocatur opem) nec qua ratione figuram
Perdiderint, potui scire, aut nunc dicere possim.
Summa mali nota est, pennas sumpsêre, tuæque
Conjugis in volucrem niveas abiêre columbas.

5. Talibus, atque aliis postquam convivia dictis
Implerunt ; mensa somnum petiêre remota.
Cumque die surgunt : adeuntque oracula Phœbi.
Qui petere antiquam matrem, cognataque jussit
Littora. Prosequitur rex : & dat munus ituris :
Anchisæ sceptrum, chlamydem, pharetramque nepoti :
Cratera Æneæ, quem quondam miserat illi
Hospes ab Aoniis Therſes Ismenius oris.
Miserat hunc Therſes : illi fabricaverat Alcon
Myleus : & longo cæleverat argumento
Urbs erat : & septem posses ostendere portas.
Iæ pro nomine erant, & quæ foret illa, docebant.
Ante urbem exsequiæ, tumulique, ignesque, rogique,
Effusæque comas & apertæ pectora matres
Significant luctum. Nymphæ quoque flere videntur ;
Siccatosque queri fontes. Sine frondibus arbor
Nuda riget : rodunt arentia saxa capellæ.
Ecce facit mediis natas ab Orione Thebis,

Hanc non fœmineum jugulo dare pectus aperto ;
 Illam dimisso per fortia vulnera telo
 Pro populo cecidisse suo ; pulchrisque per urbem
 Funeribus ferri, celebrique in parte cremari ;
 Tum de virginea geminos exire favilla,
 Ne genus intereat, juvenes (quos fama Coronas
 Nominat,) & cineri materno ducere pompam.

6. 7. Hactenus antiquo signis fulgentibus ære
 Summus inaurato crater erat asper acantho.
 Nec leviora datis Trojani dona remittunt.
 Dantque sacerdoti custodem thuris acerram :
 Dant pateram, claramque auro, gemmisque coronam.
 Inde recordati Teucros à sanguine Teucris
 Ducere principium, Cretam tenuère ; locique
 Ferre diu nequiêre Jovem. Centumque relictis
 Urbibus ; Ausonios optant contingere portus.
 Sævæ hyems, jactatque viros : Strophadumque receptos
 Portibus insidiis exterruit ales Aello.
 Et jam Dulichios portus, Ithacamque, Samonque,
 Neritiasque domos, regnum fallacis Ulyssæi,
 Præter erant vecti, certatam lite deorum
 Ambraciam, versique vident sub imagine saxum
 Judicis ; Actiaco quæ nunc ab Apolline nota est,
 Vocalemque sua terram Dodonida quercu,
 Chaoniosque sinus. Ubi nati rege Molosso
 Impia subvectis fugêre incendia pennis.

8. Proxima Phæacum felicibus obstita pomis
 Rura petunt. Epiros ab his, regnataque vati
 Buthrotos Phrygio, simulataque Troja tenetur.
 Inde futurorum certi, quæ cuncta fideli
 Priamides Helenus monitu prædixerat, intrant
 Sicaniâ : tribus hæc excurrit in æquora linguis.
 E quibus imbriferos obversa Pachynos ad Austros ;
 Mollibus expositum Zephyris Lilybæon : ad Arctos
 Æquoris expertes spectat, Boreamque, Peloros.

Hanc

Hanc subeunt Teucrî ; remisque, æstuque secundo,
Sub noctem potitur Zancleæ classis arena.
Scylla latus dextrum, lævum irrequieta Charybdis
Infestant: Vorat hæc raptas, revomitque carinas:
Illa feris atram canibus succingitur alvum;
Virginis ora ferens. Et (si non omnia vates
Ficta reliquerunt) aliquo quoque tempore virgo. —
Hanc multi petiêre proci, quibus illa repulsis
Ad pelagi Nymphas, pelagi gratissima Nymphis,
Ibat ; & elusos juvenum narrabat amores.
Cui dum pectendos præbet Galatea capillos;
Talibus alloquitur repetens suspiria dictis:
Te tamen, ô virgo, genus haud immitte virorum
Expetit ; utque facis, potes his impune negari.
At mihi cui pater est Nereus, quam cærula Doris
Enixa est ; quæ sum turba quoque iuta sororum ;
Non nisi per luctus licuit Cyclopis amorem
Effugere ; & lacrymæ vocem impediêre loquentis.
Quas ubi marmoreo deterfit pollice virgo ;
Et solata Dearn ; Refer, ô carissima dixit,
Neve tui causam tege (sum tibi fida) doloris.
Nereis his contra resecuta Cratæide natam.
Acis erat Fauno, Nymphaque Simæthide cretus,
Magna quidem patrisque sui, matrisque voluptas,
Nostra tamen major. Nam me sibi junxerat uni
Pulcher ; & octonis iterum natalibus actis
Signarat dubia teneras lanugine malas.
Hunc ego, me Cyclops, nullo cum fine petebat.
Nec si quæsieris odium Cyclopis, amorne
Acidis in nobis fuerit præsentior, edam.
Par utrumque fuit. Prô quanta potentia regni
Est Venus alma tui ! nempe ille immitis, & ipsis
Horrendus sylvis, & visus ab hospite nullo
Impune, & magni cum Dîs contemptor Olympi ;
Quid sit amor sentit : nostrique cupidine captus

Uritur; oblitus pecorum, antrorumque suorum.
Jamque tibi formæ, jamque est tibi cura placendi:
Jam rigidos pectus rastris, Polypheme, capillos:
Jam libet hirsutam tibi falce recidere barbam:
Et spectare feros in aqua, & componere vultus.
Cædis amor, feritasque, sitisque immensa cruoris
Cessant: & tutæ veniunt, abeuntque carinæ.
Telemus interea Siculam delatus ad Ætnen,
Telemus Eurymides, quem nulla fefellerat ales;
Terribilem Polyphemon adit; lumenque quod unum
Fronte geris media, rapiet tibi, dixit, Ulysses.
Risit, & O vatum stolidissime, falleris, inquit:
Altera jam rapuit. Sic frustra vera monentem
Spernit. Et aut gradiens ingenti littora passu
Degravat: aut fessus sub opaca revertitur antra.
Prominet in pontum cuneatus acumine longo
Collis: utrumque latus circumfluit æquoris unda.
Huc ferus adscendit Cyclops: medioque resedit;
Lanigeræ pecudes nullo ducente secutæ.
Cui postquam pinus, baculi quæ præbuit usum,
Ante pedes posita est, antennis apta ferendis;
Sumptaque arundinibus compacta est fistula centum;
Senserunt toti pastoria sibila montes:
Senserunt undæ. Latitans ego rupe, meique
Acidis in gremio residens, procul auribus hausi
Talia dicta meis, auditaque mente notavi:
Candidior nivei folio, Galatea, ligustri,
Floridior pratis, longa procerior alno,
Splendidior vitro, tenero lascivior hædo,
Lævior assiduo detritis æquore conchis,
Solibus hibernis, æstiva gratior umbra,
Nobilior pomis, platano conspectior alta,
Lucidior glacie, matura dulcior uva,
Mollior & cygni plumis, & lacte coacto,
Et si non fugias, riguo formosior horto.

Sævior indomitis eadem Galatea juvençis,
Durior annosa quercu, fallacior undis,
Lentior & salicis virgis & vitibus albis,
His immobilior scopulis, violentior amne,
Laudato pavone superbior, acrior igni,
Asperior tribulis, teta truculentior ursa,
Surdior æquoribus, calcato immitior hydro:
Et, quod præcipue, vellem tibi demere possem,
Non tantum cervo claris latratibus æto,
Verum etiam ventis, volucrique fugacior aura.
At, bene si noris, pigeat fugisse: morasque
Ipsa tuas damnes; & me retinere labores.
Sunt mihi pars montis vivo pendentia saxo
Antra; quibus nec sol medio sentitur in æstu,
Nec sentitur hyems: sunt poma gravantia ramos:
Sunt auro similes longis mihi vitibus uvæ;
Sunt & purpureæ, tibi & has servamus, & illas.
Ipsa tuis manibus sylvestri nata sub umbra
Mollia fraga leges, ipsa autumnalia corna,
Prunaque non solum nigro liventia succo,
Verum etiam generosa, novasque imitantia ceras.
Nec tibi castaneæ, me conjuge, nec tibi deerunt
Arbuti foetus. Omnis tibi serviet arbor.
Hoc pecus omne meum: multæ quoque vallibus errantes
Multas sylva tegit; multæ stabulantur in antris.
Nec, si forte roges, possim tibi dicere, quot sint:
Pauperis est numerare pecus. De laudibus harum
Nil mihi credideris: præsens potes ipsa videre,
Ut vix sustineant distentum cruribus uber.
Sunt foetura minor tepidis in ovilibus agni:
Sunt quoque par ætas aliis in ovilibus hœdi.
Lac mihi semper adest niveum. Pars inde bibenda
Servatur; partem liquetacta coagula durant.
Nec tibi deliciæ faciles, vulgataque tantum
Munera contingent, damæ, leporesque, capræque,

Parva columbarum, demptusve cacumine nidus :
 Inveni geminos, qui tecum ludere possint,
 Inter se similes, vix ut dignoscere possis,
 Villosæ catulos in summis montibus ursæ.
 Inveni : & dixi, Domina servabimus istos.
 Jam modo cæruleo nitidum caput exsere ponto,
 Jam, Galatea, veni : nec munera despice nostra.
 Certe ego me novi, liquidæque in imagine vidi
 Nuper aquæ : placuitque mihi mea forma videnti.
 Aspice sim quantus. Non est hoc corpore major
 Jupiter in cœlo, (nam vos narrare soletis
 Nescio quem regnare Jovem) coma plurima torvos
 Prominet in vultus, humerosque, ut lucus, obumbrat,
 Nec mihi quod rigidis horrent densissima setis
 Corpora, turpe puta. Turpis sine frondibus arbor :
 Turpis equus, nisi colla jubæ flaventia velent.
 Pluma tegit volucres : ovibus sua lana decori.
 Barba viros, hirtæque decent in corpore setæ.
 Unum est in media lumen mihi fronte, sed instar
 Ingentis clypei. Quid ? non hæc omnia magno
 Sol videt è cœlo ? Soli tamen unicus orbis.
 Adde, quod in vestro genitor meus æquore regnat.
 Hunc tibi do focerum. Tantum miserere, precesque
 Supplicis exaudi. Tibi enim succumbimus uni.
 Quique Jovem & cælum sperno, & penetrabile fulmen,
 Nerei, te vereor : tua fulmine lævior ira est.
 Atque ego contemptus essem patientior hujus ;
 Si fugeres omnes. Sed cur Cyclope repulso,
 Acin amas ? præferisque meis amplexibus Acin ?
 Ille tamen placeatque sibi, placeatque licebit,
 Quod nollem, Galatea, tibi, modo copia detur,
 Sentiet esse mihi tanto pro corpore vires.
 Viscera viva traham : divulsæque membra per agros,
 Perque tuas spargam, sic se tibi misceat, undas.
 Uror enim : læsusque exæstuat acrius ignis :

Cumque

Cumque suis videor translata viribus Ætnam
 Pectore ferre meo. Nec tu, Galatea, moveris.
 Talia nequicquam questus (nam cuncta videbam)
 Surgit. Et, ut taurus vacca furibundus adempta,
 Stare nequit : sylvaque & notis saltibus errat.
 Cum ferus ignaros, nec quicquam tale timentes,
 Me videt, atque Acin : Videoque exclamat : & ista
 Ultima sit, faciam, Veneris concordia vestræ.
 Tantaque vox, quantam Cyclops iratus habere
 Debuit, illa fuit. Clamore perhorruit Ætne.
 Ast ego vicino pavefacta sub æquore mergor,
 Terga fugæ dederat conversa Symæthius heros :
 Et fer opem, Galatea, precor, mihi ; ferte parentes,
 Dixerat : & vestris periturum admittite regnis.
 Insequitur Cyclops, partemque è monte revulsam
 Mittit, & extremus quamvis pervenit ad illum
 Angulus è saxo, totum tamen obruit Acin.
 At nos quod fieri solum per fata licebat,
 Fecimus ; ut vires assumeret Acis avitas.
 Puniceus de mole cruor manabat : & intra
 Temporis exiguum rubor evanescere cœpit.
 Fitque color primo turbati fluminis imbre :
 Purgaturque mora, tum moles jacta dehiscit :
 Vivaque per rimas, proceraque surgit arundo ;
 Osque cavum saxi sonat exsultantibus undis ;
 Miraque res, subito media tenus exstitit alvo
 Incinctus juvenis flexis nova cornua cannis.
 Qui, nisi quod major, quod toto cærus ore est ;
 Acis erat. Et sic quoque erat tamen Acis in amnem
 Versus, & antiquum tenuerunt flumina nomen.

9. Desierat Galatea loqui : cœtuque soluto
 Discedunt, placidisque natant Nereïdes undis.
 Scylla redit, neque enim medio se credere ponto
 Audet : & aut bibula sine vestibis errat arena ;
 Aut ubi lassata est, seductos nacta recessus

Gurgitis, inclusa sua membra refrigerat unda.
 Ecce fretum findens alti novus incola ponti
 Nuper in Euboïca versis Anthedone membris
 Glaucus adest : visæque cupidine virginis ardet :
 Et quæcunque putat fugientem posse morari,
 Verba refert : fugit illa tamen : veloxque timore
 Pervenit in summum positi prope littora montis.
 Ante fretum est ingens apicem collectus in unum
 Longa sub arboribus convexus ad æquora vertex.
 Constitit & hic : & tuta loco, monstrumne, Deusne
 Ille sit ignorans, admiraturque colorem,
 Cæsariemque humeros, subjectaque terga regentem,
 Ultimaque excipiat, quod tortilis inguina piscis.
 Sensit : & innitens, quæ stabat proxima moli,
 Non ego prodigium, non sum fera bellua, virgo,
 Sum Deus, inquit, aquæ : nec magis in æquore Proteus
 Jus habet, & Triton, Athamantiadesque Palæmon.
 Ante tamen mortalis eram : sed scilicet altis
 Deditus æquoribus, jam tum exercebar in illis.
 Nam modo ducebam ducentia retia pisces,
 Nunc in mole sedens moderabar arundine linum.
 Sunt viridi prato confinia littora, quorum
 Altera pars undis, pars altera cingitur herbis :
 Quas neque cornigeræ morso læsere juvenæ :
 Nec placidæ carpistis oves, hirtæve capellæ.
 Non apïs inde tulit collectos sedula flores,
 Non data sunt capiti genialia ferta : nec unquam
 Falciferæ secuere manus. Ego primus in illo
 Cespite concedi, dum linâ madentia sicco,
 Utque recenserem captivos ordine pisces ;
 Insuper exposui, quos aut in retia casus,
 Aut sua credulitas in aduncos egerat hamos.
 Res similis fictæ : sed quid mihi fingere prodest ?
 Gramine contacto cœpit mea præda moveri,
 Fugare latus ; terraque ut in æquore niti.

Dumque

Dumque moror, mirorque simul, fugit omnis in undas
Turba suas: dominumque novum, lictusque relinquunt.
Obstupui: dubiusque diu, quæ causa requiro,
Num Deus hoc aliquis, num succus fecerit herbæ.
Quas tamen hæc, inquam, vires habet herba? manuque
Pabula decerpfi, decerptaque dente momordi.
Vix bene combiberant ignotos guttura succos:
Cum subito trepidare intus præcordia sensi;
Alteriusque rapi naturæ pectus amore.
Nec potui restare diu, repetendaque nunquam
Terra, vale, dixi, corpusque sub æquora merfi.
Dî maris exceptum socio dignantur honore:
Utque mihi quæcunque feram mortalia demant,
Oceanum, Tethynque rogant. Ego lustror ab illis
Et purgante nefas novies mihi carmine dicto
Pectora fluminibus jubeor supponere centum.
Nec mora, diversis lapsi de fontibus amnes
Totaque verguntur supra caput æquora nostrum.
Hactenus acta tibi possum memoranda referre,
Hactenus & memini, nec mens mea cætera sensit,
Quæ postquam rediit; alium me corpore toto
Ac fueram nuper, nec eundem mente recepi.
Hanc ego tum primum viridi ferrugine barbam,
Cæsariemque meam, quam longa per æquora verro,
Ingentesque humeros, & cærule brachia vidi,
Cruraque pinnigero curvata novissima pisce.
Quid tamen hæc species, quid Dîs placuisse marinis,
Quid juvat esse Deum, si tu non tangeris istis?
Talia dicentem, dicturum plura reliquit
Scylla Deum. Furit ille, irritatusque repulsa
Prodigiosa petit Titanidos atria Circes.

M E T A M O R P H O S E O N L I B. XIV:

1. JAmque giganteis injectam faucibus Ænen,
 Arvaque Cyclopum, quid rastra, quid usus aratri
 Nescia, nec quidquam junctis debentia bubus.
 Liquerat Euboicus tumidarum cultor aquarum :
 Liquerat & Zanclen, adversaque moenia Rhegi,
 Navisfragumque fretum, gemino quod littore pressum
 Ausoniæ Siculæque tenet confinia terræ.
 Inde manu magna Tyrrhena per æquora lapsus,
 Herbiferos adiit colles, atque atria Glaucus
 Sole satæ Circes, variarum plena ferarum.
 Quam simul aspexit ; dicta, acceptaque salute.
 Diva, Dei miserere, precor : nam sola levare
 Tu potes hunc, dixit, (videar modo dignus) amorem.
 Quanta sit herbarum, Titani, potentia nulli
 Quam mihi cognitius ; qui sum mutatus ab illis.
 Neve mei non nota tibi sit causa furoris ;
 Littora in Italico Messenia moenia contra
 Scylla mihi visa est. Pudor est promissa, precesque,
 Blanditiasque meas, contemptaque verba referre.
 At tu sive aliquod regnum est in carmine ; carmen
 Ore move sacro : sive expugnacior herba est ;
 Utere tentatis operosæ viribus herbæ.
 Nec medeare mihi, sanesque hæc vulnera mando :
 Fineque nil opus est ; partem ferat illa caloris.
 At Circe (neque enim flammis habet aptius ulla
 Talibus ingenium, seu causa est hujus in ipsa :
 Seu Venus indicio facit hoc offensa paterno)
 Talia verba refert : Melius sequerere volentem,
 Optantemque eadem, parilique cupidine captam.
 Dignus eras ; ultro poteras certeque rogari :
 Et si spem dederis ; mihi crede, rogaberis ultro.
 Neu dubites : adsitque tuæ fiducia formæ.

En ego cum Dea sim, nitidi cum filia Solis;
Carminum cum tantum, tantum quoque gramine possim;
Ut tua sim, voveo. Spernentem sperne: sequenti
Redde vices: unoque duas ulciscere facto.
Talia tentanti, Prius inquit in æquore frondes,
Glaucus, & in summis nascentur montibus algæ;
Sospite quam Scylla nostri mutantur amores.
Indignata Dea est: & lædere quatenus ipsum
Non poterat, nec vellet amans; irascitur illi,
Quæ sibi prælata est. Venerisque offensa repulsa,
Protinus horrendis infamia gramina succis
Conterit: & tritis Hecateia carmina miscet,
Cæruleaque induitur velamina; perque ferarum
Agmen adulantum media procedit ab aula:
Oppositumque petens contra Zancleia faxa
Rhegion ingreditur, ferventes æstibus undas:
In quibus, ut solida ponit vestigia ripa.
Summaque decurrit pedibus super æquora ficcis:
Parvus erat gurgis curvos sinuatus in arcus,
Grata quies Scyllæ: quo se referebat ab æstu
Et maris & cœli, medio cum plurimus orbe
Sol erat, & minimas à vertice fecerat umbras;
Hunc Dea prævitiat: portentificisque venenis
Inquinat. Hic pressos latices radice nocenti
Spargit: & obscurum verborum ambage novorum
Ter novies carmen magico demurmurat ore.
Scylla venit; mediaque tenus descenderat alvo;
Cum sua foedari latrantibus inguina monstris
Aspicit. Ac primo non credens corporis illas
Esse sui partes, refugitque, abigitque, timetque
Ora proterva canum. Sed quos fugit, attrahit una.
Et corpus quærens femorum, crurumque, pedumque
Cerbereos rictus pro partibus invenit illis.
Statque canum rabies: subiectaque terga ferarum
Inguinibus truncis, uteroque exstante cohærent.

9. Flevit amans Glaucus, nimiumque hostiliter usque
Viribus herbarum fugit connubia Circes.

Scylla loco mansit, cumque est data copia primum,
In Circes odium sociis spoliavit Ulyssen.

Mox eadem Teucras fuerat merfura carinas;

Ni prius in scopulum, qui nunc quoque saxeus exstat,
Transformata foret. Scopulum quoque navita vitat.

3. Hanc ubi Trojanæ remis avidamque Charybdis
Evicere rates; cum jam prope littus adessent
Ausonium, Libycas vento referuntur ad oras.

Excipit Ænean illic animoque domoque,

Non bene discidium Phrygii latura mariti,

Sidonis. Inque pyra sacri sub imagine ficti

Incubuit ferro, deceptaque decipit omnes.

Rursus arenosæ fugiens nova moenia terræ,

Ad sedes Erycis, fidumque relatus Acesten

Sacrificat, tumulumque sui genitoris honorat.

Quasque rates Iris Junonia pæne cremarat.

Solvit: & Hippotadæ regnum, terrasque calenti

Sulfure fumantes, Acheloiadumque relinquit

Sirenum scopulos. Orbataque præside pinus

Inarimen, Prochytenque legit, sterilique locatas

Colle Pithecusas, habitantum nomine dictas.

Quippe Deum genitor fraudem, & perjuriam quondam

Cercopum exosus, gentisque admittit dolosæ;

In deformem viros animal mutavit, ut idem

Diffimiles homini possent, similesque videri.

Membraque contraxit; naresque à fronte remissas

Contudit, & rugis pererravit anilibus ora.

Totaque velatos flaveni corpora villos

Misit in has sedes. Nec non prius abstulit usum

Verborum, & natæ dira in perjuriam linguae.

Posse queri tantum rauco stridore reliquit.

4. Has ubi præterit, & Parthenopeia dextra

Moenia deseruit; læva de parte canori

Æolidæ tumulum, loca foeta palustribus ulvis
Littora Cumarum, vivacisque antra Sibyllæ
Intrat: &, ut manes adeat per Averna paternos,
Orat. At illa diu vultum tellure moratum
Erexit: tandemque Deo furibunda recepto,
Magna petis, dixit, vir factis maxime, cujus
Dextera per ferrum, pietas spectata per ignes.
Pone tamen, Trojane, metum: potiere petitis.
Elysiæque domos, & regna novissima mundi
Me duce cognosces, simulacraque cara parentis.
Invia virtuti nulla est via. Dixit, & auro
Fulgentem ramum sylva Junonis Avernae
Monstravit; jussitque suo divellere trunco.
Paruit Æneas. Et formidabilis Orci.
Vidit opes, atavosque suos, umbramque senilem
Magnanimi Anchisæ didicit quoque jura locorum;
Quæque novis essent adeunda pericula bellis.
Inde ferens lassos averso tramite passus,
Cum duce Cumæa fallit sermone laborem.
Dumque iter horrendum per opaca crepuscula carpit;
Seu Dea tu præsens, seu Diis gratissima, dixit;
Numinis instar eris semper mihi: meque fatebor
Munus habere tuum quæ me loca mortis adire,
Qua loca me visæ voluisti evadere mortis.
Pro quibus aërias meritis evectus ad auras,
Templa tibi statuam: tribuam tibi thuris honorem.
Respicit hunc vates, & suspiratibus haustis,
Nec Dea sum, dixit, nec sacri thuris honore
Humanum dignare caput. Neu nescius erres;
Lux æterna mihi, carituraque fine dabatur,
Si mea virginitas Phœbo patuisset amanti.
Dum tamen hanc sperat, dum præcorrumpere donis
Me cupit; Elige, ait, virgo Cumæa, quid optes:
Optatis potiere tuis. Ego pulveris hausti
Ostendens cumulum, quot haberet corpora pulvis,

Tot mihi natales contingere vana rogavi.
 Excidit optarem juvenes quoque protinus annos.
 Hos tamen ille mihi dabat, æternamque juventam,
 Si Venerem paterer. Contempto munere Phœbi
 Innuba permaneo sed jam felicior ætas
 Terga dedit: tremuloque gradu venit ægra senectus;
 Quæ patienda diu est. Nam jam mihi sæcula septem
 Acta vides: superest, numeros ut pulveris æquem,
 Tercentum messes, tercentum musta videre.
 Tempus erit, cum me de tanto corpore parvam
 Longa dies faciat: consumptaque membra senecta,
 Ad minimum redigantur onus. Nec amata videbor,
 Nec placuisse Deo. Phœbus quoque forsitan ipse
 Vel non agnosceret, vel dilexisse negabit.
 Usque adeo mutata ferar; nullique videnda,
 Voce tamen noscar. Vocem mihi fata relinquent.

5. Talia convexum per iter memorante Sibylla,
 Sedibus Euboïcam Stygiis emergit in urbem
 Troïus Æneas; sacrisque è more litatis,
 Littora adit nondum nutricis habentia nomen.
 Hic quoque substitit post rædia longa laborum
 Neritius Macareus, comes experientis Ulyssæi.
 Desertum quondam mediis qui rupibus Ætnæ
 Noscit Achæmeniden: improvisoque repertum
 Vivere miratus, qui te casusve, Deusve
 Servat Achæmenide? cur, inquit, barbaræ Grajum
 Prora vehit? petitur quæ vestræ terra carinæ?
 Talia quærenti, jam non hirsutus amictu,
 Jam suus, & spinis concerto tegmine nullis,
 Fatur Achæmenides: Iterum Polyphemon, & illos
 Aspiciam fluidos humano sanguine rictus;
 Hæc mihi ni potior domus est, Ithacique carina;
 Si minus Ænean veneror genitore. Nec unquam
 Esse satis potero, præstem licet omnia gratus.
 Quod loquor, & spiro; cœlumque, & sidera Solis
 Respicio.

Respicio. (possimne ingratus, & immemor esse?)
Ille dedit. Quid non anima hæc Cyclopi in ora
Venit : & ut lumen jam nunc vitale relinquam ;
Ut tumulo, aut certe non illa condar in alvo.
Quid mihi tunc animi, nisi si timor abstulit omnem
Sensum animumque, fuit ; cum vos petere alta relictus
Æquora conspexi ? volui inclamare, sed hosti
Prodere me timui : vestræ quoque clamor Ulyssis
Pæne rati nocuit. Vici cum monte revulso
Immanem scopulum medias permisit in undas.
Vidi iterum veluti tormenti viribus acta
Vasta giganteo jaculantem saxa lacerto.
Et ne deprimeret fluctusve lapisve carinam,
Pertimui. Jam me non esse oblitus in illa.
Ut vero fuga vos ab acerba morte removit :
Ille quidem totam gemebundus obambulat Ætnam,
Prætentatque manu sylvas, Et luminis orbis
Rupibus incurSAT : scædataque brachia rabo,
In mare protendens, gentem exsecratur Achivam.
Atque ait : O si quis referat mihi casus Ulyssæ,
Aut aliquem è sociis, in quem mea sæviat ira,
Viscera cujus edam, cujus vivacia dextra
Membra mea laneam, cujus mihi sanguis inundet
Guttur, & elisi trepident sub dentibus artus ;
Quam nullum, aut leve sit damnum mihi lucis a
(demptæ !
Hæc & plura ferox. Me luridus occupat horror ;
Spectantem vultus, etiamnum cæde madentes,
Crudelesque manus, & inanem luminis orbem,
Membraque, & humano concretam sanguine barbam.
Mors erat ante oculos ; minimum tamen illa malorum :
Et jam prensurum, jam jam mea viscera rebar
In sua mersurum ; menti que hærebat imago
Temporis illius quo vidi bina meorum
Ter quater affligi sociorum corpora terræ.

Quæ super ipse jacens, hirsuti more leonis,
 Visceraque, & carnes, cumque albis ossa medullis,
 Semianimesque artus avidam condebat in alvum,
 Me tremor invasit, stabam sine sanguine moestus,
 Mandentemque videns, ejectantemque cruentas
 Ore dapes. Et frustra mero glomerata vomentem.
 Talia fingebam misero mihi fata parari :
 Perque dies multos latitans, omnemque tremiscens
 Ad strepitum, mortemque timens, cupidusque mori
 Glande famem pellens, & mista frondibus herba ;
 Solus, inops, exspes, leto pœnæque relictus.
 Hanc procul adspexi longo post tempore navim :
 Oravique fugam gestu, ad litusque cucurri :
 Et movi, Grajumque ratis Trojana recepit.
 Tu quoque pande tuos, comitum gratissime, casus,
 Et ducis, & turbæ, quæ tecum credita ponto.

Æolon ille refert Tusco regnare profundo ;
 Æolon Hippotaden, cohibentem carcere ventos :
 Quos bovis inclusos tergo (memorabile munus)
 Dulichium sumpsisse ducem ; flatuque secundo
 Lucibus isse novem, & terram aspexisse petitam :
 Proxima post nonam cum sese Aurora moveret ;
 Invidia socios prædæque cupidine victos
 Esse ratos aurum, dempsisse ligamina ventis ;
 Cum quibus isse retro, per quas modo venerat unda
 Æloii que ratem portus repetisse tyranni.
 Inde Lami veterem Læstrygonis, inquit, in urbem
 Venimus. Antiphates terra regnabat in illa.
 Missus ad hunc ego sum, numero comitante duorum
 Vixque fuga quæsitâ salus, comitique, mihique.
 Tertius è nobis Læstrygonis impia tinxit
 Ora cruore suo, fugientibus instat, & agmen
 Concitat Antiphates. Coeunt, & saxa trabesque
 Conjiciunt, merguntque viros, merguntque carinas.
 Una tamen, quæ nos ipsumque vehibat Ulysses,

Effugit. Amissa sociorum parte, dolentes,
 Multaque conquesti, terris allabimur illis,
 Quas procul hinc cernis. Procul hinc, tibi (cerne) videnda
 Insula visa mini. Tuque, ô justissime Troum,
 Nate Dea (neque enim finito Marte vocandus
 Hostis es, Ænea) moneo, fuge littora Circes.
 Nos quoque Circæo religata in littore pinu
 Antiphatae memores; immanisvetique Cyclopis,
 Ire negabamus; ignotaque tecta subire
 Sorte sumus lecti. Sors me, fidumque Polyten,
 Eurylochumque simul, nimiiue Elpenora vini,
 Bisque novem socios Circæ ad mœnia misit.
 Quæ simul attigimus, steterimusque in limine tecti;
 Mille lupi, mistæque lupis ursæque leæque
 Occursu fecêre metum, sed nulla timenda,
 Nullaque erat nostro factura in corpore vulnus:
 Quin etiam blandas movêre per aëra caudas,
 Nostraque adulantes comitant vestigia, donec
 Excipiunt famulae, perque atria marmore tecta
 Ad Dominam ducunt. Pulcro sedet illa recessu
 Soleani solio; pallamque induta nitentem,
 Insuper aurato circumvelatur amictu.
 Nereides, Nymphæque simul; quæ vellera motis
 Nulla trahunt digitis, nec fila sequentia ducunt,
 Gramina disponunt, sparsosque sine ordine flores
 Secernunt calathis, variasque coloribus herbas.
 Ipsa quod hæ faciunt opus exigit; ipsa quis usus
 Quoque sit in folio, quæ sit concordia mistis
 Novit, & advertens penfas examinat herbas.
 Hæc ubi nos vidit, dicta, acceptaque salute,
 Diffudit vultus, & reddidit omnia votis.
 Nec mora, misceri costi jubet hordea grani,
 Mellaque vimque meri, cum lacte coagula passo.
 Quique sub hac lateant furtim dulcedine, succos.
 Adjicit. Accipimus sacra data pocula dextra.

Quæ simul arenti sitientes hausimus ore,
 Et tetigit summos virga Dea dira capillos;
 Et pudet, & referam: setis horrescere cœpi:
 Nec jam posse loqui; pro verbis edere raucum
 Murmur, & in terram toto procumbere vultu;
 Osque meum pando sensi occallescere rostro;
 Colla tumere toris, & qua moda pocula parte
 Sumpta mihi fuerant, illa vestigia feci.
 Cumque eadem passis tantum medicamina possunt,
 Claudor hara, solumque suis caruisse figura
 Vidimus Eurylochum: solus data pocula fugit.
 Quæ nisi vitasset, pecoris pars una maneret.
 Nunc quoque setigeri, nec tantæ cladis ab illo
 Certior ad Cincen ultor venisset Ulysses.
 Pacifer huic florem dederat Cyllenius album;
 Moly vocant Superi, nigra radice tenetur.
 Tutus eo, monitisque simul cœlestibus intrat
 Ille domum Circes; & ad insidiosa vocatus
 Pocula, conantem virga mulcere capillos
 Reppulit: & stricto pavidam deterruit ense.
 Inde fides, dextræque datæ: thalamoque receptus
 Conjugii dotem sociorum corpora poscit.

6. Spargimur innocuæ succis melioribus herbæ,
 Percutimurque caput conversæ verbere virgæ:
 Verbaque dicuntur dictis contraria verbis.
 Quo magis illa canit, magis hoc tellure levati
 Erigimur: setæque cadunt, bifidosque relinquit
 Rima pedes. Redeunt humeri, subjecta lacertis
 Brachia sunt. Flentem flentes complectimur illum:
 Hæremusque ducis collo. Nec verba locuti
 Ulla priora sumus, quam nos testantia gratos.
 Annua nos illic tenuit mora: multaque præsens
 Tempore tam longo vidi; multa auribus hausi.
 Hoc quoque cum multis, quod clam mihi rettulit una
 Quattuor è famulis, ad talia sacra paratis.

Cum duce namque meo Circe dum sola moratur,
Illa mihi niveo factum de marmore signum
Ostendit juvenile, gerens in vertice Picum,
Æde sacra positum, multisque insigne coronis.
Quis foret, & quare sacra coleretur in æde,
Cur hanc ferret avem, quærenti, & scire volenti,
Accipe, ait, Macareu; dominæque potentia quæ sit
Hinc quoque disce meæ. Tu dictis adjice mentem.

7. Picus in Aufoniis proles Saturnia terris
Rex fuit, utilium bello studiosus equorum.
Forma viro, quam cernis, erat. Licet ipse decorem
Aspicias, fictaque probes ab imagine veram.
Par animus formæ: nec adhuc spectasse tot annos
Quinquennem poterat Grajam quater edere pugnam.
Ille suos Dryades Latiis in montibus ortas
Verterat in vultus, illum fontana petebant
Numina Naiades. Quas Albula, quasque Numici,
Quas Anienis aquæ, cursuque brevissimus Almo,
Narve tulit præceps, & opacæ Farfarus umbræ,
Quæque colunt Scythicæ stagnum nemorale Dianæ,
Finitimosque lacus. Spretis tamen omnibus, unam
Ille fovet Nymphen, quam quondam colle Palati
Dicitur accipiti peperisse Venilia Jano.
Hæc ubi nubilibus primum maturuit annis;
Præposito cunctis Lurenti tradita Pico:
Rara quidem facie, sed rarior arte canendi;
Unde Canens dicta est. Sylvas, & saxa movere
Et mulcere feras, & flumina longa morari
Ore suo, volucresque vagas retinere solebat.
Quæ dum sceminea modulatur carmina voce;
Exierat tecto Laurentes Picus in agros;
Indigenas fixurus apros, tergumque premebat
Acris equi; lævaque hastilia bina ferebat,
Phœniceam fulvo chlamydem contractus ab auro.
Venerat in sylvas & filia Solis easdem.

Uique

Utque novas legeret fœcundis collibus herbas,
Nomine dicta suo Circæa reliquerat arva.
Quæ simul ac juvenem virgultis abdita vidit;
Obstupuit. Cecidêre sinu, quas legerat, herbæ:
Flammaque per totas visa est errare medullas.
Ut primum valido mentem collegit ab æstu;
Quid cuperet, fassura fuit. Ne posset adire
Cursus equi fecit, circumfususque satelles.
Non tamen effugies, vento rapiare licebit,
Si modo me novi, si non evanuit omnis
Herbarum virtus, & me mea carmina fallunt;
Dixit. Et effigiem nullo cum corpore falsi
Finxit apri, præterque oculos transcurrere regis
Jussit, & in densum trabibus nemus ire videri;
Plurima quæ sylva est, & equo loca pervia non sunt.
Haud mora: continuo prædæ petit inscius umbram
Picus; equique celer fumantia terga relinquit.
Spemque sequens vanam, sylva pedes errat in alta.
Concipit illa preces; & verba venefica dicit:
Ignotosque Deos ignoto carmine adorat,
Quo solet & nivæ vultum confundere Lunæ,
Et patrio capiti bibulas subtexere nubes.
Tum quoque cantato densetur carmine cœlum,
Et nebulas exhalat humus (cœcisque vagantur
Limitibus comites. Et abest custodia regi
Nacta locum tempusque, Per ô tua lumina, dixit,
Quæ mea ceperunt, perque hanc, pulcherrime, formam
Quæ facit ut supplex tibi sim Dea; consule nostris
Ignibus: & focerum, qui pervidet omnia, Solem
Accipe. Nec durus Titanida despice Circen.
Dixerat; ille ferox, ipsamque, precesque repellit:
Et, Quæcunque es, ait, non sum tuus. Altera captum
Me tenet, & teneat per longum comprecor ævum.
Nec Venere externa socialia fœdera lædam;
Dum mihi Janigenam servabunt fata Canentem,

Hæpe retentatis precibus Titania frustra,
 non impune feres, neque, ait, reddere Canenti:
 :saque quid faciat, quid amas, quid fœmina, disces
 bus, ait, sed amans, & læsa, & fœmina Circe.
 m bis ad occasum, bis se convertit ad ortus:
 r juvenem baculo tetigit, tria carmina dixit,
 e fugit. Sed se solito velocius ipse
 rre miratus; pennas in corpore vidit.
 ue novam subito Latiis accedere sylvis
 lignatus avem, duro ferra robora rostro
 git; & iratus longis dat vulnera truncis.
 rpureum chlamydis pennæ traxere colorem.
 bula quod fuerat, vestemque momorderat aurum;
 uma fit: & fulvo cervix præcingitur auro:
 ec quidquam antiqui Pico, nisi nomina, restat.
 8. Interea comites clamato sæpe per agros
 equicquam Pico, nullaque in parte reperto,
 veniunt Circen (nam jam tenuaverat auras,
 ffaque erat nebulas ventis ac sole resolvi)
 riminibusque premunt veris, regemque repossunt,
 imque ferunt: sævisque parant incessere telis.
 la nocens spargit virus, succosque veneni:
 t noctem, noctisque Deos, Ereboque, Chaoque
 onvocat: & magicis Hecaten ululatibus orat.
 xfluere loco (dictu mirabile) sylvæ
 ngemuitque solum, vicinaque palluit arbor,
 parsaque sanguineis maduerunt pabula guttis;
 t lapides visi mugitus edere raucos;
 t latrare canes: & humus serpentibus atris
 squallere; & tennes animæ volitare silentum.
 Attonitum monstris vulgus pavet. Illa paventum
 Ora venenata tetigit mirantia virga;
 Cujus ab attactu variarum monstra ferarum
 In juvenes veniunt nulli sua mansit imago.

9, Prefferat occiduis Tartessia littora Phœbus:

Se putat ; oblitus regisque, ducumque, meique ;
 Nonus in officio & prælatus munere sortis.
 Sed tamen eventus vestræ, fortissime, pugnæ
 Quis fuit ? Hector abit violatus vulnere nullo.
 Me miserum, quanto cogor meminisse dolore
 Temporis illius : quo Grajûm murus Achilles
 Procubuit. Nec me lacrymæ luctusve, timorve
 Tardarunt, quin corpus humo sublime referrem.
 His humeris : his, inquam, humeris ego corpus Achillis,
 Et simul arma tuli : quæ nunc quoque ferre laboro.
 Sunt mihi quæ valeant in talia pondera vires :
 Est animus vestros certe sensurus honores.
 Scilicet idcirco pro nato cærule mater
 Ambitiosa suo fuit, ut cœlestia dona,
 Artis opus tantæ rudis, & sine pectore miles
 Indueret ? neque enim clypei cælamina novit,
 Oceanum, & terras, cumque alto sidera cœlo,
 Pleiadasque, Hyadasque, immunemque æquoris Arcton,
 Diversasque urbes, nitidumque Orionis ense.
 Postulat ut capiat, quæ non intelligit arma.
 Quid ? quod me duri fugientem munera belli
 Arguit incepto serum accessisse labori ?
 Nec se magnanimo maledicere sentit Achilli ?
 Si simulasse vocat crimen ; simulavimus ambo.
 Si mora pro culpa est ; ego sum maturior illo.
 Me pia detinuit conjux ; pia mater Achillem ;
 Primaque sunt illis data tempora, cætera vobis.
 Haud timeo, si jam nequeo defendere crimen ;
 Cum tanto commune viro : deprensus Ulyssis
 Ingenio tamen ille ; at non Ajacis, Ulysses.
 Neve in me stolidæ convicia fundere linguæ
 Admiremur eum : vobis quoque digna pudore
 Objicit. An falso Palamedem crimine turpe
 Accusasse mihi ? vobis damnasse decorum ?
 Sed neque Naupliades facinus defendere tantum,
 Tamque

Tamque

Tamque patens valuit : nec vos audistis in illo
Crimina. Vidistis : pretioque objecta patebant.
Nec Pœantiaden quod habet Vulcania Lemnos,
Esse reus merui. Factum defendite vestrum :
(Consensistis enim) nec me suasisse negabo ;
Ut se subtraheret bellique viæque labori,
Tentaretque feros requie lenire dolores.
Paruit, & vivit. Non hæc sententia tantum
Fida, sed & felix ; cum sit satis, esse fidelem.
Quem quoniam vates delenda ad Pergama poscunt ;
Ne mandate mihi : melius Telamonius ibit :
Eloquioque virum morbisque iraque frementem
Molliet : aut aliqua producet callidus arte.
Ante retro Simois fluet ; & sine frondibus Ide
Stabit & auxilium promittet Achaïa Trojæ ;
Quam cessante meo pro vestris pectore rebus
Ajacis stolidi Danaïs sollertia profit.
Sis licet infestus sociis, regique, mihique,
Dure Philoctete ; licet execrere, meumque
Devoveas sine fine caput ; cupiasque dolenti
Me tibi forte dari ; nostrumque haurire cruorem ;
Utque tui mihi, sic fiat tibi copia nostri :
Te tamen aggrediar ; mecumque reducere nitar.
Tamque tuis potiar (taveat fortuna) sagittis ;
Quam sum Dardanio, quem cepi, vate potitus,
Quam responsa Deum, Trojanaque fata rerexi :
Quam rapui Phrygiæ signum penetrale Minervæ
Hostibus è mediis. Et se mihi comparat Ajax ?
Nempe capi Trojam prohibebant fata sine illo.
Fortis ubi est Ajax ? ubi sunt ingentia magni
Verba viri ? cur hic metuis ? cur audet Ulysses
Ire per excubias ? & se committere nocti ?
Perque feros enses ; non tantum moenia Troum,
Verum etiam summas arces intrare ; suaque
Eripere æde Deam : raptamque auferre per hostes ?

Quæ nisi fecissem: frustra Telamone creatus
 Gustasset læva taurorum tergora septem.
 Illa nocte mihi Trojæ victoria parva est:
 Pergama tunc vici; cum vinci posse coëgi.
 Define Tydiden, vultuque, & murmure nobis
 Ostentare meum. Pars est sua laudis in illo.
 Nec tu, cum socia clypeum pro classe tenebas;
 Solus eras; tibi turba comes, mihi contigit unus.
 Qui nisi pugnacem sciret sapiente minorem
 Esse, nec indomitæ deberi præmia dextræ;
 Ipse quoque hæc peteret: peteret moderatior Ajax,
 Eurypilusque ferox, claroque Andremone natus;
 Nec minus Idomeneus, patriaque creatus eadem
 Meriones: peteret majoris frater Atridæ:
 Quippe manu fortes (nec sunt tibi Marte secundi)
 Consiliis cessare meis. Tibi dextera bello
 Utilis; ingenium, quod eget moderamine nostro
 Tu vires sine mente geris, mihi cura futuri est.
 Tu pugnare potes: pugnandi tempora mecum
 Eligit Atrides. Tu tantum corpore prodes;
 Nos animo. Quantoque ratem qui temperat, anteit
 Remigis officium, quanto dux milite major;
 Tanto ego te supero. Nec non in corpore nostro
 Pectora sint potiora manu. Vigor omnis in illis.
 At vos, ô procures, vigili date præmia vestro;
 Proque tot annorum cura, quos anxius egi,
 Hunc titulum meritis pensandum reddite nostris.
 Jam labor in fine est. Obstantia fata removi:
 Altaque posse capi faciendo Pergama cepi.
 Per spes nunc socias, casuraque mœnia Troum,
 Perque Deos oro, quos hosti nuper ademi;
 Per, si quid superest, quod sit sapienter agendum;
 Si quid adhuc audax, ex præcipitque petendum;
 Si Trojæ satis aliquid restare putatis,
 Este mei memores: aut si mihi non datis arma;

Huic date, & ostendit signum fatale Minervæ.

Mota manus procerum est: & quid facundia possit,
Re patuit; fortisque virituli arma disertus.
Hectora qui solus, qui ferrum, ignesque, Jovemque
Sustinuit toties; unam non sustinet iram:
Invictumque virum vincit dolor. Arripit ensem:
Et, Meus hic certe est: an & hunc sibi poscat Ulysses?
Hoc, ait, utendum est in me mihi: quique cruore
Sæpe Phrygam maduit, domini nunc cæde madebit:
Ne quisquam Ajacem possit superare, nisi Ajax.
Dixit, & in pectus, tum demum vulnera passum,
Qua patuit ferro, letalem condidit ensem.
Nec valuere manus infixum educere telum.
Expulit ipse cruor: rubefactaque sanguine tellus
Purpureum viridi genuit de cespite florem:
Qui prius Oebalio fuerat de vulnere natus.
Littera communis mediis pueroque viroque
Inscripta est foliis: hæc nominis illa querelæ.

2. Victor ad Hypsipyles patriam, clarique Thoantis,
Et veterum terras infames cæde virorum,
Vela dat; ut referat Tirynthia tela sagittas.
Quæ postquam ad Grajos domino comitante revexit;
Imposita est sero tandem manus ultima bello,
Troja simul, Priamusque cadunt. Priameia conjux
Perdedit infelix hominis post omnia formam:
Externasque novo latratu terruit auras.
Longus in angustum qua clauditur Hellespontus,
Ilion ardebat (neque adhuc confederat ignis)
Exiguumque senis Priami Jovis ara cruorem
Combiberat: tractata comis antistita Phœbi
Non profecturas tendebat ad æthera palmas.
Dardanidas matres patriorum signa Deorum
Dum licet amplexas, succensaque templa tenentes
Invidiosa trahunt victores præmia Graji.
Mittitur Astyanax illis de turribus; unde

Pugnantem

Pugnantem pro se proavatique regna tuentem,
 Sæpe videre patrem monstratum à matre solebat.
 Jamque viam suadet Boreas : flatuque secundo
 Carbasa mota sonant ; jubet uti navita ventis.
 Troja, vale, rapimur, clamant dantque oscula terræ
 Troades : & patriæ fumantia tecta relinquunt.
 Ultima conscendit classem, miserabile visu,
 In mediis Hecube natorum inventa sepulcris.
 Prensentem tumulos atque ossibus oscula dantem
 Dulichiæ traxêre manus. Tamen unius haussit,
 Inque sinu cineres secum tulit Hectoris haustos.
 Hectoris in tumulo canum de vertice crinem
 Inferias inopes, crinem lacrymasque relinquit.

Est, ubi Troja fuit, Phrygiæ contraria tellus,
 Bistoniis habitata viris. Polymestoris illic
 Regia dives erat : cui te commisit alendum
 Clam, Polydore, pater ; Phrygiisque removit ab armis.
 Consilium sapiens : sceleris nisi præmia, magnas
 Adjecisset opes ; animi irritamen avari.
 Ut cecidit fortuna Phrygum, capit impius ensen
 Rex Thracum , juguloque sui defigit alumni :
 Et tanquam tolli cum corpore crimina possent,
 Exanimem scopulo subjectas misit in undas.
 Littore Threicio classem religârat Atrides,
 Dum mare pacatum, dum ventus amicior esset
 Hic subito, quantus cum viveret esse solebat ;
 Exit humo late rupta ; similisque minanti
 Temporis illius vultum referebat Achilles ;
 Quo ferus injusto petiit Agamemnona ferro.
 Immemoresque mei disceditis, inquit Achivi.
 Obrutaque est mecum virtutis gratia nostræ ?
 Ne facite. Utque meum non sit sine honore sepulcrum,
 Placet Achilleos mactata Polyxena manes.
 Dixit ; & immiti sociis parentibus umbræ
 Rapta sinu matris quam jam prope sola tovebat ;

Fortis,

Fortis, & infelix, & plusquam foemina, virgo,
Ducitur ad tumulum: diroque fit hostia busto.
Quæ memor ipsa sui postquam crudelibus aris
Admota est; sentitque sibi fera sacra parari;
Utque Neoptolemum stantem, ferrumque tenentem,
Inque suos vidit figentem lumina vultus,
Ut ere jamdudum generoso sanguine dixit:
Nulla mora est. Aut tu jugulo, vel pectore telum
Conde meo; jugulumque simul, pectusque retexit.
Scilicet aut ulli servire Polyxena ferrem,
Aut per tale sacrum numen placabitis ullum.
Mors tantum vellem matrem mea fallere posset:
Mater obest, minuitque necis mihi gaudia; quamvis
Non mea mors illi, verum sua vita gemenda est.
Vos modo, ne Stygios adeam non libera manes,
Este procul, si justa peto: tactuque viriles
Virgineo removete manus. Acceptor illi,
Quisquis is est, quem cæde mea placare paratis;
Liber erit sanguis. Si quos tamen ultima nostri
Vota movent oris, Priami vos filia regis,
Nunc captiva rogat; genitrici corpus inemptum
Reddite, neve auro redimat jus triste sepulcri,
Sed lacrymis. Tunc, cum poterat, redimebat & auro.
Dixerat. At populus lacrymas, quas ipsa tenebat,
Non tenet, ipse etiam flens, invitusque sacerdos
Præbita conjecto rupit præcordia ferro.
Illa super terram detecto poplite labens,
Pertulit intrepidos ad fata novissima vultus.
Tunc quoque cura fuit partes velare tegendas,
Cum caderet; castique decus servare pudoris.
Troades excipiunt; deploratosque recensent
Priamidas, & quid dederit domus una cruoris.
Teque gemunt, virgo, teque ô modo regia conjux,
Regia dicta parens, Asiæ florentis imago;
Nunc etiam prædæ mala fors: quam victor Ulysses
Esse

Et frustra conjux oculis animoque Canentis
 Expectatus erat. Famuli populusque per omnes
 Discurrunt sylvas : atque obvia lumina portant.
 Nec satis est Nymphæ flere, & lacerare capillos,
 Et dare plangorem (facit hæc tamen omnia) teque
 Proripit ; ac Latios errat vesana per agros.
 Sex illam noctes, totidem redeuntia Solis
 Lumina viderunt, inopem somnique cibique,
 Per juga, per valles, qua fors ducebat, euntem,
 Ultimus aspexit fessam luctuque viaque
 Tibris, & in gelida ponentem corpora ripa.
 Illic cum lacrymis ipsos modulata dolores,
 Verba sono tenui mœrens fundebat ; ut olim
 Carmina jam moriens canit exsequialia Cygnus.
 Luctibus extremum tenues liquefacta medullas
 Tabuit : inque leves paulatim evanuit auras.
 Fama tamen signata loco : quem rite Canentem
 Nomine de Nymphæ veteres dixere coloni.
 Talia multa mihi longum narrata per annum,
 Visaque sunt. Resides & desuetudine tardi
 Rursus inire fretum, rursus dare vela jubemur.
 Ancipitesque vias, & inter Titania vastum
 Dixerat, & sævi restare pericula ponti.
 Pertimui, fateor, nactusque hoc littus adhæsi.

10. Finierat Macareus. Urnaque Æneia nutritrix
 Conditæ, marmoreo tumulo breve carmen habebat :
 Hic me Cajetam notæ pietatis alumnus
 Argolico ereptam, quo debuit igne, cremavit.
 Solvitur herbofo religatus ab aggere funis ;
 Et procul insidias, infamataque relinquunt
 Tectæ Deæ ; lucosque petunt, ubi nubilus umbra
 In mare cum flava prorumpit Tibris arena.
 Faunigenæque domo potitur, nataque Latini ;
 Non sine Marte tamen bellum cum gente feroci
 Suscipitur : pactaque furit pro conjuge Turnus:

Concurrit Latio Tyrrhenia tota : diuque
 Ardua sollicitis victoria quæritur armis.
 Auget uterque suas externo robore vires ;
 Et multi Rutulos, multi Trojana tuentur
 Castra. Neque Æneas Evandri ad limina frustra,
 At Venulus magnum profugi Diomedis ad urbem
 Venerat. Ille quidem sub Iapyge maxima Dauno
 Mœnia condiderat ; dotaliaque arva tenebat.
 Sed Venulus, Turni postquam mandata peregit,
 Auxiliumque petit ; vires Ætoliæ heros
 Excusat. Nec se soceri committere pugnae
 Velle sui populos ; nec quos è gente suorum
 Armet, habere viros. Neve hæc commenta putetis ;
 (Admonitu quamquam luctus renoventur amari)
 Perpetiar memorare tamen. Postquam alta cremata est
 Ilion ; & Danaas paverunt Pergama flammæ ;
 Naritiæque heros à virgine, virgine rapta,
 Quam meruit solus poenam, digessit in omnes ;
 Spargimur : & ventis inimica per æquora rapti
 Fulgura, noctem, imbres, iram cœlique marisque
 Perpetimur Danaï cumulumque Capharea cladis.
 Neve morer referens tristes ex ordine casus ;
 Græcia tum potuit Priamo quoque flenda videri.
 Me tamen armiferæ servatum cura Minervæ
 Fluctibus eripuit. Patriis sed rursus ab agris
 Pellor : & antiquo memores de vulnere poenas
 Exigit alma Venus : tantosque per alta labores
 Æquora sustinui, tantos terrestribus armis ;
 Ut mihi felices sint illi sæpe vocati,
 Quos communis hyems, importunisque Caphareus
 Merfit aquis, vellemque horum pars una fuisset.
 Ultima jam passi comites, belloque, fretoque,
 Deficiunt : finemque rogant erroris. At Agmon
 Fervidus ingenio, tum vero & cladibus asper,

Quid superest, quod jam patientia vestra recuset
 Ferre, viri? dixit. Quid habet Cytherea, quod ultra
 (Velle puta) faciat? nam dum pejora timeantur;
 Est in vota locus: fors autem ubi pessima rerum;
 Sub pedibus timor est, securaque summa malorum.
 Audiat ipsa, licet; licet, ut facit, oderit omneis
 Sub Diomede viros; odium tamen illius omnes
 Spernimus, & parvo stat magna potentia nobis.
 Talibus iratam Venerem, Pleuronius Agmon,
 Instimulat verbis: veteremque resuscitat iram
 Dicta placent paucis: numeri majoris amici
 Agmona corripimus. Cui respondere paranti
 Vox pariter, vocisque via est tenuata: comæque
 In plumas abeunt. Plumis nova colla teguntur,
 Pectoraque, & tergum: majores brachia pennas
 Accipiunt; cubitique leves sinuantur in alas.
 Magna pedum digitos pars occupat: oraque cornu
 Indurata rigent: finemque in acumine ponunt.
 Hunc Lycus, hunc Idas, & cum Rhetenore Nycteus,
 Hunc miratur Abas: & dum mirantur; eandem
 Accipiunt faciem: numerusque ex agmine major
 Subvolat, & remos plausis circumvolat alis,
 Si volucrum quæ sit dubiarum forma requiris;
 Ut non cygnorum, sic albis proxima cygnis.
 Vix equidem has sedes, & lapygis arida Dauni
 Arva gener teneo minima cum parte meorum.

II. Hactenus Oenides, Venulus Calydonia regna,
 Peucetiosque sinus, Messapiaque arva relinquit.
 In quibus antra videt: quæ multa nubila sylva,
 Et levibus cannis manantia, semicaper Pan
 Nunc tenet; at quodam tenuerunt tempore Nymphæ.
 Appulus has illa pastor regione fugatas
 Terruit; & primo subita formidine movit:
 Mox, ubi mens rediit, & contempsere sequentem;
 Ad numerum motis pedibus duxere choreas.

Impro-

Improbat has pastor, saltuque imitatus agresti
 Addidit obscœnis convicia rustica dictis.
 Nec prius obtruncuit; quam guttura condidit arbor:
 Arbore enim succoque licet cognoscere mores.
 Quippe notam linguæ baccis oleaster amaris
 Exhibet. Asperitas verborum cessit in illas.

12. Hinc ubi legati rediēre negata ferentes
 Arma Ætola sibi; Rutuli sine viribus illis
 Bella infasta gerunt. Multum ab utraque cruoris
 Parte datur. Fert ecce avidas in pinea Turnus
 Texta faces, ignesque timent quibus unda pepercit;
 Jamque picem, & ceras, alimenta que cætera flammæ
 Mulciber urebat, perque altum ad carbasa malum
 Ibat, & incui væ fumabant transtra carinæ,
 Cum memor has pinus Idæo vertice cæsas
 Sancta Deūm genitrix, tinnitibus aëra pulsi
 Æris, & inflati complevit murmure buxi.
 Perque leves domitis inuenta leonibus aras:
 Irrita sacrilega jactas incendia dextra
 Turne, ait, eripiam: nec me patiente cremabit
 Ignis edax, nemorum partes & membra meorum.
 Intonuit dicente Dea: tonitrumque secuti
 Cum saliente graves ceciderunt grandine nimbi.
 Aëraque, & subitis tumidum concursibus æquor
 Astræi turbant, & eunt in prælia, fratres.
 E quibus alma parens unius viribus usa,
 Stuppea prærumpit Phrygiæ retinacula classis:
 Fertque rates pronas; medioque sub æquore mergit.
 Robore molito, lignoque in corpora verso,
 In capitum faciem puppes mutantur aduncæ.
 In digitos abeunt, & crura natantia, remi:
 Quodque finis fuerit, latus est. Mediisque carina
 Subditat navigiis, spinæ mutatur in usum.
 Lina comæ molles, antennæ brachia fiunt.
 Cærulus, ut fuerat, color est. Quasque ante timebant.

Illas

Illas virgineis exercent lufibus undas
 Naïdes æquoreæ. Durisque in montibus ortæ
 Molle fretum celebrant : nec eas sua tangit origo.
 Non tamen oblitæ, quam multa pericula lævo
 Pertulerint pelago jactatis sæpe carinis
 Supposuere manus : nisi si qua vehebat Achivos.

13. Cladis adhuc Phrygiæ memores; odere Pelasgos :
 Neritiæque ratis viderunt fragmina lætis
 Vultibus & lætis videre rigescere puppim
 Vultibus Alcinoi ; saxumque increfcere ligno.

Spes erat in Nymphas animata classe marinas
 Posse metu monstri Rutulum desistere bello.
 Perstat, habetque Deos pars utraque : quodque Deo-
 (rum est

Instar, habent animos, nec jam dotalia regna,
 Nec sceptrum soceri, nec te, Lavinia virgo ;
 Sed vicisse petunt : deponendique pudore
 Bella gerunt. Tandemque Venus victricia nati
 Arma videt : Turnusque cadit ; cadit Ardea, Turno
 Sospite dicta potens. Quam postquam barbarus ignis
 Abstulit, & tepida latuerunt tecta favilla ;
 Congerie è media tum primum cognita præpes
 Subvolat : & cineres plausis everberat alis.
 Et sonus, & macies, & pallor, & omnia, captam
 Quæ deceant urbem ; nomen quoque mansit in illa
 Urbis, & ipsa suis deplangitur Ardea pennis.

15. Jamque Deos omnes, ipsamque Æneia virtus
 Junonem veteres finire coegerat iras :
 Cum bene fundatis opibus crescentis Iuli,
 Tempestivus erat cœlo Cythereius heros,
 Ambieratque Venus Superos ; colloque parentis
 Circumfusa sui, Nunquam mihi, dixerat, ullo
 Tempore dure pater, nunc sis mitissimus oro ;
 Æneæque meo, qui te de sanguine nostro
 Fecit avum, quamvis parvum, des, optime, numen ;
 Dum

Dum modo des aliquod, Satis est inamabile regnum
 Aspexisse semel; Stygios semel ipse per amnes.
 Assensere Dei: nec conjux regia vultus
 Immotos tenuit; placatoque annuit ore.
 Tum pater, Estis, ait, coelesti munere digni:
 Quæque petis, pro quoque petis, cape, nata, quod optas.
 Fatus erat. Gaudet, grateque agit illa parenti:
 Perque leves auras junctis inuenta columbis
 Littus adit Laurens; ubi rectus arundine serpit
 In freta flumineis vicina Numicius undis.
 Hunc jubet Æneæ quæcunque obnoxia morti
 Abluere; & tacito deferre sub æquora cursu.
 Corniger exsequitur Veneris mandata: suisque,
 Quicquid in Ænea fuerat mortale, repurgat,
 Et respergit aquis. Pars optima restitit illi.
 Lustratum genitrix divino corpus odore
 Unxit, & ambrosia cum dulci nectare mista
 Contigit os: fecitque Deum: quem turba Quirini
 Nuncupat Indigetem: temploque, arisque recepit.

16 Inde sub Ascanii ditione binominis Alba
 Resque Latina fuit; succedit Sylvius illi:
 Quo fatus, antiquo tenuit repetita Latius
 Nomina cum sceptro: clarus subit Alba Latino;
 Epitulus ex illo. Post hunc Caperusque, Capysque;
 Sed Capys ante fuit. Regnum Tiberinus ab illis
 Cepit: & in Tusci demersus fluminis undis
 Nomina fecit aquæ: de quo Remulusque feroxque
 Acrota sunt geniti: Remulus maturior annis
 Fulmineo periit imitator fulminis ictu.
 Fratre suo sceptrum moderatior Acrota forti
 Tradit Aventino: qui quo regnarat, eodem
 Monte jacet positus: tribuitque vocabula monti.
 Jamque Palatinæ summam Proca gentis habebat.
 Rege sub hoc Pomona fuit: qua nulla Latinas
 Inter Hamadryadas coluit solertius hortos,

Nec fuit arborei studiosior altera foetus:
Unde tenet nomen. Nec sylvas illa, nec amnes;
Rus amat, & ramos felicia poma ferentes.
Nec jaculo gravis est, sed adunca dextera falce:
Qua modo luxuriam premit, & spatiantia passim
Brachia compescit: fissa modo cortice, virgam
Inferit: & succos alieno præstat alumno.
Nec sentire sitim patitur; bibulæque recurvas
Radicis fibras labentibus irrigat undis.
Hic amor, hoc studium: Veneris quoque nulla cupido.
Vim tamen agrestum metuens, pomaria claudit
Intus; & accessus prohibet, retugitque viriles.
Quid non & Satyri saltatibus apta Juventus
Fecêre, & pinu præcincti cornua Panes,
Silvanusque suis semper juvenilior annis,
Quique Deus fures, vel falce, vel inguine terret,
Ut poterentur ea? sed enim superabat amando
Hos quoque Vertumnus: neque erat felicior illis.
O quoties habitu duri messoris aristas
Corbe tulit: verique fuit messoris imago!
Tempora sæpe gerens sceno religata recenti,
Defectum poterat gramen versare videri.
Sæpe manu stimulos rigida portabat; ut illum
Jurasses fessos modo disjunxisse juvencos.
Falce data frondator erat, vitisque putator.
Induerat scalas, lecturum poma putares.
Miles erat gladio, piscator arundine sumpta,
Denique per multas aditum sibi sæpe figuras
Repperit, ut caperet speratæ gaudia formæ.
Ille etiam picta redimitus tempora mitra,
Innitens baculo, positus ad tempora canis,
Assimilavit animum. Cultosque intravit in hortos;
Pomæque mirata est: Tantoque potentior, inquit:
Paucaque laudatæ dedit oscula; qualia nunquam
Vera dedisset anus: glebaque incurva resedit,

aspiciens pandos autumnū pondere ramos.
Ulmus erat contra spatiosa tumentibus uvis :
Quam socia postquam pariter cum vite probavit ;
At si staret, ait, cælebs sine palmite truncus ;
Nil præter frondes, quare peteretur, haberet.
Hæc quoque, quæ juncta vitis requiescit in ulmo,
Si non juncta foret ; terræ inclinata jaceret.
Tu tamen exemplo non tangeris arboris hujus ;
Concubitusque fugis ; nec te conjungere curas.
Atque utinam velles. Helene non pluribus esset
Sollicitata procis ; nec quæ Lapitheia movit
Prælia, nec conjux timidis audacis Ulyssæi.
Nunc quoque cum fugias averserisque petentes ;
Mille proci cupiunt, & semideique, Deique,
Et quæcunque tenent Albanos numina montes.
Sed tu, si sapias, si te bene jungere, anumque
Hanc audire velis, quæ te plus omnibus illis,
Plus quam credis, amo ; vulgares rejice tædas :
Vertumnumque tori socium tibi selige : pro quo
Me quoque pignus habe. Neque enim sibi notior ille est ;
Quam mihi. Nec toto passim vagus errat in orbe :
Hæc loca magna colit. Nec uti pars magna procorum,
Quas modo vidit, amat. Tu primus, & ultimus illi
Ardor eris ; solique suos tibi devovet annos.
Adde quod est juvenis : quod naturale decoris
Munus habet : formasque apte fingetur in omnes :
Et quod erit jussus (jubeas licet omnia) fiet.
Quid quod amatis idem ? quod quæ tibi poma coluntur
Primus habet, lætaque tenet tua munera dextra ?
Sed neque jam foetus desiderat arbore demptos,
Nec quas hortus alit cum succis mitibus herbas ;
Nec quicquam, nisi te. Miserere ardentis : & ipsum
Quod petit, ore meo præsentem crede precari
Ultioresque Deos, & pectora dura perosam.
Idalien, memoremque time Rhamnufidis iram.

Quoque

Quoque magis caveas, (etenim mihi multa vetust
Scire dedit) referam tota notissima Cyprio
Facta, quibus flecti facile, & mitescere possis.

17. Viderat à veteris generosam sanguine Teucri
Iphis Anaxareten humili de stirpe creatus.
Viderat; & totis perceperat ossibus æstum.
Luctatusque diu, postquam ratione furorem.
Vincere non potuit; supplex ad limina venit.
Et modo nutrici miserum confessus amorem,
Ne sibi dura foret, per spes oravit alumnae.
Et modo de multis blanditus cuique ministris,
Sollicita petiit propensum voce favorem.
Sæpe ferenda dedit blandis sua verba tabellis:
Interdum madidas lacrymarum rore coronas.
Postibus intendit, posuitque in limine duro
Molle latus: tristisque feræ convicia fecit.
Surdior illa freto surgente cadentibus hædis;
Durior & ferro, quod Noricus excoquit ignis;
Et saxo quod adhuc viva radice tenetur;
Spernit & irridet, factisque immitibus addit
Verba superba ferox; & spe quoque fraudat amantem.
Non tulit impatiens longi tormenta doloris
Iphis: & ante fores hæc verba novissima dixit:
Vincis, Anaxarete: neque erunt tibi tædia tandem,
Ulla ferenda mei. Lætos molire triumphos,
Et Pæana voca; nitidaque incingere lauro.
Vincis enim, moriorque libens, age, ferrea, gaude,
Certe aliquid laudare mei cogêris; eritque
Quo tibi sim gratus; meritumque fatebere nostrum.
Non tamen ante tui curam excessisse memento;
Quam vitam: geminaque simul mihi luce carendum.
Nec tibi fama mei ventura est nuncia leti;
Ipse ego, ne dubites, adero, præsensque videbor;
Corpore ut exanimi crudelia lumina pascas.
Si tamen, ô Superi, mortalia facta videtis;

Este

te mei memores (nihil ultra lingua precari
stinet) & longo facite ut narremur in ævo;
quæ dempsistis vitæ, date tempora famæ.
ixit & ad postes ornatos sæpe coronis
umentes oculos & pallida brachia tendens,
um foribus laquei religaret vincula summis;
æc tibi ferta placent, crudelis, & impia, dixit:
nseruitque caput, Sed tum quoque versus ad illam:
tque onus infelix elisa fauce pependit.
Eta pedum motu, trepidantem & multa gementem
rifa dedisse sonum est, adapertaque janua, factum
rodidit. Exclamant famuli, frustra que levatum
Nam pater occiderat) referunt ad limina matris.
Accipit illa sinu: complexaque frigida nati
Membra sui, postquam miserarum verba parentum
Edidit; & matrum miserarum facta peregit;
Funera ducebat mediam lacrymosa per urbem;
Luridaque arfuro portantur membra feretro.
Forte viæ vicina domus, qua flebilis ibat
Pompa, fuit: duræque sonus plangoris ad aures
Venit Anaxaretes: quam jam Deus ultor agebat.
Mota tamen, Videamus, ait, miserabile funus:
Et patulis iniit tectum sublime fenestris.
Vixque bene impositum lecto prospexerat Iphin;
Diriguere oculi: callidusque è corpore sanguis
Inducto pallore fugit; conataque retro
Ferre pedes, hæsit: conataque vertere vultus,
Hoc quoque non potuit. Paulatimque occupat artus,
Quod fuit in duro jam pridem pectore, faxum.
Neve ea ficta putes, Dominae sub imagine signum
Servat adhuc Salamis: Veneris quoque nomine
(templum
Prospicientis habet. Quorum memor, optima, lentos
Pone, precor, fastus; & amanti jungere, Nymphæ.
Sic tibi nec vernum nascentia frigus adurat

Poma, nec excutiant rapidi florantia venti.
 Hæc ubi nequicquam formam Deus aptus in omni
 Edidit; in juvenem rediit: & anilia demit
 Instrumenta sibi. Talisque apparuit illi.
 Qualis ubi oppositas nitidissima solis imago
 Evicit nubes, nullaque obstante relaxit:
 Vimque parat. Sed vi non est opus. Inque figura
 Capta Dei Nymphe est: & mutua vulnera sentit.

18. Proximus Aufonias injusti miles Amuli
 Rexit opes: Numitorque senex amissa nepotum
 Munere regna capit: festisque Parilibus urbis
 Moenia conduntur. Tatiisque patresque Sabini
 Bella gerunt: arcisque via Tarpeja reclusa
 Digna animam poena congestis exuit armis.
 Inde sati Curibus, tacitorum more luporum,
 Ore premunt voces: & corpora victa sopore
 Invadunt, portasque petunt: quas objice firmo
 Clauserat Iliades. Unam tamen ipsa recludit,
 Nec strepitum verso Saturnia cardine fecit.
 Sola Venus portæ cecidisse repagula sensit:
 Et clausura fuit; nisi quod rescindere nunquam
 Dis licet acta Deum. Janoloca juncta tenebant
 Naïdes Aufoniæ gelido rorantia fonte:
 Has rogat auxilium, nec Nymphæ justa petentem
 Sustinuere Deam: venasque, & flumina fontis
 Elicuere sui. Nondum tamen invia Jani
 Ora patentis erant, nec iter præcluserat unda.
 Lurida supponunt foecundo sulfura fonti,
 Incenduntque cavas fumante bitumine venas.
 Viribus his aliisque, vapor penetravit ad ima
 Fontis: & Alpino modo quæ certare rigori
 Audebatis aquæ, non ceditis ignibus ipsis.
 Flammifera gemini fumant aspergine postes:
 Porta nequicquam rigidis permissa Sabinis
 Fonte fuit præstructa novo; dum Martius arma

dueret miles. Quam postquam Romulus ultro
tulit, & strata est tellus Romana Sabinis
corporibus; strataque suis: generique cruorem
anguine cum foceri permiscuit impius ensis.
ce tamen fisti bellum nec in ultima ferro
certare placet: Tatiumque accedere regno.

19. Occiderat Tatius, populisque æquata duobus,
omule, jura dabas: posita cum casside Mavors
alibus affatur divûmque hominumque potentem;
tempus adest genitor (quoniam fundamine magno
es Romana valet, & præside pendet ab uno)
æmia jam promissa mihi, dignoque nepoti
olvere; & ablatum terris imponere cælo,
u mihi concilio quondam præsentem Deorum
Nam memoro, memorique animo pia verba notavi)
nus erit, quem tu tolles in cæcula cæli;
ixisti. Rata sit verborum summa tuorum.
nnuit omnipotens; & nubibus aëra cæcis
cculuit, tonitruque & fulgure terruit urbem.
quæ sibi promissæ sensit rata signa rapinæ,
anixusque hastæ, pressos temone cruento
mpavidus conscendit equos Gradivus; & ictu
erberis increpuit: pronumque per aëra lapsus
constitit in summo nemorosi colle Palati;
Reddentemque suo nunc regia jura Quiriti
Abstulit Iliaden copus mortale per auras
Dilapsum tenues: ceu lata plumbea funda
Missa solet medio glans intabescere cælo.
Pulchra subit facies: & pulvinaribus altis
Dignior est; qualis trabeati forma Quirini.
Flebat ut amissum conjux; cum regia Juno
Irin ad Herfiliam descendere limite curvo
Imperat: & viduæ sua sic mandata referre.

20. O & de Latio, ô & de gente Sabina
Præcipuum matrona decus; dignissima tanti

Ante fuisse viri conjux, nunc esse Quirini;
 Siste tuos fletus: & si tibi cura videndi
 Conjugis; en duce me lucum pete, collo Quirino;
 Qui viret, & templum Romani regis obumbrat.
 Paret: & in terram pictos delapsa per arcus,
 Herfiliam jussis compellat vocibus Iris.
 Illa verecundo vix tollens lumina vultu,
 O Dea (namque mihi, nec quæ sis dicere promptum
 Et liquet esse Deam) duc, ô duc, inquit: & offer
 Conjugis ora mihi. Quem si modo posse videre
 Fata semel dederint; cœlum aspectasse fatebor.
 Nec mora, Romuleos cum virgine Thaumantæa
 Ingreditur colles. Ibi fidus ab æthere lapsum
 Decidit in terras; à cujus lumine flagrans
 Herfilix crinis cum fidere cessit in auras.
 Hanc manibus notis Romanæ conditor urbis
 Excipit: & priscum pariter cum corpore nomen
 Mutat Oramque vocat, quæ nunc Dea juncta Quirino

M E T A M O R P H O S E O N LIB. XV.

I. **Q**Uæritur interea quis tantæ pondera molis
 Sustineat, tantoque queat succedere regi.
 Destinat imperio clarum prænuntia veri
 Fama Numam. Non ille satis cognosse Sabinæ
 Gentes habet ritus. Animo majora capaci
 Concipit: & quæ sit rerum natura requirit;
 Hujus amor curæ, patria, Curibusque relictis
 Fecit, ut Herculei penetraret ad hospitis urbem.
 Graja quis Ansoniis auctor posuisset in oris
 Mœnia quærenti sic è senioribus unus
 Rettulit indigenis, veteris non inscius ævi:
 Dives ab Oceano bubus Jove natus Iberis
 Littora felici tenuisse Lacinia cursu

Fertur:

ertur : &, armento teneras errante per herbas,
 pfe domum magni, nec inhospita tecta Crotonis
 ntrasse, & requie longum relevasse laborem ;
 Atque ita discedens, Ævo, dixisse, nepotum
 Hic locus urbis erit ; promissaque vera fuerunt.
 Nam tuit Argolico generatus Alemone quidam
 Myscelos, illius Dis acceptissimus ævi.
 Tunc super incumbens pressum gravitate soporis
 Claviger alloquitur : patrias, age, desere sedes.
 I, pete diversi lapidosas Æfaris undas.
 Et, nisi paruerit, multa ac metuenda minatur.
 Post ea discedunt pariter somnusque Deusque.
 Surgit Alemonides, tacitaque recentia mente
 Vifa refert : pugnatque diu sententia secum.
 Numen abire jubet : prohibent discedere leges :
 Poenaque mors posita est patriam mutare volenti.
 Candidus Oceano nitidum caput abdiderat Sol,
 Et caput extulerat densissima fidereum nox ;
 Visus adesse idem Deus est, eademque monere ;
 Et, nisi paruerit, plura, & graviora minari.
 Pertimuit : patriumque simul transferre parabat.
 In sedes penetrare novas. Fit murmur in urbe :
 Spretarumque agitur legum reus : utque peracta
 Causa prior, crimenque patens sine teste probatum.
 Squalidus ad superos tollens reus ora, manusque,
 O cuius cœlum bis sex fecêre labores.
 Fer, precor, inquit, opem : nam tu mihi criminis
 (auctor
 Mos erat antiquus, niveis atrisque lapillis,
 His damnare reos, illis obsolvere, culpæ.
 Nunc quoque sic lata est sententia tristis : & omnis
 Calculus immitem demittitur ater in urnam.
 Quæ simul effudit numerandos veria lapillos ;
 Omnibus è nigro color est mutatus in album :
 Candidaque Herculeo sententia munere facta

Solvit Alemoniden. Grates agit ille parenti
 Amphitryoniadæ, ventisque faventibus æquor
 Navigat Ionium: Lacedæmoniumque Tarentum
 Præterit, & Sybarin, Salentinumque Neæthum
 Thurinosque sinus, Temesenque & Iapygis arva.
 Vixque pererratis quæ spectant littora terris,
 Invenit Ælarei fatalia fluminis ora.

Nec procul hinc tumulum, sub quo sacrata Crotonis
 Ossa tegebat humus. Jussaque ibi mœnia terra
 Condidit, & nomen tumulati traxit in urbem.

Talia constabat certa primordia fama

Esse loci, positæque Italæ in finibus urbis,

2. Vir fuit hic ortu Samius: sed fugerat una:

Et Samon, & dominos; odioque tyrannidis exsul

Sponte erat. Isque licet cœli regione remotos

Mente Deos adiit: & quæ natura negabat

Visibus humanis; oculis ea pectoris hausit. †

Cumque animo, & vigili perspexerat omnia cura,

In medium discenda dabat, cœtumque silentium,

Dictaque mirantum; magni primordia mundi,

Et rerum causas, & quid natura, docebat:

Quid Deus, unde nives, quæ fulminis esset origo: †

Jupiter, an venti discussa nube tonarent:

Quid quateret terras; qua sidera lege mearent;

Et quodcunque latet, primusque animalia mensis

Arcuit imponi; primus quoque talibus ora

Docta quidem solvit, sed non & credita, verbis:

Parcite, mortales, dapibus temerare nefandis

Corpora. Sunt fruges; sunt deducunt ramos

Pondere poma suo, tumidæque in vitibus uvæ:

Sunt herbæ dulces: sunt quæ mitescere flamma,

Mollisque queant. Nec vobis lacteus humor

Eripitur, nec mella thymi redolentia florem.

Prodiga divitias alimentaque mitia tellus

Suggerit, atque epulas sine cæde & sanguine præbet.

Carne

Carne feræ sedant jejunia : nec tamen omnes.
Quippe equus, & pecudes, armenta; gramine vivunt.
At quibus ingenium est immanisvetumque ferumque,
Armenia tigris, iracundique leones,
Cumque lupis urfi, dapibus cum sanguine gaudent,
Heu quantum scelus est in viscera viscera condi,
Congestoque avidum pinguescere corpore corpus;
Alteriusque animantem animantis vivere leto!
Scilicet in tantis opibus, quas optima matrum
Terra parit, nil te nisi tristia mandere sævo
Vulnera dente juvat, ritusque referre Cyclopum?
Nec, nisi perdidideris alium, placare voracis,
Et mali morati poteris jejunia ventris?
At vetus illa ætas, cui fecimus Aurea nomen;
Fœtibus arboreis, & quas humus educat, herbis,
Fortunata fuit: nec polluit ora cruore.
Tunc & aves tutas movere per aëra pennas,
Et lepus impavidus mediis erravit in arvis:
Nec sua credulitas piscem suspenderat hamo.
Cuncta sine infidiis, nullamque timentia fraudem,
Plenaque pacis erant. Postquam non utilis auctor
Victibus invidit, (quisquis fuit ille virorum)
Corporeasque dapes avidam demersit in alvum;
Fecit iter sceleri: primoque e cæde ferarum
Incaluisse putem maculatum sanguine ferrum;
(Idque fati fuerat) nostrumque petentia letum
Corpora missa neci, salva pietate fatemur:
Sed quam danda neci, tam non epulanda fuerunt.
Longius inde nefas abiit. Et prima putatur
Hostia sus meruisse mori; quia semina pando
Eruerit rostro, spemque interceperit anni.
Vite caper rosa Bacchi mactandus ad aras
Ducitur ultoris. Nocuit sua culpa duobus.
Quid meruistis, oves, placidum pecus, inque regendos
Natum homines, pleno quæ fertis in ubere nectar?

Mollia quæ nobis vestras velamina lanas
Præbetis : vitæque magis, quam morte juvat.
Quid meruere boves, animal sine fraude dolisque
Innocuum, simplex, natum tolerare labores ?
Immemor est demum ; nec frugum munere dignus,
Qui potuit curvi dempto modo pondere aratri
Ruricolam mactare suum ; qui trita labore
Illa, quibus toties durum renovaverat arvum,
Tot dederat messes : percussit colla securi.
Nec satis est, quod tale nefas committitur : ipsos
Inscripsere Deos iceleri. Numenque supernum
Cæde laboriferi credunt gaudere juvenci
Victima labe carens, & præstantissima forma,
(Nam placuisse nocet) vittis præsignis, & auro,
Sistitur ante aras ; auditque ignara precantem :
Imponique suæ videt inter cornua fronti,
Quas coluit fruges percussaque sanguine cultros
Inficit in liquida prævisos forsitan unda.
Protinus ereptas viventi pectore fibras
Inspiciunt : mentesque Deum scrutantur in illis.
Unde fames homini vetitorum tanta ciborum ?
Audetis vesci, genus ô mortale ? quod, oro,
Ne facite : & monitis animos advertite nostris :
Cumque boum dabitis cæsorum membra palato ;
Mandere vos vestros scite, & sentite colonos.
Et quoniam Deus ora movet ; sequar ora moventem
Rite Deum, Delphosque meos, ipsumque recludam
Æthera, & augustæ referabo oracula mentis.
Magna, nec ingeniis investigata priorum,
Quæque diu latuere, canam, juvat ire per alta
Astra ; juvat terris, & inertî sede relictis,
Nube vehi, validique humeris insistere Atlantis :
Palantesque animos passim, ac rationis egentes
Despectare procul, trepidosque, obitumque timentes
Sic exhortari ; seriemque revolvere fati.

3. O genus attonitum gelidæ formidine mortis,
 Quid Styga, quid tenebras, quid numina vana ti-
 (metis,
 Materiem vatum, falsique piacula mundi?
 Corpora five rogos flamma, seu tabe vetustas
 Abstulerint, mala posse pati non ulla putetis.
 Morte carent animæ: semperque priore relicta
 Sede, novis domibus vivunt, habitantque receptæ:
 Ipse ego (nam memini) Trojani tempore belli
 Panthoïdes Euphorbus eram: cui pectore quondam
 Hæsit in adverso gravis hasta minoris Atridæ.
 Cognovi clypeum lævæ gestamina nostræ
 Nuper Abanteis templo Junonis in Argis.
 Omnia mutantur: nihil interit. Errat, & illinc
 Huc venit, hinc illuc, & quolibet occupat artus
 Spiritus: eque feris humana in corpora transit,
 Inque feras noster: nec tempore deperit ullo.
 Utque novis fragilibus signatur cera figuris,
 Nec manet ut fuerat, nec formas servat easdem;
 Sed tamen ipse eadem est; animam sic semper eandem
 Esse, sed in varias doceo migrare figuras.
 Ergo ne pietas sit victa cupidine ventris,
 Parcite (vaticinor) cognatas cæde nefanda
 Exturbare animas: nec sanguine sanguis alatur.
 Et quoniam magno feror æquore. Plenaque ventis
 Vela dedi; nihil est quod toto perstet in orbe.
 Cuncta fluunt: omnisque vagans formatur imago.
 Ipsa quoque affiduo labuntur tempora motu
 Non secus ac flumen, neque enim consistere flumen,
 Nec levis hora potest: sed ut unda impellitur unda,
 Urgeturque eadem veniens, urgetque priorem;
 Tempora sic fugiunt pariter, pariterque sequuntur:
 Et nova sunt semper, nam quod fuit ante, relictum est:
 Fitque quod haud fuerat. Momentaque cuncta no-
 (vantur.
 Cernis

Cernis & emeritas in lucem tendere noctes :
Et jubar hoc nitidum nigræ succedere nocti.
Nec color est idem cœlo cum lassâ quiete
Cuncta jacent media : cumque albo Lucifer exit
Clarus equo ; rursusque alius, cum prævia lucis
Tradendum Phœbo Palantias inficit orbem.
Ipse Dei clypeus, terra cum tollitur ima,
Mane rubet : terraque, rubet, cum conditur ima ;
Candidus in summo est. Melior natura quod illic
Ætheris est, terræque procul contagia vitat.
Nec par ut eadem nocturnæ forma Dianæ
Esse potest unquam. Semperque hodierna, sequenti
Si crescet, minor est. Major, si contrahit orbem,
Quid ? non in species succedere quattuor annum
Aspicias, ætatis peragentem imitamina nostræ ?
Nam tener, & lactens, puerique simillimus ævo
Vere novo est. Tunc verba recens, & roboris expers
Turget. Et insolida est : & spe delectat agrestem.
Omnia tum florent ; florumque coloribus almus
Ridet ager : neque adhuc virtus in frondibus ulla.
Transit in Æstatem, post Ver, robustior annus :
Fitque valens juvenis. Neque enim robustior ætas
Ulla, nec uberior ; nec, quæ magis ardeat, ulla est.
Excipit Autumnus, posito fervore juventæ,
Maturus, mitisque inter juvenemque, senemque ;
Temperie medius, sparsus quoque tempora canis.
Inde senilis Hyems tremulo venit horrida passu ;
Aut spoliata suos, aut quos habet, alba capillos.
Nostra quoque ipsorum semper, requieque sine ulla
Corpora vertuntur : nec quod fuimusve, sumusve,
Cras erimus. Fuit illa dies, qua semina tantum,
Spesque hominum primæ materna habitavimus alvo.
Artifices Natura manus admovit : & angi
Corpora visceribus distentæ condita matris
Noluit. Eque domo vacuas emisit in auras.

Editus in lucem jacuit sine viribus infans :
 Mox quadrupes, rituque tulit sua membra ferarum :
 Paulatimque tremens, & nondum poplite firmo
 Constitit : adjutis aliquo conamine nervis.
 Inde valens, veloxque fuit : spatiumque juventæ
 Transiit, & emeritis medii quoque temporis annis,
 Labitur occiduae per iter declive senectæ.
 Subruit, hæc ævi demoliturque prioris
 Robora ; fletque Mïlon senior, cum spectat inanes
 Illos, qui fuerant solidorum mole tororum
 Herculeis similes, fluidos pendere lacertos.
 Flet quoque, ut in speculo rugas aspexit aniles,
 Tyndaris ; & secum, cur sit bis rapta, requirit.
 Tempus edax rerum, tuque invidiosa vetustas,
 Omnia destruitis ; vitiataque dentibus ævi,
 Paulatim lenta consumitis omnia morte.
 Hæc quoque non perstant, quæ nos elementa vo-
 (camus.

Quasque vices peragant, animos adhibete, docebo.

4. Quattuor æternus genitalia corpora mundus
 Continet. Ex illis duo sunt onerosa, suoque
 Pondere in inferius, tellus, atque unda, feruntur ;
 Et totidem gravitate carent ; nulloque premente
 Alta petunt, aër, utque aëre purior ignis.
 Quæ quanquam spatio distant ; tamen omnia fiunt
 Ex ipsis ; & in ipsa cadunt. Resolutaque tellus
 In liquidas rorescit aquas. Tenuatus in auras,
 Aëraque humor abit. Dempto quoque pondere rur-
 (sus

In Superos aër tenuissimus emicat ignes.

Inde retro redeunt ; idemque retexitur ordo.

Ignis enim densum spissatus in aëra transit.

Hinc in aquas. Tellus glomerata cogitur unda.

Nec species sua cuique manet. Rerumque novatrix

Ex aliis alias reparat Natura figuras.

Nec perit in tanto quidquam (mihi credite) mundo;
 Sed variat, faciemque novat. Nascique vocatur,
 Incipere esse aliud, quam quod fuit ante: morique,
 Desinere illud idem. Cum sint hac forsitan illa,
 Hæc translata illuc; summa tamen omnia constant.
 Nil equidem durare diu sub imagine eadem
 Crediderim. Sic ad ferrum venistis ab auro
 Sæcula, sic toties versa est fortuna locorum
 Vidi ego, quod fuerat quondam solidissima tellus;
 Esse fretum, vidi factas ex æquore terras;
 Et procul à pelago conchæ jacuere marinæ;
 Et vetus inventa est in montibus anchora summis.
 Quodque fuit campus, vallem decursus aquarum
 Fecit & eluvie mons est deductus in æquor.
 Eque paludosa siccis humus aret arenis;
 Quæque sitim tulerant, stagnata paludibus hument.
 Hic fontes natura novos emisit, at illic
 Clausit, & antiquis tam multa tremoribus orbis
 Flumina profiliunt: aut excecata residunt.

5. Sic ubi terreno Lycus est epotus hiatu;
 Existit procul hinc, alioque renascitur ore.

6. Sic modo combibitur; tacito modo gurgite
 (lapsus

Redditur Argolicis ingens Erasinus in arvis.

7. Et Mysum capitisque sui, ripæque prioris
 Poenituisse ferunt; alia nunc ire Caycum.

8. Nec non Sicantias volvens Amasenus arenas
 Nunc fluit; interdum suppressis fontibus aret.

9. Ante bibebatur; nunc quas contingere nolis
 Fundit Anigros aquas: postquam (nisi vatibus omnis
 Eripienda fides) illic lavêre bimembres
 Vulnera, clavigeri quæ fecerat Herculis arcus.

10. Quid! non & Scythicis Hypanis de montibus
 (ortus,
 Qui fuerat dulcis, salibus vitiatur amaris?

11. Flucti-

11. Fluctibus ambicæ fuerant Antissa, Pharosque,
Et Phoenissa Tyros : quarum nunc insula nulla est.

12. Leucada continuam veteres habuere coloni :
Nunc freta circuunt. Zancle quoque juncta fuisse
Dicitur Italiae ; donec confinia pontus
Abstulit ; & media tellurem reppulit unda.

13. Si quæras Helicen, & Burin, Achaïdas urbes,
Invenies sub aquis : & adhuc ostendere nautæ
Inclinata solent cum mœnibus oppida merfis.

14. Est prope Pittheam tumulus Trœzena sine ullis
Arduus arboribus, quondam planissima campi
Area, nunc tumulus : nam (res horrenda relatu)
Vis fera ventorum, cœcis inclusa cavernis,
Exspirare aliqua cupiens, luctataque frustra
Liberiore frui cœlo, cum carcere rima
Nulla foret toto, nec pervia flatibus esset ;
Extentam tumefecit humum : ceu spiritus oris
Tendere vesicam solet, aut direpta bicorni
Terga capro. Tumor ille loci permansit, & alti
Collis habet speciem : longoque induruit ævo.

15. Plurima cum subeant audita aut cognita vobis ;
Pauca super referam, quid ? non & lympa figuras
Datque capitque novas ? medio tua, corniger Ammon,
Unda die gelida est, ortuque, obituque calescit

16. Admotis Athamanis aquis accendere lignum
Narratur ; minimos cum Luna recessit in orbes.

17. Flumen habent Cicones : quod potum saxea
(reddit
Viscera ; quod tactis inducit marmora rebus.

18. Crathis, & huic Sybaris nostris conterminus
(arvis
Electro similes faciunt auroque capillos.

19. Quodque magis mirum, sunt qui non corpora
(tantum
Verum animos etiam valeant mutare liquores.

Cui non audita est obscœnæ Salmacis undæ ?

20. Æthiopesque lacus? quos si quis faucibus hausit;
Aut furit; aut mirum patitur gravitate soporem.

21. Clitorio quicumque suum de fonte levarit;
Vina fugit; gaudetque meris abstemius undis.
Seu vis est in aqua calido contraria vino:

Sive, quod indigenæ memorant, Amithaone natus,
Prœtidas attonitas postquam per carmen & herbas
Eripuit furiis; purgamina mentis, in illas
Misit aquas: odiumque meri permanfit in undis.

22. Huic fuit effectus dispar Lyncestius amnis.
Quem quicumque parum moderato gutture traxit;
Haud aliter titubat: quam si mera vina bibisset.

23. Est lacus Arcadiæ, Phenon dixere priores;
Ambiguus suspectus aquis, quas nocte timeto:
Nocte nocent potæ: sine noxa luce bibuntur.

24. Sic alias, aliasque, lacus, & flumina, vires
Concipiunt. Tempusque fuit, quo navit in undis;
Nunc sedet Ortygie. Timuit concursibus Argo
Undarum sparsas Symplegadas elisarum;
Quæ nunc immotæ perstant, ventisque resistunt.

25. Nec quæ sulfureis ardet fornacibus Ætne;
Ignea semper erit: neque enim fuit ignea semper.
Nam sive est animal tellus; & vivit; habetque
Spiramenta locis flammam exhalantia multis;
Spirandi mutare vias, quotiesque movetur,
Has finire potest, illas aperire cavernas;
Sive leves imis venti cohibentur in antris;
Saxaque cum saxis, & habentem semina flammæ
Materiem jactant, ea concipit ictibus ignem;
Antra relinquentur sedatis frigida ventis:
Sive bitumineæ rapiunt incendia vires,
Luteave exiguis arescunt sulfura fumis;
Nempe ubi terra cibos, alimenta que pinguis flammæ,
Non dabit, absumptis per longum viribus ævum,
Natu-

Naturæque suum nutrimentum deerit edaci :

Non feret illa famem : desertaque deseret ignes.

26. Esse viros fama est in Hyperborea Pallene :
Qui soleant levibus velari corpora plumis ;
Cum Tritoniacam novies subiêre paludem.

27. Haud equidem credo : sparsæ quoque mem-
(bra veneno.

Exercere artes Scythides memorantur easdem.

28. Si qua fides rebus tamen est addenda probatis ;
Nonne vides quæcunque mora fluidove calore
Corpora tabuerint, in parva animalia verti ?
I quoque : delectos mactatos obrue tauros ;
(Cognita res usu) de putri viscere passim
Florilegæ nascuntur apes. Quæ more parentum
Rura colunt : operique favent ; in spemque laborant.

29. Pressus humo bellator equus crabronis origo.

30. Concava littoreo si demas brachia cancro ;
Cætera supponas terræ ; de parte sepulta
Scorpius exiliet : caudaque minabitur unca.

31. Quæque solent canis frondes intexere filis
Agrestes tineæ (res observata colonis)
Ferali mutant cum papilione figuram.

32. Semina limus habet virides generantia ranas :
Et generat truncas pedibus, mox apta natando
Crura dat. Utque eadem sint longis saltibus apta :
Posterior partes superat mensura priores.

33. Nec catulus, partu quem reddidit ursa recenti,
Sed male viva caro, lambendo mater in artus
Fugit : & in formam, quantum capit ipsa, reducit.

34. Nonne vides, quos cera tegit sexangula foetus,
Melliferarum apium sine membriscorpora nasci,
Et serosque pedes, serasque assumere pennas ?

35. Junonis volucrem, quæ cauda sydera portat,
Armigerumque Jovis, Cythereiadasque columbas,
Et genus omne avium, mediis è partibus ovi

Ni sciret fieri, quis nasci posse putaret?

36. Sunt qui cum clauso putrefacta est spina se
(pulcro)

Mutari credant humanas angue medullas.

37. Hæc tamen ex aliis ducunt primordia rebus:
Una est, quæ reparet, seque ipsa reseminet ales.
Assyrii Phœnica vocant. Nec fruge, neque herbis,
Sed thuris lacrymis, & succo vivit amomi.
Hæc ubi quinque suæ complevit sæcula vitæ,
Ilicis in ramis, tremulæve cacumine palmæ,
Unguibus & pando nidum sibi construit ore.
Quo simul ac casias, & nardi lenis aristas,
Quasque cum fulva substravit cinnama myrrha;
Se super imponit: finitque in odoribus ævum.
Inde ferunt, totidem qui vivere debeat annos;
Corpore de patrio parvum Phœnica renasci.
Cum dedit huic ætas vires; onerique ferendo est;
Ponderibus nidi ramos levat arboris altæ:
Fertque pius, cunasque suas, patriumque sepulcrum.
Perque leves auras Hyperionis urbe potitus
Ante fores sacras Hyperionis æde reponit.

38. Si tamen est aliquid miræ novitatis in istis,
Alternare vices, & quæ modo foemina tergo
Passa marem est, nunc esse marem miremur Hyænam

39. Id quoque, quod ventis animal nutritur & aura;
Protinus assimulat, tactu quoscunque colores.

40. Victa racemifero Lynceas dedit India Baccho:
E quibus, ut memorant, quidquid vesica remisit,
Vertitur in lapides; & congelat aëre tacto.

41. Sic & Corallium, quo primum contigit auras
Tempore, durefcit: mollis fuit herba sub undis.

42. Deseret, ante dies, & in alto Phœbus anhelos
Æquore tingeret equos; quam consequar omnia dictis;
In species translata novas, sic omnia verti
Cernimus: atque illas assumere robora gentes;

Con-

Concidere has. Sic magna fuit, censuque, virisque :
 Perque decem potuit tantum dare sanguinis annos,
 Nunc humilis veteres tantummodo Troja ruinas ;
 Et pro divitiis tumulos ostendit avorum.

[Clara fuit Sparte : magnæ viguere Mycenæ :
 Nec non & Cecropis, nec non Amphionis arces.
 Vile solum Sparte est : altæ cecidere Mycenæ.
 Oedipodionæ quid sunt nisi nomina Thebæ?
 Quid Pandionæ restant nisi nomen Athenæ?]

43. Nunc quoque Dardaniam fama est consurgere
 (Romam :

Appenninigenæ quæ proxima Tîbridis undis
 Mole sub ingenti rerum fundamina ponit.
 Hæc igitur formam crescendo mutat ; & olim
 Immeni caput orbis erit. Sic dicere vates,
 Faticinalque ferunt sortes : quantumque recordor,
 Dixerat Æneæ, cum res Trojana labaret,
 Priamides Helenus flenti, dubioque salutis :
 Nate Dea, si nota satis præsagia nostræ
 Mentis habes ; non tota cadet, te sospite, Troja.
 Flamma tibi, ferrumque dabunt iter, ibis ; & una
 Pergama rapta feres : donec Trojæque, tibi que
 Externum patrio contingat amicus arvom.
 Urbem etiam cerno Phrygios debere nepotes ;
 Quanta nec est, nec erit : nec visa prioribus annis.
 Hanc alii procures per sæcula longa potentem,
 Sed dominam rerum de sanguine natus Iuli
 Efficiet. Quo cum tellus erit usa ; fruentur
 Æthereæ sedes : cœlumque erit exitus illi.
 Hæc Helenum cecinisse Penatigero Æneæ
 Mente memor refero : cognataque mœnia lætor
 Crescere, & utiliter Phrygibus vicisse Pelasgos.
 Ne tamen oblitis ad metam tendere longe
 Exspatiemur equis ; cœlum, & quodcunque sub illo,
 Immutat formas, tellusque, & quidquid in illa.

Nos quoque pars mundi (quoniam non corpora solum,
Verum etiam volucres animæ sumus, inque ferinas
Possumus ire domos, pecudumque in pectora condi)
Corpora quæ possint animas habuisse parentum,
Aut fratrum, aut aliquo junctorum scedere nobis,
Aut hominum certe, tuta esse, & honesta finamus :
Neve Thyestæis cumulemus viscera mensis.

Quam male consuevit, quam se parat ille cruori
Impius humano ; vituli qui guttura cultro
Rumpit ; & immotas præbet mugitibus aures !
Aut qui vagitus similes puerilibus hædum
Edentem jugulare potest : aut alite vesci,
Cui dedit ipse cibos ! quantum quod desit in istis
Ad plenum facinus ! quam transitus inde paratus !
Bos aret ; aut mortem senioribus imputer annis :
Horriserum contra Borean ovis arma ministret.
Ubera dent saturæ manibus pressanda capellæ,
Retia cum pedicis, laqueosque, artesque dolosas
Tollite ; nec volucrem viscata fallite virga :
Nec formidatis cervos eludite pennis :
Nec celate cibis uncos fallacibus hamos.
Perdite, siqua nocent. Verum quoque perdite tantum !
Ora vacent epulis ; alimenta que mitia carpant.

44. Talibus atque aliis instructo pectore dictis ;
In patriam remeasse ferunt. Ulroque petitem
Accepisse Numam populi Latialis habenas.
Conjuge qui felix Nympha, ducibusque Camœnis,
Sacrificos decuit ritus : gentemque feroci
Assuetam bello, pacis traduxit ad artes.
Quem, postquam senior regnumque ævumque peregit
Exstinctum, Latiaeque nurus, populusque, patresque,
Deflevêre Numam, nam conjux urbe relicta,
Vallis Aricinæ densis latet abdita sylvis :
Sacræque Orestææ gemitu questuque Dianæ
Impedit. Ah quoties Nymphae nemorisque lacusque,

Ne faceret, monuere ! & consolantia verba
 Dixerunt ? quoties flenti Theseus heros,
 Siste modum, dixit : nec enim fortuna querenda
 Sola tua est. Similes aliorum respice casus :
 Mitius ista feres. Utinamque exempla dolentem,
 Non mea te possint relevare : sed & mea possint.

45. Fando aliquem Hippolytum, vestras puto con-
 (tigit aures,

Credulitate patris, sceleratae fraude novercae
 Occubuisse neci, mirabere, vixque probabo.
 Sed tamen ille ego sum. Me Patiphaeia quondam
 Tentatum frustra, patrium temerasse cubile,
 [Quod voluit, finxit voluisse : & crimine verso,]
 (Indiciine metu magis offensane repulsae)
 Arguit : immeritumque pater projecit ab urbe.
 Hostilique caput prece detestatur euntis,
 Pittheam profugo curru Troezena petebam.
 Jamque Corinthiaci carpebam littora ponti.
 Cum mare surrexit ; cumulusque immanis aquarum
 In montis speciem curvari, & crescere visus ;
 Et dare mugitus ; summoque cacumine findi.
 Corniger hinc taurus ruptis expellitur undis,
 Pectoribusque tenus molles erectus in auras,
 Naribus, & patulo partem maris evomit ore.
 Corda pavent comitum. Mihi mens interrita mansit,
 Exsiliis contenta suis. Cum colla feroces
 Ad freta convertunt, arrectisque auribus horrent
 Quadrupedes ; monstrique metu turbantur ; & altis
 Præcipitant currum scopulis. Ego ducere vana
 Fræna manu, spumis albentibus oblita luctor ;
 Et retro lentas tendo resupinus habenas.
 Nec vires tamen has rabies superasset equorum ;
 Ni rota, perpetuum qua circumvertitur axem ;
 Stipitis occurso, fracta ac disjecta fuisset.
 Excitior curru ; lorisque tenentibus artus

Viscera viva trahi, nervos in stirpe teneri,
 Membra rapi partim, partim reprensa relinqui,
 Offa gravem dare fracta sonum, tessamque videres
 Exhalari animam; nullasque in corpore partes,
 Noscere quas posses: unumque erat omnia vulnus.
 Num potes, aut audes cladi componere nostræ,
 Nympha; tuam, vidi quoque luce carentia regna:
 Et lacerum fovi Phlegethontide corpus in unda.
 Nec, nisi Apollinæ valido medicamine prolis,
 Reddita vita foret, quam postquam fortibus herbis
 Atque ope Pæonia Dite indignante recepi;
 Tum mihi, ne præsens augerem muneris hujus
 Invidiam; densas objecit Cynthia nubes:
 Utque forem tutus; possemque impune videri;
 Addidit ætatem: nec cognoscenda reliquit
 Ora mihi. Cretenque diu dubitavit habendam
 Traderet, an Delon. Delo Creteque relictis
 Hic posuit. Nomenque simul quod possit equorum
 Admonuisse, jubet deponere: Quique fuisti
 Hippolytus, dixit, nunc idem Virbius esto.

Hoc nemus inde colo. De Dîsque minoribus unus
 Numine sub dominæ lateo: atque accensior illi.

46. Non tamen Egeriæ luctus aliena levare
 Damna valent: montisque jacens radicibus imis
 Liquitur in lacrymas, donec pietate dolentis
 Mota soror Phœbi gelidum de corpore fontem
 Fecit: & æternas artus tenuavit in undas.

47. At Nymphas tetigit nova res. Et Amazone
 (natus

Haud aliter stupuit, quam cum Tyrrhenus arator
 Fatalem glebam motis aspexit in arvis,
 Sponte sua primum, nulloque agitante moveri:
 Sumere mox hominis, terræque amittere formam;
 Oraque venturis aperire iecenta fati.

Indigenæ dixêre Tagen qui primus Etruscum

Edocuit

Edocuit gentem casus aperire futuros.

48. Utve Palatinis hærentem collibus olim,
Cum subito vidit frondescere Romulus hastam ;
Quæ radice nova, non ferro stabat adacto.
Et jam non telum, sed lenti viminis arbor,
Non expectatas dabat admirantibus umbras.

49. Aut sua fluminea cum vidit Cippus in unda
Cornua (vidit enim) falsamque in imagine credens
Esse fidem, digitis ad frontem sæpe relatis
Quæ vidit, tetigit. Nec jam sua lumina damnans
Restitit, ut domito victor veniebat ab hoste.
Ad cælumque oculos, & eodem cornua tollens,
Quicquid, ait, Superi, monstro portenditur isto,
Seu lætum est, patriæ lætum populoque Quiriti :
Sive minax ; mihi sit, viridique è cespite factas
Placat odoratis herbosas ignibus aras :
Vinaque dat pateris, mactatarumque bidentum
Quid sibi significant trepidantia consulit exta
Quæ simul inspexit Tyrrhenæ gentis haruspex ;
Magna quidem rerum molimina vidit in illis ;
Nec manifesta tamen, cum vero sustulit acre
A pecudis fibris ad Cippi cornua lumen ;
Rex, ait, ô salve, tibi enim, tibi, Cippe, tuisque
Hic locus, & Latiae parebunt cornibus arces.
Tu modo rumpe moram : portasque intrare patentes
Adpropera : sic fata jubent, namque urbe receptus
Rex eris, & sceptro tutus potiêre perenni.
Rettulit ille pedem : torvamque à mœnibus urbis
Avertens faciem, Procul, ô procul, omina, dixit,
Talia Dî pellant : multoque ego justius ævum
Exsul agam ; quam me videant Capitolia regem.
Dixit : & extemplo, populumque, gravemq; Senatum
Convocat, ante tamen pacalia cornua lauro
Velat : & aggeribus factis à milite forti
Instat : priscosque Deos de more precatus,

En, ait, hic unus, quem vos nisi pellitis urbe,
 Rex erit; is qui sit, signo, non nomine, dicam.
 Cornua fronte gerit, quem vobis indicat augur,
 Si Romam intrarit, famularia jura daturum,
 Ille quidem potuit portas irrumpere apertas;
 Sed nos obstitimus: quamvis conjunctior illo
 Nemo mihi. Vos urbe virum prohibete Quirites,
 Vel, si dignus erit, gravibus vincite catenis;
 Aut finite metum fatalis morte tyranni.
 Qualia Peliacis, ubi trux insibilat Eurus,
 Murmura pinetis fiunt; aut qualia fluctus
 Æquorei faciunt, si quis procul audiat illos;
 Tale sonat populus. Sed per confusa frementis
 Verba tamen vulgi vox eminet una, Quis ille?
 Et spectant frontes: prædictaque cornua quærunt.
 Rursus ad hos Cippus, Quem polcitis, inquit, habetis
 Et dempta capiti populo prohibente corona
 Exhibuit gemino præsignia tempora cornu.
 Demisere oculos omnes, gemitumque dedere:
 Atque illud meritis clarum (quis credere possit?)
 Inviti videre caput: nec honore carere
 Ulterius passi, festam imposuere coronam.
 At procures, quoniam muros intrare vetaris:
 Ruris honorati tantum tibi, Cippe, dedere,
 Quantum depresso subjectis bubus aratro
 Complecti posses, ad finem solis ab ortu.
 Cornuaque auratis miram referentia formam
 Postibus insculpunt; longum mansura per ævum.

50. Pandite nunc, Musæ, præsentia numina vatum
 (Scitis enim, nec vos fallit spatiosa vetustas)
 Unde Coronidem circumflua Tibridis alti
 Insula Romuleæ sacris adsciverit urbis.
 Dira lues quondam Latias vitiaverat auras,
 Pallidaque exsanguisquallebant corpora tabo.
 Funeribus fessi postquam mortalia cernunt

Sentamenta nihil, nihil artes posse medentum ;
Auxilium coeleste petunt : mediamque tenentis
Orbis humum Delphos adeunt oracula Phœbi :
Itque salutifera miseris succurrere rebus
Iorte velit, tantæque urbis mala finiat, orant.
Et locus, & laurus, & quas habet illa, pharetræ,
Intremuère simul, cortinaque reddidit imo
Hanc adyto vocem : pavefactaque pectora movit :
Quod petis hinc, propiore loco, Romane, petisses ;
Et pete nunc propiore loco, nec Apolline vobis,
Qui minuat luctus, opus est ; sed Apolline nato.
Ite bonis avibus : prolemque accersite nostram.
Jussa Dei prudens postquam accepere Senatus ;
Quam colat, explorant, juvenis Phœbeius urbem :
Quique petant ventis Epidauria littora mittunt.
Quæ simul incurva missi tetigère carina ;
Concilium Grajosque patres adiere : darentque
Oravère Deum ; qui præsens iunera gentis
Finiat Ausoniæ, certas ita dicere sortes.
Diffidet, & variat sententia : parsque negandum
Non putat auxilium. Multi, retinere, suamque
Non emittere opem, nec numina tradere suadent.
Dum dubitant ; seram pepulère crepuscula lucem,
Umbræque telluris tenebras induxerat orbi ;
Cum Deus in somnis opifer consistere visus
Ante tuum, Romane, torum ; sed qualis in æde
Esse solet : baculumque tenens agreste sinistra
Cæsariem longæ dextra deducere barbæ :
Et placido tales emittere pectore voces :
Pone metus, veniam ; simulacraque nostra relinquam,
Hunc modo serpentem, baculum qui nexibus ambit ;
Perspice : & usque nota ; visu ut cognoscere possis.
Vertar in hunc, sed major ero, tantusque videbor ;
In quantum verti coelestia corpora debent.
Extemplo cum voce Deus, cum voce Deoque

Somnus abit, somnique fugam lux alma secuta est.
Postera fidereos Aurora fugaverat ignes :
Incerti quid agant proceres ad templa petiti
Conveniunt operosa Dei. Quaque ipse morari
Sede velit, signis cœlestibus indicet, orant.
Vix bene desierant ; cum cristis aureus altis
In serpente Deus prænuncia sibila misit :
Adventuque suo, signumque, arasque foresque,
Marmoreumque solum, fastigiaque aurea movit.
Pectoribusque tenus media sublimis in æde
Constitit : atque oculos circumtulit igne micantes.
Territa turba pavet, cognovit numina castos
Evinctus vitta crines albente sacerdos.
Et Deus en, Deus en ; animis, linguisque favete,
Quisquis ades, dixit. Sis, ô pulcherrime, visus
Utiliter : populosque juves tua sacra colentes.
Quisquis adest, jussu venerantur numen ; & omnes
Verba sacerdotis referunt geminata, piūque
Æneadæ præstant & mente & voce favorem.
Annuat his : motisque Deus rata pignora cristis,
Ter repetita dedit vibrata sibila lingua.
Tum gradibus nitidis delabitur ; oraque retro
Flectit : & antiquas abiturus respicit aras :
Assuetasque Domos, habitataque templa salutat.
Inde per injectis adopertam floribus ingens
Serpit humum ; flectitque sinus : mediamque per urbem
Tendit ad incurvo munitos aggere portus.
Restitit hic : agmenque suum, turbæque sequentis
Officium, placido visus dimittere vultu ;
Corpus in Ausonia posuit rate, numinis illa
Sensit onus : pressaque Dei gravitate carina.
Æneadæ gaudent : cæsoque in littore tauro
Torta coronatæ solvunt retinacula puppis.
Impulerat levis aura ratem. Deus eminet alte :
Impositaque premens puppim cervice recurvam,

æruleas despectat aquas, modicisque per æquor
nium Zephyris sexto Pallantidos ortu
aliam tenuit, præterque Lacinia templa
obilitata Dea Scyllæaque littora fertur.
inquit Japygiam, lævisque Amphrysia remis
axa fugit : dextra prærupta Ceraunia parte
omechiunque legit, Caulonaque, Naritiamque,
vincitque fretum, Siculique angusta Pelori,
Ippotadæque domos regis, Themefesque metalla.
eucofiamque petit, tepidique rosaria Pæsti.
nde legit Capreas, promontoriumque Minervæ,
et Surrentino generosos palmite colles,
Herculeamque urbem, Stabiasque & in otia natam
Arthenopen, & ab hac Cumææ templa Sibyllæ.
hinc calidi fontes, lentisciferumque tenetur
internum, multamque trahens sub gurgite arenam
Vulturnus, niveisque frequens Sinuessæ colubris :
Minturnæque graves, & quam tumulavit alumnus,
Antiphataque Domus, Trachasque obseffa palude,
Et tellus Circæa, & spissi littoris Antium.
Huc ubi veliteram nautæ advertêre carinam ;
Asper enim jam pontus erat) Deus explicat orbes
Perque sinus crebros & magna volumina labens,
Templa parentis init, flavum tangencia littus.
Æquore pacato patrias Epidaurius aras
Linqvit, & hospitio juncti sibi numinis usus
Littoream tractu squamæ crepitantis arenam
Sulcat : & innixus moderamine navis, in alta
Puppe caput posuit, donec Castrumque, sacrasque
Lavini sedes, Tiberinaque ad ostia venit.
Huc omnes populi passim, matrumque, patrumque
Obvia turba ruit ; quæque ignes Troïca fervant,
Vesta tuos : lætoque Deum clamore salutant.
Quaque per adversas navis cita ducitur undas,
Thura super ripas, aris ex ordine factis,

Parte ab utraque sonant & odorant aëra fumis.
Ictaque coniectos incalfacit hostia cultros.
Jamque caput rerum, Romanam intraverat urbes.
Erigitur serpens, summoque acclinia malo
Colla movet: sedesque sibi circumspicit aptas.
Sciaditur in geminas partes circumfluus amnis:
Insula nomen habet; laterumque à parte duorum
Porrigit æquales media tellure lacertos.
Huc se de Latia pinu Phœbeius anguis
Contulit: & finem, specie cœleste resumpta,
Luctibus imposuit; venitque salutifer urbi.
Hic tamen accessit delubris advena nostris,
Cæsar in urbe sua Deus est, quem Marte, togaque
Præcipuum, non bella magis finita triumphis,
Resque domi gestæ, properataque gloria rerum
In sydus vertere novum, stellamque comantem,
Quam sua progenies nec enim de Cæsaris actis
Ullum majus opus, quam quod pater exstitit hujus,
Scilicet æquoreos plus est domuisse Britannos,
Perque papyriferi septemflua flumina Nili
Victrices egisse rates. Numidasque rebelles,
Cyniphiumque Jubam, Mithridateisque tumentem
Nominibus Pontum, populo adjecisse Quirini;
Et multos meruisse, aliquos egisse triumphos;
Quam tantum genuisse virum quo præside rerum
Humano generi superi favistis abunde
Ne foret hic igitur mortali semine cretus;
Ille Deus faciendus erat quod ut aurea vidit
Æneæ genitrix, vidit quoque triste parari
Pontifici letum; & conjurata arma moveri,
Palluit. Et cunctis, ut cuique erat obvia, divis,
Aspice, dicebat, quanta mihi mole parentur
Insidiæ: quantaque caput cum fraude petatur,
Quod de Dardanio solum mihi restat Iulo.
Solane semper ero justis exercita curis,

quam modo Tydidæ Calydonia vulneret hasta,
Tunc male defensæ confundant mœnia Trojæ:
quæ videam natum longis erroribus actum,
aëtarique freto, sedesque intrare silentum;
bellaque cum Turno gerere; aut, si vera fatemur,
cum Junone magis. Quid nunc antiqua recordor
damna mei generis? timor hic meminisse priorum
Non finit, in me acui sceleratos cernitis enses,
quos prohibete, precor: facinusque repellite, neve
cæde sacerdotis flammam exstinguite Vestæ.

Talia nequicquam toto Venus anxia cœlo
Verba jacit, superosque movet. Qui rumpere quan-
(quam
Terrea non possunt veterum decreta sororum,
signa tamen luctusdant haud incerta futuri.
Arma ferunt inter nigras crepitantia nubes,
Terribilesque tubas, auditaque cornua cœlo
Præmonuisse nefas. Phœbi quoque tristis imago
Lurida sollicitis præbebat lumina terris.
Sæpe faces visæ mediis ardere sub astris:
Sæpe inter nimbos guttæ cecidêre cruentæ.
Cærulæ & vultum ferrugine Lucifer atra
Sparsus erat: sparsi Lunares sanguine currus.
Tristia mille locis Stygius dedit omnia bubo;
Mille locis lacrymavit ebur: cantusque feruntur
Auditi, sanctis & verba minacia lucis.
Victima nulla litat: magnosque instare tumultus
Fibra monet, cæsumque caput reperitur in extis.
Inque foro, circumque domos, & templa deorum
Nocturnos ululasse canes; umbrasque silentium
Erravisse ferunt: motamque tremoribus urbem.
Non tamen insidias venturaque vincere fata
Præmonitus potuêre deum: strictique feruntur
In templum gladii. Nec enim locus ullus in urbe
Ad facinus, diramque placet, nisi curia, cædem.

Tum

Tum vero Cytherea manu percussit utraque
Pectus, & ætherea molitur condere nube;
Qua prius infesto Paris est ereptus Atridæ;
Et Diomedeos Æneas fugerat enses.
Talibus hanc genitor: Sola insuperabile fatum
Nata movere paras? intres licet ipsa sororum
Tectatium; cernes illic molimine vasto
Ex ære, & solido rerum tabularia ferro:
Quæ neque concussum cœli, neque fulminis iram,
Nec metuunt ullas, tuta atque æterna, ruinas.
Invenies illic incisa adamante perenni
Fata tui generis. Legi ipse; animoque notavi;
Et referam: ne sis etiamum ignara futuri.
Hic sua complevit, pro quo Cytherea laboras
Tempora; perfectis, quos terræ debuit, annis.
Ut Deus accedat cœlo, templisque colatur,
Tu facies, natusque suus, qui nominis hæres,
Impositum feret unus onus; cæsiq; parentis
Nos in bella suos fortissimus ultor habebit.
Illius auspiciis obsessæ mœnia pacem
Victa petent Mutinæ: Pharsalia sentiet illum,
Æmathique iterum madefient cæde Philippi,
Et Magnum Siculis nomen superabitur undis:
Romanique ducis conjux Ægyptia tedæ
Non bene fisa cadet, frustra que erit illa minata
Servitura suo Capitolia nostra Canopo.
Quid tibi barbariæ gentes ab utroque jacentes
Oceano numerem? quodcumque habitabile tellus
Sustinet, hujus erit, pontus quoque serviet illi.
Pace data terris, animum ad civilia vertet
Jura suum, legesque feret justissimus auctor:
Exemploque suo mores reget. Inque futuri
Temporis ætatem venturorumque nepotum
Prospiciens, prolem sancta de conjugē natam,
Ferre simul nomenque suum curasque jubebit.

Nec, nisi cum senior similes æquaverit annos ;
Æthereas sedes cognataque sidera tanget.
Hanc animam interea cælo de corpore raptam
Fac jubar, ut semper Capitolia nostra, forumque
Divus ab excelsa prospiciat Julius æde.

Vix ea fatus erat ; media cum sede Senatûs
Constitit alma Venus ; nulli cernenda : sui que
Cæsaris eripuit membris, nec in aëra solvi
Passa recentem animam, cœlestibus intulit astris
Dumque tulit ; lumen capere atque ignescere sensit,
Emisitque sinu. Luna volat altius illa :
Flamiferumque trahens spatioso limite crinem
Stella micat, nati que videns benefacta ; fatetur
Esse suis majora, & vinci gaudet ab illo.
Hic sua præferri quamquam vetat acta paternis ;
Libera fama tamen, nullisque obnoxia jussis,
Invitum præfert ; unaque in parte repugnat.
Sic magnis cedit titulis Agamemnonis Atreus :
Ægea sic Theseus, sic Pelea vincit Achilles.
Denique ut exemplis ipsos æquantibus utar ;
Sic & Saturnus minor est Jove. Jupiter arces
Temperat æthereas, & mundi regna triformis :
Terra sub Augusto, pater est & rector uterque.
Di, precor, Æneæ comites, quibus ensis & ignis
Cesserunt, Diique indigetes, genitorque, Quirini,
Urbis, & invicti genitor, Gradive, Quirini,
Vestaque Cæsareos inter sacrata Penates,
Et cum Cæsarea tua, Phœbe domestice, Vesta,
Quique tenes altus Tarpeias Jupiter arces,
Quosque alios vari fas appellare piūque ;
Tarda sit illa dies, & nostro serior ævo,
Qua caput Augustum, quem temperat ; orbe relicto
Accedat cœlo : faveatque precantibus absens.

P E R O R A T I O.

J Amque opus exegi : quod nec Jovis ira, nec ignis,
Nec poterunt ferrum, nec edax abolere vetustas,
Cum volet illa dies quæ nil nisi corporis hujus
Jus habet ; incerti spatium mihi finiat ævi :
Parte tamen meliore mei super alta perennis
Astra ferar : nomenque erit indelebile nostrum.
Quaque patet domitis Romana potentia terris ;
Ore legar populi ; perque omnia sæcula fama,
Si quid habent veri vatum præfagia, vivam.

F I N I S.

TRANS.



TRANSFORMATIONUM OVIDII

*Series compendio excerpta, a GULIELMO
CANTERO, Novarum Lectionum Lib. I.
Cap. xx.*

EXISTIMO equidem multis, cum Ovidii Transformationes legunt, idem quod mihi sæpe contingere: ut perpetuam illam & nunquam interruptam narrationum tam variarum connexionem satis mirari nequeant: quodque in hoc opere Poëta tam convenienter proposito suo, à prima mundi origine ad sua usque tempora, perpetuum carmen artificiosissime deducat. Quæ quidem res ita me semper delectavit, ut temperare mihi tandem non potuerim, quin Opere toto semel pervoluto, ordinis rationem per singulas fabellas considerare, atque adeo totum Opus, quasi in Epitomen quandam redigerem: ut quam ex partibus singulis olim voluptatem ceperam, eam tunc è toto poemate breviter sub oculos posito, longe plenior perciperem: & Poëtæ ingenium cum in aliis rebus multis, tum in hac præcipue non vulgare fuisse deprehenderem. Hujus porro voluptatis fructum ut cum aliis etiam, nec invitis fortasse, communicemus; visum est hoc loco transformationes Ovidii, quam brevissime fieri potuit excerptas, Lectori, tanquam in tabella, spectandas proponere: earumque methodum omnem velut digito demonstrare. Eæ autem sic habent.

LIBER I. Principio Chaos in elementa quatuor distinguitur. Quibus cum sui darentur singulis incolæ; homo ex terra & aqua creatus est. Secutæ

sunt ætates hominum quatuor. In quarum postrema de Gigantum sanguine nati sunt homines. Qui cum essent impii, Jupiter, quamvis antea Lycaonem in lupum muasset, generali nihilominus supplicio deluvium inducens, omnia in aquam convertit. Hi soli relinquuntur superstites, Deucalion & Pyrrha. Qui post redditam terram, jactis post terga lapidibus, humanum repararunt genus. Nam reliqua quidem animalia, sponte sua ex humore & calore prodierunt. Interque ea & Pytho serpens. Quem cum Apollo interemisset, Pythios ludos in rei memoriam instituit. In quibus victores esculea corona donabantur. Nondum enim extiterat laurus, donec in eam Daphne puella fuit conversa. Quod cum accidisset, tum ad patrem ejus Peneum, cum reliqui fluvii sive congratulandi, sive etiam consolandi gratia convenissent; solus desideratus est Inachus, quod de filia sua Ione sollicitus esset, quam Jupiter post stuprum in juvenecam mutarat. Ea cum ab Argocustodiretur, Mercurius eum, narrata prius Nymphæ Siringis in arundinem transformatione, occidit; cujus oculi deinde à Junone in pavonem collati fuerunt. Tum Io pristina mulieris forma recepta, Epaphum parit.

LIBER II. Qui cum aliquando Phaëthonti Apollinem, ut falsum ac supposititium patrem, objecisset; ille currus Solaris imperium ad diem unum à patre in pignus veræ stirpis petiit. Quo impetrato, terra ab eo tota accenditur, & inter cætera nigrescunt Æthiopes. Phaëthontem deinde fulmine percussum dum lugent sorores, & una cognatus Cygnus; illæ in arbores, hic in cygnum mutatur. Tum Jupiter lustrato terrarum orbe, ac pristino vigori restituto, in Callistonem incidit, eamque sumpta Dianæ forma stupravit. Ob id irata Juno, Callistonem in ursam convertit: quam postea Arcas filius transfixurus fue-

rat, nisi utrumque Jupiter inter sidera retulisset. Quade re cum apud Oceanum Juno conquesta esset, in cœlum relata fuit humeris pavonum, qui nuper variegati fuerant: sicut & corvus nuper ex albo niger erat redditus, cum Cornicis monitis, quæ illi tum suam in cornicem, tum Nyctimenes in noctuam mutationem explicarat, non obtemperasset, sed audacter Coronidis adulterium ad Apollinem detulisset. Ejus deinde filio, Æsculapio, cum futura prædiceret Ocyroë, in aquam ira divina vertitur. Tum Chiron pater, Apollinis auxilium frustra invocavit: quod ille jam inde Elide pastor factus, aliud ageret, neglectis etiam bubus. Id quod Mercurio illos furandi occasionem dedit. Qui deinde Batti, cum is solus esset furti conscius, perfidia se commutando deprehensa, in indicem lapidem eum convertit. Inde in Atticam ingressus Herse, Cecropis filia potitur. Cui dum invidet soror Aglauros, in saxum obrigescit. Postea Jupiter, cum ipsum boves Agenoris ad litus advertere jussisset, sumpta tauri specie, Europam per mare in Cretam transvexit.

LIBER III. Hic Agenor, Cadmum jubet filiam amissam investigare. Quod dum ille facit, e dentibus draconis occisi, in terra satis, enascuntur homines: cum quibus ille deinde Thebas condidit. Huic primum valde luctuosa fuit nepotis Acteonis in cervum mutati dilaceratio: quamvis Junoni gratia fuerit, quæ Semelen pellicem oderat. Ideoque ad ipsam sub facie Beroës nutricis accedens, mortem illi procuravit. Paulo post Jupiter cum Junone disputans, utra Venus esset suavior, Tiresiam adhibet arbitrum: quandoquidem sexum utrumque fuerat expertus. Is lata contra Junonem sententia, ab illa quidem visu privatus, à Jove autem vaticinandi scientiam consecutus est. Primum autem ejus oraculum in Narcisso com-

probatum fuit: qui cum puellas omnes, inter quas & Echo præ amoris impatientia in vocem fuerat conversa, contempnisset; sui ipsius denique amore contabescens; in florem mutatus est. Pentheus tamen vitem hunc irridebat, quamquam & ipsi vera prædixerat. Nam cum Bacchi celebrarentur Orgia, ille iamulum quendam sacrorum, postquam nautas in pisces fuisse transformatos ab eo intellexerat, in vincula conjecit: & inde à Bachis fuit discerptus. Id quod magnam apud omnes fidem sacris conciliavit.

LIBER IV. Alcithoë tamen, una cum sororibus, constanter ea contemnebat. Adeo ut in festo varias et colum historias illæ sibi invicem narrare cœperint. Partim de moris denigratis, partim de Apolline in Eurynomen verso, ut cum Leucothoë concumberet: quamobrem Clytie zelotypa in Heliotropium fuerit mutata: partim etiam de Hermaphrodito & Salmacide nympa, in unum corpus concretis. Quo iacto, sorores ipsæ in vespertiliones, earumque telæ in vitem & pampinos transformatae sunt. Hac de re cum Agave lætaretur, magnus ei dolor oblatus est: quando Ino & Athamas in mare per insaniam profiluerunt, & facti sunt Dii marini. Quos dum mulieres Thebanae pro mortuis deplorant, in saxa & volucres commutantur. Cadmus quoque hac calamitate commotus, relictis Thebis, in Illyriam cum uxore profectus est, ubi uterque anguineam formam accepit. Solus itaque restabat Bacchi contemptoribus Acrisius, avus Persei, qui Gorgonis caput amputavit. E cujus guttis in terram delapsis angues exorti sunt: & Atlantem in montem, viſgalque, post Andromedam liberatam, in lapides convertit. Orto deinde in nuptiis tumultu, Phineum cum suis, unaque Prætum & Polydecten, saxeos reddidit.

LIBER V. Tum Pallas, quæ illi hæcenus comes fuerat.

erat. Ipso relicto in Heliconem se confert, ut Hyocrenen inspiciat. Ibi narrant illi Musæ de Pyreneo, & Pieridibus in picas conversis. Postquam canu de ariis transformationibus instituto, cum ipsis conendissent.

LIBER VI. Quo exemplo mota Dea, anum fecit. Itaque inito cum Arachne texendi certamine, postquam utriusque tela varias transformationes repræsentavit, ipsam in araneam mutavit. Nihil tamen hoc Nioben movit, quo minus amissis liberis in saxum obduresceret. Quo quidem cognito, vulgus Lycios rusticos in ranas à Diana versos, & Marfyam ab Apolline excoriatum, in memoriam revocavit. Cum vero ad consolandos Thebanos urbes finitimæ convenissent, soli defuerunt Athenienses: quoniam à Tereo Rege infestabantur. Qui deinde stuprata Philomela, in upupam transformatus fuit: quemadmodum & Philomela in lusciniam, ac Progne in hirundinem. Quæ res Pandioni focero intellecta, mortem attulit. Huic in regna successit Erechtheus, è cujus filia Orithyia, Boreas Calaim procreavit & Zethen. Qui in Argonautarum numero quondam fuerunt; cum Jason, seminatis serpentis dentibus, è quibus homines armati prodierunt: & dracone sopito, vellus aureum retulit.

LIBER VII. Is postquam domum cum Medea rediit, Æsoni illa juventutem reddidit. Eandemque & Pelix pollicita, præmissis arietis in agnum reformati specimine, dolo eum occidit. Inde per varia loca multis insignia transformationibus delata; post occisos liberos, Ægeo nupsit. Contra hunc postea bellum movit Minos; collectis undique copiis ut & è Paro. Quam cum Arne quondam prodidisset, in monedulam fuerat conversa. Æacus verò ab Ægeo stetit, & ad eum Myrmidones suos, è formicis ortos, auxilio
mis

misit, duce Cephalo : qui aliquando uxorem suam mutata sibi forma, in adulterium pellexerat, canemque suum simul cum vulpe in saxa converti viderat.

LIBER VIII. Minos interim Alcathoen obfide qua capta, Nisus in haliaetum & Scylla in cirin fuerunt translati. Hinc in Cretam ille reversus est, ubi Minotaurus labyrintho erat inclusus, quem cum Theseus deinde de medio sustulisset, cum Ariadne in patriam rediens, eam in itinere dereliquit. Hinc eam Bacchus assumpsit, ejusque coronam inter fidera collocavit. Icarus vero, cum ex insula conaretur post patrem evolare, submersus est : ejusque exsequias celebrantes patrem vidit perdix, e Talo nuper transformata. Theseus interea cum valde celebris jam esset, ad aprum Calydonium, cujus interfectore sublato, sorores ejus in Meleagrides aves mutatae sunt, fuit convocatus. Inde ad Acheloum divertitur, & Echinades insulas conspiciit, in quas Naiades erant conversae. Quod ita fieri potuisse, Lelex primum Baucidis & Philemonis probat exemplo, qui in arbores fuerint commutati: sicut & domus ipsorum in templum, ac pagus ipse in stagnum. Achelous deinde Protei & Mestrae transformationes adjicit, ac suas denique, quibus usus quondam fuerat, cum ipsum premeret Hercules, gratia Deianirae.

LIBER IX. Haec illi postea vestem misit, qua periit (postquam Lichas in scopulum fuit translatus) & in coelum traductus est. Tum verò Alcmena ad Iolen se contulit : eique Galanthidem in mustelam, & illa vicissim sororem suam in arborem conversam narravit. Interim supervenit ipsis Iolaus, reparata per Heben juventute. Id quod non posse omnibus contingere, Jupiter Aiaci exemplo docet. Hunc fugiens Miletus, in Asiam discessit, & Byblidem procreavit atque Caunum : cujus illa amore tabefacta, in fontem periit. Quae quidem res magis mira omnibus visa fuisset ;

uisset; nisi paulo ante Iphis, ipso nuptiarum die, virilem sexum accepisset.

LIBER X. His porro nuptiis qui interfuerat Hymenæus, ad Orpheum inde se contulit; sed malo omine, quandoquidem mox obiit Eurydice, & postea secundo. Cum quidem non aliter obstupuit Orpheus, quàm qui Cerbero conspecto saxeus est effectus. Postea cum in monte quondam varias transformationes lyra exprimeret, accurrerunt ad eum arbores omnes, & inter cæteras pinus ex Aty, & cupressus è Cyparisso mutata.

LIBER XI. Hinc cum Thraciæ mulieres illum discerpissent, in arbores mutatæ sunt. Tum Bacchus Thracia recessit, & Midæ pro Sileno restituto auri copiam fecit cujus cum illum poeniteret in Pactolo lotus, arenas ejus aureus reddidit. Postea Phœbus pro ini-quo judicio aures illi asininas tribuit. Quo factò, Troiæ mœnia, humanam indutus formam, extruxit. Hanc urbem postquam cepit Hercules, Hesionem Telamonî uxorem dedit: quandoquidem Peleus jam Thetidem post multas ejus transformationes duxerat: & ad Ceycem postea profectus, Dædalionem in accipitrem, & lupum in lapidem conversum, partim intellexerat, partim ipse viderat. Accidit deinde, ut Alcyone, marito post naufragium sub Morphei figura per somnum conspecto, in avem, sicut & maritus, mutaretur. Quos in aëre volantes cum animadvertissent quidam, Æsacum quondam in mergum qui tum forte aderat, meminere transformatum.

LIBER XII. Huic tum Priamus pater, tanquam mortuo, exequias fecit una cum filiis, excepto tamen Paride, qui in Græciam profectus erat: quemque deinde persecuti Græci, draconem Aulide lapideum viderunt redditum. Inde Cygnus ab Achille occisus in avem vertitur, cum in vulnerabilis fuisset. Sic ut &

Cænis olim in Cæneum, & postea in avem, commutata. Quod cum narraffet Nestor, Periclymenus quoque transformationes adjunxit.

LIBER XIII. Neptunus deinde Achilli mortem procurat. De cujus armis Ajax & Ulysses post mortem contendunt. Ajace vero hac de causa mortuus, sanguis ejus in hyacinthum convertitur. Capta postea Troja, Hecuba in canem mutata est. Cujus fortunam cum dii omnes deplorarent, Aurora sola Memnonem duntaxat, avem jam factum, lugebat. Æneas autem profugus ad Anium, cujus filia in columba erat conversæ, aliaque deinceps loca transformationibus celebrata delatus est. In Latium denique ut venit, bellum cum Turno suscepit.

LIBER XIV. Is cum per Venulum peteret auxilium à Diomede, cujus socii in aves fuerant mutati, repulsam passus est; redeunte Venulo per ea loca in quibus pastor quondam in oleastrum erat conversus. Postea naves Æneæ in prælio Nymphæ fiunt. Sicut & Ardea post occisum Turnum, avis. Atque Æneas ipse, Indiges. Successerunt huic Reges alii. Quorum inter cæteros sub Proca floruit Pomona. Quam cum amaret Vertumnus, sumpta primum anus forma, & Anaxaretes in saxum conversæ exemplo usurpato: deinde rursus juvenis factus, voto potitur. Inde sub Numitore aquæ frigida redduntur calida. Cui qui successit Romulus, factus est Quirinus: ejusque uxor Ora, dea.

LIBER XV. Secutus est Numa: qui cum de originibus Crotonis inquireret, nigros calculos quondam in albos fuisse commutatos comperit, & Pythagoram de perpetuis rerum transformationibus disputantem audivit. Mortuum deinde Numam deflens Ægeria, nec Hippolyti, qui suas ipsi conversiones proponebat, con-

olutionem admittens, in fontem liquefcit. Id quod
non minus fuit mirandum; quam quod Romuli
ancea arbor, aut Cippus, factus eft cornutus. Ju-
ius Cæfar denique in ftellam poft mortem commu-
atus fuit.

F I N I S.





Ovidius Naso, Publius,

Metamorphoseon sive Transformationum libri XV

Edinburgum 1713

A.lat.a. 1202

urn:nbn:de:bvb:12-bsb10242194-8